

...allugi
...nego, Syna Twego
...szego Jezusa Chry-
...ktoregoś wszystkim
grze-

MODLITWY

W, zem zgrzeszył, myśla
wa, i uczynkiem, moia
a, moia wina, moia bar-
wielka wina.

ym grzechy twoie Spowiedniko-
ucha powiesz, dajac sie win-
i żalując. żeś BOGA obraził
naprzykład sposob-

te i za wszystkie inne
rzechy moje, ktorem
z całe życie przeciw Bo-
bliźniemu popełnił, za-
serdecznie nie tyłkodla
n przez nie Niebo
ha piekielne zassu-
le naybardziey
nie skończo
ney

god
koch
muż

ney
ka
mo
po
ch
br
ro

T

Ty
y
wi
Ci
wo
bli

rodznie, y Panienstwo
Jezusa Pannol
ie.
terce

Si uenerat patrem suum,
Xpirus in fuit, in die orat
etate, atque, vivet vite longior

edznie, y panielstwo i wo


Si uxorat pateru suum,
Abitur in fura in die orat



no.

find in

03.



CURRUS
GRATIÆ DEI
VIATORES AD METAM
GLORIÆ ÆTERNÆ

Praxi PROVEHENS *Id.*

Valentini Praxi Exercitiorum *Czukalski* Spiritualium *Carab*

S. P. JGNATII *Lapana*

Confessor INSTRUCTVS *Monialis in*

Stanisl. P. IOANNE KRASZEWSKI Societatis IESV

Anno Gratix DEI in Carne apparentis 1703.

CRACOVIAE

Typis NICOLAI ALEXANDRI SCHEDEL,
S. R. M. Ordinarij Typographi.

Augustinus Procuravit
a Rev. P. Jo. Maria
Jo. Maria

9

CVRRVS DEI, de-
cem millibus multiplex, mil-
lia lætantium Dominus in eis.

Psal. 67.



940493

I

4962 DG22

ILLVSTRISSIMO
ET REVERENDISSIMO DOMINO
D. IOANNI
CHRYSOSTOMO
GNINSKI,
Episcopo Camenecensi,
Abbati Vagroviectensi, &c.
DOMINO, PATRONO,
& Mecænati Amplissimo.



Er it ad Te iterum CVRRVSGRATIÆ
DEI, PRÆSVL ILLVSTRIS SIMÆ
ac REVERENDISSIMÆ; &
quem, ante complures annos, jam Re-
ferendarius Regni, & Abbas meritissimus, me sua-
dente ac succollante, promptius conscenderas, ut ejus
adminiculo, sasram in Collegio nostro Posnaniensi E-
remum percurreres: is nunc pontificiis Tuis pedibus,
essedo

effedo proniore sese acclinat, ut Nominis Tui gloriam
fronti suæ præfixam, orbi præsentet. Omirabar e-
quidem Tibi olim, quòd si Currus istius subsidium,
Tuis accommodasses usibus, auxiliares è caelo supperi-
as fuisset Tibi evocaturus; ut & vitam ad normam
Christianæ pietatis componeres; & Præsuleam Infu-
lam adipisceretur; & Camenecensem fortunato passio
ingredereris Cathedram. Paruisti serpi Tui fideli
consilio: dum Te intra Religiosa Domus nostræ pene-
ralia recondens, Exercitia hæc Spiritualia, in profun-
do silentio, Meditationi duntaxat, & colloquiis cum
DEO vacans, parcissimo cibo potuq; utens, cadens re
acribus flagellis, humi ad breviorum somnum capien-
dum cubans, aliasq; corporis afflictationes & aperi-
tates adhibens, constanter peregisti. Quo exercendi
Tui Spiritus diligenti studio, Tibi quidem lucra salu-
tis opima, mihi verò grande solacium, Domesticis au-
tem nostris ædificationem singularem, stuporem ex-
teris, Calitibus admirationem gaudio mistam, DEO
immortali optatum attulisti gustum. Ecce verò o-
mini felicissimus respondit eventus. nam & Virtutem
Tuam pluribus argumentis veluti igne probatam, Se-
des Apostolica Præsuleo insignivit Honore; & redacto
in Potestatem Polonam Cameneco, quod rarus spera-
bat, Cathedram illam cum solemnî pompa es ingressus:
atq; ita Podolia alter Sol nobilior illuxisti, ut illu-
strissimâ

strissimâ Gentilitiî Draconis Tui caudâ, Luna Tur-
cica splendorem extrinxeris; non secus Mahometanas
superstitiones è Tua D.æ. esi abolens, atq; olim serpens
Moyhis, serpentes Aegyptios devoravit. Hunc itaq;
Tibi Curram Gratiæ DEI suppedito; ut in illo de su-
peratis tot obicibus, gloriosus triumphes: ego verò
spondeo, quæd, si illum in Tuam acceperis tutelam, ac
in ultiores Tuos usus convertereris; non solum ad cul-
men Episcopalis perfectionis proveheris, sed etiam ad
metam Gloriæ æternæ, pede inoffenso pertinges. Pal-
let quidem ille ac metuit, tantæ Dignitatis Tuæ intra-
re atria, quæ summis majora Tuorum Majorum, ac
Tua implere merita; quæ Senatoriæ Curules, Claves
Û Aquilæ Regni, quæ stupendi nationibus exteris,
Poloniæ verò felicitatis, Û patrii Olympi Atlantes
Caducei, totq; inchoatæ Cognati Sanguinis cera ador-
nârunt; quæ Camenecenses Û Vagrovicenses deco-
rârunt Insula; quæ luculenta Pietatis Tuæ circum-
stetere magisteria; quæ Orbe toto quaesita possedit e-
ruditio; quæ tandem sublimius quibusvis elogiis
GNINSCIORVM hereditat Nomen; Û se u-
rius (quàm olim Hesperio) credita Gentilitiî Dra-
coni Tuo decora fideliter aservat. Fecit tamen
inestimabilis Tua Pietas, Û ingnita clementia,
labore meo fiduciam, ausum congrui, licentiam a-
mori ac estimationi, Volumini accessum. Iam olim
magnam

magnam huic operi dignitatem contulisti, cum Te illi
exercendo totum impenderes: nunc multum ei Hono-
rem præstabis. si Te Patronum exhibueris. Quidni
exhibeas? siquidem sunt præcelsæ Tuæ mentis partes
nobilissimæ; qui eò confidentiùs Pastoralem Tuam am-
biunt dexteram, quò ardentius Tuo pectore, in sacra
olim Eremita fuere nutriti; ideoq; plurimos, Deo fa-
vente, mortales, exemplo Tuo ad terminum æterni-
tatis beatæ sunt provecturi. Quare ad occupatam
sustentando Regno manum, expeditum ad Te Curru
Gratiæ Opus; Authorem verò ad Pontificias plantas,
& osulum sacræ Purpuræ admitte. quod demississimis
votis precatur

Tuo Illustrissimo & Reveren-
dissimo. Nomini

Devotissimus servus

IOANNES KRASZEWSKI S. I.

INTEN.



INTENTIO ET SERIES TOTIVS OPERIS.

Em *308* **F**rontem hujus Operis ideo talis coronat titulus, CVRRVS GRATIÆ DEI; quia sicut olim Elias Propheta igneo curru fuit in paradysum raptus; ita postmodum S. P. IGNATIUS, ope Gratiæ DEI & horum Exercitiorum Spiritualium, evectus est, ad sublime perfectionis Christianæ, & vitæ cælestis fastigium. Porro sicut Elias discipulo Eliseo, duplicem suum Spiritum reliquit cum pallio: ita S. P. IGNATIVS, nobis licet indignis filiis, Religiosa veste sua donatis, reliquit salutarem hujus ignei Currus usum, ut re ipsâ experiamur: Suaviter illum provehi, quem portat Gratia DEI.

Totum hujus Operis negotium decem dierum spatio absolvitur: nam totidem diebus, Apostoli, ex jussu Christi, intenti erant Orationi, aliisq; spiritualibus Exercitiis, expectantes adventum Spiritus Sancti. Vnaquæq; dies septem habebit occupationes, ad imitationem Regii vatis Psal: 118. dicentis: *Septies in die laudem dixi tibi.*

Primi generis erunt Meditationes, earq; in diem tres: quarum prima incipiet ab hora 4. matutina ad horam 5am. Altera verò ab hora 8. antemeridiana ad 9. Tertia demum ab hora 4. pomeridiana ad 5.

Secundi generis occupationes, erunt Dogmata spiritualia; veritates aliquas Christianas proponendas; quorum primum incipiet legi ac trutinari ab hora 6. matutina ad 7. alterum verò ab hora 2. pomeridiana ad 3.

Tertii tandem generis erunt Reflexiones, quæ ambæ fient ab hora 12. ad 1. ita ut medium horæ impendatur uni; & medium, alteri.

(b)

Medi-

Instructio & Series Totius Operis.

Meditationum Materia talis erit, taliq; decurret ordine, qualem S. P. Ignatius in suis Exercitiis spiritualibus descripsit; ut, de Fine hominis, & mediis ad illum conducentibus; tum de modis deviandi ab hoc fine, uti sunt peccata tam mortalia quam venialia; tandem de penis harum deviationum; ut sunt, mors, iudicium, infernus. Insuper de motivis ac modis redeundi ad hunc finem; uti sunt Gloria celestis, Exemplum Christi docentis & patientis; præterea virtutes varix earumq; usus, præsertim Amoris DEI & conformitatis, cum voluntate ejus.

Dogmatum Materia erunt varix veritates de Gratia DEI, ut, quanti hæc sit precii, unde cognoscatur eam quis habere? quantopere quibusve modis conservanda, & augenda; quis usus illius respectu nostri quoad principia mundi, quoad Corpus, & Animam, ejusq; præcipuas potentias, memoriam, intellectum, & voluntatem.

Deniq; Reflexionum materia erit duplex: Vna virtutis alicujus, quoad ejus proprietates & actus; uti est amor DEI, Amor proximi, Humilitas, Patientia, mansuetudo, simplicitas, Diligentia spiritualis, Paupertas, Castitas, obedientia. Altera verò alicujus Actionis, per diem occurrentis, ut est Surrectio Matutina, Meditatio, Sacrum, Confessio, Communio, Mensa, Recreatio, Visitatio SS. Sacramenti, Examen, Somnus. Ideo autem hæc materix versiculis comprehendantur, ut suavius capiantur ab intellectu, & facilius à memoria teneantur. Possunt præterea hi versus in fine Meditationum & Punctorum, per modum Affectuum usurpari: nunc illos ad DEVM dirigendo, nunc veluti audiendo DEVM illos nobis intimantem.



INSTRV.

INSTRVCTIO

Circa Praxim Meditandi.

Cum librum illum quem S. P. Ignatius, post suam ad DEVM conversionem, composuit, & Setes Apostolica, multorumq; utilitas probavit, appellaverit Exercitia spiritualia; cumq; hoc nomine intelligi voluerit, quamvis actionem seu functionem spiritualem, per quam se Anima in ordine ad finem vite eternæ obtinendum exercet; ejusmodi sunt, Oratio mentalis, sive Meditatio, Contemplatio, Examen conscientie, Lectio libri spiritualis, Reflexio supra suas actiones; &c, ideo de his quidem omnibus in hoc opere agendum, potissimum tamen de Oratione mentali seu Meditatione; nam hæc inter Spirituales animæ functiones, principalem tenet locum.

Porro varios Meditandi Modos. S. P. Ignatius, tradit in suo libro.

I. Et magis usitatus fit per usum trium animæ nostræ potentiarum; scilicet Memoriz, Intellectus, & Voluntatis. Memoria breviter recolit hanc historiam seu sententiam, de qua est meditandum. Intellectus hoc ipsum expendit ac trutinat; considerando substantiam rei, causas, effectus, proprietates, circumstantias, &c. uti sunt. Quis, Quid, Vbi, Quibus auxiliis, Cur, Quomodo, Quando, hoc vel illud, Persona aliqua dicit, Passa, aut locuta est. Hinc verò Intellectus debet inferre, doctrinam aliquam practicam, ad morum correctionem spectantem; quid in posterum agere, vel cavere conveniat. Simul verò debet Intellectus facere reflexionem, supra vitam præteritam; videndo, quomodo eam doctrinam hætenus servaveris; similiter supra vitam futuram; videndo, quomodo te in posterum gerere debeas. Voluntas tandem varios excitat affectus, juxta materiam, quam meditaris exigentiam; aut gratias agendo pro aliquo beneficio; aut de aliquo eventu gaudendo; aut timendo aliquid vel e-

Instructio

vel erubescendo, merendo aut dolendo, amando, aut detestando. Sed præcipue debet voluntas, facere proposita in particulari, exercendi hanc vel illam virtutem, in hac vel illa occasione; aut cavendi hunc vel illum defectum, in hac vel illa circumstantia. Ad extremum debet voluntas rogare gratiam à DEO, ad mandandum executioni tale propositum. Et sic utendum est, tribus animæ potentius, in quovis meditationis puncto; quæ communiter pro hora, solent esse tria.

II. Meditandi modus, à S. P. Ignatio traditur. Vti circa aliquod mysterium applicatione quinq; sensuum interiorum, in potentia imaginativa, seu phantasia residentium; prout nos experientia docet in somnis; nimirum visu, Auditui, Odoratu, Gustu, & Tactu. Ita e. g. meditando de Inferno, potes per imaginationem intueri, quid ibi agatur, quales Dæmones, quales damnati sunt, quàm vehementi igne urantur; idq; additis nonnullis similitudinibus, ferri igniti, metalli aut vitri liquefacti, &c. Deinde audire, quomodo ibi damnati lamententur, maledicant, blasphemant. Tum odorari, fetorem horrendum, quo cruciantur. Tandem gustare fel draconum, & venenum aspidum, quo potantur. Deniq; tangere ignem acerrimum, quo cremantur & torquentur. Post applicationem verò singulorum seorsim sensuum, investiga causam, ob quam damnati hæc patiuntur; Tum subijunge congruum affectum, vel approbando iusta judicia DEI; vel insultando damnatis, quod hæc iuste patiantur; simulq; eliciendo actum Estimationis Dignitatis DEI, Amoris, Doloris &c. Tum reflectas te, an etiam talis causa, non reperiatur in te. si non; age DEO gratias, pete auxilium, ne sit deinceps; propone firmiter, illam cavere. si reperiatur, dole de illa; tolle eam per media à DEO præscripta; pete gratiam ad illam cavendam in posterum.

III. Modus consistit in consideratione Personarum, quæ intrant aliquod mysterium; tum Verborum, ab eis prolatorum; tandem Operum, hic & nunc ab eis factorum. E. g. meditando de Nativitate Domini, in 1. puncto, intueri per imaginati-

Circa Praxim Meditandi.

onem Personas, quæ in illa historia reperiuntur, vide qualisnam illarum est species, seu figura, qualis decor in corpore, qualis nitor in anima, quales affectus gerunt in corde. Atq; ex hoc aspectu, decerpe aliquem fructum, seu doctrinam spiritualem; indeq; affectus competentes in te excita. In 2. puncto audi, quidnam hæ personæ loquantur ad invicem, quid ad DEVM, quid ad te? Atq; hinc etiam aliquem fructum decerpe, & affectus congruos excita. In 3. tandem puncto, aspice illarum Opera, quidnam singulæ personæ agant; accipiendo quoq; hinc, doctrinam aliquam spiritualem, & affectus convenientes excitando.

IV. Modus Meditandi mistus, ex secundo & tertio, fit per modum dialogi, seu mutui colloquii. E. G. Statue in imaginatione, vel SS. Trinitatem, vel Christum Dominum, vel Beatissimam Virginem, vel aliquem Sanctum; & eis varia quæsitæ, de aliquo facto vel dicto propone; interrogando, causas, effectus, variatq; circumstantias. Tum audi, quidnam tibi respondeat illa persona, super illam quæstionem. Tandem subjunge affectus, illi responso proportionatos; E. G. laudis, gratiarum actionis, gaudii, vel doloris, detestationis vel amoris, desiderii vel abominationis; prout materia postulat. Deniq; proposita congrua forma, ac in particulari statue, vel prosequi illa objecta, vel caverè.

V. Modus Meditandi fit per Reflexionem supra meos actus præteritos. E. G. Accipiam ad meditandum seriem præceptorum DEI, vel Ecclesiæ; & unoquoq; eorum, seorsim considerato, quidnam velit, ad quod obliget, quâ ratione sit observandum, percontabor meipsum, quomodo illud hætenus in hæc vel illa occasione servaverim. Si benè & exactè; gratias agam DEO, pro auxiliis gratiæ quibus me adjuvit, ad illud servandum; petamq; illa ad ulteriùs illud implendum. Si malè & perfectoriè; dolèbo de meis defectibus, detestabor illos proponamq; emendationem, cum petitione auxilii Divini, & imploratione SS. Patronorum. Sic progrediar, ad secundum, tertium, ac deinceps

Instructio

præceptum. Eodem pacto possum considerare, septem peccata mortalia, vel tres virtutes Theologicas, aut quatuor virtutes Cardinales; vel tres potentias animæ, aut quinque sensus corporis; expendendo in illis separatim meas obligationes, meosque defectus; & pro illis dolendo, ac emendationem proponendo.

VI. Modus traditur à S. Patre per ruinationem alicujus Orationis vocalis aut verborum Sacræ Scripturæ; estque talis, Accipe singula seorsim verba, e.g. hujus Orationis Dominicæ, *Pater noster*; & tamdiu in ruinatione hujus verbi, *Pater* sublitte ac morare, quamdiu tibi occurrent illius significationes, similitudines, Causæ, &c. ob quas DEVS vocatur, *Pater noster*, & quamdiu tibi suppetent gustus & affectus hujus verbi. Tum deinde procede, ad considerandum alterum verbum, tertium, quartumve, ac deinceps. Quod dicitur de *Pater noster*, hoc idem, potest intelligi, de Psalmo aliquo, e.g. *Miserere mei DEVS*, vel de hymno aut Prosa Ecclesiæ, uti est, *Ave Maris Stella*, *Salve Regina*. Adoro te devotè latens DEITAS. &c.

VII. Tandem modus vix à sexto diversus, in eo consistit: Accipe ad meditandum *Pater noster*, vel aliam Orationem vocalem; & post quodlibet verbum, aut saltem post duo verba, respira tantisper. Interim dum respiras, expende sensum istius verbi, aut ponderando dignitatem illius personæ, quam alloqueris; aut vilitatem tuam; tum breviter excita in te, pium aliquem affectum. e.g. laudis, gratiarum actionis, amoris, humiliatōnis. Eodem modo ad secundum verbum, ad tertium, quartumve &c. progrediendum.

*Quocumque ex his Meditandi modo, uti volueris,
hæc tibi observanda sunt.*

I. **A**ntequam ad meditandum accedes, puncta prius meditanda præpara, & affectus in illis eliciendos, materiæ meditanda congruos, prævide; uti sunt Amoris DEI, Laudis, gratiarum actionis, humiliatōnis tui, detestationis, doloris, & similes. Hæc autem punctorum præparatio, & affectuum prævisio, si.

Circa Praxim Meditandi.

sio, fiat pridie ante cubitum; ex pio aliquo autore, aut scriptore rerum spiritualium.

II. Dum verò meditationi te accingis, duobus circiter passibus ante locum, ubi oraturus es, animum sursum eleva, ad DEUM tibi præsentem, non solum tanquam spectatorem, & auditorem, qui te benigne, & cum magno tuæ salutis desiderio, velit audire, sed etiam tanquam collocutorem, largitoremq; donorum cælestium. Tum expende, te cum summo Rege, ac rerum omnium Domino, de rebus summi momenti, quales sunt, ad tuam æternam salutem spectantes, tractaturum. Deinde propius accedens, procumbe in genua; DEOq; præsentem summam quam potes, exhibe reverentiam, & adorationem, vel illis Abrahæ verbis: *Loquar ad Dominum, cum sim pulvis & cinis*, vel similibus. Tandem præmitte Orationem præparatoriam, quâ petas à DEO gratiam, ut ad majorem ipsius gloriam & beneplaciti gustum, animæq; tuæ profectum, eam horam debite impendas: quæ quidem Oratio, potest fieri per hymnum. *Veni Creator Spiritus.*

III. Deinde effinge tibi compositionem loci, seu aliquam imaginem corpoream eorum quæ meditaturus es; quæ tibi repræsentet res, personas, locum, & alias circumstantias. Tum pete a DEO gratiam, ad colligendum in illa Oratione fructum, materiæ meditandæ consentaneum; uti est amor hujus vel illius virtutis; timor ac detestatio hujus vel illius vitij. Quæ omnia breviter intra medium horæ quadrantem sunt expedienda.

IV. Tandem propone tibi unum ex punctis jam præparatis, & circa illud ratiocinare, trutinando substantiam rei, causas, effectus, proprietates, accidentia, & circumstantias; juxta superius dicta, in septem modis meditandi: atq; hæc omnia dirige ad excitandum aliquem pium voluntatis motum, seu affectum. Et hic est finis Orationis mentalis, in quo tota ejus substantia fructusq; consistit; non in subtilitate cogitationum, vel multiplicitate discursuum. Tum perge ad aliud punctum,
eodem

Instructio

eodem modo expendendum: sed in primo tamdiu subsiste, quamdiu in illo durat specialis aliqua lux, vel gustus, aut sensus spiritualis.

V. In fine Orationis fiat Colloquium, vel cum tota SS. Trinitate, vel cum Christo Domino, aut Beatissima Virgine DEIPARA, vel cum his omnibus quod Colloquium fiet, induendo personam, nunc creaturæ, ad Creatorem, nunc servi ad Dominum, nunc Filii ad Patrem, nunc Discipuli ad Magistrum, nunc Infirmi ad Medicum, nunc Mendici ad Divitem, nunc rei ad Iudicem. &c. Totum deniq; negotium terminetur, Pater noster, Ave MARIA, vel Anima Christi, vel saltem ex his uno.

MODVS FACIENDI REFLEXIONEM.

Supra Virtutes.

I. **S**Tatue tibi ante oculos mentis, Christum Dominum in Monte sedentem, ac discipulis suis, Beatitudinum capita explicantem. II. Pete à DEO auxilium ad acquirendam illam virtutem, de qua instituitur Reflexio. III. Proposita virtute, de qua agitur; expende illius naturam, conditiones, actus; accommodatè ad nostrum Institutum; comparando omnia cum præscripto Regularum nostrarum: hæ namq; pro norma & exemplari semper sunt tenendæ. IV. Expende, quanta sit ejusdem virtutis necessitas, & excellentia; simulq; in animo excita ardens illius quærendæ & acquirendæ studium; ad imitationem Christi, Beatissimæ, aliorumq; Sanctorum. V. Expende quanta sit vitii contrarii fæditas; quæ afferat damna, quantum DEO displiceat, quantum statui nostro & fini adversetur. VI. Statue firmiter ad studium talis virtutis incumbere; & propone determinatè, exercere hos vel illos eius actus, in hac, vel illa opportunitate, hoc tempore, aut loco: implorando ad hoc auxilium DEI & Beatissimæ, immo expedit, hîc & nunc elicere nonnullos ipsius actus.

MODVS

MODVS FACIENDI REFLEXIONEM

Supra Actiones Religiosas.

IMaginare Christum Dominum in Cathedra sedentem, ac docentem; teq; illi offer in discipulum, ac eam reverenter attenteq; audi. II. Pete gratiam optimè percipiendi, amandi, ac perficiendi, quod ille docet. III. Expende quæ nam sint Functionis illius, e g. Surrectionis Matutinae, supra quam te reflectis, Partes seu actus particulares? tum vide, quàm sint conformes Legibus nostri Instituti seu Regulis: quæ cum sint à Spiritu s. Divo Parenti nostro dictatæ, & ut tales, à Vicario Christi receptæ, confirmatæq; inde colliges, quantæ sint excellentiæ, & quanti illas debeas æstimare. IV. Quantum Patres nostri profecerint, illos actus exerceando: quibus addi possunt exempla Christi, Beatissimæ, aliorumq; Sanctorum, ad idem Actuum genus pertinentia. V. Quàm multa oriuntur incommoda, ex illorum neglectu. VI. Quomodo illos hæcenus exercuisti? quàm multos eis contrarios interius exteriusve commisisti? quid in posterum agendum tibi est? in quibus occasionibus & circumstantiis? VII. Gratias age DEO pro multis occasionibus ad tales actus exercendos tibi provisis. Pete veniam de præteritis culpis. Propone firmiter, ut talem functionem in posterum quàm diligentissimè exerceas. Implora opem DEI, per nomen IESV Christi, ejusq; Sanctissimæ Matris.

Notandū verò Possesse has Reflexiones loco Meditationū assumi etq; posse fieri per modum mutui colloqui seu dialogi, ita, ut per alterna puncta, nunc alloquamur Christum, aut Virginem Deiparam; nunc illos vicissim nobis loquentes audiamus, circa eam Materiam, supra quam facimus Reflexionem.





INDEX

Meditationum, Dogmatum, Reflexionum, per dies singulos distributarum.

DIES I.

- MEDITATIO** I. Præparatoria ad faciendas Collectiones. pag: 1.
II. De Creatione Hominis. pag: 12.
III. De Mediis ad finē Conducentibus. pag: 23.
- DOGMA** I. Gratiā DEI esse vitam animæ, & quanti illa sit pretiū. pag: 4.
II. Quantum interest inter hominem, etiam eundem, Gratiā præditum, eaq; privatum. pag: 16.
- REFLEXIO** I. Supra Amorem erga DEVM. pag: 15.
II. Supra Surrectionem Matutinam. Ibidem.

DIES II.

- MEDITATIO** I. De peccato mortali. pag: 27.
II. De gravitate peccati mortalis. pag: 40.
III. De Effectibus peccati mortalis. pag: 53.
- DOGMA** I. Unde cognoscendum, quod aliquis vivat per Gratiā DEI. pag: 31.
II. De sollicitudine conservandi vitam Gratiæ DEI. pag: 44.
- REFLE-**

I N D E X

- REFLEXIO** I. Supra Amorem erga Proximum; pag: 43.
 II. Supra Meditationem. pag: 44.

D I E S III.

- MEDITATIO** I. De peccato veniali. pag: 56
 II. De causis peccatorum venialium. pag: 67
 III. De effectibus peccatorum venialium. pag: 78.
DOGMA I. Vitam Gratiae in suo vigore, conservat potissimum fides viva. pag: 59
 II. Cura vitandi peccata venialia, est conservatrix Gratiae. pag: 71.
REFLEXIO I. Supra Humilitatem. pag: 70.
 II. Supra auditionem sacri. pag: 71.

D I E S IV.

- MEDITATIO** I. De Morte. pag: 81.
 II. De proprietatibus mortis. pag: 93.
 III. De accidentibus mortis hominum tepidorum. pag: 105.
DOGMA I. Gratiae conservandae fidissimi custodes, Dissidentia sui, & confidentia in DEO. pag: 85.
 II. Crescendum in Gratia DEI. pag: 89.
REFLEXIO I. Supra Patientiam. pag: 96.
 II. Supra Confessionem Sacramentalem. pag: 97.

D I E S V.

- MEDITATIO** I. De Morte Iustorum, ac fervidorum Religiosorum. pag: 108.
 II. De Iudicio particulari. pag: 110.
 (c 2) III. De

I N D E X.

	II. De Iudicio Vniuersali	pag: 192.
DOGMA	I. Medium crescendi in Gratia potissimum, est accuratus sanctissimæ Eucharistiæ usus.	pag: 117.
	II. Quibus industriis crescendum in Gratia DEI.	pag: 125.
REFLEXIO	I. Supra Simplicitatem & Candorem animi,	pag: 124.
	II. Supra Communionem Sacram.	pag: 124.

D I E S VI.

	I. Continuatio de Iudicio Vniuersali.	pag: 135.
	II. De Inferno.	pag: 145.
	III. De proprietatibus penarum Inferni.	pag: 159.
DOGMA	I. Gratia DEI crescit, per Gratiarum DEO actionem.	pag: 138.
	II. Gratia dum onera seruitii Divini diminuit, seipsam auget.	pag: 157.
REFLEXIO	I. Supra Mansuetudinem.	pag: 150.
	II. Supra Prandium & Cenam.	pag: 157.

D I E S VII.

	I. De Purgatorio.	pag: 163.
	II. De Gloria Cælesti.	pag: 174.
	III. De Regno Christi.	pag: 188.
DOGMA	I. Gratia notabiliter augetur, quotidiano Patientiæ exercitio.	pag: 166.
	II. Absq; labore, per solos actus voluntatis, potest augeri Gratia.	pag: 180.
REFLEXIO	I. Supra diligentiam Spiritualem.	pag: 179.
	II. Supra	

I N D E X

H. Supra Visitationem Sanctissimi Sa-
cramenti.

Ibidem.

D I E S VIII.

- MEDITATIO** I. De duobus Vexillis. pag: 192.
 II. De Tribus gradibus Humilitatis. pag: 204.
 III. De Passione Christi Domini, &
 Paupertate. pag: 217.
DOGMA I. Gratia ductu, insistendum est vitæ,
 Mundo per omnia contrariæ. pag: 196.
 II. Ex Gratia dictamine, Spiritu facta
 carnis mortificanda. pag: 208.
REFLEXIO I. Supra Paupertatem Religiosam. pag: 207.
 II. Supra Recreationem Religiosam. pag: 208.

D I E S IX.

- MEDITATIO** I. De Mortificatione Christi, & castitate. pag: 220.
 II. De Humilissima Obedientia Christi. pag: 231.
 III. De Electione bona, circa rem ali-
 quam indifferentem faciendam. pag: 243.
DOGMA I. Gratia ductu, veris & solidis vir-
 tutibus insistendum. pag: 224.
 II. Gratia Spiritu, omnes potentias ani-
 me esse animandas, ac imprimis
 Memoriam. pag: 236.
REFLEXIO I. Supra Castitatem Religiosam. pag: 235.
 II. Supra Examen Conscientiæ. pag: 235.

D I E S X.

- MEDITATIO** I. De Amore DEI. pag: 246.
 II. De

INDEX

- II. De aliis motivis Amoris DEI. pag: 256.
III. De Conformitate voluntatis nostræ cum Divina. pag: 267.
DOGMA I. Gratiæ Spiritu, Intellectus informandus. pag: 249.
II. Gratiæ Spiritu, voluntas animanda.
REFLEXIO I. Supra Obedientiam Religiosam. pag: 258.
II. Supra Somaum. pag: 259.



FA-

6.
1
7.
9.
3.
2.
FACULTAS
R. P. PROVINCIALIS
STANISLAVS
WDZIEMBORSKI
PROVINCIAE POLONÆ SOC: IESV
PRÆPOSITVS PROVINCIALIS.

CVM Opusculum, quod, CVRRVS
GRATIAE DEI inscribitur, à P. IO-
ANNE KRASZEWSKI Societatis nostræ
Theologo compositum, Patres ad reviden-
dum deputati, in lucem edi posse probave-
rint; potestate mihi facta ab A. R. P. No-
stro Thyrso GONZALES, præfatæ Soci-
etatis Præposito Generali, facultatem con-
cedo, ut typis mandetur si ijs, ad quos per-
tinet, ita videbitur. Cujus rei gratiâ, has
Litteras, manu mea firmatas, sigilloq; mu-
nitas dedi, Cracoviæ ad S. Petrum, 13. A-
prilis 1702.

Idem qui supra.

mpp:



FACULTAS
ILLVSTRISSIMI
&
REVERENDISSIMI
Loci Ordinarij.

Imprimatur
Ioannes Casimirus
Episcopus Premisliensis
Nominatus Cracoviensis &c.
mpp.

DIES

DIES PRIMA

Dedicanda Sanctissimæ TRINITATI in gratiarum actionem pro beneficio Creationis & Conſervationis; in ſatisfactionem pro peccatis quinq; ſenſuum Corporis; ad impetrandū bonum uſum iſtarum facultatum; & ad impetrandum Parvulis Baptiſmum, ne ſine illo ex hac vita decedant.

MEDITATIO I

Preparatoria ad faciendas Collectiones.

Prelud: I. Imaginare DEVM tanquam ſolem lucidum, omnia quidem ſuis radijs illuſtrantem; præſertim tamen corda hominum; eumq; tibi dicentem, audi: *Fili præbe mihi cor tuum.*

Prelud: II. Offer libenter, paratum Cor Tuum DEO; & roga ut illud ſplendore lucis ſuæ illuminet; atq; ardore ſui Amoris inflammet.

PUNCTVM I. Audi Chriſtum Dominum, Diſcipulos ſuos, in Cænaculo congregatos, alloquentem illis verbis; *Sedete hîc, donec induamini virtute ex alto.* Cui monito obſequentes Apoſtoli, tamdiu in oratione ferventi perſeveraverunt; donec, ſuper illos, in forma ignis; deſcendit Spiritus S. eoſq; in alios viros commutavit. Idem, tibi, modò intimari exiſtima; nam, & tu, eo animo, debes obire iſtas collectiones, ut induaris virtute ex alto, ut in te deſcendat ille ignis Spiritûs S. qui cor S. IGNATII amore DEI & proximi accendit; de quo dictum eſt: *Ignem veni mittere, & quid volo, niſi ut accendatur.* Virtute cuius, immugetis in alium

virum, ita, vt, ex imperfecto, evadas perfectus, ex tepido ignitus; ex negligente tuæ salutis, zelator etiam alienæ; ex impaciente mansuetus &c. Expende hîc quanta morum mutatio in primis Patribus nostris facta sit, per hæc spiritualia exercitia. Admirare illorum efficaciam. Gratulare S. Patri IGNATIO fructum ipsorum. Exardeſce Sanctâ æmulatione. Perſuade tibi, niſi ea diligenter obieris, non poteris tibi progreſſum in virtute, imò & perſeverantiam in Religione polliceri. Quia ex quibus principiis oritur aliquid, per eadem debet conſervari. Cum ergo Societas in primis Patribus orta ſit ex iſtis Exercitijs, & cùm per ea em adoleverit; neceſſe eſt, vt per eadem conſervetur in ævum.

II. Imaginare illum Patremfamilias, qui hortum ſuum inviſens, omneſq; arbores luſtrans, cum ibi reperiffet vnam infructuoſam; indignatione commotus, iuſſit illam ſuccidi, ne fruſtra terram occuparet: ſed hortulano pro ea ſupplicanti, ſuamque circa eandem promittenti operam, longi ſ tempus indulſit, in ſpem fructûs ex ea capiendi. Quid verò eſt Religio Societatis; niſi hortus DEI, manu ejus plantatus, ſanguine irrigatus, ſudore perſuſus, tot radijs cæleſtibus reſeſaſtus, tanta Divinæ protectionis cuſtodia munitus. O quot arbores iſte hortus habuit, habetq; ex quibus cæleſtis ille Pater familias ſuaſſimos ac vberriſimos fructus percipit, de quibus verifîcatur illud: *Et erit tanquam lignum, quod plantatum eſt ſecus decurſus aquarum, quod fructum ſuum dabit in tempore ſuo.* Plal. 1. Te quoque benigna DEI manus, è ſylva ſæculi tranſtulit in iſtum hortum, iſdemq; cæli favoribus gaudere tecit. Quales ergo illi fructus proferſ? an non iſtar pomorum Sodomiticorum, quæ pulchra foris apparent, intus autem plena ſunt favilla & cinere? An contra te non queritur DEVS! Quid ultra debui facere arbori huic, & non feci, ſperavi ex ea uvæ, & ecce tulit labruſcas? An contra te vindicta DEI, proferre non vult ſententiam: vt ſuccidaris, in ignem mittaris, & ardeas, ne fruſtra terram ſanctam occupes? Ergo nunc, dum adeſt tempus acceptabile, dum favent dies ſalutis, ſupplica DEO pro anima tua, vt ei ſaltem

saltem in hunc annum, incolitum in corpore proroget: tu verò propone, quia in his collectionibus per seriam inspectionem defectuum tuorum, arborem anime tue circumfodies, circumpanes ei finem, per sinceram abominationem peccatorum tuorum, præscindes noxios peccandi occasionum ramos; alligabis te per firmam emendationis propolita, arbori vitæ Christo, ut ex illo salurarem succum hauriens, optatos in posterum fructus proferas.

III. Audi Christum Dominum, alia voce intonantem. *Va tibi Corozaim, va tibi Bethsaida, quia si in Tyro & Sidone facta fuissent virtutes, quæ factæ sunt in vobis, olim in cilicio & cinere penitenti- am egissent.* Idem tibi à Christo dici exultima. si hominibus sæcularibus, imò & alijs Religiosis, potestas fieret peragendi hæc spiritualia Exercitia; ô quantos ex eis fructus referrent? si etiam alicui animæ ad purgatorium damnatæ, daretur facultas, ad vitam redeundi, & vacandi his collectionibus, atq; per illas pro peccatis à se commissis satisfaciendi cum quanta diligentia & studio illas ageret? Ne igitur tu incurras horribilem istam Christi comminationem, *Va tibi;* applica te, ad obeunda serio, ista Exercitia; ad agendam pro negligentis præteritis veram penitentiam; ad impetrandos pro emendatione vitæ, novos DEI favores. Da potius operam, ut illam tibi Christi gratulationem acquiras: *Beati oculi, qui vident quæ vos vident, & aures quæ audiunt quæ vos audiunt. Amen dico vobis, multi Reges & Prophete voluerunt videre &c.* Fac ergo propositum; quàm diligentissimè ea peragendi. Implora ad hoc, auxilium DEI, Invoca ferventer ignem Spiritus S. Veni Sancte Spiritus &c. Assigna tibi Patronum specialem pro hac functione. Ordina mortificationes. Intende assequi Indulgentiâ Plenariam.

Colloquij loco ruminandus Hymnus Veni Creator Spiritus, Mentem tuorum visita &c.

Eiaculatoria per Diem usurpanda.

I. Benedic anima mea Domino, & omnia quæ intra me sunt, nomini Sancto ejus.

A.

II. Quid

II. Quid mihi est in celo, & a te quid volui super terram, præter te, DEVS meus; DEVS cordis mei, & pars mea DEVS in æternum.

III. DEVS meus, & omnia.

DOGMATVTINVM

Gratiam DEI, esse vitam Animæ, & quanti illa sit pretii?

I. Tanti pretij est vita quæcunq; ut abiectissimum ex ijs, quæ vivunt, præstantissima quæq; eorum, quæ vitæ carerent, dignitate suâ vincat, atq; excellentiâ superet. Hinc S. Augustinus, calo, stellis, ipsiq; totius lucis fonti sol, vermen, muscam, & culicem prætulit; hinc aliqui veterum Philosophorum dixerunt; Vitam esse supremam naturam, seu naturæ fastigium. Quod si vita vermium, culicum, pulicumq; tanti est; si tanti tigris, leonum, & Elephantorum, ut in statera rationali, non solum auro, gemmis, lapidibusq; pretiosis, sed etiam celestibus corporibus ac luminaribus præponderet: quanti, quæso, erit vita seu Anima hominis, ad imaginem DEI, conditi? At quanti, vita ipsius animæ? cum cujus præstantia, negat S. Chrysostomus, rem ullam in toto orbe certare posse; negat & D. Ambrosius iacturam animæ, par quidquam habere; licet totius mundi vniuersitas possum iret: cum Anima sit quædam Divinitatis imago, immortalis, Angelorum affinis, orbis totius fabrica, nobilior ac pretiosior portio. Porro hæc anima humana vita, non est alia, quam sola & unica Gratia DEI, quæ præter nativum decus, supra sphaeram naturæ situm, ætificationis iure ac pretio, ita omnibus eminet; ut merito de illa dicatur: *Melior est cunctis opibus pretiosissimum, & omne desiderabile, ex non potest comparari.* Prov: 8. Addit S. Augustinus: præstare, vivere Gratiâ, & iustum, quam hominem vel Angelum, esse. Imo viri Doctissimi, Lumen Gloriæ, cuius adminiculo Beati DEVM vident, non minori iure postponunt Gratiæ, quam cuiusvis rei naturæ, postponuntur eiusdem facultates & actiones.

II. Quid

II. Quid autem est Gratia? Respondeat hummus Gratia-
æstimator Augustinus, in Psalmo 30. *Est, inquit, affectio manens,*
seu habitus quidam supernaturalis, in mentibus iustorum diffusus per Spi-
ritum Sanctum, qui datus est illi. Gratia est, qua ipsam Animæ na-
turam perficiens, eam facit veluti DEſeram, participemq; natura Di-
vina. Hæc est, qua dividit inter Filios DEI & filios diaboli: quæ
DEVM placat & homines suo Creatori conciliat. Hæc est, cûus præſi-
dio iustificamur, & DEO grati, accepti, ac amici reddimur. Hæc est
semen vita æterna, sine qua nulli patet in caelestem patriam ingressus.
Est decor & pulchritudo, quâ Anima DEO apparet amabilis. Est lu-
men divinitus inditum, & mentem reddens illustrem ac splendidam.
Hæc aliq; Gratia munera celebrat ibi Augustinus, quorum po-
tissimum ac fundamentum est, hæc, de qua loquimur, Animæ
nostræ Vita: juxta illud Pauli Rom: 6. *Gratia DEI vita æterna.*
Cuius inæstimabile pretium ut quoquo modo intelligere possi-
mus, nonnullas illius, cum vita corporis, analogias seu simili-
tudines videamus.

III. *Gratia ergo idea est vita Anima.* Quia sicut vita corpo-
ris nostri, quam Animam rationalem vocamus, est illa interi-
or spiritalisq; substantia, qua se homo spiritaliter & corpo-
raliter movet ac perficit, & est potentiarum, quibus opera-
tur, origo; medijsq; illis, ipsarum operationum vitalium, radi-
cale principium: Nam per intellectum cognoscit, per volun-
tatem vult, per memoriam recordatur: Illa ministerio facul-
tatum suarum videt in oculo, audit in aure, progreditur in pe-
de, in manu movetur, irascitur vel concupiscit in corde. Itâ
spiritalis vita animæ, quæ est Gratia, est aliquid intra nos ma-
nens, quod nos & Spirituales efficit, & fons est facultatum,
supernaturalium, nec non radicale principium ac fundamentum,
earum actionum, quibus vitam æternam promeremur! Illa
namq;, præsidio virtutum à se promanantium, credit in DE-
VM, prout oportet ad salutem; illa in eum salubriter sperat;
illa eum intimè amat; illa æquanimiter perfert injurias; illa vi-
scerosè ministrat infirmis, illa se ipsi cælo, suis infert deside-
rijs. *Formavit Dominus DEVS hominem secundum naturam, de limo*

terra, & inspiravit in faciem eius spiraculum vitæ, & factus est homo in animam viventem. Gen: 27. Formavit etiam illum supra naturam, secundum Spiritum Filij sui, & inspiravit in animam eius Spiritum Gratiz, & factus est homo in Spiritum vivificantem; in illum scilicet spiritum, & in illam Gratiz vitam, ex qua oritur; vt quenadmodum Corpus vitam habens, ordinatis moribus tendit in terminum, in quo deum quiescit; ita anima habens gratiam moveatur actibus meritorijs, bonarumq; actionum gressus dirigat in cælum, tendatq; in finem beatitudinis, in quo quietem veram & nulli perturbationi obnoxiam est habitura. Hoc enim de his Spiritu Gratiz viventibus canit Psalmus 83. *Ibunt de virtute in virtutem, & videbitur DEVS Deorum in Sion*; in terra vtiq; viventium per Gratiam & Gloriam immortalem.

IV. Sicut vita naturalis, dat completivè corpori, vt homo sit; illumq; in ordine Entium completorum constituit: ita nos per Formam Gratiz adipiscimur, vt verè solidèq; in DEO existamus: nam per illam evadimus summe Divinitatis participes: vel, vt S. Petrus loquitur, *Divina consortes natura*. Sicut enim illa verè, necessariò, & à se, ac semper existit, nec habet alium se suspensas existendi rationes; ita vi Gratiz nos si niliter existimus, adeo vt ob illam omnia pro nihilo reputentur, tantumq; ab illa distent, quantum ea, quæ non sunt, à præstantissimis distant naturis. Quò alluisse videtur Apostolus, cum ait: *Gratiâ DEI sum id, quod sum*: Illà nempe Divinæ existendi singulari prærogativâ; quam, spectis inelytis natalibus, Civitate Romanâ, ingenio, doctrinâ, honoribus & fama positpositis, solam rebatur expetendam; cætera verò, adeoq; seipsam, si charitatem non haberet, nihil esse; omnesq; alios ita esse, quasi non sint; quòd ei, qui solus Est, noxæ suæ perierint. Vnde ipse DEVS asserit, se illos nescire, *Nescio vos*; etsi nihil eorum, quæ sunt, fugere illum possit. Atq; ita, idem est, Animam dare Corpori, vt sit homo completus: quod Gratiam tribuere animæ, vt solidè in DEO sit; nihil alias sine illa, futuræ.

V. Adhuc, sicut vita naturalis acquiritur Generatione naturalit

naturali; ita vita Spirituális Generatione Spirituali comparatur. Hæc autem est SACRAMENTUM Baptismi, quod ex aqua & Spiritu S. facit nos renasci; in parvulis quidem peccati primordialis labem tollens, in adultis verò, peccata quoq; proprijs actibus contracta detergens, Gratiãq; animæ infundens, eam ex mortua viventem, & ex inimica DEI, Amicam, ex filia Diaboli, adoptivam DEI filiam, & mortis secundæ damnationisq; æternæ reæ heredem reddit æternaturæ felicitatis.

VI. In, sicut vita naturalis, seu Anima humana Creatur; quia producitur ex nihilo tam sui, quam subiecti; nam esto non ponatur nisi in subiecto apto ac disposito; cum ipsa sit Actus Corporis Organici, seu varijs qualitativibus affecti; illæ tamen dispositiones, & qualitates non sunt ex natura sua exigivæ, producendæ Animæ: cum illæ sint materiales, ac divisibiles; hæc autem immaterialis ac indivisibilis est; unde ad illam non habent Ordinem Causalitatis; sed ad summum, Conditionis sine qua non. Ita quoq; Gratia juxta Principem Theologorum S Thomam qv: 110, a. 2. ad 3. ex eo dicitur creari, quod secundum ipsam homines creentur; hoc est, in novo esse constituantur ex nihilo; nimirum ex non meritis; juxta illud Apostoli ad Ephesios 2. *Creati esu in Christo IESU.* Et ad Titum 2. *apparuit Gratia DEI Salvatoris nostri, non ex operibus iustitiæ, quæ fecimus nos; sed secundum magnam misericordiam suam regeneravit nos in spem vivam.* Dum enim parvulis in Baptismo infunditur Gratia justificans, seu vivificans; nulla illorum quoad hoc præcedunt merita; cum illa ob impotentiam, vfos rationis nequeant el cere. In adultis verò peccato mortali infectis, esto præcedere debeat Gratiã justificantem, Contritio; hæc tamen non est dispositio ex natura rei exigens Gratiã justificantem; sed solum ex arbitrio & gratuita ordinatione DEI misericordis.

VII. Insuper, sicut vita naturalis Corpus limitat, & ad propriam (vt ajunt) speciem cuiusdam viventis restringit. Ita vita Gratiæ circumseribit animam; ne Divina mandata transgrediat, & à debita fide sponsæ deflectat. Illa corpus venustat,

8 *Dies Prima*

nustat, & ingentiam ei confert elegantiam: hæc naturam humanam in rebus creatis reddit excellentissimam, cum à suo Creatore ab impietate iustificatur, & à forma deformi, in formam formosam transfertur, inquit S. Augustinus l. 13. de Trinit. c. 8. Hinc, eam esse speciem Animæ nullo peccato maculatæ, affirmat Blofius, ut si posset oculis corporeis videri, admiratione sui & gaudio, intuentes à sensibus esset alienatura. Iam verò Beatæ Catharinæ Senensi, cum eam parefecisset DEVS, extra se posita, imposq; alterius cogitationis reddita, *Ab, vidisset Pater, aiebat Confessario, quæ sit pulchritudo anime gratiâ ornata, profecto vel unius causâ, mille mortes libenter oppeteres.* Certè, ipsi met celestibus assueti spectaculis, supremarum mentium oculi, pulchritudine Gratiæ tam vehementer capiuntur, ut ad elevatam eius præsidio Animam attonitæ, proclamant: *Quæ est ista, quæ ascendit de deserto, delictis affluens, innixa super dilectum suum.* Cant. 8. Immo verò maius est; DEVM ipsum audire, ac cerne-
re huius formositatis admirandum spectatorem; Quid enim aliud hæc sibi volunt nisi: *Quàm pulchra es amica mea, quàm pulchra es?* Quid vult illa, Divini Spiritûs penicillo expressa, eiusdem pulchritudinis effigies, dum toties Columbæ specie, malorum punicorum, lilij, regalis gloriæ, aliarumq; rerum pulcherrimarum coloribus utcumq; adumbratur?

VIII. Adhæc sicut deficiente debitâ humorum temperiè, congruâq; sanitate, ac necessariâ integritate membrorum, vita corporalis deficit, animaq; discedit: ita, si absit fidelitas observandi mandata DEI, si committatur actus rectæ rationi graviter difformis, necesse est, vitam spiritualem animæ abesse; hæc autem absente, quid restat, nisi ut dicatur illud Apocalyp-
ticum: *Nomen habes quid vivas & mortuum es;* quia mortua opera facis, & merita mortificas. Certe absq; gratia turpior, deformiorq; es, quàm sit putre & vitæ vacuum cadaver.

IX. Tandem, Vita Gratiæ illa est, ratione cujus Spiritum S. animæ habitatorem possidemus, & Spiritûs Christi possidentes constituimur: qui per hoc præstantissimum donum, ita in mentibus iustorum commoratur, tanquam accola in domo quam inhabitat;

inhabitat; tanquam nauta in navi, quam gubernat, & à Syrtibus, scopulisq; peccatorum immunem tuetur; tanquam DEVS in Templo Sancto, suo, in quo sincerissime adoratur & colitur. Quod quidem, etsi nihil præterea addamus, supra quam dici queat, Gratiā commendat. Nec enim tantum est participatio naturæ Divinæ; sed etiam nos efficit participes ipsius Personæ Spiritus S. & quod concomitans est, ipsam Patris & Filij Personam in animas nostras inducit. Quare præcipui Theologi volunt: Iustos duplici vñione cum DEO coniungi; alterā Gratiæ per insignem benevolentiam; altera substantiæ, per intellectum in illorum mentes Spiritus S. Personam. Quia de re sit satis vñum inter primos S. Thomam 1. par. q. 143. art. 3. differenter audire: Per donum inquit, Gratiā perficitur Creatura rationali ad hoc, quod liberè non solum ipso dono creato veatur, sed ut ipsa Personā Divinā fruatur: & ideo Missio invisibilis fit, secundum donum Gratiā gratum facientis, & tamen ipsa Divina Persona datur. Atq; hoc videntur significare illæ S. Scripturæ phrasæ, Corpora nostra esse membra & Tempia spiritus S. charitatem DEI diffusam esse in cordibus nostris, per spiritum S. qui datus est nobis; spiritum S. mittendum in nomine Christi, mansurum apud nos & in nobis futurum. Ex quibus continuò ingens oritur admiratio Gratiæ adeo potentis ac fecundæ, ut infinitum hoc & immensum bonum, in animos nostros necessariò secum vehat, adeo, ut si fingendi causā ponamus, DEVM non implere permeareq; universa, sed esse illius mentes aliquorum vacuas, in ijs tamen Spiritus S. beneficio Gratiæ futurus sit. Non minùs, (inquit doctissimus Suarez,) quàm Verbum Divinum, si posset aliunde abesse, ab assumpta humanitate; vi tamen vñionis hypostaticæ, illius corpori animaq; necessario adesset. Admirandam sanè, iterum iterumq; Gratiæ virtutem, tam dulci, tam sancto, tam individuo Communitate beatæ, secumq; in animas hominum abjectorum, Sanctissimam Triadē inducentis.

X. Deniq; vita hæc, quam Anima haurit ex Gratiā, tam sublimis est, ut in ordine proprio soli DEO statuatur; animetur à Spiritu Sancto; moveaturq; ab eo, & agat Divina quadam

dam ratione super omnem naturæ facultatem. Quod enim anima præstat corpori, hoc ipsemet DEVS præstat animæ, ideoq; vocatur Anima Animæ, Vita Vitæ. Vnde supra citatus Augustinus in Psalmi 70. sic ait: *Dicam audacter, fratres, sed tamen verum: Dua vitæ sunt, vna Corporu, altera animæ: sicut vita Corporu, animæ; sic vita animæ, DEVS, quomodo si anima corpus deserat, moritur corpus; sic anima moritur, si deserat DEVS, ipsa est enim Gratia eius, vt resuscitet & sit nobiscum.* Neq; verò ideo DEVS dicitur vita animæ, quasi absq; vlio creato dono, per se ipsum mentem vivificet, eiq; veluti forma substantialis inhæreat; hoc enim naturæ Divinæ repugnat: sed, quia quasi summa & primaria forma (vt D. Thomas loquitur opus: de dilect: DEI, cap: 20.) idem reip̃a in anima efficit, ipso DEI Spiritu acta & vivente, quod solet anima in Corpore. Cum nimirum, per Gratiā iustorum cordibus infusam, eos morte peccati eripit, & eadem secum vitā gaudere facit: ad quam planè vitam mors est, quidquid nomine vitæ appellatur. Quare Apostolus aliam non agnoscens, vnaq; hac apertè glorians, ait: *Gratia DEI sum, id, quod sum.* Et vivo ego, jam non ego, vivit verò in me Christus. Vivit & in nobis per Gratiā iustificantem, & vitæ nam vivat vsq; ad ultimum agonem, vsq; in æternum.

XI. Ad extremum, tanta est Animæ nostræ, Gratiā Divinā præditæ, pulchritudo, vt omnium cælestium corporum pulchritudinem excedat, quam si virtutum, ac honestarum actionum, meritorumq; supernaturalium nitore expoliat; jam nihil sub DEO ornatus, elegantiusq; videri potest. Si à natura infusam animæ præstantiam, tanti æstimarunt Sancti, vt pro illa conservanda aut instauranda, omnes omnino labores suscipiendos esse dicerent: quod studium ab homine par est adhiberi, vt illa, ornamentis Gratiæ ac virtutis, non solum non destituatur vnquam, sed etiam augeatur? Si ad Corpus, vermium pabulum, comendum colendumq;, tantum operæ, ac temporis passim impenditur: quid animæ tribuere convenit? cui ipsi, deformitas corporis, magno aliquando horrore fuit; prout non vana tradunt historiz. Obierat aliquis in peccato mortali; cum

interim

interim, ut illud expiaret, impetratus est illi ad Corpus reditus, Sanctorum, quibus aliquando in vita apprimè devotus erat, precibus. Dum verò illud tam deforme horridumq; in-
tuetur, ita regressum refugere & abominari cepit, ut nisi Angelus vlsisset, & aliter fieri non posse assereret, nulla ratione ad id posset adigi. Regressus in Corpus, 40. dies, sine cibo & potu consumpsit in lacrymis; ac deinde obiit. Si, Corporis anima destituti, tanta est deformitas, ut omnibus imino & ipsi Soror suæ Annæ horrorem incutiat: animæ verò pulchritudo tanta, ut DEVM habeat amatorem: cui corpore deserto, non omnes curas in istam convertimus? Vellem, ut hac in parte audiremus consilium Thaumaturgi Indiarum Apostoli S. FRANCISCI XAVERII, qui in sua Epistola ad Regem Lusitaniæ IOANNEM III. ita scribit: Si Regem à meis amantissimis atq; fidelissimis consilijs non abhorreere arbitrarer, saluberrimum illi darem consilium; ut quotidie per quadrantem horæ, Divinam illam sententiam meditando percurreret: Quid prodest homini, si univèrsam mundum lucretur; anima verò suæ detrimentum patiatur. germanamq; humanius intelligentiam à DEO peteret, cum sensu animi interiore coniunctam; & simul omnium suarum precationum, hanc vellet esse clausulam: Quid prodest. Tempus est, hunc Regi errorem eripiendi, quoniam propius, quàm existinat, adest hora, quâ illum Rex Regum, & Dominus Dominantium, ad rationem reddendam evocaturus est. Quod vir Sanctus Prophetico Spiritu videtur prædixisse; siquidem paulò post, supremum diem Rex obiit. Utinam nos Consilium hoc, quod tantus Vir Regi peroptabat proponi, re ipsâ accuratè sequamur, & Animæ vitam, seu Gratiâ DEI, non solum omnibus huius mundi thesauris, sed etiam temporali Corporis vitæ, quæ nobis adeo chara & pretiosa est, præferamus; ac tandem cum Sancto Augustino exclamemus: O quam suave mihi subito factum est carere suavitatibus nugarum, & quas amittere metus fuerat, iam dimittere gaudium erat: ejiciebas enim illas à me, vera & summa suavisitas, & intrabas pro eis omni voluptate dulcior, omni luce clarior, omni honore sublimior, DEVS meus, per Gratiâ justificantem in cordibus nostris habitans.

MEDITATIO II.

De Creatione Hominis.

Pralud. I. Imaginare DEVM, velut mare immensum; Creaturas autem velut quosdam rivulos ex illo profluentes, & iterum in illud reflexo gradu redeuntes; te quoque tanquam vnum ex illis.

Pralud. II. Pete à DEO gratiam, cognoscendi excellentiam & principij à quo existiisti, & finis ad quem creatus es, redireq; debes.

PUNCTVM I. Quidnam fuisti ab æterno, & ante 40. vel 60. annos, antequam in vtero Matris concipereris? fuisti putrum putumque nihil, quod omni Creatura, etiam minimâ & vilissimâ, e. g. culice aut pulice est vilius. Ex hac igitur nihili abyssu, DEVS Omnipotens suâ dextera te eduxit in lucem & statum existentiz. Eduxit autem non propter vlla tua merita præexistentia: quia hæc nulla fuerant. Sicut & tu, qui esses illorum principium, nihil omnino fuisti. Imò prævidit DEVS, tot tua demerita, ingratitudines, offensas, & injurias; & tamen his non obstantibus, te produxit. Non etiam propter aliquam suam indigentiam vtilitatemvè: quia DEVS nullis tuis obsequijs, sicut nec te ipso, immo nullâ egebat Creatura: vtpotè qui per totam æternitatem fuit & est; eritq; semper in seipso sufficientissimus, felicissimus, ac beatissimus, nulliusq; rei extra te omnino egens. Non sicut Domini temporales, qui absq; servis eorumq; obsequijs, subsistere non possunt. Vnde Psalmista: *DEVS meus es Tu, quia bonorum meorum non eges.* Et Sapiens ait: *Frangsi omnes Gentes pereant, nihil ei perit.* Produxit ergo te ex mera bonitate sua, impellente illum ad hoc solo amore tui gratuito. Ama igitur in tempore hanc bonitatem, quæ te ab æterno gratis, adamavit. Admira, te sapientiam: quæ te ab æterno cognovit, & à cæteris non Entibus discrevit. Adora Omnipotentiam, quæ te è nihilo, ad terminum infinite distantem; nempe ad actualem existentiam produxit.

produxit. Subjice te summa illi authoritati & potestati, ad omnem eius nutum. Agnosce te indignum oculo tantæ Maiestatis, memor tuæ originis & nihili.

II. Qualenam esse, DEVS tibi dedit? Non quaecunque: cuiusmodi est in Elementis, lapidibus, plantis, animantibus, brutis: sed Esse intellectuale, rationale, spirituale, immortale, paulò minus ab Angelis. Esse ad imaginem & similitudinem DEI: ad imaginem quidem, quia memoria, intellectu, & voluntate præditum; ad similitudinem verò, quia Esse capax omnium virtutum, actionumq; honestarum, quæ sunt veluti quidam naturæ Divinæ characteres. Potuit quidem DEVS loco tui, producere infinitos alios homines, qui ei longè meliùs servissent, dareq; illis hoc Esse; potuit quoq; loco tui producere lapidem, arborem, brutum, &c. interim illis postpositis & on-issis, te produxit. Potuit te producere stultum, cæcum, clauum, leprosum; sicut multos alios: interim tibi omnia membra & sensus integros dedit; imò bono ingenio, indole, sanitate, instruxit te atq; cumulavit. Potuit te producere ex Parentibus Ethnicis, Iudæis, Hæreticis; interim ex Catholicis nasci fecit, & sancta fide à teneris instrui. Agnosce magnum DEI amorem, ex quo tibi tot beneficia contulit. Exclama cum Davide; *Benedic anima mea Domino, & omnia qua intra me sunt nomini sancto eius.* Impera omnibus partibus & potentijs tuis, ut DEVM laudent, ament, colant, revereantur: easq; hîc enumera. Exulta hîc cum Virgine Beatissima, dicendo: *Magnificat anima mea Dominum, & exultavit Spiritus meus &c. Respexit humilitatem, quia fecit mihi &c. &c.*

III. Ob quem finem DEVS te creavit? Nimirum ob duplicem. Immediatum seu subordinatum; & Mediatum seu ultimum. Immediatus est, ut in hac vita agnoscas DEVM; agnitum ex toto corde ames, colas, & reverearis; debitum ei honorem & famulatum præstando, in observatione ejus præceptorum & Ecclesiæ; omnesq; tuas facultates ac potentias ab illo acceptas, in ejus laudem atq; cultum impendendo. Mediatum verò & ultimum finis est, ut postquam hæc prædicta

præstiteris, has particeps gloriæ & beatitudinis æternæ, quâ DEVS ipse fruitur; ni mirum perpetuò DEVM intuen- do, eumq; ie- amando. ac illo fruendo, indeque gaudendo in æternum sine ulla interruptione. Vbi expendam hæc tria. I. Quanta sit al- titudo istius mei finis, ita vt illo nullum excellentiorem ha- bere poterim. Natus enim sum, non vt serviam Regibus Imperatoribusvè terrenis, aut Angelis; sed vt serviam summo Regi ac Domino Vniuersi. Natus sum, non vt fruam caducis huius mundi bonis, honoribus, divitijs, voluptatibus; sed vt fruam illo summo & æterno Bono, in quo sunt omnia simul bona. Natus sum, vt si n̄ beatus eadem beatitudine, qua sunt beati ipsi Angeli, Sancti DEI, Beatissima Virgo, Humanitas Christi, imò ipse DEVS. Discutram hic per illam immensum pelagus perfectionum Divinarum, vt sunt: Esse à se, Omni- potentia, omniscientia, Immentitas, Æternitas, Imortalitas, summa bonitas, summa misericordia &c. Horum ego omnium ero particeps in æternum. O quanta mea felicitas! II. Interam, quanti momenti est consecutio istius finis mei: si enim propter regnum temporale acquirendum, vel retinendum tot impensæ fiunt, tot curæ & labores impenduntur; Quid debet fieri pro- pter regnum æternum. Cujus amissio trahit post se, alterum extremum valdè terribile, nimirum infernum cum suis pœnis æternis; jam enim necesse est, vt mihi vna ex his sortibus ob- veniat. III. Expendam, quomodo ego hactenus huic immedi- ato fini satisfecerim, vt sperare prudenter possim consecutio- nem alterius finis mediati.

In Colloquio erubescam negligentiam meam. Dolebo de illa. Proponam emendationem; veniam precabor. Petam gra- tiam. Fatebor me obligari, ad impendendum id totum, quod sum, quod habeo, quod operari possum, in laudem & obsequi- um mei Creatoris, ita, vt hæc obligatio non sit à me separabi- lis, cum sit in mea essentia transcendentaliter imbibita: si e- nim ille qui plantat vineam, habet ius, ad colligendos ex ea fructus; & qui ædificat domum, iure gaudet, ad habitandum. Iō ea; & qui emit mancipium, vitatur iure suo, in omnes ipsius actiones.

Dies Prima 15

actiones. Quale ius & dominium habebit DEVS in te, tuasque omnia, titulo Creatoris, Conservatoris, & Cooperatoris, à quo cuncta dependent essentialiter. Recognoscam omnem meam actionem, debere esse subiectam voluntati ac dominio DEI: quæ verò illi adversatur, esse manifestam iniustitiam, contra ius eius altissimum.

Magnificat Anima mea Dominum &c.

R E F L E X I O

Supra

Amorem erga DEVM.

Malo mori, graviore DEVM quàm lædere noxâ:
Aut veniale sciensq; volensq; patrare piaculum;
Culpas tam parvas quàm magnas execror omnes.
Diligo corde DEVM toto; nec partior vllis
Rebus; ob hunc ipsum; nam præmia nulla requiro.
Diligo propter eum duntaxat, cuncta creata,
Quidquid amat DEVS, hoc simili complector amore:
Quisquis amoris habet vim, curo diligat illum.
Accepto, quod agit de me sua dextra Paterna:
Delector quidquid det, quamvis sæpe molestum.
Eius amore, bonis spolio me spontè creatis.
Præ reliquis illum memori sub pectore verso:
Sæpe libens eius laudes mea lingua perorat,
Majestas eius mihi dulcia gaudia præstat.
Semper clara DEI primis mihi visio votis,
Ambio, quotidie vis in me crescat amoris.

R E F L E X I O

Supra

Surrectionem Matutinam

Surge celer strato; campanæ promptus obedi;
Te Cruce præmuni; sis gratus; gesta dici

Officij

Offer; & auxilium poscens, propone cavere;
 Dumq; vercuados circumdas vestibus artus,
 Fac, animo passi recolas insignia Christi.
 Limen adi templi; testum venerare Tonantem;
 Cui primos, poscens benedici, defer honores.
 Affer aquas; effer veteres; prævertere noli;
 Non, nimium nudato manus; aspersio non sit.
 Cumq; lavas vndis extra faciemq; manusq;
 Intra, ad mundiciem contriti cordis anghela,

DOGMA POMERIDIA NV M

Quantum interest, inter Hominem etiam eundem, Gratiâ præditum, eaq; privatum.

I. VT opposita penes se posita magis elucescant; post explicatam Viræ spiritualis præstantiam, vi scilicet nunc, quid sit carere illâ; & quantum intersit inter hominem etiam eundem gratiâ præditum, eaq; privatum. Quærenti igitur hoc, statim occurrit responsum. Tantum interesse, quantum inter hominem & belluam, inter Angelum & Cacoethemonem, inter Templum Sanctissimæ Trinitatis, & spelæum Dæmonum, inter DEI Filium, ac diaboli mancipium, inter vivam & mortuum, inter existentem & nihil. Verè siquidem D. Chrysostomus hominem gratiâ ornatum dixit *Normam Rationis, æquitatis ideam, speculum moderationis, demum hominem maiorem*: Gratiâ verò carentem, nuncupavit *feram exlegem, rationisq; expertem, belluam in exitium suum præcipitem, voluntarium de nunc, atq; adeo tantum à seipso discrepantem, quantum distat mors à vitâ; id, quod non est, ab eo, quod est; usq; adeo, ut mors gratiæ eiusq; privatio, peius naturam destruat, quàm si in primordiale nihil sui chaos rediret*. Hic enim ipse nec Christus sensit, cum Iudam peius esse, quàm nunquam existisse pronuntiavit; & meritò. Cum enim Viri Gratiæ tribuat animæ, ut cum DEO, & in DEO verè solideq; existat; sequitur, quòd, cum illam homo, voluntario suo

suo ausu, amittit; illico ex esse, consortiūq; Divini summo gradu, in nihilum miserè proruat; neq; intelligat, multò deliderabilius esse, nunquam fuisse in lucem productum; aut in primigenias nihili sui tenebras momento dissolvi.

II. Notat S. Basilius l. 2. contra Eunomium illam D. Pauli salutationem: *sanctis qui sunt in Epheso*, lectam à majoribus, absq; vrbis illius aut loci mentione, *sanctis qui sunt*. Et in illo ad Galatas, *Qui Christi sunt, Carnem suam crucifixerunt*. S. Hieronymus omisso Christi nomine, legit tantum *Qui sunt*: innuens, illos solos esse, quos Gratia sanctitas cum DEO iociat; alios verò ita esse, quali non sint: illos nimirum, quos furens ambitio, quos libido insana, & quodvis aliud facinus egit in transversum à Gratia; cum qua si comparentur omnia, pro meritis nugis, pro nihilo haberi debent.

III. Hanc ipsam discrepantiam luculentius nobis ostendant exempla, tum è sacris literis, tum ex probatissimis Auctoribus petita. Saul Regum Israel primus, gratia munitus, quàm dissimilis sibi ipsi gratia destituito? Tunc enim fuit tam modestus, ut oblatum sibi Regnum, occultioribus, intra quas sese abscondebatur, latebris devitaret; tam patiens, ut dissimularet jactum in se jam Regem, perduelle convitium; tam verecundus & arcani tenax, ut Patrem & fratres de sua in regnum inauguratione celaret; tam probè moratus, ut homo id ætatis & liberorum Pater, jussu Patris, asinas errantes quæreret; tam ingenuus & candidus, ut in primordiis initi à se Regni, puer vnius anni à Sacra Pagina celebretur; tam observans Personarum DEO dicatarum, ut illas non aliter petendi consilii causâ adire voluerit, quàm oblato honorario è sua penu deprompto. At verò ubi Gratiam amisit, quæ illum infania, quis furor, quæ rabies non invasit? Superba ejus invidia non tulit alienam laudem etsi justissimam; non tulit successoris mentionem, refractaria DEO ambitio; non tulit efferrata ira, & profundum odium, eius vitam, à quo ipse vitam acceperat; non tulit sacra jussa DEI, animus intractabilis; mendax iactantia non tulit ingenuam erroris Confessionem. Multo interrogatam nefa-

riè Tripodem, horrenda sacrilegia, funestas cædes, cæca per-
iuria, furorem effrenem: quibus Dæmoni propior extitisset,
L'auide autem quid mansuetius, mitius, tolerantius, religiosius,
gratiâ præsentē: eadem verò quamvis ad breve tempus deper-
dita, quid illo truculentius atq; crudelius? Inprimis quidem
in magnanimum militem ac fidelissimum Vriam; deinde in ca-
lamitosos capta & occupata Kabba Cives etiam innocentes, in
teneram ætatem, ac sexum imbeilem, cæterosq; quos expugna-
vit Ammonitas, ferrâ, lentis ignibus, ferratis carpentis factos,
vstulatos, obrutos? Vbi illa nunc Davidis bonitas & man-
suetudo in Saulem, Semeiū, Absalonem & alios? Fugiente
Gratiâ, simul evanuit, & crudeli immanitati loco cessit.
Quid memorem Filium Davidis Salomonem, qui Divinâ orba-
tus gratiâ, ex religiosissimo veri DEI cultore, in mulierosum
fallorum Deorum receptorem, ex sapientissimo Regum & ho-
minum, in stultissimum & amentissimum degeneravit. Tan-
dem, luctu stupendâ Catastrophe potestne magis horrenda co-
gitari? Gratiâ suffultus omnia libens abiecit, ac instar luti
habuit, ut Christo se adiungens, Christum sibi lucrificeret,
Gratiâ destitutus non exhorruit eundem vendere, ut paucis
frueretur nummulis: & confesum ex Apostolo DEI, in Dæmo-
nem transiit, audiatq;: *Vnus ex vobis diabolus est.* Qualem tan-
dem legimus Paulum gratiâ carentem? Effrenem homicidam,
blasphemum, Ecclesiæ persecutorem, sanguinis innocui firien-
tem tigridem. Qualis verò Gratiâ præditum? Vas Electi-
onis ad portandum Nomen IESV coram Gentibus, Doctorem
Orbis, Tubam Spiritus S., Præconem veritatis ardentissimum,
Testem Christi fidelissimum. Quid loquar de Principe Apo-
stolorum Petro? quàm zelosus ille, præsentē gratiâ, Christi a-
mator? quàm heroicus Domini sui defensor? sed dum ab illa
tantisper recessit, ecce verò illum habemus perfidum, menda-
cem, perjurum, abyssum, scelere scelus invocantem.
Tanti nimirum tanti interest inter eundem hominem Gratiâ
præditum, & illâ privatum.

IV. Non potest quidem lingua mortalis explicare, quanta sit animæ gratiâ ornata pulchritudo, quanta maiestas, quantus decor? & quanta eiusdem gratiâ destituta turpitas, quanta seditas, quis horror? Explicat eam tamen S. Chrysostomus inducto Symbolo miserrimi hominis, & toto corpore faucibus, ac leprâ, sanie, tabo diffuentis; putatq; animam Divinæ legis ream, longè turpiorem esse quam si quis, exsiliis inhoneste naribus, auribus truncis, eruris oculis, mutilis manibus cruribusq; iaceret; aut si cupiam pro humanis membris variarum membra ferarum suppeterent. Sanè quidam Sanctus Episcopus, cuius est apud Ruffinum mentio, vidit facies eorum quibus Gratia Divina inerat, nive candidiores, & formam liberalissimam, humana maiorem; aliorum verò Gratia orbatorum ora, instar carbonis nigerrima, cruentos oculos, erumpentes magno impetu naribus & auribus flammæ, cum ingenti horrore spectavit. Quæ umbræ ex seditate rerum sensibus patentium, desumptæ, quamvis omnes in vnum confluerent monitrum, nequaquam exprimerent abominandam speciem hominis labe mortificata infecti; alioquin, si per se videretur, spectantes horribili conspectu exanimaturam.

V. Annus literæ Societatis nostræ referunt: quendam ex perpetrato adulterio, tantam totius oris deformitatem retulisse, ut ab vxore omnibusq; fugeretur domesticis, ac domo ab eis arceretur? Quod ille admissio flagitio prudenter tribuens, mox ad salutare Sacramenti Pœnitentiæ confugit remedium; sed cum illum Religiosi quoq; viri ob horrendam monstrositatem ruerent, agnitus demum à quodam DEI famulo, & ritè de peccatis auditus, illico natus in alterum, decenti formæ elegantia, attonitos reddidit huius rei concios. Ecce quam pulchre es amica mea, Anima inquam mea, quam pulchra es? cum DEO grata vivis, cuius inuicem instar limpidissimi speculi expretam reddis. quam de ipsamet æterni solis præsentia atq; fulstantia concipis? quam verò sœdum, horridum, ac execrandum monstrum es, dum illius pignoris candorem, derivatumq; à Gratia decus propicisci quæ una DEO aut servatâ places, aut amissa non potes non esse execrabilis? C 2 VI, In.

VI. Insuper discrimen inter hominem gratiâ præditum, eaq; privatum, tantum est, quantum cernitur inter vivum & mortuum. Tolle animam. quid iudicio sensuum execrabilius corpore? cum in locum vitæ, necessariò succedat pondus inutile, cæcum, fædum, immobile, sentu aduq; omni carens, pestilentem putorem longè spargens, effluentibus virulentam tabem, intestinis, abominandum deniq; Carcinoma. Nam verò tolle Gratiâ, ah quàm horribilior fædiorq; animæ ictu mortifero peremptæ, ip dies? Narrat B. Antoninus 4. part. tit. 14. Cum quidam Monachus habens Comitem vitæ in humana specie Angelum, incidisset in putidum cadaver, mox illum nares appressio pallio obturasse è contra Angelum ne quidem gravitatem factoris advertere & apprehendere visum: cum verò haud longè inde circatus probeq; comptus Iuvenis illis occurrisset, tum demum Angelum manibus nares obturasse, mirantiq; Monacho respondisse: *Factorem cadaverum Angelis non esse molestum: sed anima letali crimine perempta, cuius teterrimus ac impurissimus odor, totam celi Aulam averteret.* Nec absimile est, quod habetur in vita S. Catharinæ Senensis; quæ cum Senis degeret, summè torquebatur eorum graveolentiâ, quos Romæ, quamvis tot millariis distaret, gravis aliqua inquinaret culpa. Porro accedenti ad colloquendum nobili cuidam mulieri, omnibus aliâs munditijs excultæ; adduci non potuit, ut verbum redderet; quod, uti postea Confessario indicavit, præ dira Mephiti, quam mulier halabat, ex cadavere animæ, vix potuisset consistere, nedum confabulari aut colloqui. Nam, ut ait S. Basilus Orat. 3. de pecc: *Sicut fumo apes & columba fatore, ita caelestes Gentii tutela nostra Praesides, peccato à nobis arcentur, ac nos velut putidum cadaver abominantur.* Nam id potissimum naturam Animæ evehit, quòd referat imaginem DEI, immortalitate, vi intelligendi, indivisibili substantia, etsi per totum Corpus diffusa; ubiq; tamen Corporis, tota & integra. Verùm hæc tota imitatio DEI, dum vita DEI & Spiritu caret, meritò mortua, & putidum cadaver censi debet.

VII. Huc servit illud quod tradit Thomas Bosius rom. 1.

11. de Sign:

l. II. de Sign: Ecclesi: cap: 16. Anno Domini 1198. Rex Tartarorum Cassanus, seu Magnus Cham; cum, ducentis Equitum millibus Syriam & finitimas regiones cepisset, omnibulq; Regibus vicinis evasisset formidandus, petijt à Rege Armeniæ, dari sibi vxorem, eius filiam, quam omnium mulierum pulcherrimam esse audiverat. Rex Christianus tanti Regis Ethnici viribus exterritus, dedit. Illa, post aliquod tempus è viro suo Cassano, edidit in luem partum miræ deformitatis: quem Rex maritus nullo modo suum agnoscens, quòd videbatur monstrum fædissimum; vocatis ad Consilium primarijs; de ipsorum sententia, vxorem velut adulteram & partum, veluti ex adulterio susceptum, ultimo supplicio adiudicavit. Innocens mulier suam deplorans intelicitatem, ad preces confugit; ignaraq; alterius consilii, petiit, vt sibi liceret Filium, quem genuerat, baptizare. Data ei facultas, ita tamen, vt adessent baptismo, aliquot spectatæ fidei viri. vnà cum Rege; ne aliqua trans interueniret. Mirum dictu! vbi baptizatus est puer, adeo venustus ac formosus apparuit, vt Rex tanta re permotus, cum plurimis nomen DEO vero dederit, & maximum rei Christianæ factum fuerit incrementum. Is effectus erat Gratæ sanctificantis; cuius absentia vel præsentia quid intus operaretur in anima, demonstrabat ad extra in Corpore.

VIII. Mirum profectò, quomodo stultissimi ac vecordissimi mortales, possint credere, post tantæ rei dispendium, post iacturam felicitatis ad ordinem Divinum evectæ, vitam sibi vitalem inesse? quo pacto non rumpantur nimia doloris rabie? quomodo se dentibus vnguibusq; non discerpant? quin potius ita occaluerunt, vt licet ex illo tam sublimi & Sancto Divinè existendi gradu, immani ruinâ devolvantur, tamen eos vix leviculus tanti casus dolor tangat; immò ita apud illos viuit gratia, vt passim miserè, sacrilegèq; proculcerur. Vtinam verò tandem saperent, ac suam plusquam stolidam intelligerent corrigerentq; vecordiam, qui cum fatuè declinent calamitates, vitæ mortalis destructivas; toto interim pectore letales ictus huic vitæ Divinæ noxios excipiunt, vitroq; pe-

Atus in illos induunt; dum, voluptatis, lucelli, ac fumi studio, in DEI offensam rapiuntur. Tu verò, cui lux melior affulsit, cautior factus damnis aliorum; hoc vnum time, ne quid vnanquam te à DEO eiusq; Gratià separet; quam tanti est in tuto conservare, vt totis artibus contremiscere te oporteat, dum vides, posse illam aliquo casu deperdi. *Cetera, inquit S. Gregorius Nilenus, pro vmbra, ludibrijs & somnijs ducamus, cum nihil sit ex aduerso Gratiæ.* Non parcunt aut immanissimi sumptibus, laboribusq; immo periculis, vt modico potiantur lucro vel honore: pudeat te exiti operæ parcere, vt precando, edendo etiam, immo dormiendo, ac deo ubiq; acceptam Gratiam accumules. sit tibi familiare illud vnum ex multis S. P. Ignatii, æquè Majorem DEI gloriam, ac Majorem ejus Gratiam zelantis, alloquium: *Suscipe Domine vniuersam libertatem meam. Accipe memoriam, intellectum, & voluntatem omnem. Quidquid habeo vel possideo, id mihi largitus es; id totum tuis restituo, ac tue prorsus voluntati trado gubernandum. Amorem tui solum, cum Gratiâ tua mihi dones, & dives sum satis; nec aliud quidquam ultra posco. O vere satis dives sum, cum Gratiâ, & locupletatus, & nullius ego; absq; illâ miser & miserabilis, & pauper, & cæcus, & nudus: quin exlex bestia, sædissimum monstrum, exangue cadaver.*

IX. Tanta deniq; est tarditas Animæ Gratiâ DEI privatæ, vt maior nec à DEO concipi possit. non tantùm, quia à Spiritu S. vocatur teneoræ, quibus nihil tetrius; destruitq; omnem animæ pulchritudinem, quæ illi a Gratiâ inest. sed etiam, quia illi, nescio quâ terrestri inurta maculam. Inclytæ D. Dominici Familæ Alumnus, Alanus nomine, natione Angelus, postquam horribiles dæmonum formas, in gravi ægitudine aspexerat, postea tandem conualecens dixit: *si tantus ignis accenderetur, quanta est magnitudo totius orbis terræ, dareturq; mihi optio, aut per medium illum transeundi ignem aut terros dæmones videndi; eligerem potius primum, quàm alterum.* B. Ægidius S. Francisci Discipulus, ad horrendam Dæmonis oblatam sibi speciem, tanto terrore correptus est, vt loquendi facultatem, prope amitteret, corueq; duntaxat DEVM rogare posset, qua-

tenuis experiretur; verè Sanctum Franciscum dixisse: *Formam Sathana tam esse immanem & horridam, ut nemo hominum ad spatium Dominica precatationis, possit eam salvâ Vitâ intueri, nisi Divinitus confirmetur.* Et tamen, quidquid tetri & horridi ab illo potest nostris objici oculis; umbra est ac veluti exterior delineatio ejus turpitudinis; quam à peccati macula contraxit; naturalibus in eo donis manentibus integris. Pari ergo ratione discurrendum, de Anima peccatrice, Gratiâq; DEI destituta. Hinc in primitiva Ecclesia, omnes ferè, qui post baptismum susceptum letali sese culpa fœdaverant, (ut notat Cornelius à Lapide, ex S. Dionisio Areopagita & S. Cypriano) corripiebantur à Dæmone, ut ex regressu tam deformis hospitis, qui per Baptismum & Confirmationem expulsus fuerat, turpitudine Peccatricis Animæ notaretur, hominesq; deterrentur à peccando. Vnde si omnes homines ac Dæmones conspirarent in perniciem alicuius, & prout egerunt cum Iobo, omnia quæ possunt cadere in Animam crudelem, tormentorum genera in illum exercerent; non tantam illi crearent perniciem, quantum ipse sibi, dum graviter peccans, Animæ suæ vitam supernaturalem eripit, Quia cætera mala sunt ordinis inferioris, naturamq; duntaxat lædunt; peccatum verò & non esse Gratiæ in Anima, est ordinis superioris; malum scilicet DEI, quem de medio tolleret, nisi DEVS ex natura sua esset omni telo impene- trabilis; cum sit essentialiter indestruibilis ac immortalis.

MEDITATIO III.

De mediis Homini ad finem conducentibus.

Pralud. I. Imaginare Parentem aliquem opulentum, qui Filium suum mittens in urbem aliquam studiorum causa, abundè illi providet de cunctis ad hunc finem necessariis, non ideo ut ludat vel otietur, sed ut magis commodè studiis incunbat.

Pralud. II.

Prelud. II. Pete gratiam à DEO cognoscendi ejus erga te charitatem, qui tanquam Pater misit te in hunc Mundum, ut studeas cognitioni & amorì illius; quod ut commodè præstare possis, media tibi ad hoc necessaria providit.

PUNCTUM I. Sicut Dominus DEVS, omnibus aliis rebus creatis talia dedit media, quibus possint pervenire ad fines suos: atq; ita soli & lunæ dedit vim illuminativam ad illuminandum; igni dedit vim ultivam ad vrendum; aëri vim humectativam ad vegetandum; volucribus alas ad volandum, jumentis terram ad ambulandum & alendum, arboribus fecunditatem ad fructificandum &c. Ita quoq; tibi largitus est DEVS media congrua perveniendi ad tuum finem; eaq; duplicia, naturalia & supernaturalia. Naturalia quædam sunt intra te, & quædam circa te. Intra te, hoc est, intra tuam animam & corpus, sunt facultates seu potentiz; imprimis an. mæ; ut sunt memoria, intellectus, voluntas, doctrina, habitus scientifici &c. deinde corporis; ut sunt sensus omnes, sanitas corporis, integritas membrorum, firmities virium &c. Circa te verò sunt omnes res visibiles, ut Cælum & in eo sol, luna, stellæ; imò Angeli ipsi, qui sunt *administratorii spiritus, missi in obsequium eorum, qui hereditatem capiunt salutis.* Deinde sunt Elementa, ut ignis cum vi calefactiva & exsiccativa. Aër cum tot volucribus, Aqua cum tot piscibus, Terra cum tot animalibus, arboribus, floribus, mineralibus. His expensis exclama cum Davides: *Quid est homo, quod memor es ejus, aut filius hominis, quia reputas eum? Minuisti eum paulo minus ab Angelis. Gloriâ & honore &c. Omnia subiecisti &c.* Age gratias, lauda, invita omnes Creaturas ad collaudandum. Ama, Appretia, super omnia bona creata. Subpice te DEO; & deprime infra illum, sicut ille omnia depressit infra te.

II. Quo verò fine DEVS tot tamque varias Creaturas tibi dedit? Eo nimirum ut tibi serviant, imprimis ad comoda & utilitates tuas. deinde ut melius cognoscendum, amandum, laudandum, colendumq; DEVM. Vnde Creaturæ sunt

sunt veluti gradus quidam, per quos possis conscendere, & pervenire ad tuum finem. Ideo enim DEVS creavit e. g. solem, lunam, stellas, tum vt homini distinguerent diem à nocte; tum vt influxu suo hæc inferiora pro nostra necessitate afficerent; tum vt nos illuminarent, vivificarent. Homo verò, vt pote rationis & libertatis capax, debet inde excitari & assurgere ad cognoscendum & appetendum solem illum increatum, & à se; qui a nullo principio dependet, ab illo verò dependent omnia. Similiter ideo DEVS creavit terram, & in ea tot animalia, tot plantas & herbas, item in aëre tot volucres, in aquis tot pisces; vt hæc omnia serviant homini, tum ad victum & amictum, tum ad sustinendos labores, tum ad recreationem aliosq; vsus. Homo verò deberet inde per rationem investigare, & per voluntatem amare & colere Datorem, Conservatorem, Propagatorem horum omnium. Et sic de reliquis Creaturis, tum intraneis tum extraneis Homini, quarum vltim DEVS, in tuum commodum, tuamq; vtilitatem convertit modum & intentionem vtendi illis servando sibi, & ad seipsum vltimò ordinando. Expende jam quomodo omnes aliæ Creaturæ satisfaciunt semper fini suo; sol & luna illuminando, & noctem à die distinguendo; stellæ influendo, terra fructus & herbas producendo, aqua tot pisces generando &c. Verbo: omnis Creatura agnoscit te pro Domino servitq; tibi vsq; ad destructionem sui; tot iumenta, tot volucres, piscesq; in tuam necessitatem, labore perpetuo atteruntur, mactantur, consumuntur; tot arbores plantæq; excinduntur, flores fructusq; ex eis provenientes absumuntur, &c. Tu verò quomodo hæcenus vsus es istis creaturis? ad laudemne DEI & amorem; an verò illis abusus ad contemptum & despectum? Dedit tibi LEVS creaturas, vt illis vtereris tanquam mediis ad illum noscendum, amandum, colendum. tu verò in illis vltimum finem potuisti, dum illas plusquam DEVM, eiusq; Sanctissimam voluntatem amasti. Dedit, vt per illas tanquam per gradus quosdam in cælos conscenderes; tu verò ex illis construxisti tibi scalam, per quam in infernum descenderes. De-

dit, ut tibi servirent, & tu fecisti teipsum illarum servum. Erubescere. Iudica, an æquum fuerit malum pro bono, injuriam pro gratia reddere. Mirare malitiam tuam; & Patientiam. DEI. quæ te non modò non projecit; sed etiam attraxit ad se. Dole, veniam precare, emendationem propone

III Cum media debeant esse proportionata suo fini; nemo enim ad navigandum uritur equo, vel ad equitandum navì. sed è con ra: quia ergo finis hominis est supernaturalis: hoc est solis naturæ creatæ viribus non attingibilis: nam videre intuitivè DEVM, eoq; ita cognito perpetuò frui, atq; gaudere; superat prorsus omnes naturæ creatæ vires: ideo DEVS ad obtinendum talem finem, abundè nobis providit media proportionata: nimirum supernaturalia, eaq; duplicia; Extranea & Intranea. Extranea ad duo capita revocantur, ad Christum & MARIAM: sicut enim olim populo Israelitico dedit duas Columnas, quæ illum ducerent ad terram promissionis: Columnam nubis per diem, & columnam ignis per noctem. Ita quoque nobis Christianis, dedit Christum tanquam columnam nubis, cum ejus cælesti doctrina, exemplis virtutum, miraculis, cum ejus passione, morte ac meritis; cum Sacramentis ab eo institutis, sacrificio, regimine Ecclesiastico &c. Dedit quoq; MARIAM Virginem Deiparam, tanquam columnam ignis, tanquam mediatricem & advocatam nostram; ordinando, ut omnia per illam habeamus; & nemo salvetur nisi per illam. Illa ergo tenebras nostras illuminat, illa frigus tentationum arceat, illa iræ Divinæ tela removet, illa fovet, protegit, gratiarum dona impetrat &c. Intranea quoq; media duplicia sunt: Habitualia & actualia. Habitualia sunt: Gratia sanctificans, habitus virtutum infusarum, tum Theologicarum, tum moralium; qui nobis in Sacramentis potissimùm, vna cum gratia sanctificante à DEO ob merita Christi intunduntur. Actualia verò, sunt sanctæ illustrationes intellectus; & piæ affectiones voluntatis; quibus nos DEVS interiorius excitat ad omne bonum, & avertit à malo. Si ergo multùm debes DEO pro donis naturalibus, in duobus illis punctis enumeratis; quantum debeas

bebis pro 'supernaturalibus' quorum vnumquodq; etiam minimum, superat suâ magnitudinē & excellentia, omnia illa etiam collectivè sumpta. Expende jam, quomodo haec teus istis mediis usus fueris, ad salutem animæ tuæ, an vero ad perniciem, ad maioremne honorem & cultum DEI, an verò ad contemptum.

In Colloquio. Erubescere. Dole. Gratias age. Mirare patientiam DEI. Deprecare. Emendationem propone. Auxilium polce per summam bonitatem & dignitatem DEI, per merita Christi, B. V. MARIE.

Pater noster, Ave Maria, Credo &c.

D I E S S E C V N D A

Dedicanda IESV Christo DEO Homini in gratiarum actionem pro beneficio Incarnationis Filii DEI, & ad Fidem. S. Vocationis; in satisfactionem pro peccatis contra tres Animæ potentias, & contra Fidem, Spem, Charitatem commissis; ad impetrandas efficaces Gratias Gentilibus & Iudæis, ut fidem sanctam amplectantur; & obstinatis peccatoribus, ut tandem resipiscant.

M E D I T A T I O I.

De peccato mortali.

Pralud; I. Imaginare Dominum DEVM, tanquam Regem tremendum, circumstantibus Angelis, & SS. Patronis tuis, in throno confidentem: te verò tanquam dissipatum de 10. milibus talentorum dissipatis, & late Majestatis reum, ferreis vinculis contrictum, ei præsentari.

Pralud, II. Postula à DEO gratiam, ad agnoscendam malitiam peccati mortalis, dolendum de commissis, & salutarem illorum horrorem; atq; propositum efficac, illa cavendi in posterum, concipiendum.

D 2

PUNCTVM I.

PUNCTUM I. Si aliquis homo dives ac prudens haberet in suo promptuario, vasa argentea, aureaq; opere eleganti facta, & lapidibus pretiosis distincta, in quibus multum sibi complaceret; eò, quòd manu propria, ea elaborasset; ideoq; illa ad primarios mensæ suæ usus adhibere statuisset: interim in illis vasis adverteret vnā alicuius liquoris venenati, guttam propter quam tantum erga illa horrorem & nauseam conciperet, vt ea statim è suo promptuario proiceret in sterquilinum, nunquam amplius spectanda aut reperenda, sed in odio & abominatione, habenda perpetuò. Quis non iudicaret, guttam illam veneni, esse nimium perniciosam, abominabilem, ac detestabilem; à qua merito sibi quisque cavere deberet? Quid, putas, homo ille ageret cum vasis luteis, si in eis non guttam, sed copiam talis liquoris grandem deprehenderet? Rex ille sæculorum habuit nobilissimas in promptuario cæli Creaturas Angelicas, multis naturæ & gratiæ donis adornatas; in quibus multum sibi placebat, tanquam in opere, ex omnibus naturæ operibus præstantissimo: sed postquam in eis reperit vnum mortale, superbiæ ac elationis peccatum; tanto adversus illas exarsit odio, vt eas repenti de Cælo, in baratrum inferni præcipitaverit, sine vlla spe misericordiæ vnquam illis exhibendæ. Crede id firmiter. Approba iudicia DEI dicens: *Iustus es Domine, & rectum iudicium tuum.* Admirare, ac time inscrutabilem ipsorum profunditatem, cum Apostolo exclamans: *O altitudo divitiarum Sapientiæ & Scientiæ DEI, quàm incomprehensibilia sunt iudicia ejus.* Confer te ipsum, cum Angelis, tuq; innumera, cum vno illorum peccato. Adora & ama longanimitatem DEI, qui esto in te, luteo vase tot venena deprehenderit; tamen tibi oculus ejus pepercit. Detestare tuam malitiam. Dole pro illa. Propone quàm diligentissimè in posterum evitare quodvis grave peccatum; ne fortè incurras similem indignationem, iramq; DEI; ne proiciat te à facie sua &c.

II. Si aliquis Rex potens, mendicum è fimo levatum, in aulam tuam adsciret, totiq; domui præponeret, omnia bona sua,

sua, in manus ejus tradendo, ut de illis, pro suo placito disponeret, ipsque vteretur; excepto hoc unico, ne ullam cum capitali Regis hoste communicationem haberet. Interim Rex advertens mendicum illum semel familiariter alloqui hostem suum, ab eoque munera accipere; indignatione commotus, mendicum e palatio ejectum traderet tortoribus, horribili cremandum igne: sed tamen ejus, ad instantiam Filij sui, misertus, à rogo liberatum, ferreis compedibus juberet constringi; atque ita durissimis laboribus & ærumnis diuturnis, una cum suis Filiis addiceret. Quis non judicaret, illam cum hoste communicationem, esse Regi nimium odiosam? Quis ex Aulicis Regis, auderet in posterum, Rege inspectante, cum ejus hoste colloqui, & versari familiariter, atque ab illo, muneris loco, aliquid accipere. Rex ille immortalis, Adamum, primum Parentem nostrum, è limo terræ, manu sua formatum, & plurimis tum naturæ, tum gratiæ donis auctum, in palatio paradisi collocaverat, dominumque totius orbis constituerat; omnia pedibus & imperio ejus subijciendo. Prohibendo interim, ne fructum è ligno vitæ ad ullam cujusque persuasionem, attingeret comederetque; alioquin propterea atroci mulcandus morte. Adam nihilominus ad persuasionem Diaboli, Capitalis hostis DEI, fructum ex arbore Vitæ decerptum comedit. Quid ergo inde secutum? En propterea una cum omnibus posteris, morti temporali & æternæ à DEO adjudicatus. Cui procul dubio fuisset traditus, nisi Filius DEI pro eo supplicasset, & morti acerbissimæ se obtulisset. Cujus intuitu, condonavit quidem DEVS Adamo mortem æternam & rogam inferni: sed tamen cum omnibus gratiæ donis exiit, è paradiso loco voluptatis ejecit, ad gravissimas & diuturnas misérias, ad duos 900. annorum labores, ad sudorem vultus damnavit; morte denique temporali punivit. In posteros autem ejus, famem, sitim, bella, morbos, tentationes, misérias, afflictiones, mortem denique temporalem in-misit: con-minando eis, quod si aliquid simile, atque Adam auderent, in æternas illes esset flammæ præcipitatus. Excita circa hoc actum vivæ fidei! Mi-

rare infaniam hominum, qui cum hæc sciunt, aufert cum DEI
hoste habere commercium, & ad ejus persuasionem, mandata
DEI toties transgredi. Time de te horribilia judicia DEI.
Age illi gratias, quod te tam liu toleraverit. Apprehente,
nullum locum est: jam securum; siquidem & Angeli in Cælo,
& Adam in paradiso, cum tantis donis ceciderunt. Statue cum
timore & tremore, salutem tuam operari.

III. Si Parens quispiam sapiens, suosq; Filios tenerrimè
amans, aliquem ex illis, ob vnam maculam, vltro in oculo vel
manu admissam, iusto zelo correptus, ex longa prudentiq; de-
liberatione, in fornacem ardentem projiceret; ibiq; diu sine-
rer gravissimè torqueri, ita; vt etiam si videret atroces illius
cruciatu, audiretq; lamentabiles genitus; tamen non solum
illius non miseretur, neque illum inde extraheret; sed etiam
constrictum catenis, juberet in illo igne diu detineri; imò ipse
materiam pro igne suppeditaret, eumq; flatu suo succenderet.
Quid putas, quantum illi Parenti ea macula filii n deturpans
displiceret? quantopere esset à reliquis cavenda filijs. Nullus
Parens, ita tenerè filios diligit, atq; Bonus DEVS animas hu-
manas: siquidem propter illas, nec filio suo pepercit; sed eum
atrocissimè exposuit morti. Et tamen ille advertens in ani-
ma humana labe n peccati mortalis vnus, alteriusvè; ob hoc
ipsum, eam in fornacem inferni detrudit; nec inde eliberat,
cum possit, sed ipsemet ignem illum succendit, atq; damna-
tam in æternum torquet, torquebitq; tamdiu, quamdiu DE-
VS durabit. Quanta igitur debet esse scditas illius maculæ?
quanta infania ejus, qui ipsam vltro incurrit? Et tamen o
quot homines propter vnum alterumvè peccatum mortale so-
la cogitatione admissum ardent in inferno, ardebuntq; in æ-
ternum! Quia non æqualis peccatorum mensura cuiq; de-
stinatur; qua impleta pereundum est. Quorum cruciatu esto
videat DEVS, & illorum gemitus & lamenta audiat; tamen
illorum non miserebitur vnquam.

In Colloquio, Admirare DEI circa te longanimitatem.
Accusa tuam malitiam & enormem stultitiam, quod tuus es
freni

frēni equo infanior. Quis enim equus ita præceps vadit, ut ad aspectum ruentis contra se fulminis non solus fiat, neque se derineat in cursu. Et tamen tu videns coram te fulmen illud: *Discedite à me maledicti*: videns apertum infernum; toties in toveam peccati mortalis te præcipitasti; certò sciens, si in hoc moraris, in baratrum inferni te calurum. Roga DEVM ut tibi aperiat oculos, & freno sui timoris te contineat: præsertim quia nescis, an post vnum alterum, vè perflum, quem peccando facis, non rues jam in æternum illum inferni puteum.

Miserere mei DEVS &c.

E I A C V L A T O R I Æ

per diem vsurpandæ.

I. Averte faciem tuam à peccatis meis, & omnes iniquitates meas dele.

II. Pater peccavi in cælum & coram te, non sum dignus vocari Filius tuus.

III. Malo mori, quam villo peccato fadari.

DO G M A M A T V T I N V M

Vnde cognoscendum, quòd aliquis vivat per

Gratiam DEI?

HOc, præter cætera, discrimin est, inter naturalem corporis, & supernaturalem Animæ Vitam; quòd de illa certissimè nobis constet; utpote quam tot signa, tot motus, tot actiones demonstrant. Quis enim vivens non experitur se vivere? certè qui de hoc dubitat, insanus est: nam ipsa sua dubitatio, quæ actio vitæ est, signum præbet evidens, quòd ille, qui dubitat, vivit; nam si non viveret, dubitare non posset. Vita autem Gratiæ an insit animæ, non est nobis æquè compertum; nempe, quòd nec evidentia scientiæ, nec fidei certitudine cognosci possit. id quidem scientia ideo non assequitur; quia illa rem, aut per causam,

causam, aut per effectus venatur: Causa autem Gratiæ seu vi-
 cæ supernaturalis, est voluntas Divina beneplacens & perfe-
 cta, ad quam cognoscendam nulla ratio naturalis ascendit.
Quis enim cognovit sensum Domini. Rom: 11. Effectus verò Gra-
 tiæ a Deo sunt occulti, ut eos neq; sensus percipiat, nec appre-
 hendat cogitatio, nec ipse intellectus, an à Gratia nos DEO
 gratos faciente dimanent, assequatur. Neq; verò etiam Fides
 Divina mover ad credendum nos habere Gratiā & amici-
 tiam DEI: licet enim sit dogma Fidei, eum, qui ut oportet
 detestatur peccata, vel Sacramenta suscipit, adipisci Gratiā
 DEI: tamen hæc opinio, quæ proficitur, me, vel quempiam
 alium habuisse prout par est, sufficientem hanc detestationem,
 vel ad Sacramentum dispositionem, est nonnisi moraliter cer-
 ta, adeoq; falsitati ac deceptioni obnoxia: ex hac autem opi-
 nione non elicitur certa nostræ Gratiæ cognitio; sed probabi-
 lis duntaxat, ac verisimilis quædam conjectura. Merito igitur
 Salomon in Proverbijs c. 20. inclamat: *Quis potest dicere.*
Mundum est cor meum, purus sum à peccato? Et iterum Ecclesi. 9,
 dicitur: *Sunt iusti atq; sapientes, & opera eorum in manu DEI; &*
tamen nescis homo, virum amore an odio dignus sit; sed omnia in su-
turum servantur incerta. Quæ verba dum secum D. Bernardus
 accuratius perpenderet, tremore se solitum, ac sibi præ horro-
 re comas erigi profiteretur, sicq; de se, scribit serm: 23. in Cant:
Terribilis est locus iste, & totius expertus quietis; totus inhorruī, si quan-
do in eum raptus sum, illam apud me replens cum tremore sententiam:
Quis scit, si est dignus amore an odio? Similis est illa Spiritus S.
 ore prolata Parenthesis, *Ne propitiato peccato noli esse sine metu Ec-*
clesiæ. Quia videlicet, an sit propitiatum, tibiq; dimissum,
 ignoras: quemadmodum ignoravit simplex ac rectus Iob. capt: 9.
 Ss, inquit, *justificare me volueris, os meum condemnabit me, si inno-*
centiam ostendero, prapum me condemnabit, etiamsi simplex fuero. hoc
ipsum ignorabit anima mea. Merito ergo Tridentina Synodus Ses-
 sione 6 capt: 9. Can: 14. anathema dicit Hæreticis, assenti-
 bus: Nos, (teclusa speciali revelatione DEI) certò & ex fide
 credere, gratiæ viram, & amicitiam DEI accepisse, cuius noti-

onem tot impedimenta minus certam faciunt, totq; dubitationes obscurant, adeo, ut quilibet iustus, possit illam Davidis precationem sibi assumere. *Delicta quis intelligit, Ab oculis meis munda me, & ab alienis parce servo tuo.* Quoniam ipsa quæ nescimus, nos sæpe maculant, nisi DEVS, qui occultorum est cognitor, quæ sibi displicent, occulta detergat, Ea quippe conditio Amicitia Viatorum est, ut quia illorum cognitio est obscurior, etiam amor non careat sua formidine. Et certe si rarus vel nullus amicorum in amicitia humana certus est de alterius erga se benevolentia; cum natura se quærat in omnibus, & pauci reperiuntur, qui intus ii sint, quos exterius sese produnt; quid ergo mirum, si de mutua DEI in nos, & nostra in DEVM benevolentia, certi esse non possimus? Quod si dixeris: Scio me amare DEVM; Non repugno: at enim quomodo scire potes, utrum hic Amor sit naturalis, an supernaturalis charitatis, quæ sola iustificat?

Verum licet ita sit, nos de Gratia ac Spirituali Vita animæ, omnino absq; hæsitacione certos esse non posse: non tamen, sine vllis testimonijs amicos suos DEVS reliquit, quibus erga illos declararet divitias misericordia suæ, ipsosq; vitam spiritualem habere sufficienter ostenderet. Liceat ergo hic pro consolatione iustorum, & in gratiam hujus præstantissimæ, qua iusti vivunt, Vita, aliqua indicia seu conjecturas moraliter certas, ac Vita spiritualis effectus producere; idq; ideo, ut hoc præstantissimum donum, quod nobis inesse ex huiusmodi indicijs coniectamur, toto conatu ac diligentia servemus & augeamus.

I. Igitur Coniectura, quod Gratia DEI vivamus, est odium & detestatio efficax peccatorum præteritorum, in generali consideratorum, dolorq; de eis, cum serio emendationis proposito. Nam ut ait S. Bernardus serm: 3. de Adven. D. *Diligit DEVS animam, quæ in confectu ejus, & sine intermissione considerat, & sine simulatione adjudicat semetipsam.* S. verò Chrysost: Contritionem vocat illud labrum æneum de speculis mulierum fabricatum, & in introitu Vita spiritualis collocatum, in quo est aqua doloris & lacrymarum, quæ mundetur: est speculum,

E in quo

in quo tuam aspicias immunditiam. Huius verò odii ac detestationis peccatorum, testis esse debet dolor, summo cum fervore, quàm creberrimè excitandus, juxta solitam Actus Contritionis formulam, communiter à Theologis approbatam, quam subijcio. Domine DEVS meus, quem super omnia bona summè amo, diligo, appetio, & proppter teipsum solum astringo; detestor omnia peccata mea super omnia mala; quia te illis DEVM meum, pro, ut es in te summè bonus summèq; perfectus, offendi; ideo nunc doleo. de illis, & propono firmiter cum tua gratia auxilio seriam emendationem; voloq; facere omnia quæ à me fieri, & vitare omnia, quæ à me vitari vis. Insuper ideo illa detestor, quia peccando non obediui tibi, supremo meo Domino; eumq; tibi cultum non exhibui, quem debeo, prout es Primum Principium Creationis & Gubernationis mei, atq; excellentissimus author Gratia & Gloria; quia jus tuum supremum, quod habes, ne ab ulla Creatura offendaris, peccando violavi. Si ergo hunc dolorem quis experitur, si hoc odium peccatorum habet; non temerè opinari potest, se à peccatis erutum, & Gratiam ac Vitam animæ esse consecutum. Porro hic dolor de peccatis, omnibus quidem est necessarius; maximè tamen Religiosis, quorum status, est status Penitentia, ut docet Sanctus Thomas. Idèq; S. Iohannes Climacus Gra: 21. Monachum appellat jugem excessum mentis ac marem Vitæ; præsertim ob peccata propria, quorum memoriam, ibidem ait, esse humilitatis opificem. Neq; vero gravia duntaxat, sed etiam venialia deffenda sunt delicta: uti faciebat, teste S. Hyeronimo, B. Paula ejus discipula, quæ ita levia plangebatur peccata, ut illam gravissimorum criminum crederes ream.

II. Conjectura est stabilis, ac firma, & quasi inconversibis voluntas non perpetrandi aliquod grave peccatum, etsi aliquis timeat aut propriæ vitæ, aut omnium rerum creaturarum iacturam. Talem constantiam exigit ipse DEVS, & S. Brigittam l. 1. c. 14. instruens commedat: Sunt, inquit, qui plus timeant peccare & offendere voluntatem meam, quàm de aliqua pena magisq; libenter cruciarentur in æternum pena intolerabili, quam me provocarent scienter ad iram. Tu nullum peccatum puta leve, nullum
negligio

negligendum. Et certè: si Omni, qui natus est ex DEO peccatum non facit: quoniam semen ipsius in eo manet, & non potest peccare, quoniam ex DEO natus est, ut ait Ioannes Apostolus 1. Ioan. 3. Non solum ex eo, quod vitet omne peccatum actuale, verum etiam ideo, quia quatenus retinet semen Divinum, & in DEO manet, ex quo natus est, vel prout loquuntur scholæ, in sensu composito & hypothetico, non admittit voluntatem peccandi: qui hanc in se firmissimam voluntatem sentit, atq; desiderium famulandi DEO, eiusq; mandata observandi adeptus est, magnam habet suæ in DEO mansionis fiduciam, atq; adeo Vitæ spiritualis conjecturam.

III. Conjectura est Testimonium propriæ Conscientiæ non increpantis nos, neq; adversus grave aliquod peccatum oblatrantis; præsertim post adhibitam pro Virili eam in obediendis Sacramentis diligentiam, quæ sufficit iudicio prudentis Confessarii. Hoc argumento solatur suos discipulos Apostolus 1. Ioan. 3. *Charissimi, inquit, si cor nostrum non reprehenderit nos, fiduciam habemus ad DEVM, & quicquid petierimus, accipiemus ab eo; quoniam mandata ejus custodivimus, & ea quæ sunt placita coram eo facimus.* Nam ideo nobis DEVS impressit conscientiæ motum, ut distorta dirigat. iniqua corrigat, reprehendat prava, bona approbet, & ad meliora semper instiget; atq; ut nonne-
mo ait, sit ante peccatum, frenum; post peccatum flagellum, Si ergo hæc importuna accusatrix, & delicata actionum nostrarum inspectrix, nullius nos criminis arguit; conjectura est, & probabili persuasione fulta fiducia; nos placere DEO, & Gratia spiritu vivere, atq; nobis animos posse addere cum Apostolo 2 Corint. 1. *Gloria nostra hæc est, testimonium Conscientiæ nostræ, nec de præterita, nec de præsentī culpa, nos remorden-
tis.* Unde S. Augustinus in illud Psalmi 49. *Exultabunt Sancti in gloria.* Est quidam modus, inquit in conscientia gloriandi, ut noverim fidem tuam esse sinceram, noverim spem tuam certam, noverim charitatem tuam esse sine simulatione. Ita S. Antonius fidens agebat: Ego DEVM meum non timeo, sed amo. Et ille pauper apud Taulerum dicebat: se in DEO securum conqniescere. Cæte-
rum

rum modestè huic testimonio Conscientiæ fidendum est; illudq; ejusdem Pauli cogitandum 1. Corint. 4. *Nihil mihi conficius sum, sed non in hoc justificatus sum; quia qui judicat me, Dominus est.* Illud quoq; Augustin. *Debet quisq; cum tremore exultare quia donum DEI est, unde exultat, non meritum suum.* Atenim sunt multi sibi placentes, & iustos se esse arbitantes: sed quis gloriabitur, castum se habere cor aut quis gloriabitur, se mundum esse à peccato.

IV. Conjectura est Testimonium Spiritus S. qui interdum latentè mentibus iustorum loquitur, & testificatur; ipsos Gratiâ & amicitiam DEI consecutos. *Ipsè enim spiritus reddit testimonium spiritui nostro, quòd sumus Filij DEI.* ad Roman: 8. Verùm & hæc Spiritus S. testificatio, non est certa certitudine Fidei, ut volunt Hæretici, nec etiâ certa certitudine infallibili, ut volunt, Catharinus & Cajetanus: sed tantùm certa est certitudine Conjecturali; quæ tamen certitudo cum sanctitate & bonis operibus, pari passu incedit, adeo, ut nonnulli, quos noster Pererius sequitur, existiment, aliquos Viros Sanctos, sine speciali DEI revelatione, ex signis & effectibus Spiritus S. quos valde crebros clarosq; & efficaces in se experiuntur, habere certitudinem, non quidem infallibilem, ita ut audent jurare, se esse in gratia DEI; sed talem & tantam, quæ omnem metum & formidinem oppositi excludat. Hinc illud S. Cypriani libro contra Demetrium: *Viget, inquit, apud nos fidei robur, & firmitas fidei, & inter insas seculi labentis ruinas, erecta mens, & immobilis virtus, ac de DEO suo semper anima securo.*

V. Coniectura est, molto tempore grave peccatum non perpetrasse. Gratia namq; non solum est multorum fecundissima honorum; sed etiâ ad depulsionem malorum ita potens, ut anima ejus viribus munita, dicatur *ordinata Castellorum aces, & equitatus Pharaonis quàm similima*, ob innumeros a S. Bernardo, serm: 39. in Cantica, & instructissimos virtutum, quibus pugnat & vincit, manipulos. Est lux, quæ tenebras pellit: est medicina, quæ morbos animæ propulsat: est aqua purissima, quæ sordes omnes eluit. Potuit quidem natura humana, si prout erat à DEO condita, stetisset integra, communibus

fratrum auxiliis, omnem peccati gravioris labem devitare; ceterum post amissam hanc integritatem, nisi Gratia Divina habitu, & praesidio caelesti speciali firmetur, expers letiferi lapsus diu esse non valet. Porro causam huius impotentiae refert Divinus Theologorum Antesignanus lib. 2. q. 109. a. 3. & 9 in Contumaciam nostrae Voluntatis rationalis & græ DEO subiectæ; quæ pravis cupiditatibus in transversum abrepta, quia sapientius à DEO & à recto declinat, facit, ut contracto habitu Divinis præceptis opposito, vitiosæ ac in malum propensæ, sensitivæ voluntati, diu non possit reluctari, nisi antidoto Gratiæ Divinæ speciali correctæ, retineatur in officio erga DEVM. Confirmat hoc ipsum S. Gregorius homil. 11. in Ezech. aitq; *Peccatum, quod citò Penitentia non deletur, suopta pondere in aliud trahere*; cui peccatorum Catena crebris quotidie nexibus deorsum trahenti & præcipitanti, minatur Propheta: *Va, qui trahitis iniquitatem in funiculis vanitatis, & quasi vinculum plausisti peccatum.* Sed ruinam hanc sistit Gratia, & rupta catenâ istâ, vindicat homines in libertatem filiorum DEI, offensam Patris ubiq; timentium. Qui ergo pluribus annis, quantum sibi conscius est, ad peccatum grave non pertrahitur, certam potest habere spem, se non esse mortuum in anima; sed DEO vivere. Sicut enim Corpus animâ destitutum non potest diu non frætere, aliq; indicia privationis Vitæ monstrare: ita anima DEO mortua, non potest diu signa spiritualis mortis non ostendere, & multo tempore non emittere alicujus peccati factorem. Si alicubi, certè in Religiosis maximè, conjectura hæc locum habet, habereq; debet: nempe qui mortui peccato, iustitiæ vivunt, Vitamq; in Christo absconditam habeant; atq; ut cadunt rariùs, surgunt velociùs, irrovantur frequentiùs; ita Spiritu Gratiæ animati, mortalia crimina, pejus morte detestantur. Quod inter alios suo probavit exemplo, & què ante in seculo celebris ac post in Religiosa Vita fervens P. Antonius Padilla, nostræ Societatis; qui extrèmo agoni proximus, cum nimio quodam metu percelli ac deijci videretur, quæsitus: Num Conscientia mortalis alicujus peccati, causa esset timoris illius? semis or-

tuâ voce exclamavit: IESV bone, quid hoc monstri? Religiosi?
& peccatum mortale.

VI. Conjectura est, dum habemus non solum propriorum peccatorum, sed etiam alienorum sincerum odium, & zelum, prout in nobis, ita & in aliis, extirpandorum. Ita docet S. Basilius Interrog: 296. vbi quærit. Qua ratione persuaderi possit cuiuspiam animæ, quod à peccatis sit libera? Et respondet. Si quis in seipso affectionem illam, similem David, inesse animadvertit; apud quem est, Iniquitatem odio habui, & abominatus sum, ac verè dicere illud possit: Non adhuc mihi cor prævum declinantem à me malignum non cognoscebam. Deinde hujus peccatorum odii, hoc Signum statuit. Dum aliquis intelligit, se in hujusmodi affectione esse possum, ut etiam adversus peccantes; admirabilem & horrore plenam Sanctorum Virorum misericordiam illam imitetur: veluti Davidis, apud quem est, Vidi pravaricantes, & rabescebam. Et Apostoli Genetium, qui ait: Quis infirmatur, & ego non infirmor? Quis scandalizatur & ego non vror? Quando ergo aliquis vel in suis vel in alienis peccatis, eo modo affectum se esse animadvertit; tunc sine dubio credat se liberum esse à peccato; & consequenter se esse in Gratia DEI: cuius amoris honorisq; zelus ita afficit hominem justum, ut non solum in se, sed etiam in aliis, exosum DEO peccatum, odio prosequatur. Qua de re, benè ait S. Laurentius Iustinian: Fascic: Amor. c. 14. Non potest non dolere de alienis, qui veraciter de suis plangit peccatis. Quotquot igitur succensi sunt charitatis face, ij proximorum. tanquam propria scelera desens, Et S. Augustinus serm: 44. de verbis Domini: Geminus inquit, plerumq; in peccatis Fratrum nostrorum, & vim patimur, & torquemur animo. Ita olim torquebatur & gemebat Moyses: ob quod illum ait S. Chrysostomus fuisse e-vestum à DEO, ad thronum publici dominatus. S. verò Franciscus, ut auctor est D. Bonaveni c. 8. Vitæ, ejus; cum cerneret, animas pretioso IESV Christi Sanguine redemptas, aliquâ peccati sorde inquinari, tantâ illas miserationis teneritudine deplorabat, ut eas tanquam Mater in Christo quotidie par-
turiret.

turirer. Idem, de peccatis alienis, sensus doloris, in Sancto P. N. Ignatio, nondum Sacerdote, singulariter sese prodebat. Vnum illud præ multis argumento sit; quòd, cum Barcinonæ dando operam literis, noctu oraret in domo Ioannis Paschalis, splendore cælesti è facie prodeunte, cubiculumq; illustrante, circumfusus, elevatusq; ad 5. cubitos à terra, hæc verba ingeminabat: *O Domine; o DEVS cordis mei, o dilecte mi! O fite homines cognoscerent, nunquam te offenderent.* Lancia; de Orat; Opul. 11, c. 7. Imitatus Patrem primus ejus Socius Petrus Faber, continuam habebat animi tristitiam pro peccatoribus legem DEI derelinquentibus; prout ejus vita testatur. Quid memorem Magnum Indiarum Apostolum Sanctum Franciscum Xaverium, qui dum suis careret, aliena ceu sua lugebat luebatq; crimina; cum Vir ille innocentissimus, Apostolica charitate plenus, non solis lacrymis, sed & sanguine crebris expresso verberibus, noxas proximorum expiaret. Noverant optimè hi Sancti, quod Divæ Catharinæ Senen; dictum est à DEO Patre, Dialog; c. 89. *Pena cor affligens, ex offensa mihi facta & detrimento proximi, fundatur in Charitate sincerissima, pingvificans animam, quæ utiq; gaudet ac in se latatur; quia signum est appetitè demonstrativum, esse me in ea per gratiam singularem.* Similis de alienis peccatis dolor, DEI dilectione eonditus, calens; resq; ad ignem charitatis lacrymæ, nos Religiosos, præcipuè Sacerdotes decent, monente Propheta Isai c. 1. *Plangite Sacerdotes, ululate ministri altaris.* Potissimum verò iidem affectus doloris tunc frequentandi sunt, dum, aliquod peccatum letale, à quopiam esse commissum, sive in Confessione Sacramentali, sive extra illam audimus; deinde dum iter facimus, vel eximus domo, aut cum proximis versamur. Deniq; deplorandus orbis terrarum, multò majore sui parte, DEI cognitione carens, nempe in Asia, Africa, & America; in Europa verò nostra, Iudaismo, hæresi, schismate, & innumeris sceleribus repletus, quàm inexhaustam suppeditat materiam, incredibilis doloris menti DEVM sincerè amanti, & de ejus honore atq; gloria sollicitæ? Inimò præter gravia peccata, quæ deploranda sunt,

sunt, docuit nos verbo & exemplo suo P. Balthazar Alvarez, valde dolendum esse; quòd videamus multa templa adeò vacua hominibus, plateas verò Civitatis adeò refertas, & tam paucos esse, qui accedant ad negotia sua apud hunc Dominum in throno sanctissimæ Eucharistiæ sedentem agenda; cum hujus rei causâ, nobiscum in terra manere voluerit.

Mitto alias Conjecturas, quòd quis Gratiâ DEI vivat in anima; uti sunt, dum quis continuo & ardenti studio, in perfectione sui crescere, & proficere allaborat; dum per omnia placere DEO, & proximos, præsertim sibi intensos diligere studet; dum rerum mundanarum vanitatem agnoscens, cælestiaq; mysteria contemplanis, quid in singulis negotiis agendum, quidve omittendum sit, facile animadvertit; dum sentit Gaudium & lætitiâ, non quidem illam inanem, quæ capitur ex rebus caducis, cujus extrema luctus occupat; sed quâ ita impletur, ut videat, virtutis viam non esse tristem, ac superare omnem mundi exultationem: dum in se sentit continuam & quasi Paternam DEI gubernationem, quæ se ad bona opera dirigit, & à peccatis gravioribus, eorumq; occasionibus præcavit; dum deniq; aut non timet mortem, sed eam æquo & alacri expectat animo; aut illam tanquam rem pretiosam cupit ac desiderat. Sed sufficiant 6. illæ priores Conjecturæ, quæ nos utinam ita ad meliorem Vitam elevent, ut etiam securos de Gratia Divina in nobis habitante reddant.

MEDITATIO II.

De gravitate peccati mortalis.

Praludia, sicut in priore Meditatione.

PUNCTUM I. Malitia peccati mortalis, consistit in aversione ne quadam à DEO, & conversione ad Creaturam: prout docet S. Thomas. Unde ille, qui peccat mortaliter, DEVM ipsum commutat pro Creatura, pluris eam æstimando, quàm DEVM, majoritq; ponderis ducendo, bonum fallum, momentaneum, ac vile; quàm verum, æternum, summumq; Bonum. Hinc

Hinc autem speret sequitur, peccatum mortale esse contemptum gravem DEI, cum Creatura comparati; esse despectum, justissimarum ejus legum, promissionum ditissimarum, & minarum valdè formidabilium. Vnde ulterius, peccatum mortale est gravis injuria, à Creatura, irrogata Creatori; adeoq; est offensa ejus infinita. Si enim offensa crescit secundum distantiam, quæ est inter magnitudinem offensi, & vilitatem, offendentis: cum inter Creatorem offensum, & Creaturam offendentem, sit distantia infinita; nam illius dignitas & excellentia infinities excedit vilitatem cujusq; Creaturæ; necesse est, ut offensa & injuria, quam Creatura irrogat Creatori, sit quoq; infinita; ideoq; incompensabilis condignè ab ulla pura Creatura. Accusa hic cæcitatem tuam. Damna infinities te meritarum. Adora & reverere summam illam dignitatem. Ama ejus patientiam. Agnosce te illà indignum. Roga, ne te abiiciat. *Ne proicias me à facie Tua.*

II. Discurram per Attributa Divina: ut per summam Excellentiam, Immensitatem, Sapientiam, Bonitatem, Omnipotentiam, Misericordiam &c. & nullum reperiam à quo peccatum mortale specialem non desumat dissonantiam, ac malitiam. Nam enormis malitia est, digno alicui viro, præsentis & videnti, gravem irrogare contemptum & postpositionem e.g. Si quis Regi in faciem dicat, *Rex pluvius ego facio hunc putidum Canem, vel fungum, quàm te; unde tibi terga verto, te non curo, gratiamq; tuam nihil facio.* Atqui DEVS est dignissimus, est ubique per suam immensitatem præsens, omnia videt per suam sapientiam; & tamen peccans mortaliter, eum contemnit, ab illo se avertit, Creaturam præligit, quàm ejus gratiam. Enormis malitia est; illum odisse, qui est dignus propter suam bonitatem amari. DEVS autem est summa bonitas; & tamen peccator practice eum odit; quia hic & nunc vult ejus malum; scilicet contemptum & offensam, ac injuriam. Enormis malitia est, offendere judicem ipsum, qui de offensa est judicaturus; potestq; offendentem se, statim damnare ad mortem. Peccator autem offendit DEVM judicem suum, qui potest

rest illud statim prolicere in infernum. Quod si considerabo DEVM ut meum Benefactorem; hinc peccatum mortale ratione ingratitude, tantam delumit monstrositatem, ut eam non possim satis stupere. Si enim expendero multitudinem beneficiorum, quæ mihi DEVS jam contulit, & adhuc per totam æternitatem conferre intendit: hæc tot ac tanta sunt; ut quamvis ego totidem obsequiis, ipsi hæcenus correspondissem, & in æternum corresponderem, vix adhuc minimum monstrarem debitæ gratitudinis signum. Quanta igitur & quàm abominabilis est ingratitude, loco obsequiorum; tot, tamque execrandis injuriis & contemptibus illi correspondisse. Hinc possum sigillatim discurrere per beneficia à DEO accepta, ponderando, quàm male me gesserim cum tanto Benefactore; & quantum supplicium meretur tam fæda ingratitude. Excitabo igitur intentum, de peccatis commissis dolorem; cum firmo proposito, nullum jam committendi; & cum intimo horrore, illa, eorumq; occasiones fugiendi.

III. Esto omnia Attributa Divina, plurimum exaggerant maliciam ac deformitatem peccati mortalis: tamen quo ad nos, nihil eam ita manifestat, atq; iustitia Divina; quæ horrendo supplicio punivit in Filio DEI peccata aliena, tradens propter illa Authorem vitæ morti acerbissimæ & ignominiosissimæ. Si aliquem vellet adversarius ejus ferire gladio, vel lancea, interim eum frater clypeo chalybeo ab ictu protegens, exciperet in se gladii ac lanceæ impetum, qui perumpens clypeum vulnus in eo hians aperiret. Nonne ille, qui gladio petebatur, multum deberet Fratri, ej. sq. clypeo? nonne ex clypeo colligeret, quantum ipsemet retulisset vulnus, ex quo illi fuisset moriendum. Si in ignem vehementem injectus adamas aut ferrum mox à violento illius ardore consumeretur; quid putas fieret, si in eundem ignem iniiceretur lignum aridum, vel stramen, an non subito periret? Ego sum in fabula: in me, propter peccata mea gravia, vibrabat gladium Iustitia Divina, me ferire volebat, interposuit se Filius DEI inter gladium, & me; objecit validis corpus suum innocentissimum;

nam ictibus. Vide igitur, quanta pertulit in capite, latere, manibus, pedibus, totoque corpore vulnera, & agnosce, quantam Iustitia Divina tibi infixisset, si in teipsum impergisset. Si ille qui se vadem pro te fecit, esto fuisset dignissimus, & sanctissimus, tam horribilia pertulit, quid tu ipse debitor, pro temetipso perferre debuisses, & debebis? Si in igne Iustitiae Divinae, adamas ille pretiosissimus, & nulli corruptioni peccaminosa obnoxius, ita consumptus est; quantum Tu, qui es lignum aridum, & unum stramen, timere debes?

Colloquium iustitiae cum Iustitia Divina, quaerendo ex illa; ob quam causam ita crudeliter delavit in Christum & postquam inaudièris, quia propter tua enormia peccata, quae ille ultro in se suscepit tanquam Mediator; ingemisce; toto corde dole; Christo gratias age; ruensque ad pedes ejus; ejure omne peccatum grave deliberatum. Offer te ad satisfaciendum pro praeteritis.

Miserere mei DEVS &c.

REFLEXIO

Supra

Amorem erga Proximum.

Illo tu Fratrem, quo te, digneris amore;
Non facias illi quid fieri tibi non vis.
Omnis prosperitas ejus, tibi gaudia gignat;
Et contra pariat fortuna sinistra dolorem.
Geitu, vel minimo caveas offendere verbo;
Praesens, seu absens fuerit, levipendere noli.
Non reprehende, tibi ratio nisi desuper adsit.
Subsidium prudens nec ei prestare recula.
Quantumcumque potes, vitioles dilue culpas;
Obloquium delit; non sit contentio servens;
Sitque tibi praesto sincerus candor agendi;
Sit quicquid, defectus ejus tolerare, jucundum;
Officiis illum, meritoque praebis honore,

Invidéas nunquam, sed plaudas, laudibus ejus.
Perferat infullos constans patientia mores,
Occultosq; premant secreta silentia nævos.

REFLEXIO

Supra

MEDITATIONEM.

Pervigilem Punctis majoribus imbue mentem;
Atq; pios animi, quos promas, perspice motus:
Turgida non inflet tennes fiducia vires.
Lentas rumpe moras, dum sanctior insonat hora.
Sedula dispersam frenet collectio mentem.
Demissosq; DEI reverentia cernuet artus.
Indiga se largi confessio noscat egere
Suppetiis Cæli: præludia congrua fiant
Anxia curarum places Examina carum
Non siccis arens discursibus extrahe tempus:
Nonq; pios animi meditantis negligè motus:
Cœlica sollicitis multis at sidera votis.
Colloquio tandem, claudat Meditatio finem;
In quo misterii trutinati summa Coronis.

DOGMA POMERIDIANVM.

De sollicitudine conservandi Vitam Gratiæ DEI.

Vitam hanc mortalem Corporis nostri, describens Sanctus Gregorius homi 37. in Evang: ait Temporalis vita æterna vitæ comparata; mors est potius dicenda, quàm Vitæ ipse enim quotidianus defectus corruptionis, quid est aliud quàm quadam prolixitas mortis. Et tamen illam, esto ita brevem, fugacem, calamitosam, ærumnis, miseriis, afflictionibusq; plenam, usq; aded appetiant mortales, ut ei retinendæ, & conservandæ, labores omnes & contentiones impendant. Quid enim unquam omittitur, quod credatur posse conducere ad fovendam, mulcendam,

mulcendam, retinendamq; labilem hanc Vitam? huic uni tot hominum myriades, in agris, in urbibus, in sylvis, terra mariq; bello & pace, diu ac noctu adlaborant, sudant, immoriuntur: & interim Vitam animæ vix curant, vix recogitant, vix occulta sui recordatione ferientem sentiunt, vix audiunt monentem. Tanti æstimatur Vita Corporis caduci; tam nihili vita æternæ mentis! Tanto illa est honori, tanto hæc contemptui, ne dicam horrori! si oculus caliget, si caput doleat, si latus pleuritide laboret; quis non queritur, quis pharmaca non adhibet, etsi dolor ille duos duntaxat dies vel horas teneat; interim licet anima ictu mortifero confossa, complures dies, menses, & annos jacet; nemo sentit. Opes, deliciae, honor ipse contemnitur, ne Vita corporalis, quoad multa hominibus ac bestiis communis, amittatur; (nam *pellem pro pelle, & curcā qua habet homo, dabit pro anima sua*, Job: 2.) Iam verò Vita Animæ præstantissima, nobis Angelisq; beatis propria, heu quàm vili penditur; pro luto, fumo, vento, umbra, venalis habetur, negligitur, abiicitur etiam, & conculcatur.

II. Verùm hinc alienam insaniam quis pro meritò deploraret? quis satis lugeat tetram hanc noctem? Mirum profectò, quo tandem incantamento sic dementetur homo, ut sine hac Gratia vitæ, punctum temporis vivere, dormire, immo & edere, ne dicam joculari ac ludete quietus sustineat; & non magis ad hanc jacturam, iusto contabescat mærore. Nos quibus mens oculatior, saniorq; animus, detrahamus æstimationi caducorum, quod æternorum pretio addamus, ac de tuenda præferendaq; reliquis omnibus animæ Vita, decernamus. Quia verò nescit homo pretium ejus, ediscamus illud ab autore ipsius DEO; à Virgine. Matre Gratia, ab Angelis, à Sanctis, ut quidquid in nobis est virium, in Gratia conservationem, augmentumq; conferatur. (*Admirator enim laudatorq; accepta Gratia*, ait B. Chrysost: hom: 1. in Epist: ad Ephes.) *futurus est ejus studiosior custos, atq; attentior.*

III. Inprimis ergo vocemus hoc negotium ad sacrarium DEI stateram; certè in hac reperiemus, Vitam Gratia

Divinæ Infiniti esse pretii. Nam quid tandem DEVS Opti-
 mus in thesauris Potentæ Bonitatisq; suæ intactum, quid in-
 tentatum reliquit, quod nobis ad comparandam hujus boni
 consecutionem non profuderit? Non pepercit unico suo Fi-
 lio non ejus sanguini, non atrocissimis cruciatibus, non vitæ,
 non mortis; & tamen ille solus est æquissimus rerum pondera-
 tor censor, ac æstimator. Eripuerat homini Gratiā, nun-
 quam naturæ viribus recuperandam stygius hostis: ut ergo il-
 lam DEVS redderet homini, Vitamq; mortuo rursus inspira-
 ret, decrevit offensam illam, cujus intuitu tantam jacturam
 subierat, Persona sua Divinā luere & compensare; nihilq; o-
 mittere, quod erigendo homini, ac in pristinum statum repo-
 nendo, Omnipotens dictasset sapientia. Ob hoc unum homo
 factus, novitate insperati prodigii, totam Cælestium Civium
 Curiam, rapuit in admirationem, attonitamq; reddidit. Vi-
 derunt namq; illum à Paterno solio egressum, & in exterar
 longeq; distitas progressum oras, quod Reges nonnisi de gra-
 vissimis causis faciunt, è supremo cælo in terram iter arripe-
 re, quærere angulum Nazaranī tugurii, multoq; angustius ma-
 ter no utero concludi. Cum ergo hæc faceret, cum, postpo-
 sita Angelicarum mentium natura & conditione, in ærumnas
 mortalium infinitas ultrò sese coniiceret, quid tandem illum
 putamus tam insolito pretio licitari, quid prensare, quidve e-
 mere? Vnam, ah unam licitabatur, prensabat, emebatq; mun-
 do quidem vilem, sed sibi supra modum, Oram Gratiā; nec
 putabat eam tot, ac tantorum bonorum dispendiis, dolorumq;
 sumptibus, carè emi. O quàm magnum, quàm pretiosum,
 id esse oportet, quod toto seipso emit nobis, ille negotiator
 sui non ignarus, sed singula veris momentis librare & ponde-
 rare solitus, DEVS. Post susceptam verò naturam humanam,
 quos ille labores, quas ærumnas, quas ignominias non perculit,
 quantos non profudit sudores. Iam 40. dierum acrem ine-
 diam; jam horrendam totius corporis discerpti lanieam; jam
 coronam spinis crudelibus Caput penetrantem, jam probro la-
 in trunco infami inter facinorosos mortem. O quam gran-
 de illud.

de illud est, quod ipsimet DEO Virā stetit! Exinanit, & ad nihilum redigit seipsum DEVS, ut hominem diceret atq; adornet reſtitutā Gratiā! Neq; hīc hāſit ſolicita DEI negotiatio, ſed ad perpetuum augendā alendāq; in hominibus Gratiæ Sacramentum & ſacrificium devenit; quod non alio, quā Corpore & ſanguine Chriſti, panis ac vini accidentibus reſti, conſtaret. Parum ſcilicet ipſi erat ſemel hominem naſci, parum ſemel mori, ſemel ſepulchro condi; niſi milles in horas, immò toties, quoties in orbe toto Sacra peraguntur, inter Sacerdotum interdum ſacrilegas & inceſtas corporaretur manus; noſtrorumq; Corporum non jam novis, ſed cadaverofis tumulis premeretur. Hæc omnia agit quærendā conſervandāq; Gratiæ ingens DEI ardor, nihilq; ab eo unquam ſuſceptum, vel actum, niſi ad Gratiā infelicibus alioquin mortalibus parandam, tuendam, augendamq; dum nos interim, ô brutum, ô ignavum ſtuporem! Gratiæ cauſa ægrè pedem movemus. Quid enim eſt & quantulum, quod agimus & patimur; aut ſaltem optamus & volumus? Sit ergo nobis prima & potiſſima æſtimandæ Gratiæ regula, DEI pro illa negotiatio; ſit numeratō poſitus Chriſti ſanguis; ſit profuſa cum ſanguine per ſævos dolores anima. Cujus quidem pretii bene gnarus. S. Hilarius exclamat: *Magnum quid me eſſe ſentio, quod opus DEI ſum: majus omnino majus, quod tam copioſa, abundantiq; redemptus ſummā, ut tanti videar, quanti DEVS.* Eusebius verò Emiſſenus, *In ſtatera Crucis, non aurum, vel Angelum ſed appenſum, ait, ſalutis authorem, ut homo extorris à Gratiā, ſaltem de pretio ſuam penderet dignitatem.* Dignitatem, inquam, quam ſolam DEVS æſtimat in homine, & præter hanc, nullam prius. Expellebant olim & corporibus humanis malignos Spiritus diſcipuli Chriſti, ut eſt apud Lucam c. 10. Cum autem rem tantam viderent ſe facile nec ſemel perficere, reverſi ad fontem, ex quo hæc illorum poteſtas profluxerat, dixerunt: *Domine etiam demonia ſubiiciuntur nobis in nomine tuo.* Reſpondit Chriſtus, unam & ſolidam lætandi rationem illos edocens: *Nolite in hoc gaudere, quia Spiritus vobis ſubiiciuntur* (quia mirum, ut ait Beda, poſſunt id eri-

id etiam mali injustiq; homines facere) *gaudete autem, quod nomina vestra scripta sunt in calis*, jure scilicet Gratia. Idem esto judicium, de aliis omnibus, quæ veniunt nomine Gratiarum, gratis datarum. Quid enim prodest cæterarum cumulus gratiarum sive corporis, sive animæ, sive fortunæ; si illa una decedat, quæ nos facit DEO charos & amicos? Ponamus in unum quempiam à DEO congestum, quidquid usquam excellit in rebus creatis. Sit intellectu acutior spiritibus Angelicis, elephanto nervosior, formosior aurora & floribus, sole splendidior; unâ solâ careat Gratiâ; erit tanquam nihilum in oculis DEI; juxta illud Prophetæ Regii lapsum suum deplorantis. *Ad nihilum redactus sum.*

IV. Tu verò dignissima post DEVM, Virgo DEIpara MARIA, quanti hanc, quâ plena es, facis æstimatq; Gratiâ? Certe dignitas DEI Matris tanta est, ut ei ipsemet DEI Filius obsequiosam debeat observantiam, cælestes Spiritus reverentiam, homines clientelam, Venerationem & cultum totus terrarum orbis, Coronam & imperium mundi, quidquid creatum est. At enim mallet ipsa carere cæli terræq; imperio; immo mallet jus Matris DEI, honoremq; ultro à se abdicare, quàm carere Gratiâ; mallet esse Filia DEI per Gratiâ, quàm Mater DEI per naturam; minimè dubia, quod, licet nihil possit esse par amoris filii sui erga Matrem, plus tamen illam esset amaturus, si quam posset nancisci Gratiâ ditiores. Id enim Christus intelligi voluit, dum pater illi de turba mulier, egregiâ voce Maternum uterum, & Vitalia ubera prædicanti, respondit. *Quin immo, inquit, Beati qui audiunt Verbum DEI, & custodiunt illud.* Quo sanè responso nihil dignissimæ Matri derogavit; sciens, infatigabiles ejus curas in audiendo & custodiendo Verbo DEI, à nullo fuisse æquatas: sed docere voluit, has esse illius partes præcipuas, hanc beatitatis Summam, pluris in Matre & quovis alio, quàm jura Materna æstimandam; quæ parvi essent, absq; Gratia gemmâ, Compendii. Ita cum S. Augustino tractu 10. in Ioan: complures è Patribus interpretantur Christum; ipseq; satis tunc se explicuit, cum audiens

adesse Matrem, extentâ in discipulos manu ait: *Hæc est Mater mea & hi sunt fratres mei: quicumq; enim fecerit voluntatem Patris mei, qui in Cælis est, ipse meus frater & soror, & Mater est.* Magister Optimus, inquit Ep: 38. S. Augustinus, *Maternum Nomen, quod ei quasi privatum propriumq; nuntiaverunt, quia terrenum erat, in comparatione celestis propinquitatis abiecit, & eandem celestem propinquitatem, in discipulis suis commemorans, quo sibi rursus consortio generis, cum cæteris Sanctis Virgo Sancta cohereret, ostendit.* Et lib: 6. de Virginit: c. 3. negat: *Cognitionem Matris ulli emolumento Virgini futuram fuisse, nisi Christum feliciter mente, quam Corpore gestasset.* Quis hic nobis hanc Magni Augustini continuò refricet & insculpat vocem? Nihil Virgini profuturam fuisse *Maternitatem, nisi gratia DEI profuisset.* Nos verò profuturum nobis credimus; quòd apprimè docti, subiles Philosophi, arguti Theologi, Concionatores eloquentes, aliisq; donis tum naturalibus tum humanis dotati sumus; etsi interim quærere ac invenire, conservare, augereq; Gratiam apud DEVM negligamus.

V. Post Angelorum Reginam, vos quoq; Beati Spiritus, qui toti radiis Gratia Divina lucetis, edicite; quid hæc sit Gratia? Ab ipsomet oculato teste Filio DEI traditum est: *Gaudium esse Angelis DEI super uno peccatore Penitentiam agente.* O quæ tandem est excellentia illius boni, quod ebrios torrente voluptatis Angelos tanta voluptate afficit, quamvis alienum sit, & longè extra illos positum. Evehuntur homines ad regna, florentissimis præficiuntur imperiis, Victoriis & triumphis nobilitantur: & ad hæc beatissimi Cælorum incolæ silent, neq; ad has glorias videntur advertere; nedum illas adeptis gratulari; restituitur miserimus homo in gratiam DEI, & totum festâ gratulatione impletur cælum: Quanti ergo momenti ac pretii est Gratia? quæ Angelicas mentes, infiniti boni spectando beatas, ejusq; amore plenas, nihilominus recreat, & alienæ felicitatis gaudio perfundit. Quod quidem gaudium unum & purum est ex Gratia, omnemq; tristitiam ex homine bene cordato excludens: cum è contra omnia alia gaudia, quibus hic illudmur, vana sint, & indigna: immo nulla; sed tuncetorum malorum causa,

VI. Iam quanti apud Sanctos fuerit Gratia, & quanta, ejus causa, fecerint, tulerintq; longum esset recensere. Certe illi, nec divitiis, nec honori, nec lentis membrorum cruciatibus, nec vitæ ipsi pepercerunt; cumq; omnia in obsequium Gratiæ profudissent. magno lucro hæc duxerunt damna, gratisq; illam sibi data vix exultimarunt. Atq; inprimis Summa Veritas & Sanctitas jubet, nos, dextrum eruerè oculum, manum, pedemq; abscindere, crucem quondie tollere, abicere vitam; cum hinc aliquod imminet Gratiæ amittendæ discrimen. Cujus præcepti Divini, quia tenaces erant Sancti Martyres; nihil Tyrannica excogitare potuit crudelitas, quod ab illis non sit Gratiæ causa toleratum. Alii verò ejusdem periculo remedium provisorium, voluntarii suimet extiterunt tortores; rati præclarè secum agi, si discrimen peccandi, quibulvis corporum vexationibus redimerent. S. Franciscus Assisinas nunc in substratis vivis carbonibus, nunc in gelidis nivium cumulis, nunc in acutis spinarum manipulis, nudo corpore volutatus est. B. Ioannes de Bono, præcutas ungvibus suffixit arundines. B. Jacobus Anachoreta, manum foco injectam, donec nidore & tabo diffunderet, diu sustinuit. B. Martinianus, excitatâ è sarmenis flammâ, semel atq; iterum diu pedes ultulavit; seipsum interrogans: *Quantillum hoc esset ad aeternitatem ignium inferorum?* Et tamen hæc omnia, vita sunt illis levia; dummodo ne leui quidem assensu gratiam perderent; prudenter arbitrati, hoc brevi corporum detrimento, perennem animæ salutem esse asserendam. Quinimmo, vel solas, easq; distitas labendi occasiones semel expertus, nominatus nuper Martinianus, in editiorem desertæ insulæ scopulum, voluntarius exul sese recepit, ibiq; 6. annos in summa vitæ asperitate ac sanctinonia, sub dio transegit; donec ed appellens ex recenti naufragio periculose formæ Virgo; & capillis in terram subducta, edocuit: ne ibi quidem se satis esse remotum, ab iis, quæ fugerat, & horrebat, periculis. Quamobrem relicta providentiæ Divinæ curâ Virginis, cruceq; fluctibus maris impressa, iis se veluti navi commisit, non dubius, opem sibi in tam legitima causa ex-

litus

litus adfuturam: Et verò a portu ita solventi, gemini continuo Delphini adnantes, tergo exceptum, optato littori reddiderunt. Tantùm in ejus animo valuit verax Gratia Divina æstimatio! tantùm ejus propugnanda ardor potuit, nullis aquis ac fluminibus obruendus? Noverant scilicet optime, & continuo versabant animo hi Viri Sanctissimi; eo apud DEUM esse loco, tantùmque DEI oculis arridere Gratiâ, ut, qui illius sunt compotes, tum DEO munificè placeant, tum nihil boni agant, quod illi non sit pariter acceptum, & accessionem. Gratia mereatur, ipsamque Gloriâ immortalitatem. Non quidem titulo solius operis, quod plerumque est exue, & nullius quoad speciem momenti, sed jure personæ gratiâ prædita, à qua singularem & inæstimabilem derivat dignitatem. Paucæ est quidquid agimus; vel, ut ait Apostolus, *Momentaneum & leve, ad immensum pondus gloriæ*, quam Christiana prensat cupiditas. Quæ enim comparatio Regni æternum beati, cum calice aquæ frigida? quæ cogitationis piæ cum DEO possesso, quæ unius precatiunculæ cum cælo? Hæc enim vera est Gratiæ Virtus, hæc authoritas, hæc majestas; ut illi imposita festucarum nostrarum momenta, æternæ gloriæ ponderi æquivalent, magnamque nimis mercedem, hoc est, Summi Boni æternam possessionem, mereantur. Iam verò, etsi aliquis omnia afflictionum, quas olim stupuit Thebais, genera congerat; etsi plura, quàm mille divites Epulones habuerint, effundat in egenos; si caret Gratia, nihil egit, quod ad gloriam comparandam valeat. Reddatur mihi Gratia, & is vel semel nomen IESU adorandum efferat; jam ille Regnum cæleste, hac unâ vocali Gratiâ sonante, sui juris facit & quoties idem aut simile quid præstabit, eandem gratiam tanti parentem boni, & ejusdem regni jam sibi debitam intendet augebitque portionem, transacta mortali hac vita, certò capiendam.

VII. Quis jam sine rubore, prætexat ignaviæ suæ colores, in foro DEI minimè probandos? quis, cum de promerenda augendaque Gratia his vertitur, temporalia conmoda prætendat? Pereat Corpus, Scientia, Dignitas, Vita, omnia nobis terre-

na pereant, ne pereat gratia; decreſcant cætera omnia, ut hæc ſola accreſcat. Nam cum minima ejus particula ſit pluris, quàm quidquid eſt in terris bonorum, imò quàm totum cum Angelis cælum; ita ut plùs DEO quivis debeat, ob unam Gratiæ acceptæ atomum, quàm ſi ab eo Excellentiam ſupremam conſequeretur mentium; vel cæli ac tid rum Dominus, cum imperio & poteſtate crearetur: par omnino eſt, ut quemadmodum multis à Gratiæ excidentibus quotidie condolemus; ita ipſemet nullas ad eam augendam oblatas ſpernamus occaſiones; imò eas ſolicite quæramus: *Omnia cum Apoſtolo arbitantes ut ſpercora, ut chriſtum, ejuſq; gratiæ augmentum lucri faciamus.*

VIII. O utinam profundè id cordibus noſtris inhercat, quod Seraphicam Virginem Terēſiam Chriſtus docuit, dum illi dixit. Tempus hîc non eſſe fruendi, ſed laborandi, & inter labores amandi, atq; ampliora Gratiæ Divinæ augmenta parandi eaq; conſervandi. Vides, inquit, Paulum Apoſtolum ſemel duntaxat raptum ad cælum, ibi gaudia cæleſtia præliſſe; cæterum in aſſiduïs laboribus vitam traduxiſſe. Vides me idem inſtitutum tenuiſſe, & ſemel duntaxat in monte Thabor, aliquid jucunditatis guſtaſſe. Cum me vides inter brachia Matris; non exiſtumes, illam meis amplexibus abſq; dolore frui; habet gladium Simeonis, quo ejus anima transfoditur. Aſſert præterea exempla Anachoretarum qui in ſolitudine non requiem, ſed patiendi pro Chriſto & Gratiæ DEI augendæ materiam quærentes, eam jejunii & continuiſ Corporis caſtigatio-nibus, necnon acribus cum Dæmone & veteri homine certaminibus conſervare ſtuduerunt. Vnde concludens ait: *Crede mihi Filia, quò plus ſervenda Pater meus alicui tribuit, eò illum majori amore proſequitur: & quod ego luculentius mei erga te amoris argumentum dare poſſum, quàm ſi eorum; quæ pro me, dum in terris agerem, elegi, te participem faciam; animo tuo altè imprime verba iſta: Non eſt ſervus major Domino ſuo. Vide jam, quàm bene hoc monito, ſit uſa Seraphica illa Virgo, quæ nolebat vitam, niſi ut pateretur; patiendò verò conſervaret & augetet Gratiam, quâ ſuo placeret Sponſo; unde exclamabat: Aut pati, aut mori.*

MEDI.

MEDITATIO III.

De effectibus peccati mortalis.

Preludia ut ante.

PUNCTUM I. Malitia peccati mortalis insuper colligi potest ex enormibus aliis effectibus; quorum primus est, Mors animæ. Sicut enim letale vulnus, aut mortiferum venenum, ideo mortem corpori infert; quia pellit ab eo vitam naturalem; nimirum animam: ita quoque peccatum grave, mortem adfert animæ; quia ab ea expellit gratiam DEI, quæ est supernaturalis vita animæ; nam est *specialis participatio natura Divina, & filio DEI*: Vnde sicut anima in ordine naturali est primum & radicale principium omnium actionum naturalium vitalium; ut locutionis, auditionis, visionis, intellectionis, volitionis &c. ita quoque Gratia DEI est primum & radicale principium omnium actionum supernaturalium ad vitam æternam conducentium: uti est, creditio, speratio, dilectio, & similes. Quia in Gratia DEI tanquam in primo fundamento & radice fundantur habitus infusi, virtutum supernaturalium, per quos homo redditur formaliter, potens proximè elicere actus supernaturales. Peccatum ergo mortale actuale, tollit demeritoriè hoc principium primum & radicale; quia meretur, ut DEVS ex abominatione ipsius, & indignatione destruat in anima illam gratiam. Si ergo corpus mortuum, jam putridum ac fetens, est abominabile & fædum in oculis hominum: quanto magis anima per peccatum grave, præsertim repetitum mortua, redditur abominabilior ac fædior, in oculis DEI & Angelorum. Et si cum tanta sollicitudine evitatur & cavetur corporalis mors, tanquam maximum malum Naturæ: cum quantà anxietate deberet evitari & caveri spiritualis mors, tanquam maximum status supernaturalis malum.

II. Sunt & alii horribiles peccati mortalis effectus. Primus est, quia peccatum mortale transformat hominem, ex filio DEI nobilissimo & amico ejus charissimo, in servum iræ, & despectissimum mancipium Diaboli; ex Templo sanctissi-

ma Trinitatis pulcherrimo, in caveam teterimam bestię infernalis; ex rationali, seu operante juxta dictamen rectę rationis, in bestiam operantem juxta ductum sensualitatis perversę. Proinde à tali anima peccatum mortale expellit DEVM, non quidem quoad localem pręsentiam, quia DEVS sicut omnibus aliis rebus creatis est intimę pręsens per suam essentiam & immensitatem: ita & homini in peccato mortali constituto. sed quo ad effectivam dilectionem, ita ut non sit tanta distantia inter cælum & terram, quanta inter affectum DEI & peccatorem; juxta illud: *Longè à peccatoribus salus.* & *Adam ubi es?* & *Erravi sicut ovis quę perit, quere servum tuum Domine.* Ratio est: quia DEVS ex natura sua totus est bonus, totus est amor; jam autem peccatum mortale ex natura sua totum est malum, totum odibile; ac proinde inter hæc est affectiva distantia infinita. O quam horribile hoc damnum est! DEVM diligentem perdere, amicitiam & filiationem DEI amittere, hospite tanto & inhabitatore privari, rationalem hominem exuere, & formas tam dissimiles acquirere. Infelix anima, quę tali damno afficitur; infelicior quę se illo afficit non sentit, vel flocci facit. Si prędium ignis absumat, si pecuniam latro eripiat, si causam in Tribunali perdimus; si favore & benigno Regis oculo privamur, ita sentimus ac dolemus, ut interdum vertamur in amentiam. Dum DEVM summum ac infinitum bonum perdimus; dum ejus affectu & dilectione spoliatur; hoc nos haud afficit; unò ridemus, jocamur, ludimus; & ridendo, jocando, ludendo, hostes ac inimici DEI evadimus. O insaniam bestialem! ô saxeam vecordiam! O stipites nos æternis flammis destinatos!

III. Expende & alios horribiles peccati mortalis effectus, 1. Spoliatur hominem jure hæreditario, quod habuit ad regnum æternum, & bona illius innumerabilia, ac indeficientia. Si Esau quia amisit jus primogenitum ad bona Paterna; irrugit clamore valido. Tu non immugies, non ingemiscas, amisso toties jure, ad bona Patris tui, qui in Cælis est. 2. Privat hominem, thesauris omnium meritorum, quos hucusque sibi aliquis

liquis comparaverat per bona opera, in ordine ad vitam æternam. Si Mercatori Navis ad Scyllam illidatur & pereat cum mercibus, multo labore pretioq; comparatis, an dolore acri non percellitur? quid sentiendum, de anima thesauris meritum destituta? 3. privat hominem efficacibus gratiæ Divinæ auxiliis: unde provenit, ut peccatum unum, sit causa alterius, & hoc alterius &c donec perveniatur ad ultimam post quam non datur resurgere, ruinam. Quamvis enim cuivis homini viatori, detur gratia sufficiens, cum qua posset non peccare & salvari, absolute loquendo, si veller; infallibiliter tamen peccabit, & non salvabitur cum tali auxilio: nihilominus in pœnam peccati gravis, multus subtrahitur specialis gratia, sine qua esto posset non labi, absolute loquendo, tamen, infallibiliter prolabetur, & si compleverit mensuram à DEO prædefinitam, sibi autem ignotam; in æternum peribit. 4. tollit orationi efficaciam; nam peccatori dicitur: *Quare tu enarras justitias meas, & assumis per os tuum, Nomen meum, tu verò occisi disciplinam &c.* Et *Non est speciosa laus in ore peccatoris.* 5. Tollit pacem cordis & gaudium bonæ conscientie. Quomodo enim Damoclès vere pœdeat, si videat impendentem sibi gladium? 6. Deniq; trahit secum malam mortem, & cum illa damnationem æternam, & innumera ac infinita mala. *Stipendium peccati mors; mors autem peccatorum pessima.* O monstrum ex omni seditate compositum. O abyssus omnium miserationum. O cæci, qui te dirigunt! O insani qui te non fugiunt! Heu me miserum, si me non adeo pœnitet, quod te quæsierim & amplexatus fuerim; ut potius millies vitam perdam, quàm ad te vel semel redeam.

Colloquium fiet cum Domino DEO. Agnoscam coram illo, me esse velut quoddam tædum Apotema, ex quo uniusq; stillat abominabilis putredo: Nullus enim in me sensus est, nulla potentia, qua DEVM tories non offenderim; nullum præceptum DEI & Ecclesiæ, quod sæpius cogitatione, verbo, aut opere non violaverim. Mirabor quomodo me sol illuminaverit, Cælum suis influentiis conservaverit, ær respirationem dederit,

dederit, aqua refrigeraverit, ignis calefecerit, terra sustentaverit, & ore aperto non devoraverit. Quomodo Creaturæ omnes contra me non conspirarunt, tanquam contra inimicum communis Domini. Amabo, laudabo, benedicam, adorabo, superexaltabo misericordiam, quæ DEVS erga me usus est; non habens me jam clausum in inferno; sicut habet multos alios, propter pauciora meis peccata. Incensus ergo gratitudine, & ardens amore, advoivæ pedibus Christi, & ab eo petam, intensum de peccatis commissis dolorem, cum firmo proposito, nunquam illa in posterum committendi.

Miserere mei DEVS- &c.

D I E S T E R T I A

Dedicanda Beatissimæ DEsparæ Virgini, in Gratiarum actionem pro ejus protectione, & per ejus patrocinium à multis malis præsertatione; in satisfactionem pro defectibus contra Humilitatem commissis; ad impetrandam finalem in gratia DEI, & vocatione Religiosa perseverantiam.

M E D I T A T I O I.

De peccato veniali.

Prelud. I. Imaginare animam tuam veluti infirmam, debilem, languidam, exsangvem, pustulis sædatam, robore virium, & formæ honore penitus destitutam,

Prelud. II. Pete à DEO claram de peccatis venialibus cognitionem, intensum de commissis dolorem, & firmum propositum, amplius illa non committendi.

PUNCTUM I. Nihil est in mundo frequentius, nihil hominibus usitatus, quàm peccata venialia; ita, ut nullus homo sit, imò nulla bestia, quæ ita frequenter irriteretur & offenderetur, atq; DEVS. Et hæc alia sunt, quæ committuntur ex fragilitate, negligentia aut inadvertentia; alia verò quæ committuntur ex malitia, de industria, seu datâ opera, & cum plena advertentia. Priora illa nocent quidem homini, & essent diligenter

ligerenter cavendat sicut de facto cavebantur à Sanctis; Atq; ita S. Ioannes Baptista, esto Nativitas ejus ab Angelo fuisset præ-
nuntiata; esto in utero Matris Sanctificasset illum Mater DEI;
esto tantis donis DEVS eum cumulasset, ut inter natos mu-
lierum, nemo illo surrexerit maior; tamen in annis teneris
secessit ad eremum, ibiq; arctissimam vitam egit, ut occasio-
nes etiam, levissimorum peccatorum evitaret; prout testatur
Ecclesia. S. Catharina Senensis repentinam unam oculorum;
curiositatem, circa objectum non malum, & unum repenti-
num responsum, datum Confessario, bonum quidem; sed quia
absq; prævia deliberatione prolatum; per aliquot dies amarissi-
mè desiebat. Et alii perfecti viri, ea devitare, studiosè cura-
bant; quamvis cum difficultate possint evitari. Posteriora ta-
men longè plus nocuementi adferunt; unde cum omni cona-
tu & diligentia à nobis evitanda sunt; prout de facto vitant
illa, multi fideles Filii, ac ferventes amici DEI. Detestare hîc
tuam in peccando facilitatem & audaciam, Agnosce fragilita-
tem tuam; postula eam roborari; time negligentiam; cura e-
am excutere. Exhorresce malitiam; & plenam hîc delibe-
rationem, ut cæcam insaniam, & insanam cæcitatem deplora.

II. Esto malitia peccati venialis, comparata cum pecca-
to mortali, videatur esse parva; revera tamen spectata secun-
dum se, magna est. ideo, quia cum peccatum veniale sit con-
tra rectam rationem, est quædam macula, fæditas, & monstro-
sitas animæ, quæ illam ita immundam, fædam, & monstro-
sam reddit, in oculis DEI & Sanctorum, sicut ulcera purulen-
ta & scabies reddunt faciem fædam & abominabilem, in ocu-
lis hominum. Sicut ergo vehementer erubesceres, si haberes
faciem pustulis sanie fluentibus fædatam, & si in tua potestate
esset, illas evitare atque persanare, procul dubio, diligenter il-
las caveres & aboleris; ita tibi discurrendum à priori est,
de facie animæ tuæ. *Id.* ideo, quia cum peccatum veniale sit
contra voluntatem & præceptum DEI, est vera offensa, inju-
ria & despectus ipsius DEI. Propter quod ipsum, quamvis
cætera desissent, deberent illud veri filii & fideles servi DEI,
H
præca.

præcavere & timere, quàm mille mortes. Quid enim dicere-
mus de tali filio? qui nullam quidem talem injuriam, Patri ir-
rogaret, ob quam deberet domo eiici, & hæreditate privari;
minores tamen injurias nunquam illi irrogare omitteret, dum-
modo satistaceret suis cupiditatibus; utiq; diceremus, talem
non esse dignum nomine filii. Tales ergo sunt, qui adver-
tenter & datâ operâ committunt peccata venialia. *pro* ideo,
quia cum peccatum veniale sit vera offensa & injuria DEI, est
quoddam malum ipsius DEI: & quia est malum DEI, est ma-
jus malum, quibulvis malis pænæ omnium creaturarum tum
temporalibus, tum æternis. Adeo; ut si alicui daretur optio,
eligendi unum ex istis extremis; vel committere peccatum ve-
niale, vel pati omnes prorsus pænas inferni, & privari omni
gloriâ incolarum Cæli; deberet potius eligere, hoc secundum
quàm illud primum; idq; juxta rectam rationem. Quia minus
malum debet eligi ad evitandum majus. Sed omnes pænæ
inferni cum privatione omnis gloriæ cælestis est majus ma-
lum, quàm minima culpa cujusvis peccati venialis. Ergo, &c.
Quis igitur non fugiat timeatque malum illud, quod excedit
omnia mala pænæ etiam simul sumptæ.

III. Si ad sanandam aliquam pustulam, natam in manu,
fronte, vel pectore opus esset unguento ita pretioso, ut debeat
comparari pretio unius Regni; quis negaret, illam pustulam
esse grave malum; quis illam omni studio non præcaveret? &
si illam contraheret, quomodo non tristeretur, non doleret?
Peccatum veniale, e. g. unum mendacium, vel curiositas ocu-
lorum, vel impatiens dictum, est tale malum, talis pustula,
quæ sanari non potest, nisi remedio pretii infiniti. Nam eti-
amsi in unum cumulum colligeremus omnia opera bona San-
ctorum; ut illorum orationes, jejunia, elemosynas; item quam-
vis in unum cumulum conponeremus cruciatus, tormenta, &
sanguinem omnium Sanctorum Martyrum; & offerremus ista
omnia Domino DEO, in satisfactionem & compensationem
pro uno peccato veniali; tamen ista omnia secundum se præ-
cisè sumpta, sine meritis & Sanguine Christi non essent suffi-
cientia

cientia ad eluendam condignè & ex toto peccati venialis maculam, Quo ergo est opus insuper? opus est remedio Passionis mortis & Sangvinis Christi; quod remedium cum sit valoris infiniti simpliciter, superat pretium non solum unius, sed etiam infinitorum regnorum. Quà ergo fronte lacerari audes, admissio vel uno peccato veniali, cujus malitia tanta est, ut nonnisi infiniti pretii remedio aboleri possit.

Colloquium instituendum illis Psalmi verbis: *Amplius lava me ab iniquitate mea, & à peccato meo munda me. Cor mundum crea in me DEVS &c. Ne proicias me à facie tua, & Spiritum Sanctum tuum ne auferas à me. Redde mihi letitiam salutaris tui, & Spiritu principali confirma me. Averte faciem tuam à peccatis meis, Anima Christi &c.*

Ejaculatoriæ sint eadem, quæ in Colloquio.

DOGMA MATUTINUM.

Vitam Gratia in suo vigore potissimum conservat Viva Fides.

I. **V**ulgaris Pœrenia docet: *Res omnes ab iisdem principiis conservari, à quibus incipiunt primò esse.* Cum ergo, prima Gratia justificantis infusio, à Fide incipiat; juxta illud Apostoli Hebr: 11, *Accedentem ad DEVM, oportet credere, quia est; & in-quirentibus se remunerator est.* Vbi per Accessum, propriè intelligitur specialis participatio, & consortium naturæ Divinæ; quod præstat Gratia justificans; hæc enim tantæ est excellentiæ, ut per eam proximè homo accedat, ad modum eisendi Divinum: idèd necesse est, ut ejusdem Gratia continuatio, in suo vigore, ac robore, per fidem conservetur. Et meritò. Cum enim Fides juxta eundem Apostolum Hebr: 1. *sit Substantia rerum sperandarum;* sicut substantia est prima cujusq; rei inchoatio; ita, Fides est prima salutis, adedq; gratia justificantis inceptio. Et prout substantia proprium est, esse per se, seu per se stare, ad instar fundamenti seu basis, cui tota ædificii moles incumbit; accidenti autem proprium est esse in alio, seu in alio stare: ita

Hæc

fidei

Fidei ex speciali DEI ordinatione proprium est, subsistere in homine, per modum fundamenti, neq; ab eo nisi per actualem incredulitatem, tolli. Et sicut conservatio, integralq; ædificii principaliter dependet, à conservatione ac integritate fundamenti; unde minima in hoc rimula, prægrandem facit, in ædificio fissuram; ita quoq; spirituale animæ nostræ ædificium, principaliter fundatur in viva Fide, ita, ut minus in ea defectus, grandem structuræ spiritualis ruinam minetur.

II. Et tertè ex defectu Fidei, omnes in vita Religiosa defectus provenire, ex vivacitate verò, & vigore illius, totam promanare perfectionem nemo ambigat. Quod enim aliquis sit defectuosus, & interdum malitiosus, hoc inde potissimum provenit; quia non habet actualem de præsentia DEI, ipsum intuentis, observantis, introsipientis, Fidem; juxta illud Psalmi 6. *Non est DEVS in conspectu ejus, ideo inquinata sunt via illius, in omni tempore.* Quodd verò sit observans, timoratus, in omnibus sedulus; quid causæ est? nisi quia si non perpetuò, saltem frequenter actu credit, DEVM adesse sibi præsentem; juxta illud ejusdem Psalmi: *Providebam Dominum in conspectu meo tempore, quoniam à dextris est mihi, ne commovear;* id est, ne in ullam etiam levissimam noxam, aut imperfectionem prolabar. Et certè, si quis actu credens præsentem sibi adesse DEVM, non abstineat ab omni peccato? is aut diaboli ingenium induit, aut bestiar. quanquam si bestia est, eo ipso non peccat. Quis credens actu, DEVM sibi adesse, non resistat fortiter tentationi, non sit strenuus in bono opere, non exactus, & fervens in omni actione? Si ad singula in particulari descendamus: quæ est principalis origo, defectuum in surgendo à somno, in præparatione ad Meditationem, in ipsa Meditatione; nisi defectus, actualis fidei circa præsentiam DEI. Cur itidem, tam miserè nobis abeunt Sacrificia, Communiones, Orationes, Examina? quia vivaci non percipimus Fide, præsentem nobis adesse DEVM? Cur in quotidiana cum domesticis, & externis, conversatione in varios impingimus defectus? quia non habemus actum fidei de præsentem nobis DEO. Huc respexit oculatissimus in

mus in oculis DEI, S. Pater Ignatius, qui prout refert Ribadenz L. 5, vitæ ipſus c. 1. Non ſolùm ipſe, in minutiffimis etiam rebus DEVM præſentem intuebatur; ſed etiam oprabat, omnibus noſtris id eſſe familiare, ut DEVM in rebus omnibus præſentem cernerent, & univerſas res, actioneſq; ſingulas, in DEVM referrent; neq; minorem devotionis ſpiritum in actione, quam in ipſa Meditatione ſentirent. En ita aquila noſtra, ad intuitum præſentis Inſtitutæ Solis, explorat pullos ſuos.

III. Tota quidem vita Religioſa, præſertim in Societate IESV, eſt virtualiter continua Fidei profeſſio, & reale ejus exercitium: Quâ enim intentione, primi Patres noſtri, Duce S. P. Ignatio in Societatem hanc cõaluerunt, niſi, ut Vicario Chriſti, ſemper ad manum eſſent, quocunq; eos mitteret, ſeu ad Hæreticos, in gremium Eccleſiæ Catholicæ reducendos, ſeu ad Gentes barbaras, Fide Chriſti imbuendas? Ad quod etiam num Profeſſi Societatis peculiari voto ſeſe obligant: quæ obligatio, cum per totam eorum vitam duret; ratione illius, tota eorum vita, eſt continua ad profitendam propagandamq; Fidem, diſpoſitio, ſeu virtualis quædam profeſſio Fidei. Quàm autem hæc obligatio, & promptitudo Societatis, ſit efficax; teſtatur Summus Eccleſiæ Præſes Paulus V. in literis Anno 1606, in hæc verba datis: *Quantum Religio Societatis IESV, in Eccleſia, ad Fidei augmentum profecerit, & in dies magis proficiat, nos ipſi ſcimus, & Chriſtiana Republica novit univerſa.*

IV. Deinde, quis finis Societatis, totiuſq; vitæ ejus, niſi in ſalutem propriam, & proximorum incumbere; ſeu, ad vitam æternam ſuas & proximorum perducere animas. Quid autem eſt vita æterna, niſi notitia DEI, hac per Fidem, in cælo per viſionem, habita, juxta illud: *Hac eſt vita æterna, ut cognoscant Te DEVM verum, & quem miſiſti IESVM Chriſtum.* Dum igitur Filii Societatis, ex vi ſui Inſtituti, totâ vita ſuâ, per omnes præcurant actiones hanc ſalutarem DEI notitiam; vita eorum virtualiter eſt continua Fidei profeſſio. Ac tandem intueamur principales Societatis functiones, e. g. Miſſiones, Conciones, Cathechiſmos, rudium, & puerorum institutionem; infir-

morum, & incarcerationum visitationes, moribundorum dispositiones, domesticas Meditationes, Exhortationes, Librorum Spiritualium etiam ad mensam lectiones, omnes deniq; occupationes; quod ista omnia principaliter collimant? nisi ad comparanda sibi, & ingeneranda aliis, quàm maximam DEI, notitiam, & ex notia timorem, ac amorem, cultumq; & obsequium, ac tandem augmentum Gratiae DEI. Vita igitur nostra, est virtualiter continua Fidei professio, & virtuale ejusdem exercitium. Quia tamen non debemus esse contenti hoc virtuali Fidei exercitio; progredior, ad praxes, & occasiones, Fidei formaliter, & expresse, exercendæ, quibus minime Vita Gratiae justificantis roboratur.

I. Praxis sit. Obfirmare animum in Fide verâ, ita ut diabolus desperet de tentando in materia Fidei Religioso. Obfirmare, inquam, per protestationem resolutam vivendi, & moriendi in hac Fide; quotiescunq; datur occasio recitandi aliquod Symbolum Fidei, sive Apostolorum, sive Concilii Nicæni, sive S. Athanasii, sive id quod in hymno, *Te DEVM laudamus*, continetur. Atq; talis praxis videtur fuisse, in S. Petro, illustri Ordinis Prædicatorum Martyre, qui cum Fidei causâ graviter in capite vulneratus, ac de nup̄ latera mucrone transverberatus, animam cum sanguine effunderet, illo ipso sanguine, digitum intingens, professionem Fidei, in terra his exaravit verbis: *Credo in unum DEVM*. Talis quoq; censetur viguisse in Patre Consalvo Mederio, qui prout refert Historia nostra Parte 1. L. 2. Moriens, convocatis Patribus, Cereum accendi jussit. tum Synbolo Apostolorum prolato, inquit: *In hac Fide morior, testorq; si quid fortè, in extremo agone excidat mihi, id me nunc irritum velles; ac protinus apprehenso cereo: Ut lumen hoc (inquit) illuminat oculos corporis mei; sic ego Credo Dominum IESVM, illuminare omnem hominem venientem in hunc mundum*. His dictis paulò post exiit huius; nec dubium, lucem ei perpetuam illuxisse. Talis tandem praxis in illo censetur floruisse qui agebat: *Si hic coram me patenter viderem infernum. dareturq; mihi optio, aut deferendi sanctam, quam teneo Fidem, aut in æternum cadendi baratrum; eligerem*

eligerem potius ruere in infernum, quam deferere Fidem Orthodoxam

II. praxis. Optare, desiderare, & petere, à DEO gratiam, quam plurima patiendi, imò sanguinem fundendi, & animam ponendi pro Fide Sancta. Hæc est felicitas felicitatum. Et verò si David audita morte Filii sui, licet scelerati, & rebellis, ex naturali tamen affectu, in has erupit voces: *Absalon Fili mi, Fili mi Absalon, quis mihi det, ut ego moriar pro te?* Quamvis Religiosus sciens Filium DEI IESVM Christum, atrecessima morte pro se extinctum, non dicat frequenter: *Christe IESU Fili DEI, Fili DEI Christe IESU, quis mihi det, ut ego moriar pro te, sicut Tu mortuus es pro me?* Occasiones hujus desiderii, & emendicationis, possunt esse plurimæ: Ut quodcumq; symbolum Fidei recitatur; deinde in Sacrificio, quodcumq; osculum altari imprimitur, inclinaturq; caput; tunc enim, vel ore, vel sola mente dici potest: *En Domine meam pro Fide tua cervicem. En sanguinem, & vitam pro honore & amore tuo.* Tandem ad mensam, dum legitur Martyrologium; tunc enim, potest desiderari Fides talis, qualem habuerunt SS. Martyres; potest quodq; desiderari Martyrium, & peti à DEO, per intercessionem horum SS. Martyrum, sic e.g. *O si haberem Faciem talem? O si ego morerer pro Christo? O SS. Martyres impetrate id mihi.* Tali certè desiderio flagrabat P. Ioannes Gonzalez, qui aliquando evocatus ad infirmum, à sensibus jam alienatum, ac proinde confiteri Sacramentaliter haud potentem: cum interim aliunde sciret, illum esse multis gravibus peccatis obnoxium; misertus ejus animæ, & redux domum, sacrificium Missæ pro eo fecit, in quo seipsum DEO in mortem devovit, si id ei placeret; dummodò infirmus sensibus restitutus peccata sua confiteretur. Peracto sacro ægrum reinvisit, redditumq; sensibus reprens, Confessionem ejus excepit, & absolvit: Tum acceptavit DEVS pactum ipsius heroicum; nam domum rediens, illico petiit lectum, & fortunatam mortem, Victima Charitatis pro suo proximo cadens, oppetuit.

III. Fidei praxis. Desiderare & emendicare à DEO, veram ejus notitiam, per totum terrarum orbem, Tale fuit desiderium

derium Regii vatis dicentis: *Consecrantur Tibi populi DEVS, consecrantur Tibi populi omnes.* Et illud S. P. Ignatii *O Domine, si Te homines nossent?* Illud quoq; S. Xaverii *Memento clementissime rerum omnium conditor DEVS, animarum infidelium, Hæreticorum & peccatorum, à Te solo creatarum, quas ad imaginem, & similitudinem Tuam fecisti: Ecce Domine in opprobrium Tuum, his ipsis quotidie Infernus impletur &c.* Pro quarum omnium salute, ego me totum, meaq; omnia Divinæ Majestati Tuae offero, ac devoveo. Quàm autem desiderium hoc estimetur à DEO, gratumq; illi sit; patuit in nostro Fratre devotissimo Alphonso Rodriguez, ut vita ejus perhibet. Eliciebat ille frequenter desiderium, adducendi ad Christum, universum orbem; eòq; preces suas intendebat, atq; eà de causa, paratum se exhibebat, omnia potius Interni tormenti, æternum tolerare, quàm ut Indi, Mauri, Gentiles, essent à vera Fide extorres. Hujusmodi desiderium habenti DEVS in quadam extasi revelavit; cum sua tam accensa voluntate, tantum promeruisse, quantum fuisset adeptus, per realem omnium Gentilium conversionem. O desiderium de ipsis planè sideribus delapsum, imò de ipso corde Solis Iustitiæ Christi IESV enatum.

IV, Praxis sit. Sacrificia & Coronas, quæ ex præscripto nostræ Religionis singulis Mensibus, pro Indis & Gentium conversione, similiter pro partibus Septentrionalibus, & Hæreticorum ad Ecclesiam reductione fiunt, exactè peragere; ita fructus sacrificii distribuendo, ut & infidelibus & circa eos laborantibus applicentur in hunc modum. O Beatissima Trinitas DEVS meus, offero Tibi hoc sacrificium ingentium verè, ac realiter DEVM Hominem IESVM Christum præsentem, substantialiter continens, (inquantum est *Adoratorium*, seu *Lætreuticum*) Offero, inquam, in exhibitionem supremi cultus lætrix, & adorationis Tibi debitæ; nec non in recognitionem Tui absoluti super omnes Creaturas dominii; quòd scilicet sis Dominus vitæ, & mortis. Id autem facio nomine omnium quidem Creaturarum rationalium; in particulari tamen nomine Indiarum, omniumq; Ethnicarum Gentium & hæreticarum, debitum Tibi cultum

cultum denegantium. Doleo Te antea isto cultu à Tuis Creaturis esse defraudatum, & nunc etiam à quibusdam defraudari: ac proinde ego, omnium Creaturarum rationalium vilissimus, intendo per hoc Sacrificium, nomine illarum Gentium infidelium testari Tuum supremum supra illas dominium, earumq; omnimodam ad Te subjectionem. In quantum verò est *Gratiarum actum*, seu Eucharisticum, offero illud in Gratiarum actionem pro Beneficiis à Te in illas Gentes; quoad esse naturale effusis; ut, quòd sint à Te creatæ, quòd Vitæ hujus usuræ fruantur, quòd à Te sustententur cibo, potu, vestitu, & quòd eas quibuscunq; cumulaveris beneficiis; pro quibus nunc me Tibi Gratiarum actorem constituò, dolens de omnibus illarum Gentium ingratitudinibus, Tuzq; in se benevolentiz ignorantis. In particulari verò intendo per hoc Sacrificium gratias agere, pro omnibus operariis, quos Tua Divina providentia ad infidelium conversionem olim destinavit, & nunc destinat, ac destinabit. Item pro omnibus auxiliis gratia, pro talentis naturæ, cæterisq; donis, quibus eisdem Operarios instruxistis; instruis, & instrues. Pro miraculis, quæ per veræ Fidei propagatores fecisti, facis, & facies. Pro efficaci applicatione sanguinis meritorumq; Christi, illis animabus jam ex parte facta: pro Sanguine Martyrum ibi, in testimonium veræ Fidei, fusor pro infantibus ibidem hoc tempore baptisatis. Pro illo concursu, quo Tu nunc cum Tuis Operariis circa illas animas laborantibus, aut earum causâ periclitantibus, concurris. Item pro influxu Humanitatis Christi, quo in Sacramenta à se instituta, illisq; hominibus administrata, influunt. Item pro desideriis Martyriorum, quæ illis operariis communicasti, communicas, & communicabis. Item pro Sacrificiis, quæ in illis partibus peracta sunt, vel peraguntur, aut peragentur. Item pro omnibus, singulisq; gratiis in Neophytos quocunq; modo collatis, conferendisq;. In quantum verò est *satisfactorium*, applico hujus satisfactionis proportionem in Sacrificio debitam, omnibus Indis, Gentilibus, ac infidelibus, quatenus applicare teneor, & illi sunt capaces. Alioquin applico illam ei Operario,

rario, qui Tuo Iudicio maximè in illarum Gentium conversione laborat, vel qui primus est in cultu DEIPARÆ Virginis inter illas Gentes propagando. Vel applico medietatem satisfactionis illi Operario vivo, qui inter illas Gentes est ferventissimus; & medietatem defuncto qui ibi fuit zelosissimus. Vel deniq; applico illi, vel illis, quibus Tu DEVS meus nunc vis, ut applicem. Vel illis, quibus hîc & nunc ex aliqua obligatione subvenire teneor, ut me debito liberem. Tandem in quantum est *Impetratorium*, offero illud, ut in Persona Christi impetrem omnes gratias actuales, prævenientes, & efficaces, illis Gentibus necessarias, quibus disponantur ad Fidem suscipiendam. Item ut impetrem Operarios fideles, strenuos, idoneos, sanos, multos. Ut impetrem amonitionem omnium impedimentorum, saluti infidelium oppositorum; maximè ratione peccatorum, quibus impediunt suam conversionem. Ut impetrem fractionem virium diabolicarum: obtestorq; nunc SS. Angelos, illorum hominum Custodes, ut specialiter apud DEVM urgeant, conversionem commissarum sibi animarum, viresq; Diaboli repriment; offerentes hoc ipsum Sacrificium, ad id impetrandum, in Persona Domini nostri IESV Christi. Demum ut impetrem omnes gratias & favores, illis Gentibus necessarios; totamq; latitudinem impetratorie efficaciz hujus Sacrificii, ex Persona Christi illis applico, quantum applicare teneor, omnia secundum beneplacitum gustumq; Tuum DEVS meus.

V. Praxis. Non tantum promptè laboriosas obire missiones; sed etiam ad illas ultro se offerre Superioribus, easq; expetere. *O quam pulchri sunt pedes talium Missionarium Evangelisantium pacem, Evangelisantium bonam, perducentium parvulos rudemq; plebem ad Christum.* Quid fuit tota Christi vita, præsertim ultimo acta triennio, nisi Missio continua? Non tractabat Christus plausibilia Rhetoricæ aut Philosophiæ studia, non occupabat speciosas sublimesq; Scibarû, & Legislatorû cathedras, sed tanquã celestis in terras Missionarius, omnia egit, dixit, conversatus est. Per quos regnum Christi, toto terrarum orbe dila-

be dilatatum est, per quos Divina ejus Fides in fines mundi propagata? nisi per Apostolos, eorumq; imitatores Apostolicos Missionarios. O amator hominum, DEVS noster, da illos quàm plurimos Tux Ecclesiæ, heroici sudoris, sanguinisq; prodigos; non se & sua, sed Te & animas sanguine Tuo redemptas, sincerè quærentes. Da tales, qui profundè apprehendant, quanta sit Tua Majestas, quàm digna, ut ab omnibus ametur & colatur bonitas; quantopere id tu ipse desideres, adeo, ut exinians Teipsum, formam servi accipiens, in similitudinem hominum factus, & habitu inventus ut homo; velut Pastor benignissimus, ovem inventam, Tuis reportares humeris. Neq; hoc tantùm, sed insuper gravissima tormenta, & mortem acerbissimam pati dignatus es, ut redimeres animas in sanguine Tuo, & mundares Tibi *populum acceptabilem, sectatorem bonorum operum.* Neq; id sufficit immensæ Tux charitati, sed insuper, si necesse foret, paratus esses iterum pro qualibet anima, de cælo descendere, & Tux passionis calicem exhaurire. Da deniq; tales Operarios, qui seridè recogitent, magnum numerum peccatorum, quos cum Dæmon ad se invitat, atq; ex insidiis sagittat vanitatum illecebris; dum mundus ad suas leges trahit ac impellit; pleno agmine obsequuntur; & sic præcipiti passu in atroces inferni flammæ ruunt. Da ergo talem tuis Operariis zelum, ut Peccatores quotidie pereuntes, tum precibus ardentibus, tum verbo salubri, tum exemplo ædificativo, retrahant ab interitu.

MEDITATIO II.

De Causis peccatorum venialium.

Præludiv sicut ante.

P RINCIPM I. Prima causa & radix peccatorum venialium, est affectus inordinatus amoris erga aliquas Personas: unde provenit, ut, ne illas contristes, sed ut illarum gustui & placito te accommodes, facias vel omittas ea, quæ non deberes. Quæ autem illæ sint, & in quibus occasioibns, quovè loco, vel tempore id fiat, hic in memoriam revoca. Percurre eti-

am de-

am defectus, in quos te, iste amor inordinatus precipitat; & inveniens quàm plurimos; Illa mendacia, illæ assentationes, obrectationes, earumq; auscultationes, seminationes discordiarum, scurrilitates &c. Expende jam, quàm hoc indignum sit, & cum magno DEI contemptu conjunctum. Certè placere & satisfacere debes vel DEO, vel Creaturæ? nam utriq; simul id præstari non potest juxta illud s. Pauli: *si hominibus placemus; servus DEI non essem.* Nonne plura & majora sperare, vel etiam timere debes à DEO, quàm ab aliis Personis, à quibus, quia speras aliquid vel times; ideo earum causâ DEVM offendis? Nonne DEVS eo te sine vocavit ad Religionem, ut in eum solùm oculos intendas, & soli placere studeas, & ab illo solo, agendi vivendiq; normam & exemplar detumas? Nonne ille solus in supremo judicio feret de te censuram ac sententiam? præmiumq; vel pœnam tibi decernet, ac dabit. Cur ergo Creaturis tantùm defers, ut te abstrahant à Religiosa vitæ officiis, ritè obeundis? Erubescere, veniam precare, emendationem proponere;

II. Secunda radix peccatorum venialium, est tacita vel expressa aversio animi ab aliqua Persona, sive ob naturalem complexionem tibi non arridentem, & à tua complexionem diversam; sive ob aliquam ab ea datam causam offensionis, vel justæ; uti sunt monita justa &c. vel injusta: uti sunt aculei verborum. Recense hîc & Personas, à quibus tamen aversionem sentis, & defectus in quos ab illis impelleris; uti sunt illæ suspiciones, temeraria judicia, murmurationes, detractationes, oblocutiones, similitudines &c. Expende, quàm sit indignum, DEOq; injuriosum, aversioni tuæ culpabili, quam foves erga DEI Filium, erga redemptum à Christo, erga hæredem Regni celestis, erga consatrem tuum, & conservum atq; coheredem ejusdem Regni addere aliam DEI offensam; illa scilicet peccata, quæ proveniunt cogitatione, verbo & opere ex illa aversione. Ex altera verò parte introspice teipsum, quomodo tu aliis præbes non minores molelliarum & aversionum occasiones: & tamen amari, laudari, honorari vis; & nihil pati eorum,

eorum, quæ aliis à te patitur, vel ob nullam, vel ob levio-
rem causam. Pronone igitur, perverso affectu non abduci à
Personis aliis sed charitate verà illis conjungere; quia *charitas*
operis multitudinem peccatorum.

III. Tertia radix peccatorum venialium est debilis, &
obscurecata à pravis affectibus fides de præsentia DEI, omnia
tua arcana intimè penetrantis, & intuitivè perspicientis. Si e-
nim non audemus peccare, altero quem reveremur præsentem,
profectò nullum peccatum veniale auderemus committere, si
viva in nobis esset fides DEVM esse præsentem, & omnia no-
stra spectantem. Oblivionem præsentis DEI, pro causa pecca-
torum assignat Psalmista, Psalmo 6. *Non est DEVS in conspectu*
ejus. Inquinata sunt via illius in omni tempore. S. Basilus defe-
ctibus venialibus hoc ita accommodat: *Cujus animus temere e-*
vagatur, otios, se dat? quis frequenter irascitur, quis humanas laudes
aride captat. quis ad opera spiritualia piger est? quis actiones suas ad
DEI gloriam non refert? quis inter orandum mentè distrahitur. Qui
non semper cogitat, DEVM cogitationum & actionum suarum inspecto-
rem esse. hæc ille. Ut ergo istam radicem peccatorum veniali-
um succidas: audi DEVM idem dicentem tibi quod Abrahamo.
Ambula coram me & esto perfectus.

In Colloquio propone imitari illa. Imitare illa Ezechi-
elis animalia, quæ trahendo currum gloriæ Divinæ, plena er-
rât oculis ante & retro; nempe habebant oculos in manibus, o-
culos in auribus, oculos in labiis, oculos in oculis, oculos in
pedibus, erant plena oculis intus & foris. Ut nimirum nihil
videas, nihil audias, nihil loquaris, nihil cogites, nihil ope-
reris, nisi quod sit dignum oculis DEI, & in oculis DEI.
Statue igitur certa tempora, quibus tibi renoves præsentiam
DEI, ut à minimis etiam defectibus possis esse liber.

Anima Christi sanctifica me.



R E F L E X I O

Supra

H V M I L I T A T E M.

Vellem te reputes; optes quoq; talis haberi;
 Elige, quod magis est abjectum, quodq; molestum;
 Aspice dona DEI reliquorum; quos tibi præfer.
 Obstupeas, aliquis quod te dignatur amare,
 Vel meminisse tui: cense te prorsus ineptum,
 Ut quid condignum facias; verumtamen urge
 Vires, ut facias; tibi quod confusio crescat,
 Utilitas Sociis, Superis quoq; Gloria major.
 Volve tuos crebrò solerti mente reatus;
 Et memor errati, cristas depone tumentes.
 Esto bonos reputes, proprios reprehende profectus;
 Cense, quod multi fugiant tua lumina navi.
 Si quod opus commune vocat; te subtrahe nunquam;
 Quin operi temper graviori subde lacertos.
 Nunquam te, seu à te gesta negotia jacta;
 Nunquam lingua sonet, quidquid præsumptio spirat,
 Nil supra reliquos sapias, hos effuge passus,
 Qui fastu tumeant, vel qui gravitate noceantur.
 Par est, ut cunctis subdaris amore Tonantis;
 Fac magis hoc illis, quos prætulit alta Potestas.
 Tam bona cuncta D&O, quàm cunctos defer honores,
 Indignum reputa, si quis te laudibus effert.
 Nil tibi deberi, quod sit sublime, putato.
 Dum congressus adest, postremas elige partes.
 Non turbare; quia est, contemptum quod tibi gignat;
 Vel sis inter eos, qui vix sorte notantur.
 Commissam, vano prætextu, non teve culpam;
 Est agnosce tuum, simul & fateare reatum.
 Non quidquam dica, quod te manifestet, honesto
 Esse loco natum: Gessilleq; munera magna,

Te gra

Te graviter reprehende, tuis irascere culpis;
Atq; tuos aliis notos latere relapsus.

R E F L E X I O

Supra

A V D I T I O N E M S A C R I .

MArturum prope ato gradum; ne tardior adfis
Sacro; vaniloquam linguam frenato; jocosos,
Numinis irreverens, in risus solvere nunquam
In varias noli convertere lumina partes,
Adfis altari demisso cernuus ore.
Mente truces passi cruciatus volvito Christi;
Virginis aut alio sacram decurre coronam;
Non aliud linguâ, quàm prono corde volutans.
Si pius altari, prolixo Presbyter adstet
Tempore; siq; sacras diuturnus detinet aras:
Audaci Numen querulus cave murmure lædas;
Sed jungas votis Mystæ, tua vota, precantis:
Non solum vivis, sed vitæ tempore functis
Æternam lucem, superamq; vivendo quietem.

D O G M A P O M E R I D I A N U M .

*Cura vitandi peccata venialia, est conserva-
trix Gratiæ.*

Non solum malam mortem, sed etiam morbum pravamq;
corporis intemperiem, homines plerumq; timent; non so-
lum vitam, sed etiam sanitatem ac valetudinem sollicitè curant;
atq; ut hanc vegetam integramq; servant non letalia duntaxat
vulnera, morboiq; capitales perhorrescunt, sed etiam febrium,
& parvulas punctiones; adeoq; omnes etiam leviores deterius
habendi causas diligenter devitant. Ex qua nobis ingenta erga
vitam corporalem sollicitudine, & valetudinis cura discendum;
quantum vitam animæ fovere, tueri, defendere, immo & au-
gere

gere, atq; confirmare novis quotidie viribus debemus: cum sit intolerabilis ignavia, debili duntaxat contentos esse; si possimus formâ, robustâ, & alacri frui. Fruemur autem, si inprimis non modò letalia crimina, quibus vita gratia fugatur, sed pravæ etiam ad illam sensim labefactandam & infirmendam ac potius amittendam dispositiones omni studio vitaverimus. Hæc vulgò à medicis spiritualibus appellantur peccata venialia; à nobis levia, & falsâ voce, parva dicuntur. Quomodo enim (querit S. Hieronymus Epistola 14. ad Celant:) dixeris parva, quæ magnum Dominum infinite dignum offendant, atq; amantissimo nostri DEO, ejusmodi nauseam creant, ut eum ad nostri rejectionem cogant? Quomodo levia, quæ non rarò in graviores lapsus, incautum & incurium quemq; suo pondere præcipitant? quomodo exigua, quæ licet gratiam non perimant, certè instar illius Hierichuntini Viatoris, qui inciderat in latrones, vix spirantem & semianimem relinquunt, & nisi maturè manum admoveris, ad portas mortis deveniunt. Sicut enim peccatum letale quodlibet, animam enecat; imo DEVM ipsum peculiari modò animæ unitum, totaq; amoris sui infinitate nos pervadentem, quadam ratione occidit: ita veniale, unionem illam intimam, per quam iusti verè DEO adherent, & unus cum illo Spiritus, non tantùm habitu, sed etiam actu efficiuntur, actualem quidem prorsus impedit, habitualem autem, & si non tollat; dici tamen non potest, quantum ei adversetur, illamq; laxet, ac debilitet. Est enim peccatum veniale, instar noxi humoris, qui etsi vitam non eripiat, sensim tamen omnes interioris hominis potentias pervadit, viresq; corrumpit: unde varios & pestilentes morbos enasci est necesse. Quantò enim multiplicantur venialia, tantò se anima paulatim avertit & elongat à DEO; donec tandem per mortale, ad quod disponunt minores culpæ, penitus avulsa pereat.

II. Ponamus quempiam cancro exuri & depasci; insuper cæteras in eundem majores ægitudines, congestas esse; leprâ faciem, asthma pectus, paralyti nervos, hydropisi cutem, abominatione stomachum, podagrâ pedes, cæcitate oculos, surdi-

rate aures, caput phrenesi, stupore linguam, extinctione, deniq;
 nativi caloris totum corpus laborare; quis non ejusmodi mor-
 borum congeniem gravissimam ducat? quis non seipsu n tan-
 quam vivum & spirans cā iaver horreat? quis non omnem
 curam studiumq; ad evitandos amovendosq; tot morbos ad-
 hibeat? Vna sola culpa venialis, magis anime nocet, quā n
 cuncta illa mala corpori: & licet omnes morbi in unu n con-
 flentur, nondum erunt æquales minino peccat: venali: uni-
 cum verbum laxivum charitatis, aut aspe t is curiosus à longè
 execrabilior est. Libet in hanc rem asferre; quæ Divino pla-
 nè Spiritu, ab Eusebio Nicrembergio concepta & conglobata
 sunt, de Actor: l. 2. c. 13. Peccatum veniale inquit ille, est can-
 cer qui serps paulatim usq; ad interitum, inducens in alia plurima; &
 æmum in mortales; nisi prius refectetur pravus affectus. Est lepra, mac-
 ulatam & fatidam animam sejungens à complexu sponsi: Est asthma
 causans difficultatem aspiranti ad caelestia, molestans & contristans spiri-
 tum sanctum: Est paralytis impediens apilem motum ad DEVM, torpereq;
 faciens in Divino servitio. Est Hydropsis gignens sitim & astinationem
 rerum temporalium, negligens Divina & salutaria. Est abominatio Sto-
 machi; fastidium creans rerum spiritualium. Est podagra impediens nos,
 ne procedamus in via DEI. Est cecitas faciens cacutire ad Cognitionem
 veritatis, & bonorum caelestium, amentiam mundanam inducens, velut
 densa nubes obtenta oculis. Est surditas, Divinas inspirationes audire
 prohibens. Est phrenesis faciens insanire animam. Que major insania
 quā si quis purpuram Regiam, quā, honoris causā, à Rege fuisset do-
 natus; ut coram se adstaret, & loco filii haberetur, luto immergeret, &
 deinde appareret ridiculè coram Rege? Sic gratia indutus veluti purpu-
 ra DEI, dum per peccatum veniale se maculat, lutoq; inficit; licet non
 exuat illam; & deinde coram angelis audeat apparere, DEOq; assistere.
 Est quoq; flutor lingua reddens orationes nostras minus efficaces, ut non
 creamus audiri nec exaudiri à DEO. Est phthisis ac tabes labefaciens
 animam ad resistendum diabolo, vigoremq; omnem enervans. Est extin-
 ctio caloris, se vorem charitatis Divina imminuens. Parvum ne cen-
 sleri debet, quod tantorum causa est maiorum?

III. Equidem qui peccata venialia contemnit; solumq;

K

DEO

DEO servit, quatenus anima per peccatum mortale non occidatur, aut privetur celo; is profectò non intelligit, in quantum se amittendæ Gratia periculum, sciens volentq; conijciat. Sicut enim corporis morbus est prodromus mortis: ita in veniali, deterius est nihil, ac nihil diligentius cavendum, quàm quoddam animam ad mortem præparet ac disponat. *Sagitta parvulorum*, inquit David, *factæ sunt plaga eorum* Psal. 63. Nimirum Dæmon cum præcellentes virtute viros letali ictu sternere non possit; ex membris nostris minutas cuspides, ad interiorum hominem conficiendum suppeditat; atq; ita fit, ut quemadmodum S. Cassianus Martyr, puerorum, quos instiguerat, stylis ad mortem compunctus est; ita quotidianum planè Diaboli stratagemata esse assolent, quo Religiosos circumvenit, ut, dum ad graviora flagitia expallescunt; per minuta sentim obruantur, ac præcipitentur in infernum. Sic S. Theresia locum sibi in inferno paratum conspexit; ad quem devenisset, nisi à sagaciore Confessario instituta, venialia declinare cœpisset. Quid febres, quid colicam, pleuritidem, calculum, apoplexiam; nisi flatus, arenula, spiritus vitalis interceptus, res minima, una guttula creaturæ mortis ex pilo, ex acino, ex acu, ex spina, compertæ sunt. Verùm quàm minora longè esse assolent, quæ vitam ordinis Divini sternunt. Nimirum, ubi semel his minutionibus delictis patuit in animam aditus, homo adicit ad peccandum; & negligentia neglectim admissa, gratus est ad ulteriorem. Si quis enim cuiuspiam, ut scribit Faultus Monachus, obloqui cœperit, nec indoluerit huic suo erroris die insequenti, eâ in eundem facilitate, impetu, imò libidine rapietur, ut sibi nequeat ab eo temperare, facietq; tandem perturbatio vehemens, ut ne sentiat quidem se errare; consuetudine inolitâ, mentis aciem fuscante, ac peccandi continuitate, sensu peccati supersæto. Quare putat S. Gregorius Nissenus, ideo DEVM ab Hebræis primogenita postulasse, & domorum fores langvine agni consecrari voluisse: ut nimirum, primos illi motus animi agni consecrari voluisset: ut nimirum, primos illi motus animi dicaret; quibusvis autem DEO minus acceptis obstruerent aditum. Iplum Senecam non fugit, obliquos affectus vires eundo acquirere, & facilius prohiberi accessu, quàm admissos extrudis

extrudi. Certè, uti qui spernit modica, paulatim detidit; sic raro ad graviora devenitur, quamdiu levibus, tanquam gravioribus obstititur: alioquin sæpius contingit, ut postquam his tenuibus venenis, vel muscæ stimulus venam aperuit, accedat periculum capitalium malorum, ac prorsus letalium. Quibus noxa leves viam præmuniunt; nisi radicem fibris hujce subtilibus hærentem extirpaveris; scito (inquit S. Chrysostomus) in peccatum grande surrecturam. Nam affectio primum sive ex frigida incalcescit, transiitq; mox in perturbationem: perturbatio invecunda est, nec intra limites coercetur. Sic jam itur quæ lubet nec quid expediat, deceat, liceat, spectatur. Asserta voluntas (ait S. Thomas adæ Quæst. 82. A. 3.) in minimis DEI reverentiâ non reneris; nec in majoribus retinetur; & vitæ officiis, positas ab eo perfectæ moderationis metas, transilire solita, ut primum res ferat, exibat longius; nec se ab impetu consuetudinis reprimet; usu cuncta levigante; hoc est frequentia actuum, qua gignit habitum, facilem ac pronam animam reddente ad peccandum. Itaq; valde sapienter monet Cajetanus, urendas esse has erratorum venialium fibras, quamvis pertenuës, frequenti contritione; neq; obiter solum, & quasi in unum fascem collectas, sed partitè seorsim secundum suas species singulas; ne quando in toxiceum radix aliqua degeneret, & animum sensim ad crimen proximè comparatum, nacta tentatio, illum evertat & perimat. Hoc pessimum peccatorum venialium officium, experti sunt, malo suo, quàm plurimi; cum in eis morantur.

IV. Ut omittam alios: Ex remissione animi, & modestiæ oculorum defectu, ex illo, inquam, curioso aspectu faciei Bethabeæ, (quæ initio erat curiositas venialis & forè indeliberata) in concupiscentiam letalem David incurrit; deinde in adulterium; mox in maximam ingratitudinem; postea in gravem dolum & perfidiam; tandem in homicidium. Levis curiositas Dinam in stuprum impegit. Parva æmulatio filiorum Jacob, erga Iosephum, in pravam primò excrevit invidiam; hæc in odium; hoc in fratricidii voluntatem; & mox in injustam, fratris innocentissimi venditionem. Hic processus perditionis est: à minimis ad magna, à magnis ad majora, à majoribus ad maxima.

scendit interitus. Vnde Eliphas unus ex onerosis consolatoribus Tob, qui otiosa intulit, ad contumeliosa protinus verba prorupit, dicens: Et non propter malitiam tuam plurimam, & infinitas iniquitates tuas. Ecce inquit S. Gregorius lib: 12. moral: c. 4. de serpenti corde, ad verba venit otiosa; ab otiosis autem verbis, per crimen fallacia, ad contumelias exarsit. Isti quippe, sunt cursus culpe crescentis; ut lingua, cum non restringitur, nequaquam, ubi ceciderit, jaceat, sed semper ad deteriora descendat. En quo pacto veniale peccatum, viam præparat ad mortale. Præparat utiq; non solum unicâ viâ, sed multis pluresq; januas aperit ad amorem mortem eamq; tandem intert ac inducit, pluribus quidē modis. Præcipue tamen demeritoriē; ut loquuntur Theologi; qui enim ira negligentem sui curam habet, non est dignus his DEI donis, itq; auxiliis, & sanctis inspirationibus, quibus vel ad majorem cum DEO unionem promoveri, vel eam, quam jam habet, firmam & illibatam tueri possit. Quid enim mirum est, si infectam minoribus etiam noxis animam & minus quàm oporteret, lux puritatis & sanctitatis studiosam, minus etiam DEUS diligat; si ab oculo & osculo sponsali procul arceat, hædoq; suos parcere, & vestigia gregum suorum, hoc est minus ordinatarum affectionum sequi permittat; imò eam sibi ipsi relinquat; & satis infirmam, ac specialibus gratiis destitutam, in graviora labi permittat. Quæ quidem infirmitas ob fomitem peccati, causas, alimenta, & irritamenta malorum, quæ intra nos gerimus, cum major sit quàm possit ab arrogantia nostra intelligi, ut quid tam prono in ruinam parieti adjicimus quotidianum pondus peccatorum venialium, quibus inverecundus animus, Diviniq; amoris neglector, fiat Divinæ, opis ad resistendum egentior, auctaq; imbecillitate, ad pereundum habilior?

Vt Atq; hinc patet, quanto jure Divus Bernardus illos reprehendat, qui venialium culparum exilitatem elevant, ac centent parum dignam labore curâq; strenuæ emendationis. Nemo, inquit, dicat in corde suo: Levia sunt ista; non curio corrigere; non est magnum, si in his maneam venialibus minimisq; peccatis. Hæc enim, dilectissimi, impatientia est, hæc blasphemia in spiritum sanctum,

Hum,

*Sum, blasphemia irremissibilis, Serm: de Conv: S. Pauli. Quem non terreat hæc minutum ac melliflui Bernardi severissima & amara vox? quis audiens, blasphemiam dici contra Spiritum Sanctum, non tollere peccata minuta sed in illis manere, parvum dicei malum? At dixerit quispiam: Non propterea damnum esse, qui habet peccata venialia; nec blasphemiam propriè esse, manere in illis. Ita est: sciebat hoc utiq; Sanctus Bernardus; tamen ut aliquam congruam opinionem, aut formidinem ejus mali haberemus, blasphemiam vocavit ut existimarem, eam opinionem, eundemq; horrorem, quem habemus de peccato blasphemix, debere nos habere de negligentia venialium; de blasphemia autem multò majorem, ne peccata mortalia solum putemus magnum malum, venialia paulò plus quàm nihil! Non ita iniquè voluit Bernardus æstimari culpas, sed venialia peccata æstimari atq; vitari tanquam maxima mortalia; mortalia autem tanquam infinita mala. quemadmodum S. Isidorus dixit lib: 2. sen: Caps: 18. *sunt peccata levia quæ ab incipientibus quotidianâ satisfactione purgantur; quæ tamen à perfectis viris, velut magna evitantur crimina.* Sed cur S. Bernardus dixit; contemptum peccatorum venialium esse irremissibilem? Nonne ea confitemur? imo licet quis moreretur cum centum millibus peccatorum venialium, dum ea sola haberet, salvaretur, Ita sanè: nihilominus potest dicere Bernardus, neglectum culparum venialium esse irremissibilem; quatenus in hac vita non remitteretur, si, & inquantum ita contemnatur: & quantumvis aliquis Sacramenta suscipiat; nec tamen per Sacramenta, nec per alium modum curet illas retractare; certissimum namq; est; eum, qui non habet propositum abstinendi à peccato veniali, nunquam consequi illius remissionem, quamvis etiam sæpius confiteatur.*

VI. Nemo igitur vocem hanc, impenitentix & Blasphemix, à Bernardo accusatam, ulurpet unquam: *Leve est, minus est, nihil est.* Quomodo id? tenue malum credi potest quod immensa Bonitas execratur? quomodo nihili ducendum, quod animam æterno parat exitio? quod gratiæ pulchritudinem ro-

bur, divitias, bonum habitum, salutem, merita; præmia, paulatim exfugit & pellundat? Quare audiamus S. Chrysostomum Hom: 8. in Ep: ad Cor: 1. valdè nos hortantem: *VI DEO jun-
ti & cõgemenati, nè tantillũ quidem ab eo sejungamur:* prout à trunco rami, fundamentum ab ædificio, à vite palmites, à capite membra, ne tenui quidem spiraculo possunt dividi absq; interitu & ruina; ut leve nobis censi non debeat, hoc qualecunq; quod nostra socordia, & usus, diuturnæ tepidorum consuetudine ac negligentia factus, minimum & nihilum appellat, Verè, Domine, judicia tua abyssus multa, inscrutabilia, prorsus & incomprehensibilia cogitatus dum propter leves culpas, permittis, etiam viros olim rectos, tibiq; charos, ruere in graves noxas, eosq; proiicis, ac evomis ex ore tuo. Saule non erat melior in populo; & tamen ob levem initio superbiam, ac invidiam, abjectus est à te. David ille vir secundum cor tuum, quàm fædè, ob unum curiosum aspectum cecidit? Salomon filius ejus, ille amabilis Domini, propter unum odium, quàm turpiter à te apostastavit? Propheta ille tibi carissimus, uno merendæ bolo deceptus, à leone quàm miserè interit. Quis horum aliorumne casus varios considerans non obitupe-scat? Quis poterit appendere delicta eorum, & intelligere judicia tua? Ideo ego humilio me sub potenti manu tua, & supplex rogo, ut ab occultis meis cum magnis cum parvis munda me; & ab alienis parcas servo tuo. Non intres in judicium tuum cum servo tuo, quia non justificabitur in conspectu tuo omnis vivens. Sed quamvis judicia tua abyssus multa; tamen misericordia tua, super omnia opera tuas hinc gremis ac dolens, speransq; in ea, clamo: Misere animæ quærentis te, & amantis te, suspirantis ad te, & non confidentis, nisi in Te.

MEDITATIO III.

De effectibus peccatorum venialium.

Preludia sicut ante.

PUNCTUM I. Duplex est effectus formalis peccati venialis; Primarius & secundarius. Primarius est; quia reddunt hominem

minem maculatum, fædum, abominabilem, & ira displicentem, DEO, ut illum non possit sereno oculo intueri, & coram facie sua pati. Vnde si daretur aliquis magnus Sanctus cujus merita & sanctitas, æquaretur meritis & sanctitati multorum Sanctorum, imò ipsius Beatissimæ Virginis; si tamen decedens ex hac vita, haberet unam maculam alicujus peccati venialis, eamq; per totam æternitatem retineret, nec ab ea eliberaretur; per totam quoque æternitatem ad cælum & visionem DEI non admitteretur. Imò si per impossibile, una talis macula reperiretur, in anima humana Christi Domini, tolleretur ab illa visionem beatificam; eamq; à cælo excluderet. Item, si aliquis posset peccato veniali efficere, ut ad DEVM totus converteretur mundus. ut omnes Iudæi, Gentiles, Hæretici, suam dederant infidelitatem, & fidem sanctam amplectantur; ut magni peccatores, ex peccatoribus evadant magni Sancti: tamen DEVS ita detestatur illam maculam & fæditatem peccati venialis; ut propter tam bonum effectum ex ea secuturum non consentiret positivè in illam; nisi fortè permissivè, ac propter finem honestissimum, ex sua infinita sapientia & omnipotentia inde eliciendum. Iacta ergo tuam bonam voluntatem, quòd velis in omnibus placere DEO: en, si es proditurus in conspectum hominum, faciem spontè non maculas; vel si eam casu maculaveris, statim abluis, ne oculis hominum displiceas: cur ergo te offers conspiciendum oculis DEI & Sanctorum; cum sis tot peccatis maculatus. Iacta te, quòd desideres voluntati DEI, tuum velle accommodare. En voluntas DEI usq; adeo sibi in peccatis venialibus displicet: tibi verò nihil est facilius, nihil familiarius, quàm delinquere venialiter; quæ ergo est ista conformitas, quæ accommodatio?

II. Effectus formalis secundarius peccatorum venialium est: quia disponunt ad peccatum mortale; præsertim si delibetate reperantur: tum quia, qui spernit modica paulatim decedet; tum quia: *in pigritiis humiliabitur contignatio, & in stulticiis corrues domus*; tum quia, sicut agritudo corporalis, est dispositio ad mortem corporis; ideoq; hinc est majus malum, quod infirmo ma-

jorem

jorem inducit sollicitudinem & timorem ita agritudo spiritualis peccati venialis, est dispositio ad mortem animæ, scilicet ad peccatum mortale: atq; hoc debemus in illo plus dolere & horrere: Tum quia, qui sæpius peccat venialiter, paulatim deponit Sanctam DEI timorem, quo refrenatur à peccato, & alludit sentiem audaciam transgrediendi limites rationis, legumq; Divinarum; donec ita crescat illa audacia, ut quod antea non nisi cum timore & difficultate fiebat, postmodum audacter & facile perficiatur. Unde potest formari bona consequentia. *committit quis cum advertentia peccata venialia. Ergo committet & mortalia. Est infidelis super pauca. Ergo etiam erit infidelis & super multa. Contemnit parva. Ergo & majora contemnet.* Hinc autem sequitur, illum qui consuevit venialiter peccare, sæpè reddi insanabilem, & irremediabilem, partim quia assuevit malæ vivendi rationis; quam consuetudinem esto posset, tamen non vult deponere; liquidem talis habitus, cum gravi nonnisi difficultate tollitur; partim quia virtutum habitus, destruxit contrariis defectuum actibus, unde se privat facilitate rectè agendi, ac tentationibus resistendi; partim quia talis homo hujusmodi consuetudine callum obduxit, ita, ut vix sentiat contrarias illustrationes, & inspirationes Divinas; unde tam ob suam indigentiam, defertur à DEO, privaturq; gratis specialiter illuminantibus, inflammantibus, opportunis, efficacibus; atq; ita redditur cæcus, durus, obstinatus in suo malo ac perditio sensus. Unde ulterius meretur, ut illum DEVS ita evomat ex ore suo ut illum amplius resorbeat, deglutiat, & in suam convertat substantiam: hoc est relinquit in tali repletorum statu, ut esto absolute posset defacto tamen nunquam è cæno vitiorum resurgat, & in gratiam DEI redeat; atq; ita damnetur.

III. Effectus effectivi peccatorum venialium, alii sunt in hac vita, & alii in altera. In hac vita sunt pænæ: alix quidam corporales, ut, infirmitates, morbi, dolores, persecutiones, lingvæ, detractiones, murmuratioes, variq; calus fortuiti ut incendia, turba, rapinæ &c. Alix verò spirituales, quæ sunt magis formidabiles, uti sunt permissiones, tentationum valde affligentium,

gentium, inquietudines, & turbationes conscientiarum, desolationes, obscuritates, siccitates: & quoddam magis formidandum; subtractiones illorum donorum & auxiliorum gratiarum Divinarum; quibus homo destitutus, aut est in proximo periculo cadendi in peccata gravia, aut defacto in illa caderet. Quia jam habet defectum virium supernaturalium ad exercendos virtutum actus, habet imbecillitatem moralem ad vincendas tentationes; habet debilitatem & pigritiam, ad progrediendum in via spirituali; & consequenter habet magnam inclinationem ad quiescendum in bonis terrenis, tanquam in fine ultimo, cum nausea & tædio rerum spiritualium; ut Orationis & cum DEO conversationis: cum repugnantia quoque ad querenda bona cælestia ac æterna, tendendi in finem ultimum. In altera verò vita sunt gravissimæ pænæ purgatorii; de quibus infra. & diminutio gloriæ æternæ; Quia impediunt hominem, ut non mereatur tantum gloriæ, quantum mereretur, si actus ejus boni ac meritorii, non inficerentur à peccatis venialibus. Si ergo ille multum esset exosus, qui esset causa, ut alius in mille partes secaretur, & cruciaretur tormentis atrocissimis, vel ne lucraretur sublimem secularis dignitatis gradum: cur peccato veniali afficeris, quod tibi adfert tanta detrimenta?

Colloquium fiat rogando suppliciter DEVM, ut tibi immitat serium odium, derestationem, & abominationem peccatorum venialium; ut illa timeas & fugias: ne fortè per illa cadas in mortalia, ita, ut jam ab eis non resurgas. Ut intensè doleas de commissis, & firmiter, amplius illa non committere proponas. *Pater noster. Ave MARIA.*

DIES QUARTA

Dedicanda S. Michæli Archangelo, & S. Angelo Custodis; in gratiarum actionem pro beneficio Gubernationis, & singulari Custodia; in satisfactionem pro Animabus in Purgatorio detentis; ad impetrandum tam sibi quàm aliis secularem licentiam agonem, bonamque mortem.

L

MEDI.

MEDITATIO I.

De Morte.

Pralud. I. Imaginare: te quasi in lecto facientem, proximum articulo mortis, desperantem de vita; utpotè cui jam à medicis denuntiatur illud, quod Isaias denuntiavit Ezechiz: *Dispone domui tue, quia morieris tu, & non vives.*

Pralud. II. Roga DEVM; ut tibi der modò sentire id, quod tunc es sensurus, de omnibus rebus vitæ præsentis pariter ac futuræ.

PUNCTVM I. Apprehende veritatem hanc certissimā; quòd omnes simus morituri. Ostendit hoc. 1. Quotidiana experientia, ab initio mundi, hucusq; deducta. 2. Ratio naturalis. Quia natura humana est de se corruptibilis, tum ab intrinseco, ratione qualitatum contrariarum, quibus constat, perpetuò inter se pugnantium; tum ab extrinseco, propter intemperiem àëris aliorumq; elementorum, inter quæ vitam agimus. 3. Fides Divina. Quia, ut ait Apostolus: *statutum est omnibus hominibus semel mori*; idq; in pœnam peccati: *Quia per unum hominem*, ait idem Apostolus, *peccatum intravit in hunc mundum, & per peccatum mors.* Atq; ista Lex ita est universalis, ut neq; Christus D. neq; Sanctissima ejus Mater, fuerint ab illa exempti; quamvis ab aliis providentiæ Divinæ legibus excepti fuerint. Omnes ergo sumus morituri, tempore à DEO prædefinito; Nobiles & plebei, divites & pauperes, juvenes & senes; deniq; omnes: ita, ut sicut nullus vivit ex illis, qui ante retrò centum annis vixerunt; ita ex illis, qui hodie vivunt, post centum annos, nullus vivet; sed alii, loco illorum. Currunt sæcula & cum illis homines; sicut fluctus maris, quorum unus insequitur alium, donec omnes evanescant in littore, vel sicut aquæ fluminum, quarum illæ, quæ modò sunt præsentēs, postmodum erunt præteritæ; & loco illarum succedent aliæ præsentēs. Omnes transitori sumus, ab angusta Regione temporis, ad regnum amplissimum æternitatis.

II. Quid;

II. Quidnam est mori? mori, est corrumpi ac desinere esse compositum hoc naturale ex corpore & anima. Est destrui ac in terram cadere, animatum hoc ædificium. Est perpetuò exulare ab hoc mundo terrestri. Est in æternum spoliari omnibus hujus vitæ temporalibus bonis, uti sunt: consanguinei, Amici, Divitiæ, voluptates, honores, officia, dignitates &c. Vnde sequitur, ut quamvis modò, quo ad ea, quæ mundus æstimat, simus inæquales; nam aliqui habent multas divitias, multis fruuntur deliciis, amplissimis honoribus gaudent; alii parum horum possident; tamen mors, omnes nos quo ad ista faciet æquales. Quia sicut omnes, nudi ingredimur in hunc mundum; ita quoq; omnes nudi ex illo egrediemur. Quorsum ergo tendit tanta cura ac diligentia in comparandis hujusmodi rebus, quibus ubi semel nudati fuerimus, jam illas nunquam habituri sumus? E contra verò, quàm noxia & damnosa est incuria, quam tenemus in negligendis bonis operibus, quorum fructu in æternum gaudere possumus. Magna esset dementia illius Mercatoris, qui cum ingenti sollicitudine & copiosis expensis oneraret navem talibus mercibus, quas certò sciret submergendas in portu, una cum navi, ex qua ille solus nudus exiliens, vix enataret. Magna quoq; esset dementia illius viatoris, qui perrecturus in aliud Regnum, talem sibi moneta[m] provideret, quæ ibi nihil valet; eam verò negligeret; quæ ibi sola currit. Major est dementia mortalium, qui sibi thesaurisunt bona mox relinquenda; ut honores, opes, delicias; obliviscuntur autem bonorum operum, quæ sola in portum æternitatis, secum sunt educturi, & in Regnum illud spatiosissimum investuri. *Illumina Domine oculos meos, ne unquam obdormiam in morte.* Ut vigilem super me, & id unice quæram, quòd conducit æternitati.

III. Statim à die natiuitatis incipimus mori; siquidem amittimus unum diem vitæ: quantum autem deperdimus devita, tantum accedimus ad mortem. Si quis ergo damnatus ad supplicium, educeretur è carcere, ducereturq; ad furcam, ut in illa suspenderetur; interim termini, ad quem ducebatur imme-

mor, postulare^t musicam, ludos, convivium, ingenioq; ac deliciis indulgeret; procul dubio haberetur ab omnibus insanus. At multo insaniore^s sumus nos; quia condemnati à DEO ad mortem, & à carcere materni uteri reducti, ad pabulum mortis pergitur; non solum festinantes, sed etiam volantes celerrimis temporis alis; & tamen inmemores hujus termini, ad quem properamus, perdimus vitæ hujus tempus, in variis oblectamentis, citoq; destitutis commodis. Præsertim verò, quia tempus vitæ mortalis, comparatum cum æternitate, quæ nos post illud expectat, ita breve est, ac si nullum esset. Quid enim sunt centum anni, ad quos ad summum vita nostra extendi potest, comparati cum infinitis millibus annorum, ex quibus æternitas componitur? Multò minus, quàm momentum temporis, comparatum cum quovis numero annorum, quantumvis magno. Quia duo extrema finita, habent inter se aliquam proportionem; jam verò extremum finitum, cum infinito, nullam. Unde inferemus cum Apostolo: Quandoquidem *entopraeterit figura hujus mundi phantastica*; incirco quicquid est in mundo, sive bonum, sive malum, nihili debet æstimari. Imprudenter agit, qui plus æstimat umbram alicujus splendoris Palatii, illamq; magis curat, quàm illud ipsum Palatium, quod illi in proprietatem & possessionem daretur. Certè talis imprudentiæ DEVS redarguit Ionam, dum esset magis sollicitus de umbræ disparientia, quàm de Ninive interitu.

Colloquium fiat cum Christo agonizante, rogando ut ille Spiritum suum immittat, Spiritui meo mortuo, illumq; vivificet: ita, ut eius memoria, informet memoriam meam: Intellectus, Intellectum, illuminet; voluntas voluntatem inflammet; Quatenus ita judicem de rebus hujus mundi temporalibus, & ita eas appetam; sicut Christus appetendas judicavit & appetiit.

Anima Christi sanctifica me &c.

Ejaculatoriæ per diem usurpandæ

I. Transibo in locum tabernaculi admirabilis, usq; ad domum DEI.

II. Cupio dissolvi, & esse cum Christo.

III. Ia

III. In manus tuas Domine (pro me vulneratas,) commendo Spiritum meum.

DOGMA MATUTINUM

Gratie conservandæ fideissimi Custodes; Diffidentia sui, & Confidentia in DEO.

I. **C**ertum est apud SS. Patres; per humilitatis defectum, Gratiarum Divinarum fluente impediri. Quid est, inquit S. Bernardus hom. 4. sup. Psal. Qui habitat &c. quod incessanter orantes & supplicantes non possumus ad eam, quam desideramus Gratia abundantiam pervenire? Putatis quia avarus factus est DEVS, aut inops, aut impotens, aut inexorabilis? Absit hoc, absit Sed ipse cognovit signum nostrum, ne forte elationis vitium incurramus: Sicut enim iste corporeus sol, licet bonus sit, & valde necessarius; tamen fervor ejus, si temperatus non fuerit, infirmo capiti, & splendor infirmis oculis nocet; Nec est solis culpa, sed infirmitatis. Sic etiam Sol iustitie.

In eandem Sententiam gravibus verbis concurret S. Bonav. lib. 2. de Profect. Rel. c. 33. Non est mirum, inquit, si inopes simus virtutum; cum Matrem & custodem virtutum, scilicet humilitatem, tam alienam à nobis sentiamus. Quid enim causa est, quod ille, qui dives est in misericordia Pater celestis, qui etiam pro dilectione quâ dilexit nos, proprio Filio non peperit: sed pro nobis omnibus tradidit illum; quid inquam, cause est, quod nos tam inopes gratiarum & virtutum reliquit, quasi non sit ei cura de nobis? Nimirum aut desidia nostra in causa est, quod non instanter quarimus eum, ut debemus; aut superbia, quia etsi quarimus instanter, videt tamen DEVS nos pronos esse, ut inde extollamur, & fieret nobis ipsa donorum ejus sublimatio, altioris occasio ruina.

II. Hinc benè ratiocinatur S. Augustinus lib. 4. contra Julianum c. 9. Cum DEVS natura sua sit liberalissimus, consequens esse, ut gratiæ denegandæ causa, ab homine, non à DEO; concedendæ verò non ab homine, sed à DEO petatur. Causa autem cur DEVS illam non det, est, quia homo sibi dona ejus arrogat, indeq; extollitur, & laudem captat, atq; DEO furatur

quod DEI est, Fons verò hujus arrogantiz est amor proprius; quia enim homo in rebus creatis amat se quàm maximè, ideo aliena bona sibi arrogat, & fingit esse sua, suâq; industriâ parta, Mala verò sua dissimulat, quasi non sua; parva bona attollit, magna mala diminuit & abscondere nititur. Cum verò mai xmus DEI hostis sit amor proprius, quid mirum, si hosti perfido, donis suis cum summa injuria abutenti, non patrocinetur; manumq; in largiendo contrahat, & superbiæ materiam subtrahat DEVS? Hoc ipsum familiari similitudine explicat S. Gregorius L. 34, mor: c. 17. Bonus cibus, inquit, quibusdam nocet, non vitio sui, sed stomachis è contra venenum interdum prodest, dum cum aliis compositum sumitur, ut in teriatat ita malis virtus nocet, dum inde extolluntur, bonis interdum vitium prodest, dum inde humiliantur. Hinc Gratiis Divinis & virtutibus cautè utendum, nihil nobis inde arrogandum: DEVS enim, quia de medicamento, vulnus facimus, ipse de vulnere facit medicamentum; ut qui virtute percutimur, vitio curemur, & qui humilitatem currentes fugimus, ei saltem cadentes adhæreamus. Neq; hoc mirum alicui videri debet; Cum enim DEVS sit prudentissimus Architectus: cur quæso gratiarum suarum domicilium supra arenam ædificet, quod continuò, vento superbiæ concussus, in præceps iturum prævidet? Cùm vino cælesti ad rerum æternarum amorem, segnes mortalium animos velit alligere; cur copiosè illud in eos effundat, quos temulentia de recta ratione dejectos, inde sibi plaudere, laudes captare, & benefactoris oblitos, se ipsos gloriosè videt supra cæteros attollere? An non esset hoc gladium insano porrigere, & rem pretiosissimam luto sordibusq; DEO ac cælitibus odiosis miscere; nullo fructu, sed in miserrimam, & nunquam satis descendam abutentis perniciem.

III. Ut ergo ad hanc sanctam Gratiæ conservandæ securitatem citius homo perveniat, opus est; ut de se diffidens, omnia confidat se posse in eo, qui eum confortat; adeoq; à se abjiciat suarum præsumptionem, & simul pusillanimitatem, Nam Charitatem Gratiâq; Divinam, rem esse ita sublimem sibi persuadeat, ut ad illam acquirendam & conservandam

dam suis pertingere viribus non possit. Petrus, dum ad Christum super aquas graditur ad venti unius flatum malè apprehensum, submerisionis periculum incurrit: deinde dum sibi prædens, inter complura vitæ discrimina, testari vult amorem in Magistrum; & quid ei accidat, præsens observare, ad vocem ancillæ in exitium ruit. An tu ad Christum, ejusq; gratiæ conservandæ securitatem, per tot amoris proprii oppositos fluctus & fletus, perrepturum te putas, nisi tibi diffidens, ad id auxiliatrice DEI manu proveharis? Mulieri in Apocalypsi dantur alæ dux, ut volare possit: sponsa in Canticis non ascendit, nisi innixa super dilectum suum? Et tu, quomodo sine alis, aut divino fulcimine, ad Charitatem & Gratiæ conservandæ securitatem, temerarius evade e, eamq; obtinere te posse existimas? *Non acceditur*, inquit Augustinus in Sententiis, *ad altitudinem DEI, nisi per humilitatem; & cui propinquas subditus, longè ab eo recedit elatus, per humilitatem ad sublimia gradus est.* Et S. Gregorius hom. 32. in Evan. *Nisi quis à seipso deficiat, ad eum qui supra se est, non appropinquat.* Sed neq; sine diffidentia sui, amor gratiaq; DEI conservatur: nisi enim illa fuerit præposita, apposita, opposita, & postposita, omnia ex manibus extorquet superbia. Propter jactantiam, inquit Ambrosius in Psal. 43. *Phariseus illa etiam, qua jam habuerat, amisit, nihil ei res genera virtutum uno vitio decolorata profuerunt.* Homo dum sibi sufficere confidit, ab eo, qui verè ei sufficit, deficit, ait S. Prosper: in sent. Si à S. Basilio & S. Paulino aliisq; humilitas conservatrix custodq; virtutum habetur; multò magis gratiæ & charitatis, quæ virtutum regina, radix & fundamentum est. Dictum est aliquando à Tullio: *Nervus atq; arcus sapientia est non temerè credere:* & hoc quidem si de nimis facili erga alios credulitate agitur, meritò probatur; sed multò magis habere locum debet, contra nimiam de viribus nostris prædiontiam; præsertim, cum de cælestibus donis, aut habendis, aut conservandis, qualis est Gratiæ & charitatis DEI, Quæstio instituitur.

IV Sed quantum per tui diffidentiam à te recedis, tantum oportet, per indiram à DEO filiorum cordibus confidentiam, ad DEVM ipsum accedas, Quomodo enim qui præcepit, ut diligas

ligas Dominum DEVM tuum ex toto corde tuo, ac in eius gratia permanens, inferorumq; pœnas minatur, si hoc non feceris; quomodo inquam tibi deerit, Si ejus gratiæ confilii, ad illud, præceptum implendum, te accinxeris? Scio & credo Christo dicenti Ioan: 3. *Non potest homo accipere à se quidquam, nisi fuerit ei datum de celo* Sed etiam eum dicentem audio: *Ego sitienti dabo de fonte aqua vite grati* Apoc: 2. & postea: *Qui sitit, veniet, & qui vult, accipiat aquam vite grati*. Scio donum hoc non obventurum segni & vecordi, cum mox addatur, *Qui vicerit possidebit hæc. & ego ero illi DEVS, & ille erit mihi filius*. Satis quoq; intelligo naturam gratiæ, de qua testè ait S. Leo: *Gratia si non datur grati, vel accipitur; gratia non est*. Scio, animam quærere DEVM non posse, nisi præveniatur ut quærat. Utamur ergo ad hanc gratiæ divini conservandæ securitatem obtinendam duplici ancorâ. Nimirum à DEO enixè donum hoc petendo & omnino sperando; deinde ex parte nostra diligenter auxilio DEI cooperando. Ac imprimis projice te totum in DEVM per plenam fiduciæ orationem; Nam etsi oculus tibi sit sanissimus; tamen absq; subsidio lucis videre non potes. Scis DEVM esse Patrem luminum, scis Filium DEI esse lucem mundi; in tenebris ambulabis, nisi ab illis, radios tibi suos communicantibus illustreris. Nosti te pestilenti frigore à primi parentis lapsu afflatum, non posse flammam cœlestem concipere, nisi Divinus ille ignis te accendat. Noli tamen in hac cogitatione obtorpescere: altius mentem attolle ad illum, qui das omnibus affluenter, & nihil impropere cujus filius nos ad audendum excitat. Petite & accipietis: cuius Prophætæ nos incitant: *Accedite ad eum & illuminamini, & facies vestra non confundentur*. Ecce: *Respicite filii nationes hominum. & scitote, quia nullus speravit in Domino, & confusus est*. Imò verò, cur tam multi ad DEVM accurrentes non fuerint confusi, hanc solam rationem adfert Propheta; *quia in illo speraverunt. In te inquit, Speraverunt Patres nostri: speraverunt, & non sunt confusi*. Hinc Mathathias, dum proximus morti, animos filiorum ad propugnandas leges patriæ, ac in DEO sperandum; accenderet, ubi multa exempla eorum, qui sperantes in Domino, auxilium ab eo,

contra

contra res adversas, hostesq; formidandos acceperunt, atq; copiosis sunt honestati præmiis, tandem adfert hoc epiphonema: *Et ita cogitate per generationem & generationem; quia omnes, qui sperant in eum, non infirmantur.* Homo quippe est veluti infans tencellus, hostibus undiq; cinctus, eorumq; expositus insidiis: prout enim is non potest se tueri, neq; si inforduerit, mundare; aut lapsus erigere, aut jam erectus, nisi ope alterius, consiliter; vel progredi; si fames & sitis urgeat, nec cibum quærere, & quod omnium miserrimum, nullus in his opem flagitare potest: ita homo, non est sufficiens aliquid ex se, quasi ex se facere, nec dicere IESVS, nisi in Spiritu S. Ecce quàm rectè monet nos Dominus: *Nisi efficiamini sicut parvuli, non intrabitis in Regnum Calorum.* Solus enim, qui se talem cognoscit, & ut talem æstimat, accedit ad Dominum, dicentem: *Sinite parvulos venire ad me; talium est enim Regnum Calorum.* Sicut ergo infans parum aut nihil est sollicitus, de victu, vestitu, habitatione; sed totam sui quoad hæc providentiam resignat in suos Curatores; ita & nos, quoad negotia & commoda nostra, totam sollicitudinem in Divinam projiciamus pietatem; hæc autem iustar svavissimæ Matris, omnibus his infantilibus nostris incommodis, amantissimè succurret; prout promittit per *Isaiam Cap: 66.* *Quomodo si cui Mater blandiatur; ita & ego consolabor vos, & ad ubera portabimini, & super genua blandientur vobis. Ecce ego declinabo in vos fluvium pacis, & quasi torrentem inundantem gloriam. Et, Nunquid potest mulier oblivisci infantem suum, ut non misereatur filio uteri sui? & si illa oblita fuerit; ego tamen non obliviscar Tui. Ecce in manibus meis descripsi te; non calamo & atramento, sed clavis ferreis, & sanguine pretioso, ac vulneribus profundis.*

V. Et certè quis in Christi vulneribus, ejusq; Sanctissimæ cruce non vider constitutum sibi ingens præsidium? ad quod exemplo Opilionum Arabiæ confugiendum esse monet S. Franciscus Salesius. In Arabia, inquit, dum obnubilatur, cælum, & tonitrua fulguraq; ac fulmina congeminantur, pastores se, gregemq; suum subter laurum deducunt, ut ejus ramis ab omni injuria defendantur. Ita nos, dum res adversæ

minantur & ingruunt, ad s. Crucis umbraculum confugere oportet; fidendumq; DEVM amanti, & in Christi meritis, spem collocanti, omnia prosperrimè ad animæ salutem cessura.

VI. Hinc S. Tereſſia ſuadet, ut cum paupertatis noſtræ, & imperfectionum noſtrarum conſideratio nos angit, iis omiſſis, & quodammodo oblivioni traditis, reſervata quadam in genere peccatorum memoriâ, nos in ſinum miſericordiæ Divinæ abjiciamus: ut cum ſolvendo non ſimus, ipſe miſericordiâ ſua, quâ erga peccatores utitur, ſupplere dignetur. Et addit. Perſonam quandam (arbitror ipſammet fuiſſe) cùm angeretur, nihil ſibi ſuppetere, quod DEO offerret; Chriſtum pro levamine hujus anxietatis, donâſſe illi omnes ſuos dolores & labores, monuiſſeq; ut illos tanquam jam ſuos æterno Patri præſentaret; à quo tempore ita recreatam & locupleratam illam fuiſſe teſtatur, ut tanti doni obliſci non poſſet, cujus vel ſola memoria, novos ei ſemper animos adderet. Simili ferè cogitatione alius ſeſe animabat, dicebatq; ſibi. Si homo opulentus & liberalis, mille ducatos teſtamento legaiſſet alicui pauperi, eoſq; in fida amici manu, quoties pauper peteret, numerandos certâ quantitate depoſuiſſet; pauper ille eſſi tanto munere indignus, tamen legantis teſtamento conſiſus, ad illam elemoſynam obtinendam, tanquam jus ad eam habens, audacter accederet; & ſi aliquis ei objiceret indignitatem, vellerq; illum ideo repellere, meritò reſponderet: Pecuniam illam à ſe non exigi, quaſi meritis ſuis debitam; ſed alterius bonâ erga ſe voluntate obſignatam, ut quoties ejus, qui legavit, nomine eam peteret, continuò ſibi numeretur. Ita ferè nobiſcum egit Chriſtus. Legavit ille nobis merita, Paſſionem, mortem & animam ſuam, eamq; in manus Patris æterni depoſuit, dicens: *Pater, in manus tuas commendo ſpiritum meum.* Nos verò de uſu horum donorum aſſecuravit, inquiens: *Quidquid petieritis Patrem in nomine meo, dabit vobis. Petite & accidetis.* En nobis Chriſtus dedit Syngrapham nomine ſuo ſubſcriptam, ut illâ oſenſâ, impetremus apud Patrem cæleſtem, quidquid nobis ad ſalutem eſt neceſſarium; prout nos edocet S. Mater Eccleſia, tories in ſuis

Orationibus repetens: Per Dominum nostrum IESVM Christum, Atq; hæc est prima anchora, quam Apostolus vocat firmam & tutam, & ad quam suos confugere Hæbreos hortatur.

VII. Alia anchora est, nostra cum DEI auxilio, ad Gratiam ejus in nobis jugiter conservandam, diligens cooperatio. Occurrerunt Christo castellum quoddam ingredienti decem leprosi, obnixè ab eo petentes misericordiam, seu ab illa affectione liberationem. Potuit illos gratis omnino Christus curare; noluit tamen: Sed eis onerosam adjecit conditionem, ut se Sacerdotibus sisterent, & per hoc probarent suam obedientiam atq; humilitatem. *Ite ostendite vos.* Sicut enim Elisæus; Naaman Syro præcepit, ut si vellet à lepra mundari, septies lavaretur in iordane. Vult enim DEVS, ut ipsius voluntati, quâ nos intendit in sua conservare Gratia, cooperemur: Vnde non frustra dictum: *Ora & labora.* Et: *Cum leve manum move* quia *Regnum Celorum vim patitur.* Omnibus quidem per merita Christi ad illud est aperta Janua; Sed quia hæc angusta, & arcta est; conitendum, contendendum, & ravi habitus deponendi, ei, qui per illam vult intrare. Vult quidem DEVS omnes salvos fieri, ut Paulus testatur 1. Timot; 2 Sed quantum est ex parte sua, & conditionatè; si & ipsi velint. Vnde ex hac voluntate, dat omnibus media ad salutem sufficientia ex se; quæ si complerentur per nostram cooperationem, redderentur completè efficacia. Atq; hoc videtur conforme Ezechielic. 18. *Nunquid voluntatis meæ est, dicit Dominus, mors impij, & non magis, ut convertatur à viis suis pessimis, & vivat.* Et 2. Petri 3. *DEVS patienter agit propter vos, nolens aliquos perire, sed omnes ad penitentiam reverti.* In quem locum disserens S. Ambrosius ait: *Si DEVS qui omnipotens dicitur, omnes homines vult salvos fieri: cur non impletur ejus voluntas? Sed in locutione conditio latet.* Vult enim DEVS omnes salvos fieri, sed si accedant ad eum: non enim sic vult, ut nolentes salventur sed vult illos salvari si & ipsi velint. Voluit Abimelech extrahere Jeremiam è lacu, & sincerè quidem quantum est ex parte sua; unde illi porrexit funem, aliq; ad hoc requisit; sed conditio: natè, ut & ipse cooperaretur ad extractionem, ut funem arripe-

ret, ut pannos sublaſcellis poneret. Nam ſi hoc Iſeremias non feciſſet, & lacu liberatus non fuiſſet; neq; potuiſſet culpae Abimelech quoddam ſecum inſincerè egiſſet: ſed ſeiſpum, quoddam ex parte ſua voluntati illius deſuiſſet. Hanc utramq; anchoram in rebus agendis adhibuit S. P. Ignatius, qui tantam diligentiam & providentiam ad eas conſciendas, ex parte ſua adhibebat, quaſi tota res ex ſe uno, ſuaq; vigilantia & conatu penderet: Ex altera verò parte ita DEO ejuſq; bonitati omnia committebat; ac ſi nihil ad earum felicem ſucceſſum attuliſſet. **E** contra verò Legitur in viſis Patrum, quoddam cum Eremicola quidam immundiſ vehementer urgeretur tentationibus, adierit alium Anachoretam virum ſanctum, rogaveritq; fieri pro ſe preces ad DEVM, quatenus ab eo illas amoveret tentationes. Suſcepit munus. Vir Sanctus, intenſe oravit, imò precibus jejunia, mortificationes, duraſq; humili curationes adiecit. Sed cum Eremicola nihil ex parte ſua ageret; imò indulgeret ſenſibus, pro libitu manducaret, ſomno vacaret & otio, aliena duraxat opi fidens; eaſdem; imò gravioreſ, quàm ante, patiebatur tentationes: tandemq; admonitus, ne ſua ſocordia, fructum orationum pro ſe ab alio ſulari impediret; poſtquam & ipſe manum operi admovit, tunc primùm ab illa vexatione liberatus fuit.

VIII. Timendum quippe eſt, ne ſi deſeramus Gratiam DEI, illi non cooperando; deſeramus quoq; ab illa: quod eſt formidabile malum; animuſq; ſolius DEI cupidus hoc unice in votis habeat, neceſſe eſt; ne vel ad momentum deſeratur à DEO; cum inter tam multipliceſ hoſteſ, tantaq; verſetur pericula: ideoq; conſultum eſt; ſinguliſ etiam horiſ illum pronuntiare verbum: *Ne derelinquas me Domine DEVS meus, ne diſceſſeris à me. Et. DEVS in adiutorium meum intende, Domine ad adiuvandum me ſeſtina.* Hinc P. Leonardus Leſſius, illuſtriſ doctrinà & virtute Theologuſ, ſolebat dicere: Vnicam negligentiam, Gratia Divina non cooperantem, præcludere aditum decurſui multarum Gratiarum, quæ veluti concatenatæ, una poſt alteram confluiſſent; ſiquidem diligentia ad uni Gratia cooperandum adhibita, viam muſivileſ ad alteram comparandam. Negligenti lucrari

lucrari uno talento, legimus in Evangelio ablatum talentum; diligentem autem donatum; ut negligentem pœnam, fructumq; diligentem hoc facto cognoscereamus. *Curavimus Babylonem, & non est sanata, derelinquamus eam.* dicunt Angeli apud Ieremiam c. 51. Babylon, quæ latinè confusionem significat, typus est animæ, quam ob sordes, & magnam in iis expurgandis negligentiam, pudor obruit; ac tandem non solum Angeli; sed ipse quoq; Angelorum Dominus derelinquit. *Non convertam, ait Dominus per Amos Prophetam, faciem meam ad populos,* (quos ibi memorat) *ut eorum miserear: quia me clamantem, & ad meliora provocantem neglexerunt.* An non meritò tu id timere debes, qui ad tot DEI momentis voces obscuruisti; Audi ergo S. Augustinum in Psalmi 80. dicentem: *Anima, quæ possessio DEI esse desiderat, nihil horribilius accidere potest, quàm à DEO deseri:* Hinc suos deinde ardentius hortatur, ut cor suum confidendo & amando aperiant; quatenus ab illo, qui est fons vitæ, repleri possit, vacuumq; non derelinqui.

O DEVS meus, ne elongeris à me; DEUS meus in auxilium meum respice, & me Sangvine Tuo emptum, stantem, in lubrico, ac undiq; laqueis cinctum, trahe post te, in funiculis charitatis Tux. Tibi derelictus est Pauper; Orphano mihi Pater misericordiarum, sine quo nihil possum, esto adiutor. Tu enim es DEVS meus, unica spes mea, adiutor & protector meus, cornu salutis meæ & susceptor meus. Intra vulnera tua absconde me & non permittas me unquam separari à te.

MEDITATIO II.

De Proprietatibus Mortis.

Preludia: sicut ante.

PUNCTUM I. Esto mors certissima sit quò ad substantiam scilicet Esse, erit enim infallibiliter: simul tamen est incertissima, quòad circumstantias loci, temporis, & modi. Nemo enim scit, ubi, quando, & quomodo est moriturus. Vbi? Domi ne? an foris? in Civitate an in pago? in terra an in aqua? in hac Regione; an in illa? Quando? si hoc anno, vel sequente, vel alio.

illo; si hoc mense aut septimana? Quomodo? si morte prævisa an improvita; repentinâ an maturâ; fulmine an gladiô, fame an peste? Propterea Chreistus toties in Evangelio nos monet; ut semper vigilantes & præparati simus ad mortem. Sicut servi, qui præstolantur Dominum suum, redeuntem à nuptiis; & nesciunt quandonam sit rediturus: Sicut Virgines quæ expectant sponsum, & ignorant, quâ hora est venturus. Sicut Pater familias, qui novit, unâ nocte, domum suam à latronibus invadendam; & nescit, quâ hora; ideoq; vigilat in omnibus. Sicut milites, qui ob metum hostium agunt excubias, in prima, secunda, & tertia vigilia noctis; quæ sunt symbola trium ætatum nostrarum, juvenutis, maturitatis, & senectutis. Hinc etiam nos Scriptura monet; quod Mors gerat se veli i fur, qui tunc aggreditur furtum, cum minimè putatur. Quod gerat se veluti piscator, qui capit hamo & extrahit piscem, quando securus & intrepidus cum aliis natat. Si ergo est aliquando mundo Prudentia, non alibi est impensius & sollicitius impendenda, quàm in procuranda securitate huius negotii, quod homini unicè est necessarium. O cæcam tameritate mortalium! qui tantâ solitudine provident ac præcavent pericula in aliis negotiis humanis; obliti periculi formidabilis, in quo vivunt; ne per improvitam mortem perdant æternum lux salvationis negotium.

II. Hæc etiam est proprietas mortis valdè timenda, quod scilicet semel fiat, cum sit unica, nec repeti possit: unde error in illa commissus semel, non est amplius reparabilis. Nam, ut ait Sapiens: *Ubicumq; cecideris lignum, sive ad austrum, sive ad aquilonem, ibi eris.* Si quis altum puteum vel profundam foveam deberet transilire, nonne ille à longe cursum inchoaret, metuendo ne in illud præcipitium caderet, de quo jam nunquam posset emergere, sed omnino perire deberet. Infernus cum suis æternis tormentis, altus puteus, nimis profunda fovea est; Mors autem est saltus, quo iste puteus & fovea superari debet. Ne ergo iste saltus malè succedat, ne ex illo contingat lapsus & casus in illam voraginem; quantum est metuendum? Imò

ut bene

ut benè ac fortunatè saltus iste eveniat, quantum est rogandu DEVS, ut opportunum præbeat auxilium. quantum roganda Virgo Deipara, alijsq; Cælites, ut implorent nobis opem, & Vires necessarias suppedirent. Nonne saltus iste à longe est inchoandus, per Orationes, bona opera, actus virtutum, per mortificationem sensuum, & inordinatorum affectuum. Si quis in lusu alearum exponit totam substantiam suam, ita, ut post ultimum jactum alex, aut ei perdenda sit tota illa substantia, aut cum pari fœnore lucranda; quantū metueret, ne ipsi ille ultimus jactus malè cederet; quantum curaret, ut faustè ei alea faveret! quibus ille votis ad id aspiraret! quos ille modos non adhiberet! si illis ultimum illum jactum, felicem præstare posset. Mors, est ultima fors ludi, cui exponimus æternam totamq; substantiam nostram, quam si semel perdimus, omnia in æternum manent nobis perdita. Est in potestate nostra, ut ista fors nobis faveat; si nimirum nunc vitam rectam agamus, benè sperandum ut etiam bonum finem illius habituri simus. Qualis enim præcedit vita; tali ordinariè succedit mors. Qualis vox talis Echo; quales Præmissæ, talis Conclusio.

III. Actiones difficiles & inusitatæ non solent primâ vice benè succedere; unde illas repetimus ut corrigamus, Si autem repeti non possint, similes illis studiosè priùs exercemus; Ut in simili Habitum acquiramus, quò illam actionem postea benè exerceamus. Nulla actio est mihi magis inusitata, magisq; difficilis quam benè mori. Cum ergo ista actio repeti non possit; sed semel tantum debeat fieri, quare me in similibus diligeret non exerceo, ut habitum acquiram, illam quam optimè peragendi: Ergo proponam in his me virtutum actibus exercere, quos unice necessarios esse scio ad benè moriendum, uti sunt: Actus Fidei, Spei; Charitatis, Doloris, Detestacionis, Propositi, Resignationis, condonationis injuriarum, commendationis &c. Si alicui homini, qui nunquam esset jaculatus in scopum, daretur spatium trium dierum, exercendi se in jaculando ut ira dexter evaderet, ad hoc, ut si primo jactu scopum attingeret, Rex esset creandus: si minus comburendus vivus.

vivus. Certum est quoddam talis homo, nisi amens esset, in nullo alio, totum illud tempus expenderet, nisi in comparanda per actus frequentes, dexteritate jaculandi, ne postea illo jactu cujus ipsi tanti latererat, aberraret à seopo. Ad quid nobis datur hujus vitæ tempus, nisi ut nobis comparemus dexteritatem jaculandi in scopum bonæ mortis; comparemus, inquam, mortificatione nostrorum sensuum, & pravarum cupiditatum: Ita, ut si uno ultimo jactu, metam benè attigerimus, Reges in æternum evadamus; Si verò ab illa aberraverimus, vivi in æternum comburendi simus igne infernali. Quanta ergo est amentia, in nugis & inutilibus actibus perdere pretiosum hoc tempus, & non impendere illud mortificationi nostræ, ut ita discamus quotidie mori, quatenus postea securè possimus tangere scopum bonæ mortis.

Gollogium fiat cum Angelo custode, rogando ipsum, ut ille nos identidem excitet illo monitorio. *Memento homo quia pulvis es, & in pulverem reverteris.* Ut nos tanquam Præceptor & Magister doceat, quomodo nos debeamus exercere in actibus bonæ mortis servientibus; ut nobis in illo puncto assistat, hostes arceat, tentationes removeat, per puteum illum transferat &c.

O Domina mea Sancta MARIA, me in tuam benedictam fidem &c.

R E F L E X I O

Supra

P A T I E N T I A M.

Dum Tibi dilaniat lædens injuria pectus
Aut alius socius pandit Tua crimina; linguam
Reprime mordacem; nec labris lora resolve.
Nulla Tuam tristis notet indignatio frontem;
Iraque ne furiat; strictis frangatur habenis,
Neve Tuo pateat conturbans læsio vultu;

Nec;

Nec, licet in iustas solvat se lingvâ querelas;
 Tunc nisi, dum precibus peramanter sidera pulsas;
 Dum Te despiciunt alii; vel turpè cachinnis
 Subsultant; lacerantq; fibras, seu mille dolores,
 Seu morbi, aut mors ipsa premit; seu turba malorum;
 Lætitia Tu solve animum, vultumq; serena,
 Indignum Te pace puta, sceleriq; nefando
 In pretium venisse graves cum vindice pœnas.
 Quamvis Te gravibus jactent adversa procellis,
 Pax interna Tuo ne cedat pectore pulla.
 Ingeme cum lobo, dum cor mærore fatiscit;
 Sit nomen Domini benedictum: mente precare
 Sufficiat Numen vires, tolerare dolores
 Ut possis, mærensq; tuis confidere rebus.
 Vim patior Domine, exclamans. Pluresq; precare
 ærumnas; si nostra salus, si gloria surgat
 Hinc major Domini: verbo facieq; benigna
 Respondere stude illi, qui te læserat, atq;
 Lædenti samuletur amor: prorsusq; malorum
 Oblitus, bona persolvat. Cælestia flagrans
 Læmina sollicitis socio, precibusq; repende,
 Qui Tua jam multis laceravit pectora damnis.

R E F L E X I O.

Supra

CONFESSIONEM SACRAMENTALEM

PRæteritos memori defectus mente revolve,
 Quos contra Numen, Socios, contraq; teipsum,
 Fædo vel lingvâ, vel saltem corde patiaſti.
 Tum geme, tum propone caveri tribunal
 Aperta Christi; coram quo cuncta fateri.
 Supplicio te subde libens, majoraq; votis
 Concipe, quæ dignè malé conſua crimina mulcent.

N

Quam

Quam Sacer in unxit Index, non negligē p̄nam;
Hanc m̄sti cumulet devotio vivida cordis.

DOGMA POMERIDIANVM.

Crescendum in Gratia DEI.

I. Q Vemadmodum vita naturalis, propter actiones vitales, in op̄positis viventibus attributa, est illis principium crescendi, & ad terminum, statimq; molem magnitudinis perveniendi: in hunc enim finem arbores, & pl̄nta vitam vegetativam acceperunt, ut se te alant, & nut̄iant; animalia quoq; per vitam sensitivam non solū sentiunt, sed & loco se moveant; homines demum per vitam intellectivam non solū intelligunt; & proprio arbitratu se gub̄nant; verū etiam crescunt. Ita vita Gratiæ Spirituālis suū exigit in homine incrementum; atq; ut loquitur Augustinus Ep̄. 106. *meretur augeri, ut aucta mereatur perf̄ci.* N. q; enim suffecerit, ita vitam hanc, Divinæ confortem, tueri ac defendere, ut nec letali cimine confecta p̄creat, nec idoneā ad interitum per leviores noxas dispositio- ne, paulatim collabascat; verū id non min⁹ ardentē agendum, ut parva gratia amplif̄cetur, & novis quotidie cumuletur accessio- nibus. Natura & Gratia sorores sunt; verū in hoc n̄m̄s quā dissimiles; quōd h̄c nunquam non possit crescere, & major esse: illa verō ab imperfecto incipit, & paulatim magi q; crescit; donec suæ perfectionis apicē consequatur. Quercus crescit in annum centesimū; & hic terminus esto. Cervus quotannis unum ramū cornu suo adjicit; sed non sine termino; unde ejus ætas dignoscitur. Palma singulis mensibus singulos addit ramos; unde olim menses in ejus ramis numerabantur; teste Pierio l. 7. Hierogl̄: & post unum ætatis seculum fructificare incipit. Homines quoq; teste Ariagā de termino accretionis, & augmentationis differēte, crescunt nonnisi ad annum quinquagesimū. Ut enim homo crescat, requiritur, ossa & nervos molles esse, qui tunc obdureant; nec primi Parentes, qui ad 900. annos vixerunt, semper sine termino creverunt. Potest quidem humanum corpus post annum 25.

num 25. crescere in latum; quia caro ratione nutrimentum auge-
tur; non tamen sine termino; neq; enim homo magnitudinem
turris, neq; mus molem elephanti poterit adæquare. Vnde di-
cit Aristoteles l. 2. de animâ; quod omnium naturâ constans,
est terminus, & ratio magnitudinis, atq; augmenti.

II. At verò terminus in Gratia crescendi, virtutemq; &
perfectionem augendi, in hac vita nulli unquam positus est;
semperq; iustis *Plus ultra* progrediendum; qui idcirco compa-
rantur cedro Libani. Quia, ut ait Apponius l. 5. de finibus.
Cedrus semper fertur crescere, nec aliquando ire in senectam.
Tales nos esse decet. Nam ut ait S. Gregorius l. 4. Mori: c.
22. *Vita Christiani* (licet addere, quanto magis Religiosi) *dies,*
sunt virtutes singulae; menses autem, multiplicia facta virtutum. Erza-
bant igitur toto cælo Stoici, ut apud Ciceronem & Lærtium
leere est, dum assererent: *Virtutem non posse crescere. & fieri ma-*
jorem; & cum illis Seneca dicens: In hac vita posse pervenire homi-
nem ita ad summum Virtutis, ut non sit incremento locus. Verum-
haec non apud solos Ethnicos hæere falsitates; error hic quoq;
fuit Ioviniani, neminem iustitiâ ac virtute crescere posse; uti
nec à vitio, cælo iudice, decrescere atq; deficere, asserentis
Huic verò affinis Lutheri dogma: qui etiam negavit, mortales
posse crescere in iustitiâ; quasi illa non esset, intrinseca, atq;
in hærens, sed extrinseca, & adscritta; puta imputatio iustitiæ
Christi, quæ in omnibus iustis est par atq; æqualis. Assere-
bant perperam alii, referente Spondano anno 1511. Hominem
in hac vita posse assequi talem gradum perfectionis ut ampli-
us proficere in gratia nequeat; alioquin si semper cresceret, pos-
se Christo perfectiorem fieri. Addebant; eum, qui talem gra-
dum adeptus esset, posse liberè corpori concedere. quidquid ei
placet; nec ad ultum aut Ecclesiasticæ, aut humanæ potestatis
præceptum teneri: quia *Vbi spiritus, ibi libertas.*

III. Contra hos stetit, stantiq; æccliam recepta cælo ter-
risq; veritas; Christianum in iustitiâ, gratiâ, charitate, cæterniq;
virtutibus crescere posse; imò & debere; nisi & à se, & à Chri-
sto suo deficere velit, atq; degenerare; de quo illud ex Evange-

lio notissimum: Puer autem crescebat, & confortabatur. Et. IESVS proficiebat sapientiâ, & aetate, & gratiâ apud DEVM & homines. Luc. 2. Quod quidem, ut D. Bern: loquitur, non secundum quod erat (Sapientia enim & gratia Filii DEI non minor fuit infantis, quam viri nascentis, quam morientis) sed secundum quod apparebat, intelligendum est. Id autem dum fecit candor lucis æternæ, & lumen indeficiens, devils mortalibus faciem prætulit, ut & ipsi, sicut ætate & annis, ita sapientiâ & gratiâ crescerent. Equum enim est propter infinitam DEI sanctitatem & perfectionem, ut in nobis, saltem juxta incrementum ætatis, habeant sua incrementa, quæ nos faciant perfectos, & Sanctos, virtutes. Nam teste S. Gregorio l. 21. mor. c. 13. *Eligis, cum foris ætas corporis intus, si dici liceat, crescit ætas virtutis.* Quod incrementum pulchrè sic explicat S. Paulinus Nolanus Episcopus ep. 3. ad Severum: *Christus, sicut in illo ipso homine, quem gessit, ita in nostris mentibus, gradus quasdam corporea ætatis exequitur. Nascentur, crescunt, roboratur, senescit. Sed orandus, ne in nobis diu, aut jugiter parvulus, & infirmus, & pauper sit: hoc est, ne anima iusti DEVM in se habens, hæreat in uno statu, sine profectu ad meliora, & perfectiora virtutum incrementa.* Qui enim dicit, inquit S. Ioannes, *se in ipso manere* (quod fit per gratiam) *debet sicut ille ambulavit, & ipse ambulare.* Si ergo (subicit Bernardus) illo currente, tu gradum fistas; non Christo appropias, sed te magis elongas. Vidit Scalum Iacob, & in Scala Angelos; ubi nullus residens, nullus subsistens apparuit; sed vel ascendere, vel descendere videbantur universi.

IV. Iam verò quis cupiditate Sanctâ non ardeat cumularum Opum, tam pronis conditionibus, tam facilibus lucris præstantium; ac tantopere acceptis optatisq; DEO animam vocanti, excitanti, urgenti, nunc sponsæ, nunc amicæ, nunc columbæ, nunc formosæ, titulis speciosis; ut mirum properet ad paratas Coronas; progressuq; vitæ Sanctioris, ad se festinet, & advolet. Nam etiam si leralis culpæ conscio, non liceat supercedere ab iis operibus, ne simul præcludat ad se misericordiæ Divinæ aditum; quæ illis permora solet reum excitare ad repandam gratiam; verum possessor Gratiz Divinæ non sine culpa cessaturus

cessaturus est vel puncto temporis, ab illa, sanctis operibus augenda, ut in horas meritis ditior, gratiorq; DEO evadat. An enim decet amicum & filium DEI denegare DEO, ne seipsum qui tem neganti, quod tantopere ab eo exigit? an decet expectanti lætissimos vineæ fructus, paucos ei, aut nullos reddere? cum, modò non desit manus colentis, possit ei uberrimos ferre atq; perpetuos? Ac, licet nullà re offenderetur à te DEVS, excusandis erroribus, precando rariùs, laxiùsq; vivendo: quanta tamen in dies, in menses, in annos, damna computabis, si attendas, plurimas meritorum occasiones, augendæ in præsens gratiæ, ac in futurum gloriæ, singulis tibi non deesse horis? Si enim opulentus argentarius immensam auri vim, mille sibi quotidie nummos parientem, ultro in mare projiciat; quis illum non dicat, non solùm de homine, sed etiam de pecude, minùs habere? At enim dispendium meritorum irreparabile, quibus gratiâ Divinâ informatis, velut totidem regnis, amplificaturus eras perennem tuæ beatitudinis portionem, quo pacto solabere? Æternas ac innumerabiles gratiæ & gloriæ iacturas, quo pretio redimes? cùm interea posses, si velles, copiosissimo earum questu locupletari, ac in immensum crescere.

V. Ad hoc nobis frequentes subduntur aculei, dum jubemur; *Adhuc Sanctificari & justificari, licet simus Sancti & iusti.* dum compellimur in *charitate & bono opere* crescere; in *anteriora, seu priora extendi; renovari de die in diem; abundare charitate magis; ac magis, probare potiora, crescere in illo per omnia, qui est caput Christus; beatum putare, qui ascensiones disposuit in corde suo; & plurimis locis modisq; admonemur, ne augmenti pretiosissimi vacuas sinamus nobis elabi opportunitates; præsertim, cùm hic crescendi modus sit æquè felicissimus ac velocissimus. Pueri ut maximè crescete possint, non unum cereum S. Crescens accendunt; & tamen longiore annorum tractu vix cubitum staturæ adjiunt, multisq; opus est lustris, priusquam in virum pertectum exerceant. At verò summus ille rerum Conditor, qui incrementum dat rebus, DEVS, ocyssimè nos crescere & in via virtutis progredi ardentissimè desiderat, nec testudineo*

passu, sed cursu celerissimo hoc caeleste stadium nos decurrere
 trita iustorum semita qua lux est, exoptat. Quali enim per quamdam
 diem sanctis incedere est mentes ire semper ad meliora, inquit S. Gre-
 gorius homi: 3. in Ezech: usq; dum perfectam beatissimam meridiem
 attingant; secundum illud S. Regis vaticinium Psal: 84. *Ibunt de*
virtute in virtutem; donec videbitur DEVS Deorum in Sion. Quemad-
 modum ivit S. Furaxus, qui in quodam mentis excessu audivit
 de se, suiq; similibus, hoc ipso versiculo Angelos gratulantes.
 Vnde non est existimandum; hominem posse hic ad eam perfe-
 ctionis meridiem pertingere, ut aliud crescere neq; ceat; sed ut
 citatus Gregor. loquitur: *Por autem usq; ad perfectum diem crescentes*
ut quousq; patria aeterna videatur, bonorum operum tibi augmenta dila-
tentur. Epist. 125.

VI. Iacob Patriarcha dissimilem prorsus benedictionem
 duobus filiis moriens impertivit. Rubeno quidem primogeni-
 turam obtulit, dixit tamen: *Non crescat.* Iosepho vero, ait: *Fili-*
us accrescens Ioseph. filius accrescens, & decurrit aspectu. Gen: 49.
 Quid sibi voluit duo isti frase? Primus, filios Christi dege-
 neres designat, qui cum radicem honorum operum Gratiam
 non habeant. nullo prorsus labore suo, nullis sudoribus, non je-
 juniis, non orationibus, non misericordia, seu tolerantia, quid-
 quam mereri possunt, ut illis particula caelestis praemii aliqua
 accrescat; ac proinde merito sui quisq; eorum in tesseram illud
 assumit; *Non crescat.* At filii Christi, cuius Iosephus typum
 gessit, semper accrescunt in Gratia, & virtute aequè feliciter,
 ac celeriter. Aiebat Cassiodorus de viro honorato & Patrio:
Non est nobis crescendi hic ordo, qui multis est paulatim probandi, medio-
cris probatur esse virtutis. Quanto magis Re ipsi, non paulatim
 sed celerrimè crescere debent, usq; ad perfectam diem; imitariq;
 illos DEI servos, qui, ut est auctor S. Gregor: Nazanz: ori: 1.
 in Iulian. Nullum ascensum & Deificationis modum (hoc est termi-
 num seu finem) agnoscebant. Par enim est, ut, sicut ait S. Am-
 brosi. lib: 1. Offic: c 17. *cum aetate accrescant simul studia bono-*
rum actuum. Taliter protectò crescebat S. Euphrosinus, qui pa-
 rum putans omne quod faciebat, de die in diem melior gatti-
 cebat

ebat fieri. Taliter S. Iacobus à Theodoro laudatus, qui in rebus Divinis quotidie proficere videbatur. Taliter S. Pachomius, qui plurimorum Patrum considerans instituta, dabat semper operam, ut cum proprio fratre, ad maiora virtutis augmenta confurgeret. Sed maximè hac in re excelluit S. P. N. Ignatius, de quo testis juratus in via eius narrat: *quod presentem diem cum hesternò conferens. & cum profectu profectum; longius se quotidie progressum, & ardentioribus in dies inflammatum studijs reperiebat.* Id autem omnibus nobis optimus Pater reliquit 3. paræ Consi. c. 1. §. 10. *Ut omnes curent semper ulterius, vel in dies, magis ac magis, in via Divini servitij progressum facere.*

VII. Crescamus itaq; in mille millia per Gratiâ, & in Gratiâ; donec occurramus omnes in vitam perfectam, in mensuram ætatis plenitudinis Christi: hoc est, interprete S. Ambrosio, Gratiæ spiritalis, ac virtutum incrementis & perfectione. Nulla sit in nobis Gratiæ, nulla virtutis, & vitium, ac diligentiz non operosa particula; ut jure possimus à semper divite, bonoq; Domino plura expectare. atq; petere; & à iusto suorum bonorum vine di. e ac æliatore, multam de talento non aucto. non timere. Hinc valde cavendam monet Apostolus Hebr. 2. *Ne quis desit Gratiæ DEI;* in qua veluti Paradiso, non sumus ad fovendam delidiam constituti; sed ut operemur & custodiamus; hoc est, Gratiâ nobis collatam & tue mur, & angeamus; alias à nobis auferendam. Et alio loco idem Paulus hortatur, *ne in vacuum Gratiâ DEI recipiamus:* Abhorret enim pejor abotio Gratiâ. inquit Gerson. *quàm natura à vacuo; quæ ut hoc evitet, sus deq; agitur, legesq; sibi fixas refigit. & evertit.* Optum verò ut vitet Gratiâ, inertem animam miserabiliter relinquit: quis enim ingrato datum, non putat se perdidisse? quis non dolet perisse, quod dederat? quis jactam in agrum sementem haud excrefcere, non queritur?

VIII. Equum igitur est, gratum esse, qui cupit accepta Gratiæ beneficia tueri, & nova eis addere. Ex Gratiâ trunco gratia oritur, ex profectibus profectus, & lucra ex lucris, parantq; quærendis meritis jam quæsitâ locum: quando enim quis plura adeptus est, tantò valentior sese porrigit ad maiora; & quò

quò magis avaras ad cogendos Gratia thesauros contentiones, explicuit, eò avarior in quæstus novos includat. *Nam qui edunt me adhuc esuriens; sed beata omnino satietate explebuntur. Beati enim qui esuriunt & sitiunt iustitiam, quoniam ipsi saturabuntur.* Vt nam verò hæc Sancta crescendi quotidie in Gratia DEI orexis, in nobis accendatur: profectò studium hoc provocaret oculos Curia celestis, in admirationem nostram, ut diceretur *Que est ista, qua progreditur quasi aurora consurgens?* Initio scilicet dici, dum est surgendum, orandum, meditandum, sacris operandum *Pulchra ut luna;* In progressu nimirum dici, dum studia tractanda, lectiones parandæ, Sacramenta ministranda, conversandum, cum hominibus, incumbendum destinatis ab ordine domestico muniis. *Electa ut Sol.* Scilicet in decursu dici, dum Litaniæ recitandæ, conscientia discutienda, dicandæ DEO actiones, vacandum somno &c. *Terribilis ut Castrorum acies ordinata.* dum hosti tartareo resistendum, passiones rebelles domandæ, vincendæ carnis, mundi, ac Dæmonis tentationes. Et certè si omnia amant suam perfectionem, & ad eam contendunt; nam & sol crescit quotidie usque ad perfectum diem, & luna ad suam plenitudinem aspirat, & astra cælorumque orbes, suas absolvunt revolutiones; & omnia elementa, ad suum centrum nativo properant conatus & animalia ac plantæ præfixos à natura terminos attingere conantur: solusne homo in amandæ, sectandæque suæ perfectione tescet? Solusne ad illam quotidianis & continuis virtutum passibus non progreditur? Qui statuat ex ligno format; repetitis ictibus lignum scalpendo dedolat, & semper ei aliquid demit: qui verò, penicillo imaginem depingit, colores coloribus adigit, & sic perfectum opus absolvit. Et nobis, prior ille agendi modus, circa Corpus amoremque proprium convenit; ut illi semper aliquid demamus ac subtrahamus: posterior verò circa animam ejusque cultum adhibendus; ut variis virtutum coloribus pedetentim ad DEI similitudinem conformetur, fiatque in illa, quod Christus in Evangelio à suis fieri postulat imitatoribus *Ipse perfectus, sicut & Pater vester celestis perfectus est.*

MEDITA.

MEDITATIO III.

De accidentibus Mortis Hominum tepidorum;

Praludia: sicut ante.

PUNCTUM I. Considera, quidnam ante mortem infirmo homini soleat accidere? Quomodo augescante ægritudine, omnes potentie exteriores & interiores reddantur debiliores. Nam visus hebescit, auditus obsurdescit, amarescit gustus, vis locuriva fatiscit. Memoria quoque deficit, intellectus perturbatur, voluntas hebetatur. His autem debilitatis, redditur homo inhabilior, ad suas actiones & functiones, etiam connaturalis ac valde usitatas. quid erit ad supernaturales & parum usitatas, tunc autem valde necessarias? Huc accedunt impedimenta Medicorum, Medicinarum, Visitationum, confessionis testamenti &c. Magna profectò amentia est, differre ad tempus tam impeditum, negotium tam difficile, tantique momenti. Quis enim inter tot obstacula, curas, sollicitudines & anxietates, poterit reparare, sarcire, consuere atque perficere vestem nuptialem, necessariam ad intrandum in cæleste convivium? Procul dubio innumeri sunt, qui pereunt in æternum, eò quod dispositionem sui ad mortem, differant ad extremos vitæ terminos. Iam verò quando ægrotus desperatus à medicis, persuadet sibi, mortem suam jam esse vicinam; quis poterit explicare, quantis crucietur angustiiis & angoribus? Si enim sola memoria mortis, tam amara est, ut ait Sapiens; quam amara erit ipsa mortis præsentia? 1. enim tunc hominem angit illa universalis violentaque charorum omnium spoliatio; quia non amittitur sine dolore, quod tenetur cum amore. 2. angit recordatio vitæ præteritæ, in peccatis, in vanitatibus, in oblivione DEI suæque salutis, transactæ. 3. angit recordatio tot mediolorum facilitium, tot occasionum opportunarum, tot inspirationum Divinarum, tot monitorum ac exemplorum bonorum; quæ omnia sine fructu transiêre. 4. angit recordatio tanti temporis deperditi, tot horarum malè insumptarum, quarum vel unica tunc

tunc expetetur, & fortè non impetrabitur. si angit incertitudo fortis mox eventuræ, aut gloriæ æternæ obtinendæ cum Angelis, aut pænæ æternæ subeundæ cum dæmonibus, Huc accedit ipsorum Dæmonum sollicitudo; qui sicut in vita laxant conscientias, ut peccetur; ita in morte easdem constringunt, ut desperetur; exaggerando gravitatem ac multitudinem peccatorum, rigoremq; Iustitiæ Divinæ.

11. Considera quid agatur in ipsa morte cum Infirmos. Quomodo tunc nesciet quò se vertat. Tum quia tunc recordabitur multorum peccatorum; tum quia illi ea, quæ antea leviter apparebant, tunc videbuntur gravissima; tum quia tunc maxime dubitabit odio ne an amore sit dignus: tum quia tunc hærebit anceps, an veram habeat de peccatis contritionem; ideoq; tunc, ita erit attonitus, ut nesciat quò se vertat. Nam si oculos ad cælum sustulerit; imminet ei DEVS iratus, gladium vindictæ contra eum distringens. si oculos deorsum coniecerit; videbit corpori præparatum sepulchrum, tetrum odorem exhalans; animæ verò, quàm negligenter habuit, apertam inferorum abyssum. Si verò seipsum ingressus fuerit, inveniet turbam peccatorum, quorum conscientia æternis eum suppliciis addicet. Si verò se circumspexerit; videbit circumstantium dæmonum turmas, catalogum peccatorum sibi evolveantes, & patulis faucibus, in animam veluti in prædam inhiantes. Voleat quidem miser seipsum fugere: sed fieri non poterit; voleat terga vertere, sed non concedetur. Quando verò tandem venit ad extremum vitæ conflictum, quando cæreus accenditur, & in aurem inclamatur, ut saltè corde, si non ore, DEO se commendet; quantis tunc premetur angoribus? siquidem in hoc puncto, Sanctissimi etiam viri, magno metu concuti solent. ut S. Hilarion exclamans: *Egredere anima mea, quid times? 70. annis servivisti DEO, & mori times?* Perpende, quomodo tunc totus palleat, extrema manuum pedumq; frigescant; oculi concidant, corpus totum sudore madeat, pulsus langvescat, anhelitus sæpè trahatur, pectus constringatur & palpitet; atq; mox subeat letalis oppressio & aculeus mortis, quo anima cogitur

cogitur à corpore migrare. *IESV* pro me agonizans, per tuum agonem humillimè rogo, memento agonis mei, quem ego cum illo unio, illiq; incorporo.

III. Considera quidnam eveniat post Mortem? Quomodo corpus, antea cautè & honorificè tractatum, destitutum animà, reddetur tam deforme, fædum, fætidum, horribile; ut illud omnes horreant intueri ac tangere; imò curant è domo statim eijcere, quantumvis dilectum esset, dum viveret. Sed quomodo illud ornant? Vilissimo aliquò indusio, vel despectà & attrita veste involvunt. neque ob id queritur, quantumvis Magni Principis corpus sit. Mox fertur ad illud angustum cubile, durumq; lectulum; ubi, ut ait *Isaias*, loco culcitrarum *subtus illud, sternentur tinea, operimentum autem illius erunt vermes*; cortinæ verò & pulvinaria, ossa aliorum mortuorum; ibiq; sepultum relinquitur in perpetua oblivione. En fors, quæ infallibiliter expectat hoc mei corporis sterquilinum. Ergo curabo illud ita tractare modò, ut animam non præcipitet in exitium.

Golloquium fiat cum DEO; rogando, quatenus hæc ita imprimantur animo tuo, ut vitam, deinceps instituas eo modò, quo velles instituisse, quando pervenies ad mortis agonem. Qui enim benè vivit; non potest, ordinariè loquendo, malè mori.

De profundis &c.

DIES QUINTA

Dedicanda Sanctis Patriarchis, *Ioanni Baptista*, *Iosepho*; *Ioachimo*, Sancto Patri *Ignatio*, in gratiarum actionem pro beneficio Vocationis ad Religionem; in satisfactionem pro peccatis contra Vota Religiosa patratis; ad impetrandam finalem in Sancta Religione perseverantiam, tam sibi, quàm tentatis in vocatione Religiosa.

MEDITATIO I.

De Morte iustorum ac fervidorum Religiosorum.

Prelud. I. Audi DEUM sapientiae 3. dicentem: *Iustorum animae in manu DEI sunt, & non tanget illos tormentorum mortis. Viti sunt oculis insipientium mori, illi autem sunt in pace: Item. Pretiosa in conspectu Domini mors Sanctorum ejus.*

Prelud. II. Pete gratiam à DEO, ut tibi fors bonae mortis obveniat; obveniet autem, si modò vitam rectè, & juxta leges DEI institueris.

PUNCTUM I. Etiam mors ex natura sua, omnibus hominibus, tam iustis quàm iniustis sit valè terribilis ac formidabilis, quia in se est grande malum naturae particularis, seu hujus numero Individui: nam illud spoliatur summo naturali bono, nimirum vità, aliisq; bonis ad vitæ commoda pertinentibus: quæ spoliatio non potest fieri sine gravi dolore & afflictione. Hinc ipse Christus D. ut ostenderet se esse verum hominem, mortem naturaliter timuit; atq; hunc timorem signis exterioribus ostendit. Tamen aliter iustis, aliter iniustis est terribilis. Iusti enim ita eam timent, ut huic timori communiter habeant adjunctum timorem aeternae mortis mox imminentis, ac desperationem nimis sui afflictivam; unde naturalem mortem cum angore expectant tanquam terminum & finem commodorum ac voluptatum temporalium; initium verò aeternorum tormentorum. Iusti autem, etsi ex infirmitate naturæ, dum instat mors, turbentur; tamen quia sciunt, post mortem felicius se vi-turos, intus gaudent; Unde illam cum desiderio expectant, tanquam terminum ærumnarum hujus vitæ, & principium felicitatis aeternae; adeoq; timendo lætantur, & lætando timent. Igitur cum Propheta dicant Psalmo 4. *Quemadmodum desiderat Cervus ad fontes aquarum; ita desiderat anima mea ad te DEVS.* Et cum Apostolo ad Philip: 1. *Cupio dissolvi, & esse cum Christo.* Et cum S. Martino fidenter Diabolo dicant: *Quid hinc adhas cruenta Bestias; nihil in me saneste reperies; sinus Abraha me exsipient.* Et cum S. Ambrosio: *Mori non timeo, quia bonum Dominum habemus,*

habemus. Vide quomodo tu mortem expectabis: Gratulare Sanctis istam felicitatem: poterisne similia dicere? Aude tamen, non in te, sed in Christo tanquam Capite tuo. Ellice hos illorum actus; et iſq; tibi appropriat: roga DEO, ut hoc valeat semel pro semper.

II. Quid verò agitur cum iusto in ipsa morte: i. in corpore patitur quidem ægritudines, dolores; sed eus hilari animo perfert; imò pro violis & roſis reputat: unde plures à DEO inimiti sibi deliderat, ingeminans cum S. Augustino: Domine adauge dolores; sed simul adauge patientiam: tum quia ſcit, ſe per illos dolores & angores ſatisfacturum hinc pro ſuis peccatis iuſtitie Divinæ & penas purgatorii meritis expiaturum: tum quia cupit Christo patienti conformari; tum quia novit illas afflictiones, æternum gloriæ pondus in illo operaturas. Minime etenim hinc dolet, quòd avellatur à corpore, cæteriſq; huius mundi rebus creatis; quia jam pridem iſta deſpexit, iſq; renuntiavit: eò quod iſta fuerint ſibi impedimento, quominus perfectè ſerviret DEO ſuo. Sicut obest ſarcina Viatori, ne properet in via; aut ſicut in carcerato obest carcer ne lucem videat; aut volucris Cavea, ne quantocius evolet. Hinc dicunt: Hei mihi quia incolatus meus prolongatus eſt. Infelix ego homo, quis me liberabit de corpore mortis huius. Educ de cuſtodia animam meam. 2. in anima depulſo omni metu & angore, ſentit in ſolitam pacem & conſolationem; tum ob teſtimonium bonæ conſcientiæ à peccatis expiata; tum ob Sacramenta omnia ritè ſuſcepta; tum ob fiduciam in DEI miſericordiâ poſitam; uſq; adeo, ut videatur ſibi jam præguſtare, dulcedinem voluptatum Patriæ Cæleſtis. Itaq; ſi reſpiciat ſupra ſe, videt Iudicem propitium, vultu amano, & verbis ſolatii plenis, animum ac fiduciam ſibi addentem, ad præmiuſq; æternum blandè invitantem. Ego ſum noli timere. Vide manus meas & latus meum, quibus es redemptus. Leva caput tuum, quoniam appropinquavit redemptio tua. Iam hiems tranſiit, imber abiit, flores apparuerunt in terra noſtra; veni dilecte mi, intra in gaudium Domini tui. Si reſpicit at circa ſe, videt cumulum SS. Angelorum & Patronorum, ſe conſolantium; ſiquidem illos in vita reddebant ſibi propitios. Si tantem reſpiciat infra ſe; videt infer-

num clausum; ac dæmones procul abactos; quos in vita sæpius expugnabat? O mortem talem omni vitâ pretiosiores? quis pro te non libenter omnia impendat? dummodo te sibi eruat.

III. Quid tandem agitur cum iusto post mortem? 1. anima ejus cum triumpho in Cælum deducitur; *Hæc est via, claustrum Angelorum post obitum S. Benedicti, quâ dilectus DEO Benedictus Cælum intravit.* Ostendendo lucis radios, veluti quandam semitam per quam deducebatur. Simili via S. Benedictus vidit Germani Episcopi animam deduci. S. P. Ignatius vidit animam Socii sui Hosij, à multorum SS. comitatu, in cælum deportari. Servulum Mendicum vetulum paralyti tactum, Angeli cum jubilo in cælum deducebant, sicut testatur S. Gregorius. Quis Principum mundanorum, in suo funere talem habuit Musicam? 2. Corpora quoq; SS. in magna sunt apud DEVM & Ecclesiam Sanctam veneratione. Corpus S. Catharinæ in monte Sinai, ab Angelis sepultum, honorificentissimè colitur. Corpus S. Cecilie, per mille & aliquot centena annorum hucusq; integrum perseverat. Corpus S. Francisci Xaverij, hucusq; integrum manet & miraculis coruscat; aliorumq; SS. Corpora DEVS integra conservat, & per illa, tanquam sua instrumenta, innumera patrat miracula. Quia verdè cultus, quis honor corporibus SS. ab Ecclesia non impenditur? His thecæ pretiosæ, illis altaria, illis sacella struuntur. Post obitum iusti viri, accurrunt homines ad corpus illius deosculandum, & reculas pro reliquiis diripiendas. Memoria deniq; iusti vivet in æternum, & in perpetuo erit elogio: Nomen autem peccatorum peribit, & in æterna oblivione sepelietur. Vbi modo sunt Reges & Principes terræ? *Periit memoria illorum cum foris; Nomina autem iustorum vivent in æternum.*

In Collequio. Gratulâre Sanctis istam felicitatē, quia jam agonem suū consummârunt; jam redierunt ex prælio; jam ex naufragio emerferunt; jam ab incendio evaserunt, & in refrigerium ducti sunt. Roga illos, ut tibi in tuo agone adsint, & opitulentur.

Anima Christi. O Domina mea &c.

Esaculatoria per diem usurpanda.

I. Non intres in iudicium cum servo tuo Domine, quia non justificabitur in conspectu tuo omnis vivens. II. Ne

II. Ne proijcias me à facie Tua, & Spiritum Sanctum Tu-
um ne auferas à me.

III. Iuste iudex ultionis, donum fac remissionis, ante di-
em rationis.

DOGMA MATVTINVM

*Medium Crescendi in Gratia potissimum, est ac-
curatus SS. Eucharistiae usus.*

I. Id à nobis iustissima DEI voluntas exigit, ut exemplo Chri-
sti Sanctorumq; poscente, ac nostro postulante commodo:
In vacuum Gratiam DEI non accipiamus; sed eandem augeamus ma-
gis ac magis; novisq; in dies lucris atq; compendiis propage-
mus. Luctuosum enim est, iacturam immensam, nec ullis un-
quam lacrimis sarcientiam, rei tantæ facere, quæ quotidianis
alioquin, iisq; non difficilibus studiis poterat comparari. Cum
enim anima nostra infinitorum propè graduum Gratiæ sit ca-
pax; & cum hæc sine mensura augeri possit; dolebimus certè,
cùm ad alteram vitam intrandum erit, nostramq; inculabimus
solicitudinem, quod occasiones ac industrias augendi nostri thesau-
ri neglexerimus. Mirabimur tot gradibus nos ab infinita DEI
perfectiōe ab esse; & tot Beatos, nos præcedere; subsequi au-
tem perpaucos. Hæc ergo crescendi in gratia DEI, eamq; au-
gendi media tantisper videamus. Ac imprimis immensa DEI
liberalitas, thesauros suos Ecclesiæ reliquit resecratos, in ferven-
ti, & frequenti Sacramentorum usu; ut hinc unusquisq; prout
velit, capiat; hasq; veluti fodinas gratiæ in promptu habeat,
tantùm, q. autùm liberet, accepturus.

II. Atq; ut alia omittam, dicam nunc de præstantissimo
omnium Sacramento, & mysteriorum mysterio, Eucharistia; è
quo, seu vitali fonte largiùs Gratia profunditur; & de quo di-
ci merito potest, quod S. Basilii: *Spiritum DEI vivum & Sanctum
incubare Eucharistia;* per quam, ut docet S. Thomas. 3. p. q. 79.
art. 1, perficitur Spiritualis vita ad hoc, quod homo in se ipso
perfe-

perfectus existat, per conjunctionem ad DEVM. Ego veni, ut vitam habeant, & abundantius habeant, Ioan: 10. Quid enim magis spiritum nostrum vegetat, fovet, ac saginat; quàm hoc incarnata Deitatis vitale pulmentum, ita S. Fulberto Carnotensi Episcopo appellante Eucharistiam. Quid illum magis impingvat, auget, ac dilatat; quàm hoc pabulum sanctitatis; ita eam vocante S. Laurent: Iustin. Quodsi omnibus bonis operibus etiam remissis, & non magis intensis, quàm sit habitus virtutis, dum operatur, (docente probabiliter Theologia) quilibet iustus acquirat statim reale augmentum Gratiae sanctificantis, virtutumq; Theologicarum, & moralium infusarum, ac septem donorum Spiritus S. quis ambigat, optimum & divinissimum opus susceptionis Eucharistiae, sine conscientia letalis culpae factum, longè abundantius id præstare? Rursus, si, juxta dogma fidei, definitum à Concilio Trid: sess. 7. de sac: c. 6. Sacramenta novae legis ritè suscepta, non tantum significant, (ut olim veteris legis) sed verè ex opere operato, vel physice, vel saltem moraliter producant gratiam sanctificantem, aut primam, si suscipiantur ab inquinatis peccato mortali (ut Baptismus & poenitentia conferre solet) aut secundam seu augmentum præcedentis gratiae; ut sit in iustis ad Sacramenta ritè accedentibus; certè una Eucharistia præ omnibus maximè prodest nostro Spiritui, & gratiam ac virtutes illam comitantes, præstantissimo præ aliis modo locuplerat. Placet adferre, quod in eam rem, illustris sanctimonia & doctrinà Vir Cardinalis de Lugo disserit de Sacra Euch: dis. 1. Sec: 2. n. 7. Licet, inquit, omnia Sacramenta, re ipsa augeant gratiam; si inveniant subiectum gratum; hic tamen effectus est proprius Eucharistiae, per se & ex vi propria significationis. Nam Baptismus per se potius tendit ad generationem spiritualem, ut constat. Poenitentia item ex se significat reconciliationem, & remissionem peccati. Extrema Unctio tendit per se ad perfectam sanitatem à reliquiis peccatorum. Ordo ad rectum Ordinis usum; sicut Matrimonium, ad dandas vires, quibus ejus onera laudabiliter portentur; Confirmatio ad dandum robur & vires confitendi fidem. Quare non primario, sed secundario respiciunt Gratiam, in ordine ad proprios singulorum

gularum fines. At verò Eucharistia quæ est cibus animæ, per se & ex
vi propria significationis ordinatur, ad augendam substantiam vitæ spiri-
tualis; sicut cibus materialis ordinatur ad augendam vitam corporis: re-
spicit ergo immediatè, & per se augmentum Gratiæ; quod nulli ex aliis
Sacramentis convenit. Quamquam per accidens etiam primam
Gratiæ interdum producit Eucharistia; Si quis nimirum pec-
cator, bonâ fide non putans se esse in mortali peccato, ad hoc
Sacramentum accedat, cum eo tantum dolore, quem vocamus
Attritionem: tum enim suscepit vitam gratiæ, virtute celestis
hujus escæ, quæ quod sit novæ legis Sacramentum, potest in
aliquo casu, supplere defectum Contritionis; ut probabilius do-
cent Theologi.

III. Sed ejusmodi casibus, ut potè rarioribus omissis: il-
lud minimè dubium est, proprium Eucharistiæ effectum, seu
efficaciâ consistere, in conservanda, ac perpetuanda Spirituali
animæ vita. Hoc enim divinum Sacramentum longè est præ-
stantius Mannâ veteri, quia animam & à morbis, qui sunt pec-
cata levia, & à senectute hoc est torpore virtutisq; radio; &
à mortali culpa, quam S. Ioannes appellat mortem primam; &
à secunda, quæ est infernus, potens est liberare. Hoc lignum
vitæ est in medio paradisi, Ecclesiæ inquam, collocatum; quod
vitam dat æternam, sanat, renovat Spiritumq; confirmat. Hic
ille cibus est, quem Zacharias (ut LXX. vertunt) frumentum
juvenum appellat; eò quod Spiritualem juventutem conserve-
at, à corruptione præmuniat, puritatem ac integritatem in carne
& spiritu communicet. Hæc arbor illa celestis est, quam ad-
ferre fructus duodecim, perq; singulos menses reddere fructum
suum, S. Ioannes vidit: omnes quippe habitus virtutum, ea-
rumq; actus, sunt hujus Sacramenti vitales fructus. Et quemad-
modum dicebat noster P. Balthasar Alvarez: Si animarum no-
strarum vita, est sufficiens sibi, & corpori cui unitur, ejusq;
partibus omnibus, etiam minimo digito, ungi, vel pilo quan-
tò magis vita Christi, quæ est vita DEI, sufficiet sibi & ani-
mæ, ad quam in hoc Sacramento venit. Hoc enim est, quod
ipse Dominus dixit: *Sicut misit me vivens Pater, & ego vivo propter*

Patrem; & qui manducat me, & ipse vivet propter me. In quæ verba S. Laur: Iustis: Exuberant, inquit, confertur gratia, hoc Sacramentum digne sumentibus; ex illo enim quadam vivificantis Spiritûs, & mellis sua suavitatis degustatur emagatio, per quam omnis vigor interiori hominis roboratur. Omnino humana deficeret virtus, & in hujus peregrinationis medio fatigata jaceret, si hoc spirituali pabulo non nutriretur. Verùm, quantum cibus hic divinissimus, ad conservandam, fovendam, augendamq; gratiæ vitam, nec non perfectum Spiritûs, ac omnium virtutum conferat; clarius est, quàm ut dici possit, aut debeat declarari.

IV. Illud hîc potiùs quærendum ac dolendum: Qûi tandem fiat, & unde eveniat, quòd plures in Religiosis etiam domiciliis, qui creberrimè hæc escâ divinâ fruuntur, tantùm abest, ut in Gratia & virtutibus crescant; ut etiam post centenas & sexcentas communiones, post miliena sacrificia, æquè ac antè, iisdem, imò grandioribus obnoxii imperfectionibus permanent, ac veluti decrescere, & modicam virtutem, minorem reddere videantur. Esto verissimum sit illud Divi Dyonisii Areopagitiæ pronuntiatum: l. 8. Eccl: Hier: c. 94. *Eucharistiam Sanctissimam, nos perficiendi vim habere maximam; ut pote, quæ nos per sinceram ac divinam vitæ similitudinem; Christo compaginat* Et illud S. Virginis Magdalene de Pazzis: *Vnam Communionem bene factam, ad animam faciendam perfectam sufficere*, clamantis: Nos reclamare cogimur fateriq; post tot annos, quibus communicavimus, & celebravimus, non meliores evasisse. imò proh dolor! quandoq; deteriores, magis iracundos, minùs obediētes, minùs devotos, humiles minùs, quàm initio Religionis fuisset, ita, ut merito culpâ nostra illud Isaïæ c. 49. repetere Christus possit. *In Vacuum laboravi, sine causa, & vanè fortunam meam consumpsi.* Ita Spiritualis augmenti nulus in nobis aut exiguus apparet fructus. Querela & quæstio hæc, sicut apud Magistros vitæ Spiritualis celebris est, ita facilem & obviam habet sui causam; Quam refero verbis S. Gregorii M. qui postquam dixisset, *Negligentes sacramenti altaris Ministros, atq; audaces Dominici Corporis susceptores, in flagitiis harentes peccatores, sanctum saltem, in comestione*

ne saltem

ne salutaris hostia non percipere; Agens deinde de viris probis, qui à peccatis gravibus mundi sunt, ait l. 2. c. 1 in 1. Reg: Qui quotidie non exhauret, quod delinquit, est minime sunt peccata qua congerit, paulatim tamen iis anima repletur; atq; ei merito auferunt fructum interna saturitatis. Adhuc Richardus Victorinus inquit c. 35. in c. 5. Cant: Parva etiam negligentia obscurant an obserant animam, & impedimentum faciunt gratia amplioris. Venialia, inquam, peccata, uti fervorem charitatis minuere, & affectum hominis in DEVM res dare notum est; ita eadem, ubi res maxime hujus & tremendi Sacramenti fructus; impedire; apud SS. Patres & Theologos de antiquum. Quorum placita ut melius intelligantur.

V. Secundum præter dispositionem habitalem & necessariam; qualis est carentia peccati mortalis; & intentio suscipiendi hoc Sacramentum; tradi à Theologis, aliam dispositionem, actuale, eamq; duplicem: Vna est veluti negativa, quæ est carentia omnis peccati actualis etiam venialis altera positiva, quæ est actualis attentio, & devotio per actus virtutum positivos. Sciendum insuper Duplicem gratiam dari in Sacramenti, una est habitualis, communis Sacramentis omnibus, per quam aut justificamus; aut quæ sanctitas augeatur in nobis: alia dicitur Sacramentalis cuilibet Sacramento specialis; per quam diversa auxilia cuiq; Sacramento propria dantur. Hoc posito, consentiunt omnes Theologi cum S. Thomas Per peccata venialia, quæ sunt causa, ut distractè & indevote communicemus, totam omnino impediri Sacramentalem hujus Sacramenti Gratiā; quæ est actualis resectio dulcedinis spiritualis, quæ devotionem alit, quæ nutrit fervorem charitatis, & virtutum inclinationem debilitat; cui resectioni annectuntur auxilia, per quæ, plura peccata declinari possunt, & plures virtutes exerceri. Satis profectò hoc esset, ut peccata, quæ nos tanto bono privant, formidemus & horreamus.

Addunt nihilominus S. Thomas in 4. d. 12. & S. Bonaventura, aliq; non pauci. Non solum ad Sacramentalem gratiam, sed etiam habitalem consequendam, in hoc Sacramento, necessariam esse positivam actualis devotionis, dispositio-

nem & earentiam peccati venialis; ita, ut illæ animi evagationes, illa irreverentia, & tepiditas, omnem prorsus Sacramenti Gratiā etiam habitualement impediāt, ut perinde sit, ac si nullo modo reciperetur. Cui doctrinæ faver D. Augustinus super Evang: Ioan: 1. & aliqua non inutilis ratio. Non videtur enim congruum, ut quis ex peccaminosa Communionē gratiā habeat, ob tantam sui excellentiam, quodam iurē suo exigente, ut homo se totis viribus illi applicet. Quæ quidem Doctissimorum Virorum Sententia, etiam omnino vera non sit; certē contemni non debet, & timenda est; nec pro improbabili habenda.

VI. Illud porro ad minū existimandum: Peccata venialia sæpē impedire omnem gratiā Sacramentalem; & simul magnam gratiæ habitualis partem, quæ tribuenda foret, nisi nos illa peccata possiderent; quatenus propter illa minū dispositi, minū devoti, minū attenti, & sæpē valdē distracti, ac ferē imparati, accedimus. Id quod S. Bonaventura in 4. d. 11. art: 2. clarē loquitur: *Si quis ex quodam torpore, vel ex distractione, non se debite præparet; is aut nullam, aut modicam reportat efficaciam. & quamvis non incurrat mortalem offensivem, tamen qui tepide & indevote & inconsiderate accedit, iudicium sibi manducat & bibit. Vnde & Christus, de quodam damnando loquens S. Brigittæ Revel: c. 2. ait: Quamvis me sumpsit continē; non tamen ex hoc multum meliorabatur; quia non se preparavit, ut debuit.* Debuit autem; & nos debemus quā optimē ac diligentissimē, non tantū ne frustremur, sed ut maiorem gratiā consequamur. Nam dispositio est quoddam vasculum Gratiæ: unde pro maiore dispositione & affectu, maior quoq; reportatur gratia; cuius minima particula, plus valet, quā omnia Regna, & universa natura. Fluit ex hoc vasculo Sangvis Christi cum gratia; nec desistit fluere, nisi cum deficiet vasculum. O utinam nunquam deficiat, ut etiam in nos continuō, copiosa Gratiæ Divinæ fluenta, ex illo deriventur. Quod ut fiat.

VII. Accedendum nobis est ad hoc cæleste Epulum, humiliter, spe firma, charitate inflammata. Primum ergo humilis.

millis Fides adferenda: quia, ut ait Nazianzenus, Salomonem secutus: Melior est pauper humilis ambulans in simplicitate sua, inops sermonis & mundanæ scientiæ (qui verbis simplicibus, Christi scilicet, & S. scripturæ innixus) in illis, tanquam in parva tenuiq; rare, salute n assequitur; quam dives superbus & insipiens, qui di putationibus & argumentis ineptè confidens, rem omni sermone sublimiorem, differendo imminuit; ubi argumentorum vis apparens, est quædam extenuatio ac diminutio veritatis. Quid in cælum provolas, cum pedes sis, (ait ille) quid manu pelagus, cælum palmo, terramq; omnem pugillo metiris? Cave, ne propter elationem animi, pennisq; propter volatus altitudinem liquefactis, miserè corruas. Crede, crede, ait S. Augustinus, Fidelis es; non rationalis, nam in hoc mysterio, ad firmandum cor sincerum, sola fides sufficit; quæ mira operatur in anima, & spei ac reverentiæ, amorisq; ardentissimi est fundamentum; atq; hominem à cogitationibus terrenis, ad cælestes Divinalq; elevat. Viva igitur fide credendo, præsentem hinc adesse Personam Filij DEI, cum suis attributis, Sanctitate Omnipotentia, Sapientia, Bonitate, &c. ac Humanitatem Christi, cum suis partibus tum essentialibus, tum integralibus, humillimo corde, dic cum Centurione: Domine non sum dignus, quis enim tu & quis ego?

VIII. Spes verò ubi firmius anchoram suam figat, quam in hoc V. Sacramento? Tria potissimum nobis proponuntur speranda: Remissio peccatorum, Gratia ad bonos actus necessaria; & constans in bono, usq; in finem, quæ sola coronatur, perseverantia. Quod attinet ad primum; etsi hoc Sacramentum non sit mortuorum, sed vivorum; quis tamen sibi non persvadeat, Christum, si quæ supersunt ignoratæ ac involuntariæ peccatorum tenebræ & reliquæ, ut solem benignissimum, illas dissipare? Quis non credat, illum, dum suscipitur, (ut olim à Zacharæ, ita quoq; ab anima omnibus ejus nutibus obedientissima, nec aliud, quam ejus amorem spirante) etiam dicere: *Hodie salus domui huic facta est.* Cur in hoc convivio, non audiat anima, de præteritis peccatis semel confessis & ignora-

tis anxia, quod Magdalene dictum fuit: *Vade in pace? Vide As-*
serum, ad Hestheris mentem, mero simul & amere incalescen-
 tem, in profundam dimidii etiam regni largitionem, & funestæ
 contra Iudæos latæ sententiæ iritationem, ultrò se dilatarem:
 cur etiam tu, similia in hoc supremæ dilectionis epulo sperandi,
 aniam ac illicium non habeas? Irrigari verò tunc animam co-
 piofis cælestium Gratiarum quibus revirescat, & non is virtu-
 tum actionibus floreat, imbribus; ipse Christi Sanguis, quo
 tunc hortulus animæ imbuitur, sufficienter persuadet. Benedi-
 citur Iacob à Patre suo Isaac, ubi fragrantia vestium fraternarum,
 nares ejus afflavit. Cur non idem tibi præstet tunc Pa-
 ter æternus, dum illi Humanitatem Filii sui, testam speciebuz
 Sacramentalibus, omniumq; virtutum odoribus referiam præ-
 sentas? Totus nobis Christus hic datur, cum omnibus charis-
 matum, donorum, meritorumq; suorum thesauris, prout hinc
 præstii & adjumenti habebimus: tum ad extirpanda peccato-
 rum debita, tum ad nova gratiæ subsidia impetranda: vel con-
 tra Dæmonem, qui facile vestibulum ejus conatus ingit, cujus
 postea, tam sancto Agni innocenti sanguine rubescunt: vel con-
 tra offusam animi cecitatem; cum Christus in Eucharistia latens,
 sit lux mundi; ad quem te mittit Regius propheta dicens: *Ac-*
cedite ad eum, & illuminamini. & facies vestra non confundentur.
 Quem S. Iamascenus appellat Carbonem ignitum, illuminantem
 corda, qui & melle Ionathæ, & felle Tobie, in eum finem plus
 habet virtutis; ut, sicut cibus pomi veriti aperuit oculos pri-
 mo hominum in malum; ita hic in bonum, aperire possit;
 nam est panis ille, in cujus fractione aperti sunt oculi Discipu-
 lorum in Emmaus peregrinantium, ut cognoscerent Dominum.
 Ultimum spei objectum est Gloria æterna, cujus pignus in hoc
 Sacramento habemus, cum dicat Christus: *Qui manducat hunc*
panem, vivet in æternum. Hinc Bernardus Ecclesiam, & simul A-
 nimam iusti compellens ait: *Gratulare Sponsa, & incomparabiliter*
gaudez habes præsentem & Rectorem in presentis exilii malitia, Spon-
sum, pignus possides, artem tenes, quibus feliciter Sponsio uniaris in
patria. Hic revera quasi dulce præludium & jucunda æstusatio: ibi
nuptiale

nuptiale convivium & beata fiet conjunctio; cum de fide ad speciem, de mensa ad mensam, de Sabbato ad Sabbatum, de calore panum ad aterni epuli calorem transibimus; interim deliciarum cum illo, & gaudere debemus in Sacramento altaris; antequam facie ad faciem cum contemplan-tes, inime illi uniamur.

IX. Tandem præcipua ad hoc Sacramentum dispositio consistit in ardentissimo Amore, quo totus ignitus & inflammatus, accedere debes, ad hunc Amorem Amorum; instar illius Sera-phini, quem Isaias vidit ante thronum Dei, totum igne amoris ardentem, & sex alis, quibus illum ignem veluti flabellis inflammabat, præditum? Ita & tu flammam in te Amoris, his considerationibus, veluti flabellis suscita. 1. quidem; memoriâ illius amoris æterni, quo nos DEVS dilexit; ac deinde, prævidendo tot nostras culpas, in tempore creavit, & hucusq; conservat. 2. Memoria illius amoris, quo seipsum, in Sacramento Altaris, prævidendo tot suos contemptus, nobis reliquit. 3. Memoria illius inextimabilis in Passione Amoris, ex quo sanguinem suum nostri causa profudit, ac immanq; posuit. 4. Memoria Amoris inscrutabilis, quo nostri sollicitus, singulis momentis, nobis, bonoq; nostro, continuo intendit. 5. Attende ad an orem, quo beatissimi illi Angeli, arum Mentitum Spiritus, jam nacti æternam, post prælium cum dracone, securitatem; & inprimis Regina eorum MARIA, flagrant erga hunc Regem, in throno suo sedentem; eodemq; tu suscipere illum exopta, & ad eum suspira. 6. Tandem anime omne desiderium, & omnem amorem, quo unquam erga DEVM flagravunt corda Sanctorum; atq; sic in altissimo amore, quo possibile est cor humanum affici, accede ad Christum; nam (ut DEVS ait S. Mechthildis) Qui hoc fecerit, ego talem, ejus amorem suscipiam, ac si tantus esset, quantum ille esse volebat.



MEDITATIO II.

De Iudicio Particulari.

Pralud: I. Imaginare aliquem potentem Regem, qui à servo suo exigit rationem decem millium aureorum census annui, quorum administratio penes illum fuit ab annis 30. vel 60, & quidem ira accuratè rationem exigit, ut velit scire, in quem usum minimus etiam obolus fuerit conversus.

Pralud: II. Eodem pacto cum hominibus procedet Deus; à quo humillimè petes, ut ita modo rationes vitæ tuæ in eas, nequidquam in eis reprehendi possit.

PUNCTUM I. Anima tua recens egressa è corpore, ducetur in ignotam Regionem, tum ab Angelo Custode, tum à Dæmonibus tanquam iustitiæ Divinæ ministris, ut sistatur Iudicio Dei particulari: quod non minùs est metuendum, quàm universale, in fine mundi futurû. Quia *qualem hominè DEVS inveniet in suo novissimo die*, ait S. Augustinus *talem iudicatum est in novissimo mundi die*. Cogita quomodo tunc Dæmones animam miseram infestent, increpent, tercant, minas intendant. & quomodo illa, sentiendo conscientiae mordentis aculeos, cogitabit, quidnam sit responsura Iudici, quid excusationis allaturæ: Sed nihil in vita sua reperiens: quod pœnam potiùs, quàm veniam non mereatur; Tunc primum agnoscit, quàm vana & futilia ea fuerint omnia, quæ illam ad peccandum pertrahabant; & propter quæ, tunc in horribiles angustias, ac periculum damnationis devenit. Tunc seipsam execrabitur, tum maledicet diei & loco, in quo peccavit, tunc damnabit, & horrebit omnes oblationes; quibus Deum offendebat; sed jam serò, & post tempus; quia spatium pœnitendi & iudicem placandi jam effluxit, Respiciet quidem tunc eas personas quas in vita inordinate amabat; sed hæ non solum tunc nullum auxilium adferent, sed etiam memoria illarum, causabit ingentem timorem, metum, angustiam, & afflictionem. Ergo misera anima, totam vitæ antea & historiam, in seipsa descriptam gerens, coram Tribunali sistetur illius

illius tremendi Iudicis, cujus iram faciem, vehementer metuebant Sancti Viri. Metuebat S. Iob dicens: *Quis mihi hoc tribuat, ut in inferno protegas me, & abscondas me, donec pertranseat, furor tuus?* Et S. David: *Non intres in iudicium cum servo tuo Domine, quia non iustificabitur in conspectu tuo omnis vivens.* Disce timere nunc eum, qui postquam occiderit corpus, habet potestatem, animam mittendi in gehennam. Si columnæ Dei, & Cedri Libani contremiscunt, quid fiet cum virgultis & sarmentis? Si iustus vix salvabitur, impius & peccator ubi parebunt? Roga Deum ut modò ita configat timore suo carnes tuas, ut à iudicio ejus timeas.

II: Quàm severum tunc à Iudice instituetur examen de tuis dictis, factis, & cogitatis, in quò illa erunt valdè metuenda. I. Multitudo rerum de quibus reddenda erit ratio: *Cui enim multum datum est, multum requiretur ab eo.* Cum ergo tibi infinita propè ac innumera beneficia collata sint, tum in ordine naturæ, tum in ordine gratiæ, vide quantam patieris difficultatem in reddenda pro his omnibus ratione, 2. Iudicis omnia videntis exactissima inquisitio de rebus singulis, à maximo usq; ad minimum; ita, ut non solum de singulis negotiis magni momenti, cujusmodi sunt: confessiones, communiones, transgressiones gravium præceptorum; sed etiam de minutissimo quadrante temporis inutiliter perditis, de verbis otiosis & cogitationibus occultissimis, rationem sit exacturus. 3. Erit rabies Dæmonum, ex una parte peccatum exaggerantium, & bona opera extenuantium, ac in malam partem interpretantium; ex altera verò parte, erit conscientia tanquam nulle testes; de qua dicitur in Evangelio: *Esto consentiens adversario tuo, dum es in via &c.* iste verò adversarius est conscientia propria. 4. Acerrima de rebus Iudicis existimatio & censura; Non enim *cogitationes meæ sunt sicut cogitationes vestre, neque via mea, sicut via vestra,* dicit Dominus. Qui est munditiei studiosus, non potest minimas etiam in pretiosa veste tolerare sordes. Christus est ipsa puritas & munditia; non poterit igitur minimos etiam navos in anima nostra pati, *Quæ*

nos pro minimis peccatis reputamus, ille pro delictis habet. Vt cum David iussit numerari populum praelio idoneum: cum Oza Sacerdos, attigit Arcam ad lapsum inclinatam. Vnde Psalmista exclamat: *Delicta quis intelligit? &c.* Quia examen hoc fiet in tanta luce, ut anima clarè perspiciat, omnia mala sua, illorumq; gravitatem, prout par est, æstimet; & quæ pro peccatis non habuit, vel non advertit, vel oblita est, omnia ei representabuntur, ut ait Deus: *Scrutabor in lucernis Hierusalem: Quid fiet cum Babylone? Heu! Non intres in iudicium cum servo tuo Domine, quia non justificabitur in conspectu tuo omnis vivens. Si iustus vix salvabitur, ego peccator ubi parebo! Va etiam laudabili Vita, si remora misericordiæ discutias eam!*

III. Post severum examen, & discussionem causarum, veniet Iudex ad pronuntiationem sententiæ, ex multis capitibus valde formidabilem. 1. Ob rigorem iudicis, qui nullis tunc precibus, nullis lachrymis, nullis intercessionibus, nullis muneribus & pollicitationibus, nullis excitationibus, à ferenda sententia deduci poterit. Iam enim tunc nullus erit locus misericordiæ; sed omnia administrabit rigor iustitiæ; nulla tunc aderunt remedia ad liberandam animam à peccatis, quæ nunc adhiberi possunt: nam cessabit usus Sacramentorum cessabunt actus meritorij; quia tempus vitæ transiit. 2. Erit formidabilis ob magnitudinem rerum de quibus agetur: non enim ibi de pecuniis, non de possessionibus vel agris, ad tempus tenendis, sed de summis bonis, & malis, & quidem in æternum duraturis tractabitur. 3. Ob immutabilem sententiam iudicis, quæ nullo iudicio cassari & retractari poterit; DEVS enim est Summus Iudex, à quo non datur ad forum ulterius appellatio; est omniscius & qui falli non potest, ac proinde ipsius decretum, semel prolatum utpotè æquissimum est irrevocabile. Iam cogita, quanta trepidatio invadet miseram animam, quando elevatâ manu, conversis in eam iratis oculis, terribili vultu, voce horribili, CHRISTUS Iudex pronuntiabit æternam illam & irrevocabilem sententiam: *Discede à me maledicte in ignem æternum! Nunquam faciem meam es visurus*

visurus, nihil unquam boni à me habiturus. DEVS bone! quæ desperatio! qui fletus! quæ lamenta! hinc erunt? Sed frustra; succedet irrefragabilis, ac inevitabilis executio. Atq; imprimis, misera anima expoliabitur donis supernaturalibus, si quæ residua erunt; ad eum modum: quo dum Sacerdos degradatur, detrahuntur ei sacræ vestes ad insignem ignominiam; tanquam indigno munere ac dignitate Sacerdotali, ut ita tradatur in manus Iudicis secularis, morte mulcendus. Ita illa anima spoliabitur habitu infuso fidei, & spei; Gratiis gratis datis, virtutibus moralibus acquisitis. Vnicus Character baptismalis remanebit ad maiorem illusionem & ignominiam; implebiturq; illud Ezechielis 27. *Denudabunt te vestimentis tuis, & tollent vasa gloria tua & dimittent te nudam, & ignominia plenam.* Tunc illam deseret protectio DEI, recedet Angelus Custos mærore plenus, illud Ieremiæ usurpans; *Curavimus Babylonem & non est sanata, derelinquamus eam.* Cui verò? Leonibus rugientibus præparatis ad escam, qui suos ungues in eam immittent, subito rapientes ad pœnam, è corpore delicato, è cubili & strato molli, è corona consanguineorum & amicorum, & in puncto deportabunt in infernum. Quid efficiet in anima infelici, tam subita tamq; dispar conditio, rerumq; omnium permutatio? Quis erit dolor, quis rugitus, quis Ejulatus? Aliter hic fieri cum iustis. Nam Deus omnia bona iustorum, usq; ad calicem æquæ frigida numerabit, & animæ repræsentabit ad ipsius consolationem. *Opera enim illorum sequentur illos.* Et sententiam favorem, in eos proferet. *Venite Benedicere Patri meo: Qualis executio; qualis exultatio?*

Colloquium fiat per Profram Ecclesiæ.

Rex tremenda Majestatis &c.



R E F L E X I O.

Supra

SIMPLICITATEM & CANDOREM ANIMI.

Nil aliud, placitum quàm Numinis, Actio poscat.
 Non cures, alij quas proment, ore loquelas.
 Non aliud dicas, aliud sub pectore verles.
 Turpia fastidi falsæ mendaciâ linguæ.
 Qui latitas intus, cunctis te porrige talem.
 Imperus ast animi pravos, infanda parantes
 Comprime; refræna rapidæ molimina mentis.
 Non nisi te, solumq; velis attendere Numen.
 Non malè decernas, intret nec opinio mentem
 De quoquam mala; de cunctis ast optima senti.
 Sermo nec ambiguus dubio procedat ab ore.
 Mutua iunctorum nunquam consortia rumpe.
 Adveniente alio, sermone loquaris eodem.

R E F L E X I O.

Supra

COMMVNIONEM SACRAM.

Nulla tibi pectus Letalis noxa fatiget;
 Integra quam prius haud Confessio sustulit: acri
 Quin etiam culpas leviores tolle dolore;
 Et præeat, tumidam macerans afflictio carnem.
 Præcipientes animi profugi compescito motus;
 Atq; vagos sensus rigidis frenato lupatis:
 Nonq; vaces isti tantùm de more labori;
 Sed novus accendat præcordia vivida fervor,
 Quem diuturna pii pariat tibi lectio libri.
 Instaurare stude violatæ fœdera pacis,
 Trahet opus vitæ, residens in corde quietas

Pax

Pax oleis redimira comas: credatq; Tonantem
 Pane regi jurata Fides; & viscere flagret
 Multus Amor IESV: Sacra libamina mensæ
 Sancta Fames aveat: flammantia vota sub antrum
 Pectoris, invitent Numen; precibusq; fatigent.
 Præsentem sub corde DEVM venerare, saluta,
 Submissis mirare, humiles depromito grates,
 Per pignus Cœlestis, pio quod pectore condis,
 Mitia lassato violentis sidera votis.

DOGMA POMERIDIANVM

Quibus industriis crescendum in Gratia DEI?

I. Industria est, frequens bonorum operum etiam minorum
 Exer. itium. Nam ejus dignitatis gratia sanctificans apud
 DEVM est, ut quidquid ab ea proficiscitur operis, licet obviis
 & exilis; tamen augmentum ejusdem gratiæ, adeoq; æternæ
 gloriæ mereatur, ita ut tantò hoc sit majus futurum (cæteris
 paribus) quantò gratiosior fuerit author boni illius operis.
 Quod non solum authoritas sacræ paginæ & SS. Patrum, sed e-
 tiam ipsa ratio svadet. Nam filio Paternis imperiis insiste-
 ti, negari non potest, & amor Paternus. & patrimonium; Non
 quidem titulo solius operis. quod plerumq; tenue fuerit, &
 nullius in speciem momenti; sed titulo filii seu jure personæ?
 Quam utiq; justus induit per Gratiam, tam singulari & insti-
 mabili cum dignitate, ut hæc operibus inclusa non possit mi-
 nore stipendio exsolvi, quam augmento ejusdem Gratia &
 Gloriæ: Tantùm scilicet DEVS decoris & præii videt in eo,
 quod proficiscitur à Gratia! Vnde cælestis Sponsus, non solam
 Sponsæ perfectissimam formam dilaudat, sed unum seorsim o-
 culum, capillum unum, vocem, labia, progressum, ascensum,
 vestis fragrantiam? Ut intelligamus, ipsas quoq; cogitationes
 levissimas, motusq; animi etiam tenues, à gratia ortos, DEO
 esse acceptissimos, ac orbe toto pretiosiores. Vnde si aliquo
 actu, ter quotidie amorem DEI prosteris; singulis jam men-
 sibus

sibus, centum serè tibi gradus Gratiæ paras: quòdli menses mensibus, & anni annis continuantur, si ad decennium vitam proferas, quam dives, quia mille gradibus gratiæ auctus, æquali gloria pensandis, cælum intrabis? Hos verò tres charitatis in DEVM actus, dum omittis, quàm lugendam inæstimabilis boni jacturam subibis? Quid autem illi, qui cum Apostolo, tota die mortificantur, in quorum ore semper laus DEI, in corde amor, in manibus labor; quorum vita omnis; ad numerum dierum, imò & horarum sanctis operibus plena; quantæ demum quàm mirabili pompâ in possessionem Regni æterni inducuntur? Cùm ergo tantum pondus meritis addat Gratiæ; consequens est, res etiam minutissimas, quæ in obsequio Divino occurrunt, non esse parvi pendendas; sed rerum maximarum gravissimarumq; loco habendas; utpote quæ nos immenso Gratiæ & Gloriæ quæstu cumulare possunt. Talis est exercitatio & praxis actuum cujuscunq; virtutis, licet exiguæ; observatio Regularum etiam minimarum; parvæ sensuum mortificationes; modicæ abnegationes nostræ voluntatis, judicii proprii & similia, per quæ viri Oeconomix Spiritualis periti, ingentia Gratiæ lucra comparant, dum veluti fragmenta colligunt ne pereant; micæq; ejusmodi ambabus manibus retinent, in pretiosissimas (quod olim S. Odoni contigit) margaritas, convertendas. Quemadmodum enim pes corporis accumulatur; cum amatores illarum ne minimum quidem lucellum negligunt; sic spirituales divitiæ; ait Divus Chrysostomus. Atq; hæc est prima per curam minimorum, majorem faciendi Gratiæ industria; quam nobis Spiritus ore Sapientis suggessit, dicens: *Minimum pro magno placeat tibi Eccl: 29.* Quemadmodum placuit egregiis quibusq; DEI servis, qui quò majores esse contenderant, eò accuratius minima observabant. Celeberrimus Theologiæ Doctor Thomas Sanchez, in codice Rationum suarum spiritualium manuscripto, hoc sibi præscripserat: *Vita mea quotidiana atq; universa, similis esse debet negotiationi Spirituali, nec non Mercatori cupido, & ad omne lacrum intento.* Et verò quàm studiosè ex omnibus rebus questum facere curaverit, indicio est id ejus
propo;

propositum: *Folium*, inquit, *arboris in horto non contingam; non decutiam vel unum Persicum; filum unum absq; facultate aut tributum aut accipiam nunquam*. Beatus Aloysius Gonzaga, tam exactus fuit in servando silentio, ut illud nunquam ruperit; tam sollicitus ne quid sine Superiorum licentia faceret, ut ne folium quidem chartæ condiscipulo dare voluerit, quin prius facultatem obtinisset. Similia passim fecere alii, qui sibi Divinam benevolentiam, non magnis tantum & speciosis, sed etiam minutulis rebus conciliabant. Et dubitari non debet, quin DEVS parvis illis magna gratiæ suæ, præmiq; cælestis reddat stipendia: *Quia in modico fusti fidelis, supra multa te constituam.* Matt: 25.

II. Augendi gratiam industria, in fervore ac intentione actionis consistit. Sæpe enim DEVS non attendit Quid facias; sed quo affectu ac modo aliquid propter ipsum facis. Nam, ut ait S. Ambros: l. 2. Off: Cap: 30. *Affectus divitem collationem aut pauperem facit, & pretium rebus imponit*. Quocirca sæpe res quæ videntur in se parvæ, pluris ab eo sunt, quàm res magnæ ad speciem. Quod ponderans S. Ephrem l. 3. de prænit: *Iusti, inquit parvis actionibus magis DEVM flebant ac placebant; præ nonnullis, qui multa faciunt. Non enim ad actionem respicit DEVS, sed ad propositum voluntatis; & non intuetur quod sit, sed quo quid stud o, ac propensione peragatur. Vidua paupercula duobus obolis superavit divites, auro abundantes. Ut enim plus viæ conficit, qui pernici equo, vel navi in rapido flumine, vel pedes quidem, sed perpetuo cursu, viribusq; faventibus, aliquid contendit; quàm qui communi passu ambulat; sic & qui cum ardore magnoq; conatu opera sua, licet minima conficit; prout de S. Patre nostro legitur; eum tantà contentione animi, rebus etiam minimis iocubuisse, ut ex ipsa fronte oculisq; ardor quidam emicaret.*

III. Industria est; Ut unicuiq; actioni plurimum virtutum diversarum motiva apponamus; seu ut unam actionem plurimum virtutum capacem esse faciamus; ita, ut earum nomen & valorem, bonitatem, ac dignitatem mereatur. *Aquus namq; morali ex*

lis ex objecto bonus, si simul reiteratur ad fines diversos, qui distinctam habeant honestatem, novas bonitatis rationes recipiunt; quia *honestas honestati non repugnat*. Et sic potest quis orare ex spe; quia minimum in DEVM sperat: ex Charitate, ex Devotione, ex Obedientia &c. Sic etiam, cum vilia ministeria obeantur, si fiat id studio placendi DEO, Charitas est; si personam Christi in aliis intuendi, Fides; si DEVM in Fratribus honorandi, Religio; si donum aliquod caeleste à DEO impetrandi, vel animo ad Divinas epulas, accedendi; sive in hac vita pretiosum Christi corpus prægustandi, sive in patria, ad plenam fruitionem DEI pervenendi, est spes, si mandata Divina exequendi, obedientia; si amore abjecti ministerii, humilitas; si voluntate satisfaciendi pro peccatis, penitentia; si intentione animos reficiendi vel sublevandi; charitas & misericordia, & sic de ceteris virtutibus. Quibus in casibus entendum est, ut actus ejusmodi procedant à motivo sive principio formali præcipue cujusdam virtutis; puta Amoris DEI, aut ejus, cujus studio incumbimus, aut qua maxime indigemus: eò enim majorem dignitatem & excellentiam sortientur, atq; adeò augebunt gratiam, quò fuerint à nobiliore & præstantiore virtute imperati.

IV. Industria, præsertim pro iis, qui beneficio temporis carent. Ut sæpius ad DEVM recurrant per Orationes ejaculatorias, actusq; charitatis ex mios, quibus DEO super omnia placere desiderent. Hæc autem industria maximi momenti, & incredibilis utilitatis est, magisq; ex usu, quam ex theoria perspicitur. Hanc Sancti lectati sunt; pluresq; reperti, qui eo modo gratiam augeri, & in immensum, meritorum cumulum excrecere fecerunt. Tale studium fuit doctissimi è nostra Societate Francisci Suarii, qui ita mente in DEVM intentus fuisse scribitur, ut in dies singulos, præter prolixas preces, ad centenos actus amoris DEI eliceret. Iam verò Petrus Didacus Martines præter 10, horas orationis, in dies singulos eliciebat cum summa diligentia ad calculum, quatuor millia actuum amoris DEI, idq; quotidie. Nunc cum ad annos 40.

super

super vixisse ponamus; habet annus dies 365. per illos autem si 4. millia conduplicentur; quantam summam confectura sint; legenti computandum relinquo.

V. Industria. Vltus mortificationis externæ, quâ in omnibus operibus possumus meritum augere. Audiendus de hoc Magister virtutum Ludovicus Blosius, qui arbiteratur: *eum qui propter DEVM sensualitati voluptatîq; propriae, etiam in rebus minimis velutatur, ac se mortificat, rem ipsi DEO magis gratam facere, quàm si multos mortuos ad vitam revocaret.* Additq;: Si duo simul idem pratum aut viridariû ingrediantur, atq; hic florem, carpat; alter amore DEI manum contineat; hic (inquit Blosius) propter DEVM dimittendo florẽ tantum præ decerpente obtinebit meritû, quanta est distantia cæli à terra. Vir igitur Spiritualis, tanquam hostis sensualitatis lux, & vltor in se ipso offensarum DEI, tum ad satisfaciendum pro peccatis, sibi vivo vel mortuo debitis, tum ad gratiam augendam, curabit omnibus suis usitatis operibus mortificationẽ adungere, v. g. dum mane surgit meditatur, legit, cibum sumit, se recreat; tunc ex intervallo, nec verò continuas, nec semper positivas, nempe doloriferas, sed etiam privativas adhibere poterit: ex: g. mollia, delicatiora, oblectantia subrahendo carni & sensualitati. Ut si cibo insulso & insipido condimentum non addat; si se in pruritu non fricat, in frigore non calefaciat, in sessione vel genu flexione non fulciat; non videat minùs necessaria, eaq; non audiat; de illis non quærat; alios non laceſſat durè non respondeat. Deniq; sicut vigilat sensualitas nostra, ad capiendas consolationes, & commoditates; ita & nos, ad affligendam carnem, ut spiritui meritisq; augendis subserviat; & quidem æquè faciliter ac feliciter subservire potest; cùm non modò crates Laurentii, lapides Stephanii, leones Ignatii, exquisita martyrum tormenta vigilia, & inedix Anachoretarum, sed & exigua corporis afflictiones, ac molestiæ, pilus unus, gutta sanguinis una, imò vel sudoris a. pud DEVM in numero ac pretio sint. Norat hoc optimè Seraphicus Franciscus, quem cùm asperissima hieme, germanus frater offendisset, & hominem sub Iove frigido, seminudum frigoreq; prope enectum conspicatus, ridiculò ab eò quæri iussit.

sete sudoris guttam sibi venderet. Franciscus, qui pretium ejus probè noverat: *Dic, inquit, Fratri; omnes sudoris tui guttas liberaliori Domino, & quidem carò, me vendisse. Scio enim, id, quod in presenti momentaneum est, & leve tribulationis nostrae, supra modum, in sublimitate, aeternum gloriae pondus operari in nobis.*

VI. Industria: quæ ardua ac difficillia quæq; aggrediens, actiones nostras, ad heroicam perducit excellentiam. Certum est, unum actum intensum valere pro mille remissis; nam plus apud DEVM meretur, plus virium Diaboli, ac sensualitatis, conatus frangit, plus facilitatis & resolutionis homini parturit. Sic semel S. Franciscus osculatus leprosum; semel S. Catharina Senensis; semel S. Xaverius ulcus ore suclère. Semel S. Thomas Aquinas lupam abegit; & consecuti sunt tantum, quantum alii multis annis non sunt adepti; etiam si strenuè satis, circa suam animam laborarint. Porro heroici actus sunt, vel ex objecto, vel ex subjecto, vel ex solo conatu. Potest autem esse actus ordinarius & communis; sed in mortificatione, vel magna diligentia eximius. V. G. silere, quæ avidè dicenda in mentem veniunt; vel defectum suum, aut cogitationem publicè fateri; lapidum bolum gulæ negare, vel differre; facere ordinaria, cum affectu amoris DEI, obedientiæ, charitatis fraternæ, &c. Sic enim fiet, ut ordinaria non ordinariè, sed perfectè persolvamus. Nam etsi actus aliquis honestus non sit difficilis ob habitum; sublimis tamen & perfectus esse potest, si ex pura placendi DEO intentione, eum quis eliciat, sine ullo intuitu sui: sola enim sincera dilectio DEI, multum valoris addet illi actui. Non ex difficultate namq; operandi præcisè pendet excellentia heroici actus in virtutibus; hinc si difficultas fuerit ex imbecillitate subjecti operantis, actus non erit herolcus: quòd si ex parte sensibili hominis proveniat difficultas; & interim promptitudo voluntatis DEO super omnia amato placere volentis adsit; jam talis actus, meritò heroici nomen & rem obtinebit.

VII. Ut verò te facilius excitare possis ad hujusmodi Actus; propone tibi sæpiùs ante oculos, tum iam citata proximè

proximè, aliquorum Sanctorum exempla; tum alias; quas nobis S. Paginae suggerunt, heroici erga DEVM Amoris, ideas. Intuere Abrahamum ad unam DEI vocem nocte intempesta è lecto se proripientem, vnigenitum suum, quem tenerè diligebat Isaac, educentem domo, fasce lignorum onerantem, in fastigium montis conscendentem, Filio non detrectanti ligantem manus, gladio ferire, ni prohiberetur ab Angelo volentem, ac nitentem. Intuere Davidem pro tuendo Dei & nominis Israelitici honore, ingentibus animis descendentem in aciem atq; cum evidenti sui Capitis discrimine, singulare certamen cum armato Golia incuntem. Intuere Moysem cum obsinatio Aegypti Rege, pro atterenda populi Dei libertate strenuè decertantem. Intuere Danielelem, Regi, ejusq; ministris, vino calentibus, extremam perniciem, tribus obvolutam verbis, clarè & intrepidè denuntiantem. Intuere eundem apertà fenestrà, observantibus æmulis; contra legem Capitis ab Imperatore satam, Deo supplicantem, & ob id in lacum leonum conjectum. Intuere tres pueros, Regis chaldæi Divinitatē affectantis atrocissimis ignibus fornacē contemnentes. Intuere deniq; Mathatiam, ejusq; totius prosapiæ ingentes in bellis animos, ac erecta de prostratis hostibus trophæa; ut, quisquis exempli heroici erga DEVM Amoris, magna, pro gloria Dei patriæq; salute, aggredientis desiderat; in sacris paginis posteritati ad imitationem expressa & commendata faciliè reperiat.

VIII. In novo vero Testamento, ubi Christus vexillum Magnanimitatis erexit, quid non sunt, aggressi Apostoli, qui nomen Christi portarunt coram Regibus, Gentibus & Populis? Quid non sequaces illorum Martyres? quàm intrepidè involarunt, in gladios, rotas, fereces bestias, ignes; ita ut alacriores fuerint ad perferenda, quàm Tyranni ad infligenda sibi acerbissima tormenta? Quod multò magis stupendum in sexu fragili: in quo tenellæ Virgines ad catastas magis properebant, quàm famelicus ad epulas; atrocissimaq; supplicia perpeti, idem illis erat, atq; rosis ac lilijs coronari. Quid memorem magnanimos Apostolorum imitatores Præsules San-

Crucissimos? quàm acere bellum gessit Athanasius contra Divinissimæ Trinitatis impugnatores, Basilii contra Valentem, Gregorius contra Iulianum, Ambrosius contra Arianam Iezabelem, contra similem Chrysostomus & sexcenti alij? quos magnanimis & fortis in Christum amor, ad audendum supra humanam conditionem, & ad ferendum supra mortalem Hominis infirmitatem excitabat. Verus in Deum amor duris & asperis alitur augeturq; mollis agendi ratio, non potest cum illo consistere. Et hanc esse compendiosam ad perfectionem viam aiebat S. P. Ignatius: *Resolvere se ad ardua quæquæ pro Christo agenda vel perferenda.*

MEDITATIO III.

De Iudicio vniuersali.

Prelud: I. Imaginare Theatrum amplissimum, in quò Actus Generalium Iudiciorum celebratur. Christus iudex loco solij sedebit in Iride, stabit à latere Mater, sed iubebitur sedere; cum Apostoli suo loco considebunt; alij autem à longè venerabundi stabunt.

Prelud: II. Pete à DEO gratiam, ad ita vivendum, ut in illo theatro merearis habere & locum bonum, & favorabilem sententiam.

PINCIPVM I. Narrat Evangelium quòd incurjis hominibus & occupatis in suis negotijs, (uti erant, cum venit diluvium in tempore Nòé) incipient alterari motus Cælorum, tanquam Horologij mundi cum ingenti & formidabili strepitu, Sol & Luna obscurabuntur; Stellæ cadent de cælo; Elementa quæ sunt 4. Veluti humores corporum huius mundi, inquietabuntur. Sicut solent inquietari & turbari 4. humores humani Corporis, quando est morti propinquum. Exurgent in aëre tempestates furiosæ cum fulgoribus, tonitruis atq; fulminibus tremendis, adeoq; validis ventis, ut montes transferant. Mare terribiliter mugiet; & suos limites transgrediens, regiones vicinas submerget. Terra ita vehementibus motibus

COMCU.

concutietur, ut integræ urbes passim subruantur. Animalia pavida current ad homines pro refugio, & homines arescentes præ timere, current pro eodem ad specus animalium. Post hæc Deus mittet illum ignem, quo totus huius mundi globus operietur, sicut fuit opertus aquâ, cum fuitmersus diluvio universalî. Vnde intra breve tempus, comburentur omnia, quæ in eo tunc erunt, & in cinerem convertentur. Campi cum suis arboribus & herbis; ædificia, cum suis utensilibus divitijs, & cum ijs omnes homines quicunq; tunc erunt. Infer 1. Cum ergo hæc omnia destruenda sint, non est nimium fidentium ijs, sed ei firmiter adhærendum, qui manet in æternum, ut cum illo & ego maneam in æternum. 2. Si Deus ita severè tractat, & concutit vasa magnæ domûs; quid fiet cum Patrefamilias? Si in Creaturas rationis expertes ita rigide animadvertit; quid fiet cum rationali creatura, cui illas subordinaverat? quibus tamen hæc abusa est, ad offensam DEI.

III. Purgato jam per ignem mundo insonabit ubiq; tuba illa terribilis: *Surgite mortui, venite ad iudicium.* Mox cineres, cum materijs primis omnium corporum humanorum ministerio Angelico, congregabuntur ex omnibus mundi partibus in vallem Iosaphat, ubi futurum est iudicium; atq; ibi virtute Divinâ iterum formabuntur eadem corpora singulorum Individuorum hominum, qui ante fuerunt. Tum pariter adducentur animæ, ubicunq; hætenus fuerint, sive ex Cælo, sive ex Inferno, sive ex Purgatorio, & unaquæq; in suum corpus introducetur. Hic ponderabo, quo horrore anima damnata, suum corpus asiciet, & quod colloquium cum illo habebit: *veni, inquit, maledicta in corpus.* Et siquidem ego damnata sum, quia consensi tuis bestialibus appetitibus, iustum est, ut qua proportionem fuisti particeps culpæ, eadem quoq; sis particeps pænæ. Respondere poterit corpus: *Tu sis maledicta; quæ cum esles libera & Domina possesq; me cohibere freno rationis, id non præstitisti, sed meis cupiditatibus stultè obsecuta es; Eamus igitur ad patiendum, juxta merita; Nam*

R;

quo

quod pena tua augeatur, ego meam partem tolerabo. E contra verò anima prædestinati, O cum quanto gaudio intrabit in suum corpus! & quam dulciter cum illo colloquetur. Postquam verò animæ corporibus suis unientur, corpora damnatorum evadent sædissima & nimis horribilia. Prædestinatorum verò pulcherrima & gratiosissima ac insuper ornata, 4) dotibus gloriæ, Claritate, Impassibilitate, Subtilitate, Agilitate. Vna ex his fortibus necessario mihi est obventura, In mea potestate modo est, eligere felicem.

III. Rebus ita jam in terra dispositis, aperientur Cœli; prodibunt inprimis Angeli, sicut solent aulici ante suum Regem. Probabile autem est, illos tunc assumpturos corpora pulcherrima, ut cunctis hominibus fiant visibiles. Prodbit cum illis Crux splendidissima, tanquam vexillum & signum nostri Redemptoris. Ad cujus aspectum plangent omnes nationes. Mali quidem præ dolore & angustia, videntes se in statu ita misero; quod ab illa, in vita fugerint. Boni autem præ devotione & gaudio videntes se in statu tam glorioso; quod illam secuti fuerint. Tunc descendet Christus IESVS, Rex Gloriæ, cum potestate magna & Majestate, malos inenarrabili timore, bonos autem optimâ fiduciâ replens. Eum verò pone, tota comitabitur cœlestis, Beatorum Spirituum curia, Reginam Cæli splendidissimam deducens. Ergo Christus accedens ad terram, in distantia conveniente ab illa ponet suum Tribunal ex nube candida factum, ut illud vidit S. Ioannes. Ad cujus latus dextrum collocabit Matrem suam Sanctissimam honoris causâ, sicut olim Salomon Bersabeam. Collocabit quoq; hinc & inde in suis subsellis Apostolos, aliosq; Viros Apostolicos, qui relictis omnibus, secuti fuerant eum in paupertate, castitate, & obedientia, ut illum veluti assessores juvent ad judicandos alios; prout illis promisit in Evangelio. O quam honorata tunc erit virtus & quam despecta vitia? Tunc ex imperio Christi, Angeli reliquos justos separabunt à malis, & illos quidem ponent à dextris ludicis tanquam oves, qui etiam sua agilitate rapiuntur in aëra, ut ap-
propin-

propinquent Iudici Christo. Hos autem ponent à sinistris, tanquam hædos. Expendam hic diversitatem affectuum in utrisq; in statibus tam diversis. Malorum quidem dolorem ac invidiam; bonorum vero gaudium & lætitiâ.

In Colloquio: Eliciam actum vivæ fidei, me futurum in alterutra ista Classe. Inquiram ex conscientia mea, & ex Angelo Custode percuntabor quidnam spei est, ut sim ex Classe bonorum? & siquidem multa obstacula, dubium mihi facient, curabo illa amoliri, & ita nunc vivere, ut sim ex Classe iustorum.

Rex tremenda Maiestatis. &c.

D I E S S E X T A

Dedicanda SS. Apostolis Petro, Paulo, Andreæ, Ioanni, Francisco Xaverio, alijsq; Apostolis tuæ Religionis Viris. In gratiarum actionem DEO pro conversione Gentium, & talentis Concionandi. In satisfactionem pro peccatis tepiditatis, & contra zelum animarum commissis. Ad impetrandas gratias religioſe convertendi, concionandi, confessiones audiendi.

M E D I T A T I O I.

Continuatio de Iudicio universali.

PUNCTUM I. Aperientur illi libri, quos S. Ioannes vidit in Apoc: in quibus omnia opera iudicandorum, tum bona, tum mala apparebunt. Per hos libros intelliguntur Conscientiæ Omnium, quæ tunc virtute Divina ita pateſcent, ut unusquisq; omnia bona opera & mala, tum sua, tum aliorum, clare perspiciat. Tunc patebunt in Malis secreta cordium, peccata abscondita, delicta gravia, præ pudore in confessione celata; patebunt sinistræ intentiones; fraudes, hypocrites; imò & bona ipsorum opera; sed ad ignominiam impiorum: quia in illis non perseveraverunt, quia illa, rebus nihili præposuerunt; quia multi ex illis fuerunt, qui alios ea docuerunt; ipsi
verò

verò ea non fecerunt. Nihil absolute occultum erit, quod non reveletur. Ex altera verò parte, aperiet DEVS bona opera iustorum, quæ in occulto faciebant; illas vigilias, Orationes, mortificationes, illas eleemosynas, sanctas intentiones, imò & peccata ipsa. sed sine ullo eorum pudore; quia illa lacrymis abluerunt, & pro illis per penitentiam satisfecerunt; quia tempestivè ad vias veritatis redierunt. Quantam confusionem & ignominiam, patientur tunc mali? quali verò honore & lætitia afficientur boni? siquidem ille solus Honor est verus, qui capitur ex virtute, & solùm illud dedecus est verum, quod reportatur ex vitio; ibi autem omnia ita sunt apparitura & æstimanda prout verè sunt.

II. Iudex igitur affabili ac benevolo vultu conversus ad suos Prædestinatos, positos in dextra, ager illis gratias pro omnibus, quæ propter ipsius honorem in hoc mundo operati & passi sunt. debitum illis præmium conferens illis dulcissimis verbis: *Venite benedicti Patris mei, possidete paratum vobis Regnum à constitutione mundi.* O quàm in beatis læticiam pariet hæc sententia! quam gratitudinem erga suum Iudicem! quam mutuam gratulationem! quos mutuos amplexus? Quomodo invicem prædicabunt Misericordiam & Iustitiam DEI! Hæc profundâ potius consideratione sunt æstimanda, quàm verbis exprimenda. Postea verò Iudex conversus ad reprobos, eosq; arguens præsertim verò Christianos ac Religiosos, obicit illis, quanta pro illis egerit; ipsi verò quàm malè hæc illi rependerunt! Quomodo eos creavit ex nihilo, & ordinavit ad sublimem finem gloriæ æternæ. Quomodo ut eam ipsis lucraretur, factus est Homo, & post plurimos labores exantlatos, vitam suam pretiosissimam, cum acerbissima morte commutavit. Quot media & auxilia illis præbuit ad hoc, ut eam ipsi suis meritis sibi compararent? nimirum, Sacramenta, Doctrinam, Exhortationes, Exempla bona illustrationes. Inspirationes; &c. Quod totum illi perdididerunt, ut suis inordinatis passionibus obedirent. plùs re ipsâ fidei Dæmoni dando, quàm DEO, Creatori, Redemptori, ac Patri amantissimo? His exprobra.

exprobrationibus impij nimium confusi, afflicti, & convicti manebunt; nec quidquam poterunt ad hæc respondere. Ergo iudex vultu indignabundo, voceq; ita terribili, ut faciat Cælum & terram tremere projiciet ex ore illud fulmen, illam finalem & sine appellatione sententiam: *Discedite à me maledicti in ignem æternum, qui paratus est Diabolo & Angelis suis.* Discedite à me, qui sum ultimus finis vester immò omne bonum vestrum, ut nunquam in æternum faciem meam videatis. Discedite à Sanctorum meorum consortio indigni amplius illorum aspectu & colloquio. Maledicti in anima & corpore, malis omnibus sustinendis in æternum destinati. Quàm dirum, quàm penetrans hoc telum erit, ab Omnipotentia Dei jaculatum in illa corda carnalia? Quomodo id sentient, quomodo suffrent? quid dicent? Certè illud Sapientiz. *Ergo erravimus à veritatis, & iustitie lumen non illuxit nobis.* Tunc jactabunt contumelias in iudicem, se verò invicem maledictis proscindēt &c.

III. Qualis tandem erit executio istius decreti? Ita hæc breviter exprimitur à Christo: *Et ibunt hi in supplicium æternum, jussi autem in vitam æternam.* Itaq; post prolatam à Christo sententiam, aperiatur terra usq; ad abyssum Inferni, & in momento devorabit damnatos, cum dæmonum exercitu, atq; in ventrem inferni eos demittere. Si qui verò residui erunt, ad margines illius voraginis, in eos irruent dæmones, tanquam lupi famelici in perditas oves; eosq; aduncis igneis trahent & præcipitabunt in infernum, ac tandem cum illis seipsos projicient in illam horrendam abyssum; atq; sic januz carceris illius claudentur, & sigillatæ decreto Dei manebunt, in æternum jam nunquam ampliùs aperiendæ. Tunc implebitur illa Psalmo 54 maledictio. *Veniat mors super illos, & descendant in infernum viventes.* Talis erit ultimata, & in æternum duratura seperatio hædorum ab ovibus, zizaniarum à tritico, palearum ab electo frumento. De hoc autem impiorum casu, & justo judicio Dei, Sancti, non solum ullam tristitiam non capient, sed etiam exultabunt & laudabunt Dominum; ita sicut olim submerso Pharaone & ipsius exercitu, Moyses cum populo suo

lo suo exultabat dicens: *Dextera Domini fecit virtutem, dextera Domini percussit inimicum.* Et illud: *Iustus es Domine, & rectum iudicium tuum.* Tum ipsi cum Christo Duce & Rege suo ascendent in cælum; cum incredibili triumpho, & cum tanto latitæ sensu, quem homo in hae vita mortali, nequit adhuc concipere, illudq; concinent: *Benedictus Deus, qui non dedit nos in captivem dentibus eorum.* In tua potestate modo est eligere, quam vis sortem: ita ergo vitam institue, ut tibi obveniat fors æternæ felicitatis.

Colloquium fiet illis Ecclesiæ versibus. Rex tremenda Majestatis. &c.

Ejaculatoria per diem usurpanda

Ibunt hi in supplicium æternum, iusti autem in vitam æternam. Et ego quo ibo?

Recordare IESV pie, quod sum causa tuæ viæ, ne me perdas illa die.

Quærens me sedisti lassus, Redemisti Crucem passus, tantus labor non sit cassus.

DOGMA MATVTINVM

Gratia DEI crescit per Gratiarum DEO actionem.

i. **Q**uotidianâ docemur experientiâ, illud nobis commune, quæ familiare esse, ut cum primò beneficium accipimus, perpetuam ejus memoriam spondeamus, dicamuscq; cum Davide: *Benedicam Dominum in omni tempore, semper laus ejus in ore meo:* successu tamen temporis paulatim acceptæ gratiæ obliviscimur, vel naturæ vitio, vel voluntatis. Tiberius Cæsar, cum illi quidam diceret: *Meministi* antequam plura proferret: *Non memini* (inquit) *quid fuerim:* solam præsentem fortunam suam aspici narrariq; volens. Quam multi sunt illi similes; dum præiens duntaxat beneficium attendunt, præteriti autem penitus obliviscuntur: cum tamen eos pessimos, & ingratißimos vocemus, qui eò deveniêre, ut præteritæ gratiæ sibi collatæ

latæ obliviscantur. Ingrato, & beneficii immemori, pæna apud Persas fuit constituta. teste Xenophonte, & Philippus Macedo hospitis ingrati frontem stigmate inuri, notariq; iussit. Et meritò; siquidem ingrati animum ipsæ quoq; oderunt belulæ. Notæ sunt Leonum in Andronicum. Gelatium, ac cæteros repentiæ pro beneficio accepto vices; quarum exemplum, etiam nostrum vidit sæculum cum Leo in America dimicans cum alia bellua, adjutus à Lusitano, eum deinceps quasi captivus & cliens patronum, defensoremq; suum est secutus: & cum in Europam redeuntem, exclusus à Nautis, non posset commitari, solventem à portu benefactorem suum, natando tam diu est persecutus, donec fessus viribus, à profundis fluctibus haustus, periret.

II, Ut ergo nos, qui DEI gratiam quàm copiosissimam demereri & aucupari volumus, tam invisum, & exosum vitium devitemus; videamus, quæ sint grati animi partes, ut illas diligenter impleamus. Porro hæc, s. mihi videntur. 1. Beneficia divina agnoscere. 2. Estimare illa. 3. Gratiæ pro illis habere & agere. 4. Referre aliquam pro illis vicem; 5. Nunquam eorum oblivisci. Atq; harum exempla ex Davide gratissimæ animi Vate, & Rege petamus. I. Vide, quomodo ille Divina beneficia etiam ea agnoscat, quæ à paucis agnoscuntur, & cum debita gratiarum actione recoluntur; ut notat Bellarminus. Nempe Protectionem DEI ex utero Matris, cum Deum necdum invocare posset: *In Te*, inquit Psal: 70. *Confirmatus sum ex utero; de ventre Matris mee Tu es Protector meus.* Quomodo verò singulatim illa exponit? dum dicit: *Benedic anima mea Dño & omnia quæ intra me sunt Nomini Sancto ejus.* En agnoscit se non tantum Animâ sed etiam omnia intra se contenta accepisse à DEO, ideoq; Nomen ejus benedixit. Tum pergit *Benedic anima mea Domino, & noli oblivisci omnes retributiones ejus.* Omnes, inquam, etiam minimas, quas non semel tantum tribuit, sed retribuit, & unam super aliam cumulans, exaggerat: quas duplicis generis agnoscit; nimirum liberationem à malis, tum à peccatis, tum ab illis, quæ ea consequuntur, pænis; de-

inde omnium bonorum Congeriem. Qui propitiatur, inquit, omnibus iniquitatibus tuis, qui sanat omnes infirmitates tuas, qui redemit de interitu, vitam tuam; qui coronat Te in misericordia, & miserationibus; qui replet in bonis desiderium tuum. 2 Quanti vero illa æstimet, constat; dum solam sui memoriam apud DEVM admiratur, & summi beneficii locò reponit: Domine quid est bono quod memor es ejus? Imò & omnes ad id æstimandum invitatur dicens: Confitemini Domino, & memoria Sanctitatis ejus. Quasi diceret. Agnoscite, æstimate, laudate memoriam Sanctam ejus, quod rem tam vilem, abjectam, & sordidam, dignetur tan Sanctâ memoria suâ complecti; nec illam velut indignam à conspectu suo abjiciat? Quod & Daniel Propheta, dum allatum sibi ab Angelo prandium in lacu leonum accepit, est admiratus; & S. Franciscus Seraphicus maximè æstimavit. Et certè hanc DEI bonitatem, nostri memorem, mirum in modum testatam facit, vox illa *Pater*; qua Pater noster & esse, & appellari voluit. Cum in hanc lucem nascimur, non eligimus arbitrio nostro Patrem mortalem; sed eum accipimus, qui nobis fortunâ obtingit: Si unicuiq; nostrum daretur optio eligendi Patrem, puto neminem è nobis futurum, qui non eligeret Patrem omnibus naturæ, & fortunæ donis instructissimum: Velelemus illum esse prudentem, qui nos regeret; bonum, qui singulariter amaret; opulentum qui beneficeret; potentem qui protegeret, & mala averteret; clementem, qui cum delinquentibus mansuetè ageret; memoriâ optimâ, & Sapientiâ præditum, qui nostri nunquam oblivisceretur, sed cuncta nobis necessaria provideret. Hæc omnia, in Patre nostro cælesti, luculentè congesta habemus. Sapientiâ ejus infinitam mundus ipse ejusq; gubernatio manifestat. Bonitas, Opulentia, Potentia, Clementia, neq; cogitatione comprehendì, multò minùs sermone explicari potest. Memoriam nostri perpetuam, quotidianam, & continuam, ac insperata beneficia manifestè loquuntur depradicantq;. 3 Quas autem gratias Domino DEO habeat, agatq; notum est. Habet; dum beneficii memoriam gratiâ mente retinet, ac recolit, illudq; magni æstimat; dum verbo, vel si-

vel signo exteriore beneficium deprædicat, seq; pro illo obstrictum testatur: tum agit gratias. *Maximas Tibi ago*, inquit Tullius pro Marc: & pro Cornel, *maiores etiam habeo gratias*: Et promiscuè unum alteri adiungit dicens: *Maximas Tibi gratias & agere, & habere debemus*. Et alibi *Habere & agere eam*, se dicit. Quid porro hac in parte à nobis Domino DEO sit deferendum, doceat nos idem Propheta Regius, *Quoties illum dicentē audimus? Confitebor tibi Domine in toto corde meo*. Quæ verò est hæc confessio, nisi laudis, & gratiarum actionis, quam altè cordi impressit, & lingua sua deprædicat. Sanctus Thomas opulci de Beatit: docet. Si omnes Angelici Spiritus creati, & qui creati possint, in explicanda, ac describenda DEI Bonitate, omnem suæ mentis aciem, simul conferre vellent; & oceanus illis esset pro atramento, extensio verò cæli quantà est, propargameno; ubi illam scribendo totam implēssent; vix micam Bonitatis Divinæ describendo explicāssent. Quia verò vox est expeditior, quam scriptio; si stellæ omnes, & omnes guttæ maris verterentur in voces, obmutescerent citiùs, quàm particulam tantæ Bonitatis, pro ejus merito declararent. Et cum cogitationes sint magis expeditæ quàm voces; si omnis arenæ pulvisculus, & omnia grana sementis verterentur in corda, quæ tantæ Bonitati penitissimè cognoscendæ se impenderent; citiùs cogitando rumperentur, quàm decimam partem tantæ Bonitatis attingerent. En quantum sumus obstricti, quantas habeamus, quantasq; debeamus agere Domino DEO nostro gratias. 4. Quàm verò idem Vates Regius sit sollicitus, in referenda DEO suo Gratia, vide: ipse namq; se ipsum interrogat: *Quid retribuam Domino pro omnibus que retribuit mihi?* Et cum satis nōsset, DēVM nullius egere, sed omni bonorum circumfluere copia; dixissetq;: *DēVS meus es Tu, quoniam bonorum meorum non ego*; tria se facturum pollicetur, scilicet corde, ore, & opere gratias se relaturum, aliosq; omnes ad idem se provocaturum. *Exultabis*, inquit, *cor meum in salutari tuo; cantabo Domino, qui bona tribuit mihi, psallam nomini Domini altissimi*. quasi diceret; Gestiet cor meum ob beneficium salutis

à Te obtentæ; illudq; ore deprædicabit; & manu, atq; opere cytharam pulsando, memorem, & gratum me testificabor. Et certè fac filium Regis tanto amore, miserum aliquem prosequi, ut in medias flammæ insiliat, conando illum semi ustulatum inde eripere: imò eùm intelligit, miserum illum per sententiam ludicis ad rogam esse damnatum, nec inde liberari posse, nisi ipse, licet sit Regis filius, flammis illis concremetur; eam conditionem libenter acceptare, & alterius locò, incendio consumi. Quis tantam Charitatem non admiretur? Quodsi deinde ille Regis filius, virtute Divinâ revocaretur ad vitam; quantum, obsecro, miser ille, amaret filium Regis, quàm omnibus officiis, & gratiarum actione ipsum prosequeretur is, qui ejus beneficio, & crudeli morte, rogam evasit; quàm illi fideret, si in aliquo ejus operâ, subsidioq; indigeret? præsertim si amorem non mutasse, sed potius auxisse, & materiam illum demonstrandi undequa; querere intelligeret. Hæc omnia, si propius, & melius aspicias, in Christo singulariter locum habere reperiēs, quantam ergo illi gratitudinem exhibere debes? 5. Deniq; memoriâ æternâ pollicetur: *Laudabo, inquit, DEVM in vita mea, psallam DEO meo quamdiu fuero. Exaltabo Te DEVS meus Rex, & benedicam nomini Tuo in seculum seculi.* Et alibi, *in æternum non obliviscar justificationes Tuas; & Misericordias Domini in æternum cantabo.* monetq; alibi animam suam, ut ab oblivione beneficiorum Divinorum sibi caveat: *Noli oblivisci, inquit, anima mea omnes retributiones ejus.* Et merito: quia teste Tullio, *nemo gratiarum immemor, inventus est gratus.* Hinc monet nos Christus, ne Patrem vocemus nobis super terram: quia nobiliorem habemus Patrem in cælis, in æternum; duraturum; cui proinde æterna debeatur gratitudo, & in cujus comparatione, is, qui nos in terra genuit, etsi opulentissimus, ac liberalissimus sit, nullus tamen est, nomenq; Patris non meretur. Imò à Christo mali Patres appellantur, cum dicit: *Si vos cum filiis mali* (comparatione scilicet Patris cælestis, ac æterni) *nōstis bona data dare filiis vestris; quanto magis Pater cælestis dabit Spiritum bonum petentibus se.* Ex quo audet dicere S. Thomas;

Thomas; omnem bonitatem creatam, tam eorum, qui sunt in cælo, quàm qui in terra, Divinæ Bonitati comparatam, esse Malitiam, nec bonitatis nomen mereri. Finiti enim ad infinitum nullaproportio; sed est merus defectus ac recessus ab illo.

III. Tria insuper ad declarandam grati animi significationem erga Dominum DEVM, videntur mihi observanda. 1. Ut existimemus, ac meminerimus, omnia beneficia ab illo, velut ab omnium bonorum fonte in nos derivari. Dixit aliquando Tranquilinus Martyr, Agellio Præfesto, à quo invitabatur ad adorandum Solem, tanquam erga mortales beneficum: *idem illum agere, ac si navibus frumenta adferentibus*, non autem Regibus, beneficium annonæ esset adscribendum. Sed & S. Augustinus monet, ut dum aliquid ab homine accipimus, ad Conditorum Hominis, oculos mentis elevemus. Cum enim Homo ipse sibi salutem adferre non possit; cur dum aliquid salutare ab illo accipimus, non potius ad DEVM, unde rivulus iste profuxit, quàm ad hominem, qui canalis duntaxat est, oculos reflectimus? 2. Ut in rebus difficilibus, & facilibus, parvis, magnisq; hoc unice spectemus; ut nimirum pro beneficiis acceptis grati simus. Atq; hoc videtur exegisse à primis Christianis, Doctor Gentium Paulus, dum in omnibus gratias eos agere voluit, & abundare in gratiarum actione. S. P. Ignatius, cum linguam Italicam non adeo calleret, & nihilominus eum urgeret Charitas ad rudes principis fidei imbuendos, dicebat. *Conferam in DEI laudem hoc, quod ut illi redderem, ab eo accepi.* S. Cyprianus, ubi lecta ei fuit de capitis diminutione sententia, respondit: *DEO gratias.* Propterea hortatur S. Augustinus, ut verba illa, *DEO gratias* semper usurpemus; & S. Hieronymus ut semper dicamus: *Benedictus DEVS.* Mirum est tanti pretii & saporis fuisse breves illas gratiarum actiones, ut Augustinus dixerit, *Nec audiri latius, nec intelligi grandius. nec fructuosius aliquid agi posse.* Nostris quoq; temporibus existit vir piissimus qui milles uno die, illa repetiit. Sed & Ecclesia Mater nostra, à Spiritu S. instructa, in Sacrificio Missæ proclamare, profiteri Sacerdotem gravissimis ver-

mis verbis voluit, invitato ad idem præstandum adstante populo; dignum & iustum esse, nos semper, & ubiq; gratias agere Domino Deo nostro. 3. Demum; Vt in omnibus molestijs, difficultatibus, pressurisq; nostris, recurramus ad hunc Patrem, qui *Pater totius consolationis* dici voluit; qui nos magis amat, quàm ipsi nosmet amemus, & omnimoda benefaciendi ac succurrendi potestate poller. Imitandus hac in parte Christus D, qui cum eò miteriarum esset redactus, ut clamaret: *Deum Deum meum, ut quid me dereliquisti?* Paulò post admirabili fiducia, vitam animamq; suam Paternæ curæ comittit, exclamans: *Pater in manus tuas commendo spiritum meum.* Quantum tranquillitatis, & pacis in hac erga Patrem ælestem fiducia reperia animus, expertus est Philippus II. Hispaniarum Rex, qui tempore supremæ ægritudinis, à filia sua Elisabetha, voluit sæpius sibi legi, illa ex Blosij Enchiridio verba: *Fortè hoc Te angit, quod ignores, quomodo Te migrantem Deum excepturus sit, an ad æternam Paradisi requiem, an ad transitoriam Purgatorii penam?* Non est necesse, ut aliquid horum scias sicut Tibi placet dulcedo Misericordia Divina, peccata dimittens; ita displicere non debet pulchritudo Divinae Iustitiæ, peccata expians. Perfecti viri, quò dignius emendare possent quidquid in benignissimum Redemptorem tuum commisserunt, parati essent, non solum ad Purgatorium, sed etiam ad Infernum descendere, si decor iustitiæ Divinæ id omnino exigeret: Ista certitudo Tibi sufficiat, quòd habeas Dominum piissimum, & Patrem amantissimum, qui potest, & vult salvare Te, si humiliatus confidas in eo, non in Te. Multum illi placemus, dum eiu Voluntatem ita diligimus, & Providentia ipsius, tam plenâ fiduciâ in spiritu humilitatis nos committimus, ut etiam ne scire gaudeamus, quid ipse circa nos agat.

IV. Dixit aliquando Deus S. Ludgardi: Si intelligas hæc verba, Portio tua ego sum; nihil aliud requires, & reliqua Tibi facile auferri permittes; dummodo me retineas. Experimur id, cum eò pervenimus, ut veram esse S. Augustini sententiam intelligamus: *Qui quæ DEVM, non seipsum amat; verè se amat: qui enim non potest vivere de se, moritur utiq; amando se; displiceres amati*

*sumus à DEO, ut fieret in nobis unde illi placeremus, Ut ergo magis placeamus opus est, ut ei nos magis ac magis exhibeamus Gratos: ut autem tales evadamus, eo ipso plus & plus Gratia acquiramus. An enim speculum potest opponi sereno soli; & ab eo non illuminari? immo quò directius ac sapius ei opponetur, eo plus acquireret luminis. Accedite ad eum (per frequentem Gratiarum actionem, laudem, memorem beneficiorum cultum) & illuminabimini, & facies vestra non confundentur, sed magis in decore & pulchritudine sua augebunt. Intuitu quidem omnis actus honesti ac virtuosi, potest augeri Gratia: sed potissimum intuitu Gratiarum actionis; si hæc referatur ad Gloriam Dei augendam & amplificandam; prout nos docet Ecclesia, dum canit: *Gratias agimus tibi propter magnam Gloriam tuam*. Quasi dicat: Non propterea tibi agimus gratias, quia nobis dona tua magnifica contulisti; quanquam, & inde laudandus es in æternum: sed propterea, quia optamus ex amore tui; ut per illa, Gloria tua magna, magis ac magis magna, immò quàm maxima evadat. Proiciamus igitur in hanc fructiferam terram, grana donorum ab illa nobis collatorum; & terra nostra dabit nobis in tempore suo fructum centesimum, immo millesimum ampliorum donorum.*

MEDITATIO II.

De Inferno.

Prælud: I. Imaginare vastam aliquam, quæ revera est in centro mundi, concavitatem, plenam igne sulphureo; in quo damnati ita sunt submersi, uti pisces in profundo maris.

Prælud: II. Pere à Deo vividum timorem, ne aliquando cadas in eum locum, ut, quando à peccato non te cohibet Dei amor, deterreat saltem ejus timor.

PUNCTUM I. Duplicem pœnam damnati in inferno patiuntur: Damni & sensûs. Pœna damni consistit in privatione Gloriæ Cœlestis, quâ damnati carcent. Atq; hæc pœna est

na est maxima Creaturæ rationali; quia eam privat imprimis in Anima possessione summi boni sibi convenientis, in quo est omne bonum; nimirum visione intuitivâ Dei ut est in se, ejusq; fruitione: in corpore verò, gloriosis illis donis; ut claritate, impassibilitate, immortalitate, agilitate, & subtilitate. Vnde S. Chrysostomus ait: Mille ignis simul junctos, non allaturos damnatis tantam pœnam, quantum afferet ista privatio. Ratio est. Quia omnes res, gravem patiuntur violentiam ac dolorem, quando impediuntur, vel avelluntur ab eo, ad quod dicunt naturalem propensionem, ita; ut quo hæc propensio major fuerit, eo etiam sit major violentia ac dolor; ut patet in igne & saxo, dum violentè impediuntur, ne perveniant ad sua centra. Item in Parentibus, dum suam prolem carissimam amittunt; & è converso. Item in membris ejusdem corporis; dum à se invicem avelluntur. Atqui nulla res creata tantam habet propensionem ad suum centrum vel ad aliam creaturam, quantam creatura rationalis ad Deum possidentem; Tum quia sicut creatura rationalis est nobilior & præstantior aliis creaturis ratione carentibus, ita quoq; appetitus eius ad suum summum bonum, est præstantior ac vehementior: Tum quia, nulli creaturæ ita benè & convenienter est in suo centro, vel in alia re amata; atq; creaturæ rationali est benè, in DEO possessio, prout est in se. Igitur Creatura rationalis, gravissimam patitur violentiam ac dolorem, dum in æternum impeditur & avellitur, ab obtinendo & possidendo isto bono. Ad eandem pœnam damnati spectat; quia damnati erunt exules perpetui à Patria Cœlesti, extorres ab illa Regione pulcherrima & deliciosissima, à consortio & Societate Sanctorum Angelorum, hominumq; tanquam excommunicati: erunt in æternum seperati ab illis objectis gratiosissimis; quæ omnes potentias tum interiores tum exteriores, ut oculos, aures, gustum, olfactum, imaginationem, appetitum, perfectè recreare & satiare possunt. Si Elau præ dolore irruat ob amissum jus Primogenituræ, propter lentis edulium. Quomodo rugient damnati ob amissa tanta bona, propter

propter momentum voluptatis, vel punctum lucri, aut honoris vetiti.

II. Altera pœna sensus, consistit in horrendo cruciatu, quem damnati sustinebunt. 1. Ab igne sulphureo; cujus tanta erit activitas, ut sævitorus sit non solum in corpora; intimè illa penetrando & exurendo, sed etiam in animas; horribiliter illas cruciando; virtute quadam Divina, ad hoc se elevante, & tanquam instrumentum assumente. Licet autem hic ignis idem sit; inæqualiter tamen cruciabit, pro ratione meritorum, & magis eam partem, quàm homo magis peccavit, DEO sic attemperante illius vim & operationem. Quamvis intus hic ignis comburit, non tamen consumit; quamvis cremat, non tamen lucet, habens de igne id totum, quod afferat pœnam, & nihil quod levamen inducat. 2. A sociis & cohabitatoribus; hi autem imprimis erunt Dæmones, sævisissimi hostes hominum, & carnifices cruentissimi, qui eos variis tormentis cruciabunt, deinde erunt alij damnati, qui se vicissim variis modis cruciabunt; tum propter mutuum odium implacabile, ut nullus alterum ferre possit; tum ob impatientiam & iram, ex qua mutuò se convitiabuntur & impetent; idq; eò atrocius, quo erant in vita amantiores; præsertim si in mala. Ibi enim evertis legibus rationis, nec filius erit pro Patre, nec Pater pro Filio, nec frater, pro fratre, nec amicus pro amico; sed omnes invicem insurgent contra se; cum potius ibi futura sint motiva odij, non amoris. Quia sicut carbonem accensi, si convalescent, invicem se magis accendunt: ita isti infernales citiones acerbitate malorum irritati, in semet iras exacuent, atq; convertent. Si ergo nunc tam intolerabile est, habitare simul in eadem domo, ad breve tempus cum aliquibus, cum quibus mutuum habemus odium: quàm intolerabile erit, habitare cum tam multis in eodem Inferno, per infinitam æternitatem. O locus miseriæ & tenebrarum, ubi nullus ordo, sed sempiternus horror inhabitat; quis in te habitare non timeat?

III. Discurre in particulari per tormenta, quæ damna-

ti patiuntur in singulis sensibus corporis, & in potentijs animæ, quæ fuerunt veluti instrumenta peccatorum suorum, nam per quæ quis peccat, per hæc & torquetur Sapient: 2. Atq; imprimis in Corpore: *Visu* torquetur maligna luce ignis infernalis; qui ut ait S. Gregorius, esto sit ineptus ad præbendum solatium, erit tamen sufficiens ad incutiendum horrorem. Deinde terribilibus formis seu figuris Dæmonum, quas illi assument; ut Leonum, Vrsorum, Draconum, Bufonum, Serpentum, aliarumq; ignearum Bestiarum. Tandem fædissimis Spectris, non tam corporum; quàm cadaverum damnatorum. O oculi quid vestram expectat lasciviam? *Auditus* torquetur continuò, illo infernaliu malleatorum strepitu, rabiosis fletibus, planctibus, & lamentis, elulatibus clamoribusq; damnatorum; perpetuis querelis, execrationibus, maledictionibus, quas evoment Filij in Parentes, Parentes in Filios, Discipuli in Præceptores, quòd eis indulgentiâ suâ has flammæ parant, socij in socios, quòd eos pravis colloquijs & exemplis seduxerint. Tandem torquetur horrendis blasphemis & maledictis, in quæ, ob nunquam finiendas pænas, infelices animæ erumpent, tum contra DEVM, tanquam inimicum; tum contra Christum, tanquam Iudicem iniquum; tum contra Sanctos, tanquam invidos, & alteri parti nimium faventes. Quæ omnia fient cum tanto strepitu & horrore, ut si tale quid fieret inter nos; continuò, veluti quædam ligna arentia staretus attoniti. *Olfactus* torquetur incredibili fætoe tanti ignis & fumî sulphurei; deinde fætoe horribili tot corporum damnatorum, qui longè gravior erit, supra omnem fætoem canum mortuorum: præsertim quòd illa corpora ita erunt strictè conjuncta, sicut solent halesces in dolio; in loco nullam habente respirationem. *Gustus* torquetur perpetuâ fame & siti rabiosa; ut apparet in Divite Epùtone; in quarum levamen dabitur miseris, pro cibo absynthium, pro potu fel aspidum & draconum aliq; cibi & potus abominabiles & horribiles à dæmonibus ad illos vexandos adinventi; ut bufones, serpentes, viperæ &c. *Tactus* deniq; qui in to-

to cor;

to corpore refidet; torquebitur ab illo igne sulphureo, in quo totus damnatus erit submersus. O ameniam peccatoris! si hic non non potes perferre, dum per breve tempus flamma lucera tangit digitum tuum; quomodo ibi sufferes, dum te totum à capite usq; ad pedes, per totam æternitatem penetrabit & vorabit ignis inferni, in cuius comparatione, ignis noster quantumvis maximus, pictus videtur. In anima vero Memoria torquebitur à verme conscientie rabido & nunquam morituro, quem gignet & nutrit recordatio temporis præteriti malè consumpti, & tot opportunitatum ac occasionum, quas in illo habere potuerunt, ad evitanda mala infinita, quæ patiuntur & ad acquirenda bona infinita, quæ amiserunt. Quomodo id habuerunt in manu ac libertate sua; quàm facillè exequi & obtinere potuerunt, & tamen suâ culpa neglexerunt. quomodo iam præterit occasio, & nunquam redibit amplius. Hinc ergo nascetur ille vermis, seu dolor, qui continuo corda illorum discerpet, tantâ crudelitate, quantâ non solum verbis exprimi, sed etiam mente comprehendendi non potest. Intellectus erit confusus, obcæcatus acerbitate dolorum, perturbatus, plenus erroribus ac falsis opinionibus, pœnas inflictas Injustitiæ Dei adscribens; hebes pro cæteris, & solum perspicax ad percipiendam magnitudinem, tum Pœnæ Inferni iam susceptæ, & nunquam finiendæ, tum Gloriæ Cœlestis iam amissæ, & nunquam recuperandæ. Et quamvis damnati non percipiant intimis sensibus magnitudinem illius Gloriæ; habebunt tamen aliquod specimen illius, ex aspectu sanctorum in die iudicii, & apertæ Ianuæ in Regionem illam cœlestem, ad quam Sanctos subvectos cognoscent. Voluntas erit indurata & obstinata in malo, anxia semper pro bonis, quæ consequi non poterit, & pro malis quæ evitare non poterit; atq; ita prorumpet in iram, impatienciam, furorem, desperationem, luitur enim ibi æterna desperatione, temeraria spes peccatorum. Nemo igitur peccet, subnixus spe obtinendæ veniæ: nam talis spes innumeros detrulit in infernum, ibiq; clausos tenet, tenebitq; in æternum

æternum. *Sensus internus seu imaginatio*, torquebitur vehemēti apprehensione dolorum; quæ illos ideo graviores faciet, quia erit quoddam mare tempestuosum, desideriorum non implendorum, mœrorum, afflictionum, & angustiarum.

Colloquium fiat cum Iustitia Divina, approbando iudicia, Decreta, & Executiones ejus. Deinde cum Misericordia DEI, laudando illam ac benedicendo, quod Iustitiæ rigorem quem tu peccatis tuis metueras temperaverit & continuerit, ne contra te erumperet. Tandem cum Christo Domino, gratias illi agendo, quod se morti acerbissimæ exposuerit, ut suos electos ab illa morte æterna eriperet. Roga ut tibi Passio illius proficiat a sit.

Miserere mei DEVS &c.

REFLEXIO

Supra
MANSVETUDINEM.

NON tua lingua sonet strepitum, nec turgida verba
Depremat; potius submissa voce loquaris.
Osq; tuum, nunquam fundat redolentia Fratris
Contemptum; imperiumq;: alios nec acuta lacessant.
Dum sua proponens arbitria dicit amicus;
Non contradicas, nullasq; reponito lites.
Non ope subtractâ socium, gestuq; nocente
Affligas; verboq; gravi præcordia ladas.
Læsus es: haud ullis offensam redde querelis;
Et si retractas, manseris utere verbis;
Elevet inflictum micis clementia vulnus;
Non expectabis, donec quis postulet à te
Errati veniam; sed tu depressus Amicum
Prævenias; narrans, quod sis occasio rixæ:
Absq; gravi socium causa objurgare caverò.
Disce omnes noxas aliorum ferre benignè,

Nec,

Nec, tua si pateant multis errata, gemiscas,
 Seu naturalis, seu acquisita putetur,
 A reliquis, prodat te nullo averſio ſigno.
 Turbida de vultu, ac geſtu ſaſtidia pelle
 Sis facilis, dum te multorum ſenſa prehendunt:
 Iudicioq; tuo non innitaris abunde.
 Tac, non exponas aliorum dicta ſiniſtrè,
 Condoleas, ſi quem vexans fortuna laceſſit,
 Si labor aſſiduus tibi membra ſoluta fatigar,
 Blanda ſerenatam ſubeant tunc gaudia frontem;

REFLEXIO

Supra

PRANDIVM & CÆNAM.

Dum campana vocat, menſæ cave tardior adſis;
 Muncta ſimul reliquis benediſtio conſecret eſum,
 Condiat oblatas intentio recta, cruorq;
 Quinq; decuſſati ſtillant quem vulnera Chriſti,
 Eſcas: ac oculos demiſſa modèſtia veler;
 Non ſuper appoſitum totus diffundere diſcum;
 Sumpta ſed eſuriens recreant dum ſercula corpus;
 Sacra piam pariter refovebit lectio mentem;
 Arridente gulam febrientem ſallico bôlo,
 De male conditis vanas omitte querelas;
 Oblatas aliis potiores invidus eſcas
 Non pete; quin te non dignum; quæcis paſceris, urge;
 Non aliud poſcas; nec plus, quàm det pia Mater
 Paupertas: contende ſacras perſolvere grates,
 Exitui faciant taciturna ſilentia finem

DOGMA POMERIDIANVM.

*Gratia, dum onera servitii Divini diminuit,
seipsam auget.*

I. **Q**uidquid est in terra, aut cum illa symbolizat, sine sustinentia, tolerantiaq; onerum esse non potest. sicut enim Author naturæ DEVS, totam rerum gravium molem, ita construxit, ut, posito gravitatis centro, quod unicum duntaxat onere non premitur, licet illi omnia incumbant; posito, inquam, centro gravitatis, nulla res gravis reperiatur, quæ onus aliquod non sustineat; eò quòd omnia gravia dum naturali, & impetuoso conatu, irrequietè ad suum centrum tendunt, partes alias sese inferiores, quodammodò protrudunt. Atq; ita ne illa quidem pars terræ, quæ immediatè centrum gravitatis, circulariter ambit, est immunis à sustinentia onerum; & quidem longè plurimum, quàm aliæ partes à centro remotiores: sola superficies ultima rerum gravium, immediatè subjacens àëri sese ambienti, expers est oneris per accidens: quamquam & hæc innumeris cæli & àëris injuriis exposita esse debet. Ita idem DEVS & Author Gratiæ, fabricam suam spiritualem in hominibus, & ex hominibus, qui sunt de numero rerum gravium (*corpus enim, quod corrumpitur, aggravat animam*) ita, inquam, in hac terra seu vita mortali disposuit, ut posito centro admirabili Misericordiæ & Charitatis suæ, quæ sola sustinet omnia & non gravatur; nullus hominum sit, qui onus aliquod non sustineat usq; adeo, ut ne ipsum quidem primum fabricæ hujus fundamentum, immediatè adjacens centro Misericordiæ DEI, Christus IESVS, immunis fuerit ab onere. Numquid enim non gravatus est supra modum, dum in eo posita sunt iniquitates omnium nostrarum, dum pro nobis sedis lassus; dum supra dorsum ejus fabricaverunt peccatores; ac tandem dum inclinato capite sub onere Redemptionis in cruce occubuit. Infallibilis igitur hæc est veritas: Neminem in hac vita, præsertim ex Electis, ex quibus, tanquam ex probatis lapidibus, structura DEI consurgit, posse esse sine onere,

II, Scribit

II. Scribit Paulus Diaconus lib. 18. de gestis Romanorum. Tyberium II. hujus nominis imperatorem postquam bona sua, ex magna parte, in pias causas erogasset, sub tali fabrica thesaurum reperisse. Deambulanti illi, in suo palatio, incidit sub aspectum, inter pavimenti planiciem tabula marmorea, cui crucis signum erat insculptum: quam dum ob honorem dignissimæ omni veneratione Crucis elevari præcepisset, sub ea similem alteram, & sub hac tertiam, eadem cruce insignitam reperit: quibus omnibus sublati, thesaurum invenit maximum, ad millionem ferè coronatorum. Talis est structura Christi, Singuli ejus lapides præsertim Electi, non solum sunt pluribus tunctionibus politi, sed etiam cruce notati ac onerati. Insigne est Christi ædificium, Ecclesia ejus militans: nunquid non abundavit ab initio sui, abundatq; etiamnum crucibus? Videre est, apud Patrem Petrum Biverum è Societate nostra, integrum Sanctorum Crucifixorum librum: in quo inter ceteros refert ac depingit, Venerabilem quandam Sacerdotem, in urbe Gallie Houdam Diocesis Carnotensis, ab Hæreticis Calvinistis, super ligneam Crucifixi Christi imaginem affixum, simulq; cum effigie Christi globis trajectum. Sic ille verè Christo confixus cruci, complantatus factus est similitudini mortis ejus. Est quoq; minima licet, fabrica tamen Christi, ut eam è digito Dei agnovit Vicarius ejus, Societas IESV. Numquid illi desunt crucēs? Non desunt per gratiam Christi, & tamdiu florebit, quamdiu non deerunt, juxta prophetiam. S. Francisci Borgie.

Singulas crucēs, singulis hujus minimæ fabricæ lapidibus impressas referre non vacat. Vnius tamen non possum, non meminisse. In anno dierum illustrium mense Junio refert P. Nadasi de P. Bartholomeo Sanchez, qui sanguinem è pectore supra cor eliciens, Chirographum eo conscripsit, quo se DEO per S. Xaverium in salutem Japoniæ devovit. Ise ergo Pater cum vice quadam coram sui Xaverii effigie supplex oraret, totam ejus imaginem cruce ingenti toto corpore coopertam vidit, En S. Xaverius etiam post mortem testa-

tur, se fuisse lapidem fabricæ Christi, cruce ejus oneratum; sed simul honorificè insignitum.

III. Ad eum plane modum discurrendum est de interiore animæ nostræ structura; nimirum de Gratia sanctificante, per quam DEVS habitat in nobis, & nos in DEO: quod illam oporteat sensim construi ac perfici, ex majoribus & majoribus intensiōis gradibus: hi autem gradus correspondent singulis nostris actionibus meritoriis, ita ut quot hi fuerint, totidem illi in homine iusto consurgant. Porro hæ actiones, si exactè & ad amissim honestatis fiant, insignitæ sunt crucibus, non carent enim molestiis ac difficultatibus suis, quæ omnino sunt tollendæ ac tolerandæ, ut sub illis immensus Gratia inveniatur thesaurus, & ut amplissima spiritualis ædificii moles consurgat.

IV. Et certe cuius homini sustinendum esse alterutrum onus, aut Christi aut diaboli, docet ipsa æterna Veritas, Matti 6. dum prolata hac universali: *Nemo potest duobus Dominis servire*, quam novitè Cornelius sic explicat: *Nemo potest servire DEO & Divitiis, calo & cano; ætheri, & æri; Numini & numinis*. prolata, inquam, hac universali, rationem allegat: *Aut unum sustinebit, & alterum contemnet*. Loco *sustinebit*, & Augustinus legit, *Patietur*. Ecce ex duobus Dominis, necessariò unius onus sustinendum, & tolerandum est. Cùm igitur nonnisi sit unus, verus Dominus noster, IESVS Christus, alter autem affectans Domini-um, & tyrannus Diabolus; qui noluerit sustinere onus Christi, sustinebit onus diaboli. Consentit quoad hoc Christo, licet pridem ante Christum, ignitus DEI propheta Elias, qui convocato universo Israël's populo, dixit ad eum 3. Reg: 18. *Vsquequo claudicatis in duas partes? Si Dominus est DEVS, sequimini eum: si autem Baal; sequimini eum*. Posset hîc quispiam mirari, quomodo tantus honoris Divini zelator, & Propugnator veræ fidei Elias, ausus fuêrit proponere populo fidem in Baal, servitumq; ipsius? Sed mirari desinet, si penitius mentem ejus inspexerit. Neq; enim ille sub disjunctione aut conditione ne lualit potivè populo servitum Baal: sed solum indicare voluit;

voluit; quod qui non vult servire DEO, & sustinere legem, ejus serviturus sit Baal Mabelo, & toleraturus durum ac hostile imperium, onusq; istius. Quid dico onus? Non onus, sed undecim onera, quæ recenset Isaias à cap: 13. Et quæ S. Bernardus serm: de 11. oneribus explicans, sic ait: *Quid est onus, nisi pondus quoddam deprimens animam, & ad terram inclinans; faciens eam ad inferiora respicere, & negligere superiora.* Tale onus nobis aliquando provenit ex mundi delectatione; & hoc onus est Babylonis (Babylon enim significat mundum) aliquando ex immundorum spirituum immissione, & hoc onus est (nam Philistinum significant cadentes portiones; illos nimirum, qui superbiâ inebriati, ceciderunt de cælo) aliquando ex naturali, & inevitabili necessitate, & hoc onus est Moab (qui idem significat quod de Patre) aliquando ex tenebris ignorantie, & hoc onus est Egypti (Egyptus enim significat tenebras) aliquando ex innata nobis infirmitate, & hoc onus est Damasci (Damascus enim significat fundentem sanguinem; nempe innatam corruptionem, seu ut Apostolus vocat legem peccati) aliquando ex malorum persecutione; & hoc onus est deserti maris; nempe desertorum seu reproborum; aliquando ex occulta animi vexatione; & hoc onus est Dumæ (Duma enim significat silentium) aliquando ex timore mortis, & hoc onus est Arabiæ (Arabia enim significat vesperam) aliquando ex vanitate, & hoc onus est vallis visionis; aliquando ex angustia, & hoc onus est Tyri (Tyros enim significat angustiam) aliquando ex tædio in charitate proximis exhibenda; & hoc onus est jumentorum Austri. Singula deinde onera hæc fuse exponit S. Bernardus, & concludit: *Qui onus Charitatis abiecit, onus damnationis non immerito sustinebit.* En vel onus Christi, quod est onus Charitatis, sustinendum est; vel onus damnationis, quod est onus Diaboli, tolerandum. imò, ut dixi, plura onera sustinenda.

V. Ad probandam hujus doctrinæ veritatem, unum è plurimis adduco exemplum, quod scribit Gvilhelmus Sire Carthusianus, in Ep: ad Theodoricum Priorem: Ioannes Da-

ilaus Londini Cathusianus, cum allatos sibi quadam die cibos nec sapidos nec sufficientes putaret, ex impatentia murmurans, palam ait: *Malle se bufones quam ejus generis pisces comedere.* Res mirat: illico ingens bufonum copia totam illius cellam occupavit; qui bufones, quodcumq; se Ioannes conferebat, post eum reptabant, aut saliebant. Si mensa accumberet, commanducabant, in patinas, in discum, in sinum, horridi Pa. aliti involantes. Etiam in lecto quiescenti adeant sociati bufones: si quem in focum proficeret, statim illaesus exsiliat. Vnum forcipe prehensum igne torrere institit; sed mox ingens factor à capto illum ausu avocavit. Fuste alios elisit, sed mox alii supervenientes numerum auxerunt. Toto itaq; mense hæc plaga in cella duravit; in horto verò tribus mensibus. Contrigit hoc anno 1573. Noluit iste sustinere onus Christi; nempe insipidos cibos à Religiosa paupertate sibi porrectos, coactus est sustinere onus Diaboli; nempe tam molestos bufones impatentia suæ ultores.

Cum ergo alteratrum onus, aut Christi aut Dæmonis tolerandum sit, quis ex hac necessitate faciet virtutem? quis unum præ alio potius eliger? quis onus Christi præferet oneri Diaboli, quis illud nobis alleviabit? quis leve ac suave reddet? Audiamus Apostolum dicentem, 1. Corinth. c. 15. *Gratias DEO, qui dedit nobis victoriam per Dominum nostrum IESVM Christum.* Pro quo iubentur agi gratia DEO; Nisi pro Gratia, non qualicumq; sed victrice istarum difficultatum, molestiarum & crucium in quovis statu honesto, & in quavis actione ad vitam æternam conducente reperibilium.

VI. Certè onus Christi esse levius, quàm onus Diaboli, & consequenter quàm onus mundi, & carnis; seu longè plura & graviora sustinere coguntur servientes Diabolo, mundo, & carni, quàm servientes Christo Religiosi; docuit ipse et Christus Matth. 11. cum dixit: *Iugum meum suave est & onus meum leve.* Porro levius est, ex his capitibus. 1. quia plerumq; adnexas habet cælestes consolationes, & internas animæ suavitates; juxta illud Isaia 10. *Computrescet iugum à fæce olei.* Quæ
verba

verba S. Bernardus Ser: de Dedic. Ecclesie accommodat rigidiori Religiosorum disciplina, quam dum seculares vident, mirantur. *Jugum enim, inquit, vident, sed oleum & unctiorem non vident; onus vident, sed delectationes vittrices non vident:* quibus olim abundabat S. Ephrem, dum caelestibus solatiis repletus clamabat, teste Cornelio in c. 10. *Isai Recede à me Domine parumper, quoniam vasis hujus infirmitas ferre non potest.* Et S. noster Xaverius exclamans: *Satis est Domine, satis est, aut minue gaudia, aut me tollo de hac vita; nec enim mortale cor tanta gaudia capere potest.* Onus ergo Christi alleviatur gratiis internis, consolationibusq; caelestibus, & spe honorum æternorum: onus autem Diaboli aggravatur verme conscientie, afflictione mentis, & metu æternorum malorum. 2. Quia jugum & onus quod sustinent servientes Christo, est jugum & onus Christi. Jugum enim dicitur à jungendo; ita ut una, jugi & onus partem Christus sibi, alteram servo suo in ponat: quid autem grave esse potest. Si illo portando juvet is, qui portat orbem? semel dumtaxat ad portandam in montem Calvarie Crucem Dominus noster IESVS Christus, visibiliter junxit se Socium. Simoni Cyrenæo nobis quotidie, & in quavis honesta actione, ad perferendas molestias Socium se invisibiliter præbet benignissimus onerum nostrorum portator DEVS. 3. Quia juxta S. Bernardum Epist: 62 Onus veritatis seu Christi, non solum non onerat, sed etiam portat omnem, cui portandum imponitur. Atq; hoc onus Paulum in gravi & corruptibili corpore positum ita portabat, ut eum raperet ac efferret vsq; ad tertium cælum. Portabat & S. P. Ignarium, dum illum orationi vacantem sublimem attolleret in æra. Quod idem evenit tum molis albis; tum Patri Francisco Suario, quem coram imagine Crucifixi orantem, splendidiore radii inde emicantes, aliquot ulnis à terra elevatum, cælo reddebant propinquiores. De hoc insuper onere Asceticus ille Theologus pronuntiavit: *Suaviter equitat. quem Gratia DEI portat.* 4. Quia novit Christus, onus suum ita immutare, ut desinat esse onus. Sic in vita S. Mechthildis legimus, eam dum gravibus capitis doloribus torque-

torqueretur, ut nusquam posset quiescere, audisse à Christo Domino vulnus sui lateris ostendente: *Huc intra, ut pauses*: quam statim cum gaudio intravit, & visa sibi est tot cervicalia ferica habere, quot ictus dolorum tunc sensit capiri suo advenire. Idem evenit P. Bernardino Realino; cui gravissimos capitis dolores patienti, apparens Christus spinea redimitus coronâ, & purpureâ chlamide amictus, cum ab illo levamen dolorum suorum Realinus peteret, avulsam unum è suo spineo ferro aculeum, ipsius capiti infixit; quo facto dolores quidem capitis sunt aucti, sed incredibili solatio, & suavitati cuidam cælesti permitti. *Vt nobis quoq; simile quid eveniat.*

VII. *Aspiciamus in authorem & consummatorem Fidei Christum IESUM; qui proposito sibi gaudio, sustinuit Crucem, confessione contemptâ, ut ait Apostolus Hebr. 12. quasi diceret: Cum Christus potuisset eligere, jucundam; & continuâ gaudio: unam serie intertextam vitam; elegit nihilominus Crucem, & vitam continuâ ærumnis obnoxiam; parvi ducens ignominias, quæ hujusmodi vitam & Crucem comitari solent. vel quasi diceret. Fuit quidem Christo acerbum, subire Crucem, mortem suæstam oppetere, horrendam tolerare ignominiam; sed postquam sibi ante oculos posuit, quanta inde fuisset securura DEI suaq; Gloria, ac lætitia; resolvit se ad Crucem, ad confusionem, ad ignominiam. Qui hoc generosum Christi in se odium, attente contemplati sunt, mirum in modum & ipsi ad odium sui exarserunt. Vno hîc Iacopono ero contentus. Excitavit in illo dæmon acrem carnis bubulæ appetitum; hinc aliunde præcatio conquiritam in cella appendit, & horâ prandii eam intuens deosculatur, ac deinde ad triclinium se conferens, more suo pane & aquâ se refocillat: computruit interea caro suspensa, viciniamq; fatore complevit. Quod ubi superior apprehendit; tanquam rem communitati noxiam, gravi penâ mulctat. Iacoponum in fatentissimum coniecit locum, ubi, cum ingenti gaudio delibutus, ex ingenti patiendi pro Christo desiderio caneret, invisitur à Christo, & his suavissimis compellatur verbis: *Iacopone Clarissime, quandoquidem ob amo,**

ob amorem mei hac ignominia non moveris, neq. hanc graueolentiam horres; accessi ut te solater: pete quod vis & impetrabis. Domine, ait: hanc a te gratiam postulo, ut me in locum isto horribiliorem latidiorẽ, derudas; quia hunc, parum gravem & molestum reputo.

MEDITATIO III.

De alijs Proprietatibus Pœnarum Inferni.

Præludia, sicut ante.

PUNCTUM I. Duæ sunt præcipuæ Proprietates pœnarum Inferni. Aternitas & Continuitas. Aternæ sunt illæ pœnæ; id est nunquam habituræ finem, sed tamdiu duraturæ, quamdiu Dæus durabit. Nam ut ait S. Gregorius; *in gehenna miseris mors erit sine morte, & finis sine fine; quia ibi mors semper vivit, & finis semper incipit.* O miserrimus ille status, in quo esset felicitas & præmium, quod in hac vita est maxima pœna & supplicium; nempe mori ac desinere esse. Quod damnati anxie semper optabunt; & nunquam obtinebunt; nam quærent, semper mortem, & mors fugiet ab eis. Cause istius æternitatis pœnarum istæ sunt. 1. quia ipsi damnati sunt æterni non solum quoad animam, sed etiam quoad corpus. 2. Carcer ipse est æternus, quia est centrum terræ; terra autem in æternum stat. 3. Ignis erit inextingvibilis, & æternus: Nam *status Domini sicut torrens sulphuris succendet eum;* id est DEVS ipse ita conservabit illum ignem ac si fluvius sulphuris suppedicaret ei materiam indeficientem. 4. Carnifices sunt æterni, quia Dæmones ex natura sua incorruptibiles. 5. Decretum DEI immutabile; in inferno nulla redemptio; quia eò sanguis Christi non derivatur. Nam esto fuisset ad hoc sufficiens in actu imo; cum esset infiniti valoris; quia tamen pro alienis peccatis offerebatur, limitatus est per acceptionem DEI, & per negationem pœnitentiæ requisitæ in damnatis. 6. Culpa peccati semper in damnatis habitualiter manet; hæc enim per liberam pœnitentiã, & spontaneam retractationem non est sublata; huius

namq;

namq; locus fuit sola vita præfens, quam illi finali impenitentia concluderunt. Manente ergo culpâ, debet manere & pœna. O æternitas! ô Immenfe malorum Oceane, quis te non timeat? quem consideratio tui à mala vita non retrahat? Certè is aut fidem non habet, aut si habet; cor non habet. Cogita; tot millijones annorum, quot guttæ aquæ, ab initio Mundi, hucusq; ceciderunt in terram, & usq; ad finem cadent unâ cum eis, quæ componunt omnia flumina & maria. Cogita insuper tot, quot fuerunt & erunt folia, in omnibus Mundi arboribus & floribus. Cogita insuper tot, quot essent atomi sufficentes, ad replendam totam sphaeram firmamenti, usq; ad centrum globi terræ. Cogita deniq; tot numeros, quot possent scribi in charta, tam lata, atq; est lata totius Cæli sphaera. Et post tot, tantosq; numeros annorum transactos, tormenta damnati, modòprimùm incipient; acsi illorum esset prima dies, quia adhuc extunc futura æternitas manebit integra.

II. Continuat quoq; erunt illæ pœnæ; Quia nimium erunt, sine ulla interruptione: & sine ullo levamine, ac diminutione. Ut patet, in Divite epulone, qui esto vel unicam aquæ guttam petiisset ad refrigerandam linguam suam; tamen eam non impetravit. Sicut enim in damnatis, continuò perseverat eadem culpa; siquidem ab eis non fuit liberè & spontaneè per pœnitentiam deleta; ita quoq; necesse est, ut in iisdem perseveret continuò eadem pœna; Imò ex accidenti augebitur, scilicet ex accessu plurium in dies damnatorum; eorum præsertim; quibus aliquis fuit causa, vel occasio damnationis: quia recens damnati, rabidis execrationibus & maledictis impetent authores tanti sui mali. Et quamvis futura ibi sit aliqua varietas; nam ut est apud Iobum 24 Damnati transibunt à calore ignis nimio, ad aquas nivium, & è converso: hæc tamen varietas non solum dolorem non minuet ac leniet, sed augebit magis ac intendet; quia illa acris extremorum pugna, subjectum magis affliget. Neque verò sensus doloris ibi minuetur, habitu seu assuetudine patiendi

tiendi: quia ibi habitus seu assuetudo dolorem leniens non datur: nam habitus, seu assuetudo huiusmodi, in anima quidem acquiritur solum, successu temporis per actus patientiæ; in corpore verò per moderatas vices perpeffionis, non nimium afflictivas subiecti; quis enim acquirit habitum patiendi per hoc, cum illi sensim ossa confringuntur, vel cadentes laminæ, lateribus admonentur. imò potius per hoc, quò divitiùs trahitur, augetur ac intenditur dolor. Atqui in damnis, non dantur actus patientiæ; imò magis semper crescit impatientia, furor, rabies; juxta illud Psal. 75. *Superbia illorum qui te oderunt afeendit semper.* Non dantur etiam moderatæ vices perpeffionis; imò est in illis nimium excessiva afflictio, quæ suâ acerbitate superat contractionem ossium adustionemq; ignitarum laminarum. Igitur ibi non habet locum talis habitus, qui leniat dolorem. imò verò semper intenditur, augeturq; acerbitas dolorum. Intolerabilis videtur dolor, si cui vestra diu in fronte aut facie sedetis, continuo eum morsu pungat. Intolerabile tædium concipitur si quis in uno latere cogatur per unam noctem, estò in plumis mollibus jacere; quomodo erit tolerabile, dum tanta tormentorum acerbitas, continuo divexabit & cruciabit damnatos?

III. Si Rex aliquis, cum trecentis armatorum millibus, cingeret arcta obsidione Urbem hostilem, & juberet legem hanc irrevocabiliter promulgari: Decem viros ex hac Civitate cras jubebit Rex in palum vel in rotam agi; reliquis autem parceret. Nonne grandis timor irrucet in omnes illius Urbis incoles nonne metueret unusquisq; ne forè sit futurus ex numero illorum decem. Nonne tempestivè amici Regis conciliate sibi, quatenus pro eo apud Regem intervenirent? Fide Divina certissimum est, non decem homines sed plures, à Rege illo sæculorum; propter illorum scelera, & finalem impenitentiam, damnandos ad rotam inferni; nam sapiens ait: *Stultorum, quales procul dubio sunt damnati, infinitum esse numerum.* Et Christus Dominus veritas

X. eterna


æterna clamat in Evangelio: *Quod spatioſa via eſt, qua ducit ad perditionem, & multi ſunt qui intrant per eam. Quòd multi ſunt vocari pauci verò electi. Quod grex Electorum ſi puſillus, in comparati-
one multitudinis Reproborum. Cum quanto igitur timore ac tremore debemus noſtam ſalutē operari? Dam-natio ad infernum tam tremenda, tam horribilis ac formidabilis res eſt; ut ſi vel unus tantum hominum eſſet in periculo damnationis; deberemus omnes continuò vivere, cum pavore & tremore tam intelicis tortis. Vivimus omnes ad vnum, inter innumera pericula æternæ damnationis, inter tot occaſiones, tot peccandi illecebras. Quomodo igitur non timemus? Quomodo tremore continuo, diu noctuq; non concutimur? Quomodo nos perpetua ſolicitudo, de ſalute æterna non angit, non torquet?*

Colloquium fiat cum Domino DEO, agnoſcendo coram illo, quòd magnum quidem beneficium præſtaret ei damnato, quem ex interno eriperet, & ab illis pænis liberatum, vitæ reſtitueret, ad agendam pænitentiam. Quid enim ille eliberatus non ageret; quid illi grave & moleſtum videretur? At longè majus beneficium mihi præſtitit; quòd eſto fuerim toties promeritus; tamen me ad infernum non detruxit. Nam illius eliberati beneficium eſſet, carere tantum pænis, quas jam re ipſa paſſus fuit. Ego autem & careo illis, & inſuper nunquam illis ſubjectui, nunquam illa ſum ad huc expertus. Igitur me reſolvam, ad ardua quæq; agenda & toleranda; dammodo ſatisfaciam iuſtitiz Divinæ.

Miſerere mei DEVS &c.



DIES



DIES SEPTIMA.

Dedicanda SS. Martyribus Stephano, Laurentio, Adalberto, Stanislao, tuzq; Religionis SS. Fidei Pugilibus. In gratiarum Regi Martyrum Christo actionem pro Beneficio Redemptionis. In satisfactionem pro peccatis impatientie, corde, ore, & opere commissis. Ad impetranda Gratia auxilia, Captivis, incarceratis, in fide periclitantibus.

MEDITATIO I.

De Purgatorio.

Prelud: I. Imaginare ingentem lacum, plumbo liquefacto, vel ære candente plenum, qualis solet esse materiæ campanis fundendis; & in hac ardentissima lebetæ, vide animas mirum in modum cruciari.

Prelud: II. Pete, gratiam à DEO, ut benè agnoscas, quisnam sit iste ignis? qui patiuntur in eo? pro quo?

PUNCTUM I. Graves admodum pænas, animæ fidelium sustinent in Purgatorio. Nam Majores, quàm sunt omnia hujus mundi tormenta quæ fuerunt infligta quibuscunq; Martyribus, ut S. Bartholomæo, Laurentio, Vincentio &c. aut quibuscunq; latronibus ob illorum facinora, ita docent SS. Patres, Augustinus, Gregorius, Beda. Et Ratio est. Quia eadem sunt pænæ in Purgatorio, quæ in Inferno. Nam imprimis est ibi pæna damni: scilicet non videre faciem DEI, excludi à consortio humanitatis Christi, Beatissimæ virginis, aliorumq; Sanctorum: quæ pæna illas animas mirum in modum cruciat; tum quia illæ animæ, jam sunt solutæ à corpore; unde purius intelligunt, quantum sit illud bonum, quo adhuc carent; adeoq; spes quæ differtur, magis affligit animam, tum quia charitas in illis animabus est expeditior ab omni distractione, quod ferantur in DEVM intensius; & sic acerbior est illis separatio à DEI facie, unde ex intimo sensu illud ingeminant:

minant: *Heu mihi quia incolatus meus prolongatus est nimis.* Non ita ardentem facinus falco detracto ex oculis velamine, anhelat ad prædam à longe inspectam, atq; anima detractis corporis exuviis, desiderat faciem DEI. *Quemadmodum desiderat inquit illa, cervus ad fontes aquarum, ita desiderat anima mea ad te, DEVS.* Deinde est ibi Pæna sensus, seu passionis à vero igne, qualis est in Inferno; ideoq; longè acriori, quàm noster sit. Agit enim ille & cruciat, tanquam instrumentum Iustitiæ Divinæ, supra suam naturam elevatus ad hoc, ut etiam substantias spirituales affligat. Sicut enim artifex purgat aurum vel argentum in igne; ita DEVS animas fideles in Purgatorio. Cum hoc tantum discrimine; tum quia pæna talis in æterno durat in æternum; jam verò in Purgatorio ad tempus à DEO prædestinitum: tum quia in Inferno damnati patiuntur pænas, cum impatientia, blasphemis, maledictionibus; jam verò in Purgatorio patienter, conformando se voluntati ac iustitiæ Divinæ. Quanquam, ut graves Theologi censent, fieri possit, ut aliqua anima in Purgatorio, graviore ac intensiore pæna ad tempus perferat, quàm aliqua in inferno. e.g. Si quis in articulo mortis confessus fuit mille peccata mortalia, & pro illis in hac vita non satisfecit; illi condonata fuit culpa, manet tamen in eo reatus pænae gravioris intensivè, in Purgatorio subeundæ, quàm sit illa, quàm quis ob unum mortale damnatus, patitur in inferno.

II. Sed quoniam patiuntur istas pænas; & pro quo? Patiuntur illas non inimici DEI; quales sunt Dammati: sed Amici, Sponsi, DEI Filii, ab ipso infinitè amati, & destinati ad fruendum ipso in æternum. Patiuntur autem, tum ob peccata venialia, tum ob mortalia, remissa quidem quo ad culpam, nondum tamen expiata, quo ad pænam. Si Rex esset desponsatus cum Virgine pauperula, nata educataq; in pago ignobili; interim illa ingrata. & immemor tantæ in se dignationis Regiæ, multa committeret talia, sciente & aspiciente Rege, ob quæ ille indignatus, dum jam paratus esset triumphus, cum quo illa pauperula in aulam Regiam ad fruendum felici locum, ingres-

te, ingressura eras ipso die ingressui destinato, juberet eam in carcerem detrudi, & ibi tormentis acerbissimis per longum tempus torqueri. Quid censeremus de hujusmodi Virginis dementia, ingratitude ac delictis, in suum Regem, Dominum, & Sponsum commissis? Vtq; quod gravissima fuerint. Umbra hæc est, respectu animæ in gratia DEI ex hac vita decedentis; quæ cum fuisset statim in Curiam ingressura cælestem cum triumpho, ad fruendum sponso & Regno suo; interim propter veniales noxas, ac debita non persoluta, in carcere purgatorij per longum tempus detinetur, ibiq; acerbissimis tormentis cruciatur. Quanta ergo dementia nostra, quod tam multa scienter, audacter, & intrepidè in oculis DEI committimus; per quæ nobis tantam felicitatem præpedimus, tantiq; malis nos ultro involvimus. Interim Regem illum iratum non placamus, neq; ejus Iustitiæ pro culpis commissis satisfacimus.

III. Raros admodum esse iustos, qui sine Purgatorio rectè eant ad cælum, patet ex tot historiis. Ratio autem est: tum quia *nihil inquinatum intrabit in Regnum Cælorum*. Cum ergo iusti rari sint, qui non sint maculati, vel ipsis culpis venialibus, vel saltem reatibus noxæ; eò quod rari utantur, vel contentur uti Indulgentiis, sicut oportet; ideo rari quoq; rectè eunt ad cælum. Tum quia Christus in Evangelio dicit: *esse talem in altera vita carcerem, ex quo non exibat inclusus, donec ad minimum quadrantem solverit*. Vbi, per quadrantem rectè intelliguntur, particula temporis otiosè consumptæ. Quia ergo rarus est, qui totum omnino tempus utiliter impendat; multi autem sunt, qui magnam ejus partem in otio transigunt; ideo rarus absq; isto carcere liber abibit. Insuper expende raros esse, qui parvo tempore in purgatorio detineantur. Nam constat ex revelationibus legitimè approbatis, aliquas animas in Purgatorio detentas fuisse annis 20, alias 40, alias 50, alias pluribus; nam Ecclesia anniversarias Missas celebrat etiam pro iis, qui ante 100, vel 200. annos obierunt. mō aliqui ibi detinebuntur, usq; ad diem Iusticijs ut docet Bedæ & constat ex revelatione facta S. Ludgard, cui Innocentius

III. Papa

III. Papa recens defunctus apparuit, asserens; se in Purgatorio futurum ad diem Iudicii, nisi pro eo orationes ab Ecclesia fierent. Quod est valdè horribile, & vehementer formidabile. Cum ergo tu multorum sis tibi conscius peccatorum. multiq; temporis otiosè transacti; vide quomodo te in posterum geras, ut vel penitus evadas Purgatorium, vel saltem parvo tempore ibi detinearis. Vide cum quanta diligentia lucrandæ tibi sint Indulgentiæ. Cum quanto studio, juvandæ animæ Purgatorii; ut & tu ab illis post mortem juveris; & à vivis juvari merearis.

Colloquium fiat cum animabus Purgatorii, Devovendo illis tua Opera; & promittendo, quòd velis eas omni meliore modo juvare, sacrificiis, jejuniis, disciplinis, catenulis, orationibus, aliisq; mortificationibus. Quod enim mihi post mortem præstari velim, hoc illis modo, dum possum, præstabo: Nam *Beati misericordes, quoniam & ipsi misericordiam consequentur.* Sperabo, ut illæ postquam ad cælum perverient, id mihi re-gatificentur. Immo hoc ipsum, quod illis per modum Eleemosinæ in satisfactionem impendam, cedit mihi in meritum,

De profundis clamavi ad te Domine &c.

Ejaculatoria per Diem usurpanda

I. Si iniquitates observaveris Domine, Domine quis sustinebit,

II. Vix etiam laudabili vitæ, si remotâ misericordiam discutias.

III. Quemadmodum desiderat Cervus ad fontes aquarum; ita desiderat anima mea ad Te DEVS.

DOGMA MATVTINVM.

Gratia notabiliter augetur quotidiano Patientiæ

Exercitio,

I. IN duplici statu vitam habemus agendam; præsentî & futuri; præsens est laborum & patientiæ campus; futurus verò, præmiorum & stipendij beatissimus terminus; ad quem

quem non pervenitur, nisi per illum crātem spinis difficultatum plenum, *Homo enim nascitur ad laborem tanquam avis ad volandum, brevīq; vivens tempore repletur multis miserijs*; quia nascendo, Matri quādam dolores accumulāt; sibi verō amplissimum patientiæ theatrum aperit. Ipse Christus ab instanti suæ Conceptionis, omnia hominum peccata distinctè cognoscens, vitam tot doloribus exercitam est exorsus, ut si ejus dolores in singulos mortales distribuerentur, non esset qui præ magnitudine afflictionis vitā non amitteret; ut divinæ potentiae opus miraculo plenum extiterit, quod ipse in vivis superstes ageret. Si ergo ille, estō innocens, tantarum ærumnarum catenam secum trahit, nunquam nisi ultimo vitæ anhelitu finiendam; quid aliud nobis criminosi parentis filijs, proprijsq; sceleribus infectissimis expectandum? *Missa de Requiem*, demum à morte canitur, & tum in illa ex Apocal: legitur: *A modò dicit Spiritus ut requiescant à laboribus suis*: quia ante illud tempus nusquam & nullibi requies. Hinc Christus D. non vult eam inter suos discipulos numerari, qui non ferat crucem suam quōdiē; hoc est; continuò, & per decursum diei non interruptum. Hinc Virginem quandam, à Sanctissima DEI Matre, quam singulariter amabat, colebatq; monitam legimus; ut horis singulis, imò si fieri posset, singulis momentis, quæriraret mercedem aliquid pro DEO patiendi, seq; ad eam pacificè excipendam, quam DEVS immitteret, præpararet.

II, Magna est hac in parte inter viros, virtutis studiosos, & sui amatores differentia. Hi velis remisq; (ut ajunt) vel umbram mali conantur effugere; isti ad ærumnas & patiendi occasiones ultrò sese offerunt; cumq; hæ eveniunt, Deo gratias agunt, & ambabus eas manibus amplectuntur. Quod si contra occurrentia mala remedijs utantur; ideo hoc duntaxat faciunt, ut majoribus malis sese attemperent. Deiq; voluntati morem gerant: ipsorum tamen malorum nullum levamen quærunt aut expetunt. Videmus hoc in Simeone Stylita & in alia Virgine Sancta, D. Dominici præceptis ad virtutem edocta; qui utriq; vermes è corporis ulcerosi partibus extractos

Etos, in easdem foveas, tanquam cœlo demissas gemmas, re-
posuere. Dignus in hoc genere admiratione S. Monnus, cui
cum Angelus familiaris dixisset: *Ipsam esse superbum, ideoq; oportere humiliari. Libenter* (inquit) *humiliationem amplectari; Deumq; rogo, ut eam mihi ex bonitate sua immitat. Postula determinatè, inquit Angelus, & voti compos fies.* Respondit Sanctus: *DEVM rogo, ut mihi scelerentem lepram toto corpore aspergat.* Dixit & imperavit; totoq; septennio, magnos inter dolores & graveolentias eâ laboravit; quam, alter vir Sanctus à DEO missus, ut lingua lâmberet, lambendo abegit, hominemq; integræ sanitati restituit. Dixit S. Iob, aliq; cum eo præclari sanctitatis viri? *Quis mihi det, ut affligens me doloribus non parcat?* Sed illos heroicos relinquamus Athletas. Nos, quosnam decerpere patientiæ illosculos, & per eos augere gratiam, die nocteq; possimus, breviter inspiciamus. Incipiamus à decubitu somnoq; & quanta se in illo patientiæ leges offerat, dicamus.

III. Nolo hic in exemplum afferre S. Euthymium; qui nonnisi stans, apprehenso ad tabulatum alligato fune pensili, somnum capiebat. Nolo S. Maurum, qui totam quadragesimam, aut rectus, aut sedens dormituriebat. Non S. Antonium, qui aut in nuda humo, aut in iuncis cilicio coöpertis, paululum quietis delibabat. Non S. Vulstanum, cui scamnum pro lectulo, & liber pro cervicali, tempore somni serviebat. Non Paulam Romanam, quæ morbo tentata, humi cilicio substracto, somnum capiebat. Ne quidem S. Eustratium auderem ad imitandū proponere, qui 19. annis, nonnisi supinus, aut in sinistrum latus acclinis, dormisse legitur. Quid enim nobis pumilionibus ad tantos Gigantes? Quæ circa somnum, & corporis quietem materia exercendæ patientiæ nobis suppetat; ipsa experientia facillè suggeret. Occurrit enim aliqua in cubando incommoditas, vexat capitis inquietudo & intemperities; molestant crebri animalculorum aculei; omnia hæc ferre patienter, memoriq; simul recolere spineam, Christi corporis nam, aculeatos flagellorum, quibus laceratus fuit, ictus, le-
gem Crucis aserbissimum, & ignito ferro candentia apud in-
feros

feros cubilia atq; ab omni querimonia prohibere linguam, DEOq; velut duo minuta patientiæ, pacato offerre animo; certè hoc in schola hujus virtutis non modicam promeretur lauream, nec levia Gratia augmenta superaddit. Beatus Henricus Suso, ne inter cubandum abigendis istis bestiolis manus admoveret, eas ipse alligabat; imo chirotecis, quibus aciculæ insertæ erant, armabat, ut si illis uti veller, punctio- num sensu, ab abigendis illis animalculis prohiberetur. Hæc & plura isto tempore homini patientiæ & gratiæ augendæ studio, suggeret Dei amor, & experientia.

Tantundem materiæ tum primæ à somno vigiliæ, tum Orationis ac sacri audiendi occupatio suppeditant. Cum enim Spiritus S. moneat, *ut horâ surgendi non te trices*; certè hæc aliquam molestiæ materiam præbet. Et cum S. Agatho orandi laborem, inter primas molestias ponat; habet patientiæ candidatus, quo se exerceat Gratiâq; augeat; dum de genibus, erecto capite, nulli fulcro innixus, non spuens, non oculos levans, immobilis, cum evagationibus mentis & ariditate depugnans, Orationis tempus, nihil de eo decurtans; constanter transigit.

IV. Varia patientiæ, & augendæ gratiæ leges, in quolibet vitæ statu, seu apertè seu occultè pullulat, ad quam virtutis studiosi sedulò animum advertunt. Summi Pontifices, Regesq; creduntur esse albæ fortunæ pulli, & maximam quæ in terris oprari potest, felicitatem adepti; pleriq; tamen ex illis judicârunt se infortunatissimos, & sordes unius bubulci, suis antulerunt sceptris, Neminem in suo statu contentum vivere, evidenter ostendit Apologus hominem de suo statu apud Iovem conquerentem; Quod cum Iupiter jussisset, sorte statuum mutationem accipere, tantas in novo statu, quem cuiq; fors dederat, difficultates reppererunt, ut ad antiquam fortunam statumq; redire unusquisq; petierit, & impetravit. Adeo verum est; Experientiam, esse Rulorum scholam, simul & Magistrat; in quâ ad patientiam erudimur; & si disciplinæ ejus paremus, mirum in modum augemus Gratiâ.

Quicumq; ergo sapias, vive tua sorte contentus, & quod in illa laboriosum occurrit, in patientia, augendaq; gratia materiam converte; ac Deum Te in eo vivendi genere ideo collocasse existima, ut ex difficultatibus, quæ in illo occurrunt, ad præmia æterna consequenda gradum tibi facias. Aliquis ex Eremitis incolis, dum aquam è fonte, à cellula sua non parum distante quæreret. vidit Angelum ponè sequentem, & ut agebat vestigia numerantem, annotantemq; ut singulis merces in cælo rependeretur. Idem ab Angelo Tuo Custode fieri existima, dum officium tuum exerces, ac Voluntati Dei, in obeundis ejus difficultatibus patienter Te submitte & conforma.

V. Aliam patientiæ quotidianæ legerem ostendit nobis illud D. Pauli monitum: *Alter alterius onera portare.* Nimirum alienæ imperfectiones, sunt, opima patientiæ materia; quas Apostolus dixit *Onera*; quia non unam tolerantiam materiam nobis invicem præbemus, sed plurimam; ut meritò unus è prudentioribus Eremitis incolis, alium humeris cadaver gestantem, ut illud terræ manderet, conspicatus, dixerit illi: *Mortuus portas? vivos porta?* quia in hoc postremo elucet majus charitatis & patientiæ argumentum.

Accipe Alphabetum, aliquos proximi navos complectens, quibus tolerandis exercetur *Charitas patiens & benigna*; quos titulos primo loco Charitati dedit Apostolus. Occurrer tibi aliquis cum quo negotium habes, Arrogantis, vel Aussteri ingenij occurrer alius Ardello, Altercator; deprehendes alium Bilinguem, Blateronem; Bardum. Erit alter Contumacis Cuiofæ, aut Criticæ indolis. Alter Deses, vel Dicax, vel Duplici corde; Effrons alius; Fictus alius, Fervidus, Fallax; Garrulus alter; & Gravis oris: Hypocritam arbitraberis, quem alij depredicant; Hebes alter; Impudens alter & Importunus, Iracundus, Ingratus, Imperiosus & Incorrigibilis: hunc Litigiosum, istum Levem experieris: alius erit Morosus, alius Murmurator, Mordax, iste Negligens, ille Nugator; iste Obtruncator, hic Obliviosus; iste erit Præsumptuosus, hic Parvis ille Perfidus, Pervicax, & Proceris ingenij; iste Querulus, hic Rixolus

rosus, iste Ridiculus; iste Suspiciosus, Simulator, Segnis, Stultiloquus, hic Verbotus, alter vindictæ appetens, tertius vapuloquus; Thraſones nonnullos, Tumidi & Turbulenti ingenij alios; nec non Zeli indilcreti non paucos reperies, quos contra ſeipſos aculeum ſui Zeli vertere velles. Plures, quàm hic recensui, defectus in proximis experientia tibi proder, quibus tolerandis ſi ſtudio adhibueris, gemmas colliges, coronæ felicitatis æternæ inferendas, quibus interim Gratiæ theſaurum, in immenſum augebis.

VI. Magna opus eſt conſtantiâ in perferendis aliorum defectibus; hinc S. Gregorio Nazianzeno, ad littus maris deambulanti, & fluctuum reciprocantium tumultus contemplanti, iſta cogitatio animum ſubit; vitam hominum ſimilem eſſe Oceano ventis, & tempeſtatibus agitato; nobis verò rupis conſtantiâ eſſe imitandâ, quæ tantùm abeſt, ut fluctibus murmurantibus cedat; quin potiùs eorum illuvione munderetur; ita nobis faciendû, dum nos verborum, morumq; alienorum adverſi fluctus impetunt; excipiendi ſunt ſine commotione, & ad animos noſtros, à vitijs mundandos, tanquam lixivium mordax adhibendi. Dicere ſolebat Pimenius Abbas: *DEVM tunc peccata noſtra regere, cum proximi peccata ſine querela, patienti ſilentio involvimus*; Et in Evangelio nobis promittitur: *Dimittite & dimittetur vobis*, Qui aliter faciunt, & proximo multùm incommodant, & ſibi non parum nocent. Phariſæum de Magdalena in Evangelio malè ſentientem & loquentem, ſibi torſiſſe funem, quo ligandus erat, ait S. Gregorius: Quia tale de ſe iudicium à Chriſto expectare debebat, quale temerè & culpabiliter de Magdalena apud ſe tulerat. Ita ſolebat ratiocinari, egregius ille B. Aloyſij imitator Ioannes Berchmans: *Quale quàmq; ſeverum DEI iudicium me manet, aiebat qui tam rigide ſeverèq; de Fratribus meo iudico*. Ideo S. Ephrem monebat Paren. 4. ne quenkum eſt proximis condemnemus; quia ignoramus, an per pœnitentiâ, cum Deo non redierint in gratiam, ſintq; illi gratiores, quàm nos ſimus; aut futuri ſumus. Sed & S. Brigitam B. Virgo monuit, ne iudicaret,

aut condemnaret quenquam; imò nec aliquem despiceret, aut se illi praeferret: etsi enim aliquid mali exterius in illo deprehenderit; interiora tamen ejus ignorabat; & quid apud Deum cras ille futurus esset, scire non poterat. Miras plerumq; & insperatas videmas in quibusdam morum in melius mutationes; quæ, judicia nostra debilibus fuisse nixa fundamentis, ostendunt. S. Martinus, dum Bricej patienter tolerat insolens ingenium, in Sanctos mores permutat. S. P. Ignatius dum magnos Xaverij animos mansuetudine attemperat; ad majorem sanctitatem evehit; dum Petri Ribadeneiræ adolescentis igneos naturæ impetus patienter dissimulanterq; regit, quem alij Patres dimitti volebant, insignem sui seculi virum, rerumq; gestarum gloriâ illustrem effecit.

VII. Sed aliud Patientiæ quotidianæ velut commune prætarium, quod nobis ad manum est, nunc scrutemur. Corpus scilicet hoc nostrum, quod undequaq; impetitur, & cum sit corruptibile, suas circumfert misérias. Calor nimius adurit, frigus molestum vexat, fames & sitis exagitant, lassitudo opprimit, morbi consueunt, insecta morsicant, & quiescere non sinunt; quanta hinc patientiæ, meritorum, & gratiæ augendæ seges. Quàm benè Romanos c. 12. monet Apostolus dicens: *Obsecro itaq; vos Fratres per misericordiam DEI, ut exhibeatis corpora vestra hostiam viventem, Sanctam, DEO placentem, rationabile sit obsequium vestrum.* Quasi diceret, inquit S. Anselmus; Offerre DEO corpora vestra non hostiam mortuam, sed vivam hostia quippe immolatur, & viva est; quando ab hac vita homo non deficit, & tamen se à carnalibus desiderijs occidit: hostia enim occiditur ut offeratur; sed hostia vivens, est corpus pro Domino afflictum: quod & hostia dicitur & vivens, quia vivit in virtutibus, & est à vitijs occisum. In Lege veteri corpora brutorum animalium, hostia mortua, sed in Evangelio, corpora hominum, hostia viva offeruntur. Ita agebat S. Augustinus dicens: *Me excrucio, & de de me panas, ut DEO victima fiam, quia victima extoritur, priusquam offeratur.* Sed & Apostolus Cor. 10. affirmat se castigare corpus suum, ut ex ejus patienti-

patientia, velut incude, coronam immortalitatis efformet. Cujus hac in pa te severitas, meritò nos acuerere debet. Si enim ille id agit, qui vas electi onis, à DEO appellatus est: quid de nobis miseris fiet. inquit Anselmus qui nullam adhuc Dei vocem de electione nostra audivimus, & jam in otio, quasi de securitate torpemus? Quis ejus vecordiam non reprehenderet, qui jumentum aut equum commodatò vel conducte acceptum, quo iter conficere aut agrum colere, aut ad portanda onera domestica uti potest, inertia & otio fineret in stabulo corrumpi. Ita nos agimus, dum corpus congruis laboribus; pro bono an imà, non exercemus. Dum bovem aut equum mutuo accipis, inquit S. Chrysostomus: homo 15, continuò & assidue operaris in illo; dicis enim: Hodie aut cras tollendum est à me, quia non est meum? Quare non eodem modo ad utilitatem anima tua corpore tuo videris, quia post modicum tollendum est à Te? In idem collimant duæ aliz similitudines: prima S. Ambrosij, qui censebat, corpus esse amictum animæ, aiebatq;: sicut vestis, ut candescat, necesse est, ut à fullonibus calcetur & teratur: ita corpus nunquam multum animæ puritati serviet, nisi tundatur, & conteratur. Altera est Casarii, qui ait: Nunquam Animæ bene consultum iri, nisi rubiginem, quam ex corporis contubernio, & affricu contraxit, ipsius corporis afflictione deradat & detergat. Hinc illa sancta corporis odia in hominibus; quos supra vulgus virtus extulit, passim legimus, & admiramur: hinc Macarios, Margaritas Hungaricas, Olympios, Consalvos, Sylverias, qui se cyniphibus & culicibus cruciandos spontè offerebant laudamus. Imbiberant hi altè animo illud consilium. In tali negotio imitandum esse sponsam, quæ ex domo Patris bona caduca, quantum potest, colligit, & ad domum sponsi secum defert: ita quantum possumus corpori detrahere, auferre nos oportet, quod totà deinde æternitate, in cælestis sponsi domicilio nobis profuturum sit.

MEDITATIO II.

De Gloria Cælesti.

Prelud: I; Imaginare amænissimam, vastissimam, lucidissimam, omniq; varietate pulcherrimam Regionem; & in ea Palatia ex auro, crytallo, lapidibus gemmisq; pretiosis constructa; quæ inhabitant Incolæ venustissimi, sanctissimi, perpetuò gaudentes, canentes, &c.

Prelud: II; Pete gratiam à DEO, ut intimè intelligas æternam illam Patriæ Cælestis Gloriam; quò magis exciteris, ad serviendum ipsi, in omni vitæ puritate.

PUNCTVM I. Ineffabili prorsus Gloria fruuntur Sancti in cælo? Hæc autem dividitur in Essentialem & Accidentalem. Iterum Essentialis Gloria, alia est Animæ, & alia Corporis. Essentialis Gloria Animæ consistit in perfecta Intentionali Possessione DEI, ut est in se; ita, ut anima plenè repleatur DEO, atq; ferrum candens repletur igne. Hæc autem possessio & repletio, consistet imprimis in clara visione DEI, ut est in seipso, per quam Intellectus, intuitivè videbit Essentiam DEI, & Personas, ac modum quo hæc à se procedunt, Videbit omnia Attributa, ut Sapientiam, Omnipotentiam, Bonitatem, Iustitiam, Æternitatem, Immensitatem. Videbit, quomodo DEVS operatus est, quæcunq; mirabiliter fecit, ut Incarnationem, Unionem Hypostaticam, Eucharistiam, Maternitatem Virginis Beatissimæ &c. Videbit arcana consiliorum Dei, & rationem providentiæ suæ circa se & alios. Vnde jam cessabit ibi fides & spes; siquidem possidebitur jam res ipsa in se. Deinde consistit in amore intenso; propter quem voluntas ita ineffabiliter adhærebit DEO, ut in eum transformetur, reddaturq; homo ita DEO similis, ut potius dicatur DEVS & non homo sicut carbo ignitus, vocetur potius ignis, quàm carbo. Qualis amor cogitari non potest in filio, sponso, amico intimo. Vnde redundabit in animam Beati immensum gaudium, & ineffabilis delectatio, quæ illa inebriabitur ab ubertate Domûs Dei, & verè intrabit in gaudium

gaudium Domini sui, undiq; eo abundantius circumfluens, & fru-
ens magis, quàm piscis aquis, dum natat in immenso mari.
Ab hoc amore voluntas ordinabitur virtuosè ad omnem hone-
statem. Hinc Orietur Obedientia exactissima, Humilitas profun-
dissima, Religio devotissima. Hinc Beati erumpent in arduos
& continuos affectus erga DEVM; ut laudis, exultationis,
gratiarum actionis &c. Hinc tanta erit conformitas voluntatis
Beatorum, cum Voluntate Divina, ut nunquam possit averti
à DEO, & converti inordinatè ad creaturam, adeoq; erunt
impeccabiles. Verbo. Unde ipse est DEVS beatus, quia ni-
mum intuitivè videt, & amat seipsum super omnia; alia
verò omnia propter se: inde quoq; Sancti. Beati erunt. Gra-
tulare ipsis. Gaude de illorum felicitate. Imitare illos pro-
modo, in oratione, contemplando Dei perfectiones, eomq;
amando, colendo, reverendo &c. Iunge tuos exiles in DE-
VM affectus, illorum affectibus, precare illos, ut tibi saltem
micas projiciant de mensa sua; ut gustes, quàm suavis est Do-
minus. Supplica ut te faciant suâ intercessione participem
sux felicitatis.

II. Essentialis Gloria corporis beati consistit in 4. dotibus
 pretiosis. 1. est Claritas. *Fulgebunt iusti sicut sol in perpetuas æter-*
nitates. Huc spectat membrorum Proportio, omnimoda
 integritas, figura, color, & nitor admirabilis. Perspiciuntur
 etiam internæ partes & harmonia totius corporis, tanquam
 crystallum. 2. Impassibilitas & Immortalitas; nemo enim ibi
 lædatur à fame & siti: quia beati *non esuriunt neq; sitient am-*
plius Apoc: 7. Siquidem non egebunt nutrimento; tam enim
 ibi non erit pugna inter contrarias qualitates; sed admirabi-
 lis quædam illarum temperatio. Non etiam poterunt læ-
 di ab ullo extrinseco, ut veneno, nimio æstu & frigore; à
 ferro, saxo, vulnere &c. Abest inde mors, abest morbus,
 infirmitas, ægritudo, debilitas: *Non accedet ad te malum &*
flagellum non appropinquabit tabernaculo tuo. 3. Agilitas; quia A-
 nima ita dominabitur corpori, ut illud sine repugnantia trans-
 ferat celeritè de loco in locum, quocunq; placuerit. Nam

Sancti

Sancti sicut scintilla in arundinetis discurrent Sap: 3. 4. Subtilitas; quia corpus illud instar Spiritus, non subiacebit ullis necessitatibus vitæ vegetativæ; erunt enim sicut Angeli Dei; ut ait Christus Matt: 2. Poterunt etiam penetrare quodvis solidum corpus; prout Christus penetravit lapidem sepulchri, & fores clausas ad Apostolos. O verè non sunt condigne passionēs huius temporis, ad futuram gloriam, quæ revelabitur in nobis. Ergo mortificationem Domini IESV in corpore nostro circumferamus. Si modo homines tantum impendunt pro comparanda elegantiori forma, cultuq; & nitore corporis; pro cibis, potibus delicatis, & medicinis; pro curribus & equis, ut iter commodè agant; pro domiciliis ad habitandum aptis; o quantum impendendum est, pro istis dotibus acquirendis; & in æternum habendis, quæ longè nobiliori modo præstabunt nobis, quicquid optare possumus.

III. Accidentalī Beatorum Gloria consistit in Possessione omnium bonorum, quæ non sunt DEVS, ita ut nihil eis desit, quicquid homo optare possit, & quicquid eum oblectare queat. Hæc autem Possessio est duplex, una Spiritualis ac Intentionalis in Anima; altera sensualis in Corpore. Illa prior, ex eo habebitur; quia beatus cognoscet evidenter omnia alia, extra DEVM, obiecta. Cognoscat autem tum in ipso DEO, tanquam in speculo voluntario, liberè communicante beatis notitiam de quibuscunq; rebus extra DEVM; sive absentibus, sive præsentibus, sive futuris, sive præteritis. Et hæc cognitio dicitur Matutina. Tum in illis ipsis, sive per species impressas intelligibiles, sive per revelationem, atq; hæc Beatorum cognitio dicitur Vespertina. Hinc autem in Beatis nascetur ordinatus amor omnium rerum creaturarum propter DEVM, ita ut quicquid & quomodocunq; DEVS aliquid vult, amariq; idem, & eodem modo Beati velint, ac ament. Quicquid autem non vult, & odit; id etiam ipsi nolint & oderint. Ulterius autem nascetur hinc in Beatis magna oblectatio & gaudium; esto longè minor, quàm ex visione & amore ipsius DEI, prout est in se. Posterior autem possessio sensualis, consistit in perfe-

et omni-

Haec omnium sensuum corporeorum oblectatione, contem-
 ptione & satietate, ita ut nihil à nobis sit e grabile, in
 ordine ad delectationem exteriorem, quod ibi non detur. I-
 taq; visus mirè ibi delectabitur ex aspectu tot corporum glo-
 rificatorum; imprimis autem Christi Dei quo seipsum solaba-
 tur S. Iob. *Scio quod Redemptor meus vivit, & in carne mea vide-
 bo DEVM salvatorem meum.* Deinde ex aspectu Beatissimæ Vir-
 ginis, & tot millium Sanctorum. Tum ex aspectu illius Vr-
 bis amantissimæ, amplissimæ, splendidissimæ, ac ditissimæ, Cu-
 ius structura ex auro purissimo; cuius muri ex Sapphiris, Sma-
 ragdis, carbunculis, adamantibus; cuius portæ ex margaritis
 pretiosis; cuius plateæ argentum, & crySTALLUM mundissimum
 Nunquam ibi sol occidit & nunquam oritur; sed semper ama-
 bilem suam lucem mira cum voluptate omnium ex se diffun-
 dit; proinde nulla ibi nox, tenebræ nullæ, æstus nullus, fri-
 gus nullum. O quæ ibi hortorum amantitas, quæ pulchritu-
 do arborum, quæ varietas florum, quæ colorum omnis gene-
 ris contemperatio. Si pavementum illius palatii, tanto splen-
 dore collucet, ut videmus, in Sole, Luna, stellis; quid erit
 in ipsa Regis aula! si in exilio isto, pro stabularijs & manci-
 piis, Deus paravit tantam rerum visu iucundarum multitudi-
 nem ac varietatem, quantam præparavit in Patria, in domo
 sua Regia, pro filiis, pro amicis, pro sponsis suis? *Quam dile-
 cta tabernacula Tua &c.* II. auditus mirè delectabitur, ex dul-
 ci concentu Angelorum, ex psalmodia, quam Deo suo suavissi-
 mè concinent Beati; ex colloquiis eorum plenis omni gra-
 tiâ, fiducia, sinceritate, amicitia, charitate. Nulla ibi erit
 invidia, nulla æmulatio, nulla contentio; omnes æquè de ali-
 ena gloria, atq; de sua gaudebunt. Omnibus erit mens una,
 cor unum, anima una; quia DEVS illos penetrans & infor-
 mans, aut in se transformans, erit unus. O si vel unus An-
 gelorum ad nos inde volaret, & aliquid nobis, vel breviter
 concineret; quanta voluptate perfunderemur? Quanta ergo
 voluptas erit, dum tot millia Angelorum, Beatorumq; per su-
 os choro concinnè, & harmoniâ ordinatissimâ iubilantes au-
 diamus

diemus; atq; ipsi viles nostras plenas laudis & exultationis voces iungemus illis. Ergo & modò inferam me choris Angelorum, Archangelorum, Thronis, Principatibus, Cherubinis, Seraphinis. Inferam me choris Prophetarum, Apostolorum, Martyrum, Confessorum, Virginum. Emulabor illorum virtutes & affectus pro modulo. Ill. Odoratus delectabitur fragrantia corporum beatorum; quia fuerunt bonus odor Christi, per Sancta vitæ suæ exempla, & conversationem edificativam deinde fragrantia aromatum, florum, arborum &c. Idem proportionatè de aliis quoq; sensibus tum externis, tum internis existimandum, ita ut quisvis beatus dicere possit: *secundum multitudinem dolorum meorum, consolationes tuæ, latificaverunt animam meam.*

Colloquium fiat cum Sanctis; querendo ex illis quamdiu talibus fruatur deliciis? In æternum quamdiu DEVS ipse durabit. Minueturne aliquando ista illorum gloria? Nunquam penitus, imò augebitur. An aliquando interrumpetur? erit continua, sed sine ullo fastidio, imò cum ampliori semper oblectatione. Estne periculum, vel metus illam aliquando perdendi? Abest inde periculum omne, abest omnis metus, omnis ibi securitas regnat, pax perennis, tranquillitas summa. Ergo *Lauda Ierusalem Dominum, lauda DEVM tuum Sion: Quoniam confortavit seras portarum tuarum, benedixit filiis tuis in te. Qui posuit fines tuos pacem, & abundantia frumenti satiat te.* Lauda sapientiam Sanctorum, qui in hac vita mortali, tot labores sustinuerunt, tot victorias de carne, mundo, Diabolo, ut potirentur illa corona, retulerunt. Venerare illos. Precare, ut te in sui consortium aliquando admittant, Emulare illorum charismata meliora.

Benedic Anima mea Domino &c.

OS)†(SC)



REFLE.

REFLEXIO

Supra

DILIGENTIAM SPIRITVALEM.

QUO magè quotidie crescas virtutibus, Opta;
 Et quod amor proprius formidat, vincere cura;
 Ut sunt contemptus, & mortificatio carnis,
 Firmis propositis sitiens Cor sapius arma;
 Quæq; DEI causa sunt acta, attendere noli:
 Effice, quin potius tua mens intendat agendis;
 Temnas magnanimos, parvi faciasq; labores,
 Declines hujus, quidquid te distrahit, usum;
 Sed non devita, quidquid Commune laborum;
 Arbitrioq; tuo, vel sensu vivere vita.
 Servandis animum Captivum trade minutis.
 Cum studio gustuq; frequens Oratio fiat.
 Reflexam revoces ima in præcordia mentem;
 Cura discutias defectus; corrige lapsus;
 Externis torum te noli tradere gestis;
 Utilitas fratris, nisi plus fortasse requirag.
 Ut prius, illa vetus tibi sit Devotio cordi;
 Otia devitans, habeas quid semper agatur;
 Aeternam fervens animarum quære salutem;

REFLEXIO

Supra

VISITATIONEM SS. SACRAMENTI.

Post mensam te siste DEO sub pane latenti:
 Post corpus dapibus reparatum; Spiritus escam
 Cælestem sumat; disponat lingua, quid ore
 Proferat, ut socios dictis affetur amicis.

Z:

Quis

Quin non una tibi, facias ut id. hora diei
 Svadet; si sensim recolatur Passio Christi.
 Nunc ad eas veluti sudantem sanguine in Horto;
 Nunc veluti Caiphæ nocturno carcere clausum;
 Ad pilam vinctum; flagrorum verberibus caesum;
 Tandem spinoso redimitum tempora seroto;
 Nunc Crucis impolitæ funesto pondere pressum;
 Nunc in rupe fera fatali supite fixum;
 Nunc intra rigidi monumenti claustra sepultum.
 Interdumq; vices obeant Cœlestia tecum
 Agmina; quæ socians, latitans venerabere Numen,
 Seu sint Angelicæ mentes; seu carne solutæ.

DOGMA POMERIDIANVM.

*Absq; labore, per solos Actus voluntatis augeri
 potest Gratia.*

1. **Q**uântum in bonis temporalibus avaritia detestabilis, tan-
 cùm in spiritualibus laudabilis censetur; nec plebejæ virtutis
 argumentum est, meriti cupidum, & lucris cœlestibus atten-
 tum esse; eoq; sibi pauperiorem videri, quod quis plus acqui-
 vit. Non quis actum sit, sed quid agendum; non quid acqui-
 situm, sed quid restet acquirendum, cogitare, nihilq; parvum,
 sed omnia quæ in bonis cœlestibus sunt, existimare maxima
 debemus. Quemadmodum enim oculum parvas stellas, ac ve-
 luti scintillas videntem, ratio corrigit, docetq; singulas multò
 majores esse, quàm sit totus terræ globus; sic opinio nostra;
 cùm aliquid parvum esse putamus, corrigenda; & existiman-
 dum, minutissimæ gratiæ lucrandæ occasionem, pluri, quam
 Vniuersi imperium æstimandam. Discremus utinam vel ab
 avaris quo ad hoc sollicitudinem & artes multiplices; quas e-
 nim avaritiæ mancipia non excogitant machinas, quos dolos
 non tentant, quos non sustinent labores, ut contententur
 modum, quo lucri aliquid augeant? Pudeat igitur pro ma-
 gna im-

gna immensa Gratia, & Gloriz non facere portione; quæ sunt pro obolo, aut alle misero: pudeat, tot uniones meritorum abicere; aliàs inter stercorea humanarum occupationum, exiguo labore quærendos, ac inveniendos, æternūq; possidendos.

II. Quanquam & labore hic ferè nullo est opus, cum quivis præcipuum lucri instrumentum, semper in promptu habeat: solam, inquam, voluntatem, à qua una, sicut omne bonum, & malum, ita demeritum, & meritum dependet. *A.* *pud DEVM siquidem bona voluntas pro facto est; atq; ut mala puniri, ita sola illa coronari consuevit.* Nempe DEVS, testante S. Cypriano L. de Oper. & Eleem: non de patrimonio, sed de animo examinat. Qui etiam non divitibus, & eleemosynam erogantibus, non jejulantibus, non magnorum operum patratoribus, pacem in terras per Angelos præcuntures, (ut annotat S. Augustinus) sed hominibus bona voluntatis promulgari jussit. Quæ quidem uti in omnium potestate est, ita DEO maxime placet: coram quo, nulli parvus est census, cui est magnus animus. ut ait S. Leo Serm: 2. Quod: Testis est huius veritatis Abraham, qui cum unicum Filium voluntate jugulasset; mercedem operi promissam accepit. Testis David Rex; qui cum fervens haberet desiderium ædificandi Templum Domino; licet hoc per Salomonem extractum est, voluntatem tamen Davidis, non minori DEVS premio, commulavit; ut habetur 2. Reg: c. 7. Vbi Divus Hieronymus *Voluntas, inquit, queritur, quæ etiamsi effectum non habuerit; tamen premium non amittit.* Confirmat D. Gregorius Hom: 5. in Evang: *Ante oculos DEI, nunquam est vacua manus à munere, si fuerit alicuius cordis repleta, bonâ voluntate; nihil enim hac detius DEO offertur.* Et hæc est felicitas & facilitas favoris in avaritia sancta, & spiritali. Avaros bonorum temporalium nihil relinquit, quod non cupiat; cum interim desideria ipsius majori tantum servant sortitur: ô quid faceret, si simul ac concupisceret, res possideret? hic verò ita res habet. Voris locupletissimus, ditissimus desideris, solâ bona voluntate beatus quilibet esse potest, modò velit. Bona, inquam, licet enim Sapiens severè e-

os edat;

os cōarguat, qui faciendi aliquid potestatem sibi deesse, falso imponunt: *Si*, inquit, *dixeris, vires non suppetunt, qui inspector est cordis, ipse intelligit.* Proverb: 27. ille tamen, qui quoad possit, & sine fictione cupit facere, quod nequit, exequi, non sine laude & merito est, satisq; illi fuerit, *Voluisse*. Quàm facile lucrum est, sumptus solius voti! quàm uberes desideriorum census! quàm quæstuosæ unius *Volo* pensiones! de quo Bernardus Ep: 77. *Quid planius, quàm, quod voluntas pro facto reputetur, ubi factum excludit necessitas?* cui consonat illud Ovidii.

Si desint vires, tamen est laudanda voluntas:

Hæc ego contentos auguror esse DEOS.

Et nos igitur, votis, ac desideriiis, divites esse, perq; actus voluntatis in gratia crescere, ac merita cumulare possumus. Quomodo autem jam videndum.

III. Possumus ergo imprimis per actum Voluntatis comprobare, seu ratas habere actiones & passionēs, bonaq; omnia, tam propria, quàm aliena quatumcunq; creaturarum opera, etiam Christi Domini, Beatissimæ Virginis, & Sanctorum nunc illa DEO offerendo, nunc iis DEVM laudando, benedicendo, adorando; nunc amando; nunc pro illis gratias agendo. Neq; dubitandum, huiusmodi actum esse DEO gratissimum. Si quis enim opus aliquod malum, vel proprium vel alienum, in contemptu DEI approbaret; perinde faceret, ac si illud re ipsa patrasset: sic è contra, de bono opere, vel proprio, vel alieno sentiendum. Potest quoq; libertas voluntatis humanæ hoc facere; ut. si anum actum eliciat, velit esse illum, signum mille aut plurimum actuum; ita ut libenter hîc & nunc illos faceret, si locus, occasio, tempus, aliæve circumstantiæ parerentur: sed quia id prudenter non potest, substituit unum actum, e. g. Charitatis, Spei, Timoris, Zeli, Resignationis, vel quempiam alium, ita, ut velit ac intendat, unum talem actum valere pro millenis. Similiter potest unam vocem aut signum substituere pro multis actibus: sicut enim ex placito humano est, quod genuflexio sit signum adorationis; ita placitum cuiusq; potest aliquam aliam actionem, e. g. ambulationem, stationem, aut quempiam alium

aliud motum substituere, qui eandem representet adorationem: ut nimirum quoties gressum aut passum fecerit, velit & optet se fecisse DEO adorationem, subjectionem, humiliationem; &c. atq; hoc modo tantum erunt meritorii gressus illi & passus, quantum, si cultu latreutico genu flexisset. Similiter unicam piam aspirationem potest velle æquivalere multis, e. g. si dicat: *Amo & æstimo Te DEVS meus super omnia; illud Amo & æstimo* sic velit sonare, ac si diceret: *Amore & æstimatione totius mundi, vel totius Ecclesiæ militantis, ac triumphantis.*

IV. Possumus præterea actiones nostras, aliorum actionibus secundare, & quodammodo nostras facere; si eas velimus tanquam nostras DEO offerre, pro eis providentiæ Divinæ gratias agendo; pro iis, ac in iis DEVM laudando, sic e. g. ingrediens Templum, materia laudandi DEVM est: Laudare illum pro extructoribus illius Templi, pro Benefactoribus, qui illud ornavunt. Sic etiam possumus laudare DEVM; audiendo lectionem in schola, aut exhortationem, vel concionem, & offerendo DEO, eorum labores & potentias, qui laborant; similiter legendo librum & laudando DEVM pro eorum Authoribus, impressoribus, compactoribus. Cur etiam itinerantes non possumus gratias agere DEO, pro laboribus equorum, a rigarum, lociorum, &c. Cur pagum transeuntes, non possumus laudare DEVM per Angelos custodes incolarum. Certè hoc S. P. Ignatius videtur nobis præscripsisse; dum nos in omnibus DEVM querere iussit: hocq; SS. Patres facere solebant, dum ad has, prout nos vocamus, minutias, lynci & plusquam oculati essent.

V. Deinde possumus velle, actiones nostras sublimare meritis Christi & Beatissimæ Virginis. Cum enim Ecclesia, nihil habeat præstantius & pretiosius, quo possit facilius DEVM vel demereri, vel placare, quam Christum, & Matrem ejus, consultum est, ut quidquid agimus; id totum actionibus & meritis Christi uniamus, unitumq; offeramus DEO: vel certè in manibus Christi, benedicto ejus sanguine respersis, omnia nostra opera, Sanctissimæ Trinitati præsentari petamus: ita

namq; gratiis à DEO respicientur. Sicut moneta minus probata, admixta inter cupia legitima moneta plerumq; admittitur, & candè valere solet; aut gutta aqua in dolio vini, sapore vini acquirit. Ad hæc, possumus valorem operum nostrorum augmentare per vota iis præmissa. e. g. dicturus sum Coronam, sacrum celebraturus, mortificationem aliquam factururus, ita ut jam accinctus sim operis possum equidem talibus actibus præmittere votum, sed tale, quod se extendat ad præsentem duntaxat actum, non ultra; quodq; ita me tantum obliget, donec interveniat aliquod impedimentum, ut eo ipso cesset jam votum. Possumus etiam talia vota facere, pro non faciendis aliquibus operibus; e. g. si quis stimuletur ad aliqua inutilia, vel cuipiam molesta dicenda, ad curiosum aspectum, ad utendum hæc vel illa commoditate; expedit pro hac una vice idem votum facere; Possumus velle, facere aliquid boni, aut pati aliquid mali, semel pro semper, ita ut profiteamur DEO; nos hoc ita facere, vel pati nunc, ut parati simus pati, agereq; semper; quæ quidem intentio habitualis tamdiu valet, quamdiu opposito actu non revocatur.

VI. Possumus insuper, augere gratiam, per dilationem, & extensionem desideriorum, ad plures, & plures actus: desiderando scilicet DEVM amare & colere, omnibus nostris desideriis, quæcunq; juxta capacitatem substantiæ creatæ haberi possunt, tam in genere, quàm in specie. imò etiam in numero: quin & omnium creaturarum, etiam possibilem desideriiis, præteritis, præsentibus, & futuris, cum intensiōe animi quàm maxima, & cum possibili proportionē Geometrica, usq; in æternum; idq; ob motivum, quod DEO est gratissimum & acceptissimum. Ad hæc, possumus optare, omnium Angelorum & Sanctorum merita, fieriq; locupletissimi de aliorum laboribus, e. g. cum videmus, vel audimus, opus aliquod eximie virtutis, possumus cupere, nos illud fecisse. possumus sanctè invidere, possumus ardentè desiderare, e. g. lacrymas Petri, zelum Pauli, castimoniam Ioannis, orationesq; omnium Sanctorum virtutes.

VII. Possumus



VI. Possumus velle, copiosos in pauperes effundere nummos cum Ioanne Elëemofynario; totas cum Xaverio Indias Christo lucrari; tormenta omnium Martyrum subire; adeoque possumus bona voluntate esse Martyres sine ferro & sanguine. Quod postremum, ut reliquos taceam, evincit autoritas D. Chrysostomi, hoc suis identidem inculcantis, præsertim Oratione de S. Eustachio: *Sapenumero dixi vobis (ait) Martyrem facere, non moriem tantum, sed animi quoque propositum non enim evenit sola, sed etiam voluntate, Martyris corona comparatur.* Hinc celeberrimus Theologus Vasquez 1. 2. Qu. 76. docet, eum qui mortem pro Christo æquè perfectè desiderat, atque is, qui re ipsa mortem excipit, tantundem præ se reportaturum. Quamvis pollet quispiam, ardenti & efficaci Martyrii desiderio, læpius Martyr esse; ac longè meritis superare eum, qui unâ morte Martyrii laureolam consecutus est. Qualis creditur fuisse D. Bonaventura, qui tot acerbissimas mortes optavit subire, quæ unquam homines fuerunt, vel erunt; ut vel sic pollet satisfactere, pro sceleribus omnium mortalium. Votum quidem hoc fuit supra naturam; non tamen supra meritum. Quamquàm etiam supra naturam potest voluntas evolare, & ubi est opus, moraliter, vel etiam absolute impossibile, illuc meritum ac præmium sibi comparare. Lumen Doctorum Augustinus in amore extatico, ita in summam DEI bonitatem exarsit, ut exclamaret: *Si tu DEVS, esses Augustinus, & ego Augustinus essem DEVS; vellem ego DEVS fieri Augustinus, quò tu fieres & esses DEVS.* Simile fuit illud S. Brigittæ ad Deiparam sibi apparentem, terrerrimæ pietatis verbum. *Sic amo te MARIA, ut malim me Brigittam nunquam natam, imò damnatam fuisse, quàm ut MARIA Filio Iosephim, non fueris Mater DEI.* Sancta Theresia optabat, usquæ ad diem iudicii, perferre pænas Purgatorii; dummodo vel sic unam animam lucrifaceret. S. Catharina Senensis, optabat collocari super os inferni, ut eum sic alijs occluderet. Sanctus Augustinus ad illud supra memoratum excessivæ Charitatis votum, iungebat aliud, desiderando cum S. Gertrude, totam suæ carnis substantiam mutari in ceram, ossa & medullam in lychnum, animam

verò in flammam, ut instar candela posset consumi, & liquecere in usum a nati DEI. Sanctus Borgias dicebat; Volo me demittere & abicere, plusquam ullus hominum fecerit. Anima verò Christi ac DEI paræ, quàm flagranti voluntate fuerit, quis enarrare valeat? Eiusmodi ardentissima desideria, ex parte sua, efficacia; non minus grata fuere DEO; quàm si absolute fuissent effectum, sortita Efficacia inquam, nam quidquid hæcenus dictum, intelligi debet de voluntate efficaci, quæ tamen rarò habet locum, in vulgaribus iustis; qui nimirum vellent Martyrium, & interitum non ferunt patienter injuriosum verbum; qui vellent servire pestiferis, & adire Indus, cum vix apud ægrotum pernoscens qui rapi sibi videntur Inextitantes amoris; & exiguum laborem reformidant. Hæc enim non est voluntas efficaci; sed, prout vulgare fert verbum, velleitas, & simplex quædam complacentia.

VII. Simus ergo & nos viri desideriorum; cum, teste Blosio, DEVS non minus Sancto desiderio lateatur, quàm si tota anima, amore, ac devotione liqueat. Beatum appellat Regius Prophetarum, qui timet Dominum, in mandatis ejus vult nimis; id est exponente Richardo Victorino; etsi plus posse suo, non tamen plus velle suo. Eodem modo & nos velimus magna, & ardua animo præconcupiamus, optemus, expetamus. Addit nobis animus S. Chrysostomi quemlibet nostrum alloquens. Si & tu volueris apostolorum virtutem assequi, nihil Te prohibebit. Sola namq; voluntas, ac ferventissimus virtutum amor tibi sufficiet, augebit gratiam, merita cum nularit. Neq; enim tibi desideranti & hoc modo postulanti, negabit Gratiam suiq; amorem DEVS, qui ultro clamat: Ignem veni mittere, in terram, & quid volo, nisi ut accendatur. Verum est, hunc ignem esse donum DEI; quod ut altè animis nostris imprimat S. Augustinus, ait: Propterea donum DEI est, diligere DEVM; sed audi quid adjungat. Ipse ut diligeretur, donum dedit, qui non dilectus dilexit. Cogita ergo illum tibi dicere, quod Samaritanæ: Si scires donum DEI, & quis est, qui loquitur tibi cum, tu forsitan petisses ab eo, & ille dedisset tibi aquam vivam. Quam deinde petenti libenter & copiose exhibuit, dum illam fide

fide illuminatam, & ab illicito amore obductam, ad veram
DEI dilectionem traduxit.

VIII. Quod si tuis desideriis & petitioni, aliquam Corpo-
ris castigationem adhibeas, o quantum hac via, ad obtinen-
dum, quod pollulas, momentum adseres? S. Thomas Aqui-
nas ut in difficilibus questionibus lumen exciperet, orationi
ieiunium adungebat. & tu ad impetrandam Gratiam charitatisq;
Divinae gemmam, omni scientia pretiosiore, non libens ali-
quid laboris aut mortificationis impendes? Procius quispiam
Nobilis, dum illustrem genere Puellam ambit in Coniugem,
ubi ab illa inaudiat, se demum voti sui compotem fore, si iter
Hierosolymitanum conficiat, & confecta peregrinationis locu-
lentum referat testimonium; conditionem accipit, laborem tam
longinquæ viae generose exhaurit, ac tandem ponitur coniugio.
Tu qui Regis supremi Filiam, Gratiam, Charitatemq; Divinam,
tuam Consortem facere desideras, ut ad illam tibi dandam Pa-
trem æternum inclines, an non omnia tibi percontanda, & de-
voranda merito existimas? Audi Sponsam in Canticis,
mortalibus tam pretiosæ gemmæ cupidus dicentem. *Si
dederit homo omnem substantiam pro dilectione quasi nihil de-
spiciet eam.* Vide quid profana cupiditas in Siches-
mi filio, quid obtinendæ Michol in Davide
fecerit; & si tantum virum habuit fugi-
tiva ac canosa voluptas, quid à te
impetrare debeat Gratia Cha-
ritatisq; Divinae lauda-
bilis ambitio?



MEDITATIO III.

De Regno Christi.

Prælud. I. Imaginare Christum D. tribus ultimis vitæ suæ annis obeuntem cum Discipulis civitates, castella, & Synagogas; ibiq. prædicantem Evangelium, & docentem omnes, viam ad Cælum, tum verbo, tum exemplo.

Prælud. II. Pete à Christo gratiam, ut audias ejus vocationem prompteq. sequaris, & perfectè ipsum imiteris.

PUNCTUM I. Si Rex aliquis terrenus, ad hoc eligeretur à DEO, ut ipsi obediant omnes Christiani, essetq. præditus omnibus Regis dotibus, quæcunq. possunt excogitari, nam esset sapiens, prudens, fortis, magnanimus, opulentus, liberalis; amator subditorum; & qui non sua, sed eorum bona atq. commoda opraret & quæreret. Is ergo convocatis ad se omnibus subditis, ita eos alloqueretur: Fideles subditi mei, ego decrevi bellum inferre omnibus infidelibus, ut eos ad fidem Sanctam, & Ecclesiam Catholicam pertraham. Volo autem, ut in hac expeditione omnes me sequamini: supponite verò de me, quòd ego sim faturus primus ante omnes, in perferendis belli incommodis, in itineribus, in excubijs, noctisq. vigilijs, in ardoribus solis, in fame & siti, tandemq. in hostibus invadendis; eorumq. impetibus & ictibus sustinendis. Et tamen ex omnibus victoriarum spolijs, hostilibusq. manubijs, quæ multæ omninò futuræ sunt, nihil mihi appropriare volo; sed omnia inter vos dividenda curabo; ita; ut is majorem spoliiorum partem sit accepturus, qui me propius comitatus atq. imitatus fuerit. Iam cogita, quidnam æquum esset bonis subditis, respondere ad talem, tales Regis propositionem. Nonnè omnes! promptissimo animo sese offerrent ad illum sequendum, in tam gratiosa expeditione? Nonnè unus nomine omnium, in hunc similemve modum Regi responderet. Multis quidem titulis mereris, Regum optimè,

ut non

ut non tantum imperijs, sed etiam minimis nutibus tuis pareamus. Rapit enim nos in tui obsequium & amorem, illa pulcherrima oris Majestas, illa sapientiæ Prudentiæq; tuæ Magnitudo, illa celsitudo animi, pectorisq; robur invictum; illa Regiæ manûs munificentia, cæteraq; præstantissimæ cum animi, tum corporis tui dotes, quæ sicut te Regem nostrum faciunt; ita nos vicissim Tuæ devinciunt Maiestati. Hic tamen vel maximè erga nos Tuus Amor, qui totus commodis nostris invigilat, ita nos tibi obstringit, ut pro tuo honore, sanguinem & vitam profundere, sit nobis dulce. Quis enim ita brutus & ferreus, ut cum Regem suum conspiciat primum provolare ad arma, ad labores, ad pericula, ad vulnera; non se continuo mille mortibus exponat? Quandocunq; & quocunq; jubes, Regū optime, ibimus; paratos nutibus tuis semper invenies. Alacres ibimus. Nulla nos terrebunt pericula, nulli labores fatigabunt; mors ipsa, non modò ullam molestiam nobis adferet, sed etiam pro summa felicitate reputabitur. Vtere servis tuis pro arbitrio. Ita omnes unanimi responderent ore, & ad id exequendum communi Sacramento se obstringerent. Quod si aliquis detrectaret sequi Regem suum; adeo benevolum ac munificum; nonnè is pro ignavo, inertī, ac infami reputaretur? Nonne tanquam indignus reliquorum consortio, proseriberetur è sinibus Regni; nunquam deinceps ad ullos favores, dignitates, officia, immunitates admittendus.

II. Quidnam est IESVS Christus, Filius Dei Unigenitus, ipsiq; consubstantialis, & æqualis per omnia, nisi Rex æternus totius mundi, omniumq; hominum & Angelorum. Si spectes in eo Personam Divinam, Rex est connaturalis, Sapientiæ infinitæ, Omnipotentia, Bonitate, iustitiâ, Liberalitate, cæterisq; Attributis Divinis præditus. Si etiam spectes naturam ejus humanam; Rex est; tum propter unionem hypostaticam ejusdem naturæ cum Persona Divina, tum propter omnia, & naturæ & gratiæ dona, quibus à Spiritu Sancto est infinitè cumulatus. Hic igitur tantus Rex eo animo venit in mundum, ut expugnaret hominibus Regnum illud æternum.

Cœlestis gloriæ; & eos, qui mando, carni, Diabolo, serviebant à potestate illorum Tyrannica liberatos, suo dominio subjugaret. Ergo ille omnibus ad se vocatis, ut eum in hoc bello sacro, sequantur ac imitentur, illis verbis persuaderi *Venite ad me omnes, qui laboratis & onerati estis, & ego reficiam vos. Tollite iugum meum super vos; iugum enim meum suave est: & onus meum leve. Discite à me quia mitis sum & humilis corde, Qui vult venire post me abneget semetipsum, & tollat crucem suam & sequatur me.* Promittit autem Christus, quod ipsemet sit primus faturus, in sufferendis pugnæ laboribus & excipendis adversariorum telis. Nec tamen volet quidquam de victoriæ spolijs assumere sibi; sed ut omnia, inter suos milites fideles, cum proportionem distribuatur, juxta uniuscujusq; majorem aut minorem fidelitatem, atq; in dimicando strenuam fortitudinem. Quis igitur Christianorum, non offerret sese promptissimo animo, ad dimicandum cum Christo, in bello tam glorioso & proficuo. Nullus profectò, qui polleat recto judicio. Si enim irrationabile ac vituperabile esset, non sequi Regem terrenum in expugnatione Regni terreni, quod est parvi momenti comparative, & citò amissibile; quàm irrationabile, quàmq; vituperabile erit, non sequi Christum Regem æternū in expugnatione Regni Cœlestis, quod est summi momenti, & in æternū possidendum. Hoc igitur argumento convictus, si mum propositum concipiam, sequendi & imitandi Christum, quàm proximè & perfectissimè potero, in assumendis armis ad dimicandum aptis, ut abnegatione mei, mortificatione sensuum, obedientiâ &c.


III. Siquidem jam es Christianus ac Religiosus, adeoq; factus miles sub vexillo Crucis Christi; examina vi-
ram tuam præteritam, quomodo hætenus pro cælo expugnando dimicasti contra eos hostes, cōtra quos geritur hoc bellum; scilicet Mundum, carnem Diabolum; quorum arma non sunt alia, nisi inordinati appetitus, opum, voluptatum & honorum. Quomodo leges militiæ Christianæ observasti? vidi-
sti Regem Christum doctrinâ & exemplo ad omnia tibi præ-
euntem

euntem, in debellandis opibus hujus mundi, per Paupertatem; in vincendis carnis voluptatibus, per continuam mortificationem; in proterendis vanis honoribus per abnegationem sui, humilitatem, ac obedientiam. Elnè secutus, ac imitatus tuum Regem, in modo pugnandi, cum tuis adversariis? Fuiſtne Regi tuo fidelis? fuiſtne primus in impetendis hostibus eorumq; excipiendis telis; ut Regem tuum defenderes tibiq; apud eum amorem & gloriam comparares? an verò fugiſti è prælio, aciem ſolvisti, Regem turpiter deſeruiſti? O quantum in te reperies, ob quod meritò confundaris; ob quod jure timeas; non ſolùm te, de ſpolijs victoriæ, quidquam non relaturum, ſed etiam gravem infamiam, & ſupplícium habiturum? Si enim in bello temporali miles ille dignus eſſet gravi ignominia & ſupplício, qui eo tempore, quo hoſtis erat invadendus, terga verteret, ac de prælio fugeretur & multo majori adhuc notaretur infamia, pœnâq; plecteretur, qui pro eo, quòd eſſet deſenturus Regem, illè contra eum arma verteret, ad caſtra hoſtilia ſe recipiens. Tu, qui in hoc bello ſpirituali, toties terga vertiſti, toties è prælio fugiſti, toties Regem tuum deſeruiſti, toties contra eum arma ſumpſiſti, quoties tuis appetitibus inordinatis, opum, voluptatum, honorum, morem geſſiſti, quid ſpèras? Quà facie accedes ad tribunal tui Regis & iudicis; & quando dividet ſpolia victoriæ, quod facit in hora mortis, quà fronte ab illo petes aliquam eorum partem, cum ſcias a D. Paulo pròdem eſſe pronuntiatum: *Non coronabitur niſi qui legitime certaverit.* hoc eſt, niſi qui præſcriptas à Chriſto, militiæ Chriſtianæ leges exactè obſervaverit.

In Colloquio Deprecare Regem Tuum; Novoq; te illi Sacramento per vota Religioſa obſtringens, propone compenſare negligentias, & exorbitantias tuas; reſolvendo te ad aliquos heroicos actus, Chriſti cauſa exercendos.

Pater noſter,

DIES



DIES OCTAVA.

Dedicanda SS. Pontificibus ac Doctoribus, præsertim Augu-
stino, Gregorio, Thomæ Aquinati; nec non Doctoribus no-
stræ Religionis, bene de Ecclesia, meritis. in gratiarum
actionem pro insigni Eucharistiæ dono, in satisfæ-

ctionem pro peccatis contra reverentiam hujus
Sacramenti admissis; ad impetrandam illi-

us condignum usum, præsentim in
agone vitæ,

MEDITATIO I.

De duobus vexillis.

PUNCTUM I. Considera duos Duces inter se omnino oppo-
sites, Luciperum & Christum; & quomodo uterq; vocat ho-
mines, ut sub suo vexillo militent. Luciper, tanquam Prin-
ceps hujus mundi, degens in campo Babyloaiæ, sedet in thro-
no ignito & fumoso, totus terribilis, truci vultu, aspectu
horribili, stipatus innumeris Dæmonum legionibus, conjuratis
in perniciem mortalium & eversionem Regni Christi. Ergo
ille turbatâ immoderatâq; voce, convocatis ad se dæmonibus,
ait: Milites mei, hac voluntas mea est, ut omnes mortales trahamus ad
Regnum nostrum. Ergo per universum orbem dispergimini, ubiq; tendi-
te laqueos & retia, ad illos capiendos. Nullum omnino relinquitis, quem
non teneatis. Confidite verò, facile id vos effecturos, si meis monitis
obtemperetis. Non est ulla ratio efficacior illos decipiendi, quàm per
concupiscentiam carnis, per concupiscentiam oculorum, & superbiam vo-
ta. Ergo illis obtrudite sensum illecebræ, vestium splendorem, ciborum
lautitiam, pecunie utilitatem, possessionum emolumenta, bonorum culmina,
fastigia dignitatum. Ite, per Orbem volate, omnes accendite, à DEO
quàm plurimos potestis, avertite, & nostræ aggregate domino. Pro-
babit eventus, ausus vestros. Dæmones ergo mandato sui Ducis
protinus obtemperantes, agunt rem instantissimè; quasi leones
rugientes,

rugientes, Orbem circumeunt, quærentes quem devorent; variis fraudibus, sensibus animisq; hominum se insinuant; plurimos à vexillo Christi retrahunt, in suasq; pertrahunt partes, & in æternam perditionem secum abducunt. Desebo, hinc magnam cæcitatem multorum, à Dæmonibus seductorum, qui, cæcò, sciant non aliud fore stipendium laborum suorum, nisi mortem æternam; tamen Christo derelicto, ejusq; spretis consiliis, adhærent Diabolo, & ejus exequuntur svasiones. Meam quoq; stultitiam simul desebo, & damnabo, quia ex illorum numero, fui aliquando. Ah utinam non fuisset unquam; nec sim in posterum. *Ev. Jug.*

II. E contra verò Christus tanquam Princeps & Rex Electorum; in campo Hierusalem vicino, sedet in subscellio humili, sed gratiofo, totus amabilis, vultu amæno, oculis dulcè residentibus, circumfusam hominum multitudinem ad se invitans, illis verbis: *Si quis vult venire post me, abneget semetipsum, & tollat Crucem suam, & sequatur me.* Quibus verbis contraria prorsus svaset iis, quæ Diabolus suggerit. Quid enim est abnegare semetipsum? nisi renuntiare voluptatibus carnis, abdicare divitias, & contemnere honores, atq; excellentias Mundi? Quid deinde est, tollere Crucem suam? nisi paratum esse ad perferenda contraria omnia; nempe ad afflictionem mortificationemq; carnis, ad Paupertatis ærumnas, ad humilitatem, & subjectionem. Quæ opponuntur triplici illi concupiscentiæ à Diabolo suggestæ, non solum privativè; quia sunt carentia illius; sed etiam contrariè, quia inferunt contrariam passionem; pro voluptate, dolorem; pro rerum affluentia, earum penuriam; pro exaltatione, depressionem. Deniq; vult Christus, ut non solum abnegemus nosmetipsos, & tollamus crucem nostram; sed etiam ut sequamur & imitemur Christum. *Et sequatur me;* quia sicut milites conantur imitari Duces suos, & discipuli Magistros, & filii suos Parentes, eorumq; exemplo, inflammantur ad præclare facta, ut illis possint esse quàm simillimi: ita quoq; nos debemus inflammari exemplo Christi, ad heroica opera, ad abnegationem voluptatum, & mortificationem nostri, ad

contemptum divitiarum, & vanæ exaltationis; ut Christo Duci, Magistro, Patriq; nostro, quàm similimi evadamus. Et certe ita omnino convenit fieri: Cum enim Caro impellat me suis stimulis ad peccatum, debet mortificari: cum Divitiæ & Honores sint laqueus animæ & fomes peccati; fugienda sunt. Et cum præsens vita non possit esse absq; Cruce; ea potius est eligenda, quæ sit utilis pro comparanda felici æternitate. Talis autem est illa, quam intuitu Christi imitandi, feram. Sicut enim ille, ob amorem mei de cælo descendens, Crucem suam sustulit; ita quoq; decet, ut ego ob amorem ejus tollam Crucem meam, ut ab illo deinde in cælo præmium & mercedem recipiam.

III. Quibus autem rationibus Christus utitur, ad persuadenda hominibus ea, quæ in secundo puncto sunt posita. 1. *Qui voluerit animam suam salvam facere, perdet eam: qui autem perderit animam suam propter me, inveniet eam.* Sicut nimirum ille qui propter amorem Christi mortui, vitam suam exponit morti, tunc illam vel maxime lucratur; quia pro temporali & misera, recipiet æternam, & ex omni parte felicem, ita quoq; ille qui propter amorem Christi afflicti, pauperis, humiliati, & usq; ad mortem obedientis, libens abdicat & amittit carnis voluptates, divitiarum commoda, & culmina dignitatum, tunc vel maxime illa lucratur, quia hæc omnia recipiet in altera vita, cum favore centuplo. 2. *Quid prodest homini si mundum universum lucretur, animæ vero suæ detrimentum patiatur.* Interrogemus damnatos, quid eis modò prodest, quod olim fruerentur voluptatibus Corporis, quod affluerent multis divitiis, quod fulgerent summis honoribus? En ipsi sapienter 3. respondent: *Quid nobis profuit superbia, aut divitiarum jactantia, quid contulit nobis? Transierunt illa omnia velut umbra, velut somnium & tanquam Nuntius prateriens; modò autem tormenta nostra manent in æternum.* Quid prodest modò e.g. Alexandro Magno, aut Cæsari, quia laudantur ubi non sunt, & cruciantur ubi sunt? Quanto melius illis fuisset, si propter Christum despecti, contempti, obedientes, Pauperrimi, Egen-

Egentissimi, mortificati extitistis; sicut & contra, quid nocet Sanctis, modò cum DEO regnantibus, quòd fuerint Pauperes, Obedientes, Casti non solum non nocet; imò verò plurimum eis hoc prodest. *3. Filius hominis, venturus est in gloria Patris sui, cum angelis suis, & tunc reddet unicuique secundum opera ejus.* Tunc, ille qui vexillum Crucis Christi secutus fuit; in gloria Cœlesti, præmium ab eo referet, qui autem vexillo Sathanz adhæsit, in damnatione æterna, pœnam cum eo sustinebit. Cum ergo hæc ita omnino sint; & cum non liceat simul militare Christo & Sathanz; quia impossibile est duobus Dominis servire, præsertim ita diversis: videndum ac eligendum mihi est, cuinam potiùs adhæreám, & cui adhæsisse posthac iurabit, quando veniet tempus reddendæ rationis; & recipiendæ mercedis. Quanquam non sit opus, ad illud tempus respicere, illudq; expectare; cum etiam in præsentì jugum Sathanz sit durissimum gravissimumq; jam verò jugum Christi sit levissimum & suavissimum. Nonne de illo conqueruntur ipsi sequaces? *Lassati sumus in via iniquitatis, & ambulavimus vias difficiles.* Ad hoc autem Christus invitans, ait: *Venite ad me omnes qui laboratis & onerati estis, & ego reficiam vos. Discite à me, quia mitis sum & humilis corde.* Tollite jugum meum super vos. *Jugum enim meum suave est, & onus meum leve.* Res mira; quòd Crux Christi multis sit perfugium & levamen, præ servitute Mundi; per quam servitur voluptatibus, divitiis, & honoribus. Nam qui verè sapiunt, huc tandem, tanquam ad asylum & tanquam ad portum à jactatione securum, recipiunt sese: quod quidem faciunt soli mites & humiles corde; nam feroces & superbi, sapiëntiam istam non capiunt.

Colloquium fiat cum Christo, Gratiarum illi agendo, pro ejus magna erga nos propensione, ex qua nobis, tam vilia consilia suggerit. Offerendo promptissimè ad illius obsequium, tum corpus cum omnibus sensibus, tum animam cum omnibus ejus potentiis. Renuntiando ob amorem ejus, omnibus deliciis, divitiis, & honoribus; contrariarum verò amplectendo & exequendo.

Pater noster &c.

B b 2

Hiacula

Ejaculatoria per diem usurpanda

I. Domine sequar te, quocunq; jers.

II Vias tuas demonstra mihi, & semitas tuas edoce me.

III. Domine quo ibimus? verba vitæ æternæ habes.

D O G M A M A T V T I N V M.

*Gratia Ductu; insistendum est vitæ,
Mundo per omnia Contrariæ.*

I. **Q**Uod est anima in composito vivente; hoc in homine iusto Gratia. Sicut enim illa, est primum & radicale principium, omnium proprietatum & potentiarum. per quas deinde, compositum illud exit in actus, seu operationes sibi congruas: ita Gratiâ, veluti supernaturalem animæ nostræ substantiam, necessariò consequuntur supernaturales quædam facultates, seu habitus, quorum adminiculo edimus opera humanis majora, æternisq; digna præmiis; quæ alioquin humanis viribus, nec suscipi possunt, nec perfici. Ad illa ergo inchoanda, & consummanda, opus nobis est, lumine aliquo sublimi, cælesti, planèq; Divino. Quod nemo alius suppeditat, nisi ipsamet Gratia DEI, dum suis dictaminibus animam illuminat, in operando dirigit, & quasi manuducit. Porro dictamen hoc primum ac præcipuum est. *Insiſtendum eſſe vitæ, per omnia ſpiritus mundano contraria, viſq; oppoſitis incedendum; ſolius verò DEI, & Chriſti ductu, ac ſpiritu vivendum.* Neq; verò dictamen hoc iis duntaxat inculcandum, ac tenendum, qui modò primum sæculo nuntium remittunt, sed iis omnibus, qui aut jam perfecti sunt, aut esse volunt. Certè ad plurium annorum veteranos, Divus Bernardus verba fecit, dum eos plangeret, qui corde redeunt in Ægyptum, sæculi huius oblectamenta sectantes; ac proinde vitam fidei, quæ est Caritas, non habentes. In quorum numero nostræ quoq; Societatis homines, interdum reperiri, graviter dolet P. Claudius Aquaviva in suis Indultriis; ejusq; rediit in Ægyptum non obscura adfert indicia: cuiusmodi

modi sunt, signa quædam vanitatis erumpentia, amor excellentiæ, sæcularitas, & aulicifmus, in familiaritates Principum, gratiamq; externorum, sese insinuans; aversio à minùs speciosis Societatis ministeriis, politica agendi ratio, stulta quædam de se ad magna agenda præsumptio, & similia. Cum ergo nos, *non hujus mundi spiritum acceperimus, sed Spiritum qui ex DEO est*, ut inquit Apostolus, 1. Cor. 2. & ad Rom. 12. *Nolite conformari huic sæculo*; induentes scilicet mores mundi; ideo pro regula & norma vitæ nostræ non mundana dictamina, sed cælestia, ac Divina sunt nobis tenenda.

II. Notum illud est Sophon: 1. quàm horrendè DEVS minetur his, qui *induri sunt veste peregrinâ*; extraneâ scilicet, & quæ ab eorum professione, statuq; degeneret. Quid autem magis peregrinum, quàm servum Christi gestare insignia Antichristi; quàm DEO militantem, rursus se implicare sæcularibus negotiis? quàm hominem Religiosum, mundi opera, quibus renuntiaverat, repetere? *Incepisti* (ait S. Augustinus serm. 18. de Sanctis) *esse toto mundo major, & altior sæculò, ponens sub tuis pedibus, quod ipse supra caput suum collocat: ne igitur abicias te iterum, ut conformes te mundo, & ponas super caput tuum, quod priùs habebas sub pedibus*. Posuisti, sicut mystica illa mulier in Apocalypsi, sub tuis pedibus inconstantem bonorum temporarium Lunam, & super caput tuum, quasi coronam, stellas fixas bonorum æternorum; ideoq; Sol iustitiæ induit te totum, à pedibus usq; ad caput se ipso, & gloriosâ sui imitatione, in vita & moribus suis; ne igitur ordinem hunc invertas, sicut mundus, qui lunam ponit super caput suum, & stellas sub pedibus suis; contemnens nimirum spiritualia & æterna bona; pluris verò faciens temporalia. Quare vivendum est modo inverso, & Spiritu, è diametro repugnante ei, quo mundus vivit; sed illi quàm simillimo, quo ipsemet Christus vixit, de se ajens Ioan. 14. *Venit Princeps huius mundi, & in me non habet quidquam*. Quòd si in illo nihil habet; profectò in nobis nihil habere debet, qui sicut Nominis IESV heredes sumus; ita & Spiritus IESV esse debemus. Certe omnes eximii imita-

tores filii DEI, omnia sæculi delinimenta, tanquam venena reliquunt reprobantq;. Hinc S. P. Ignatius, non solum valde obleravit, omnem ad nos sæcularibus dignitatibus aditum, sed etiam humilitatem IESV strictissimè commendavit, ut non solum horreamus honores, sed etiam concupiscamus humiliationem, appetamus contemni, amemus exprobrari, gaudemus vilipendi, exultemus irrisi, & tanquam stulti habiti. Aurea profectò sunt, & Divino Spiritu plena, transcenduntq; omnem humanam sapientiam illa verba, quibus hoc commendans, scripsit Regulam, literis aureis insculpendam religioso cordi, quam Ludovicus de Ponte, doctrinam maximi momenti, & in vita spiritali valde pretiosam, cælestemq; appellat; incipit autem: *Diligenter animadvertant oportet &c.* Qua profectò doctrinà Vir ille Divinus, omnem Evangelicæ doctrinæ metallam, cælestemq; Sapientiam circumscripsit ita abundanter, ut non solum contemptum ipsius contemptus humani, sed etiam ardentem amorem humiliationis, totiusq; despectionis pro Christo nobis imprimat. Pudeat ergo magni facere, parvipendentes virtutem; cumq; Mundus oderit, & contemnat eam, non satis ulciscemur, nec satis vindicabimus DEVM, nisi ipsum oderimus contemnamusq; Mundum. Pudeat, Mundanos esse avidiores, ac diligentiores ad malum, quàm Religiosos ad bonum; proniores illos ad Vanitatem, inanemq; honorem, cum damno & periculo suo, quàm hos ad humilitatem utilissimam, multisq; gratiis & charitatibus S. Spiritus plenam: siquidem DEVS humilibus dat gratiam, superbis autem resistit. Merito igitur dixit Apostolus Iacobi 4. *Amicitia hujus mundi, inimica est DEI. Quicunq; ergo voluerit, amicus esse hujus sæculi; inimicus DEI constituitur.* An putatis inaniter à Scriptura dici: *Ad invidiam concupiscit Spiritus, qui habitat in vobis; majorem autem dat gratiam.* Quasi zelotypià quadam, & invidia affici videtur Spiritus Sanctus, cum inimicos DEI, magis strenuos ac diligentes, ad Mundi obsequia videat; quàm Servos Christi ad curam Gloriæ Divinæ, salutisq; suæ officia; maximè cum Viri Spirituales velut transfugæ ad inimicam

micam DEI, Mundi amicitiam, ejus honores, & alia quæ ipse amplectitur, ambiunt; quæ tamen tanquam abominationes Egyptiorum, odio prosequi debuisſent; nec ullatenus permittere, ut aquila ſuperbiæ, ſublime volans, medullam cedri, ex monte Libano devoret; hoc eſt, cor ejulmodi Religioſorum depaſcatur.

III. Cum enim profeſſio Religioſa ſit ſtatus Pænitentia, congregatio ſilentium peccata, grex mortificatorum hominum, cohors imitantium Chriſtum, cætus compatiendum & condolentium pro morte Filij DEI, in amaritudine animæ ſuæ, quibus dixit IESVS: *Mundus gaudebit, vos autem contriſtabimini.* Quid igitur vero pænitenti, cum gaudio hujus mundi? quid deploſanti crimina ſæculi, cum proſperitate ſæculari? quid humili cum honore? quid mortuo cum luce, cum ſplendore, cum felicitate & vitâ hujus mundi? quid ſervo IESV, cū Diaboli pompa & faſtu hominum, cum primarum Cathedralium Officiorumq; ſpecioſorumq; ambitu? Procul à nobis ſit velle lucere, qui lugere debemus; procul vivere huic mundo, ac emigrare in illo, qui ſumus mortui ſæculo, & conſepulti cum Chriſto, procul appetitus mundani honoris, quæ humilitatem Filij DEI ſumus amplexi; procul ſplendor & fulgor ſæcularis, qui miſeri judicamur à ſæculo. Monſtrum profeſſio eſt, imitationem IESV profiteri, & appetere mundi honorem; elegiſſe vitam abſconditam in Chriſto, & velle inter homines ſplendere: hoc enim eſt, quod vehementer diſſonat Filijs DEI, & legitimis Diſcipulis IESV Chriſti. Licet enim imperfectis & tepidis, non videatur abſurdum, imò putetur ſæpe rationi conſonum: at ii, qui verè imitantur Chriſtum, contraria longè melius capiunt, adeoq; non ſolùm non formidant humiliatorem, ſed etiam avidè appetunt, & in illa exſultant. Tali ſpiritu plenus erat S. P. Ignatius, qui amore IESV, ejusq; ſimilitudine lætatus, opprobriis pariter & contumeliis exultabat; ſicut de Apoſtolis dicitur: *ibant gaudentes à conſpectu conſilii, quoniam digni habiti ſunt pro nomine IESV contumeliâ pati.* Nimirum amor IESV eſt potentiffimus, cuiusq; imitatio effiax,
ut con.

ut condia t, ac suavifaciat omnia acerbâ & amara, Hinc verus amator & imitator Filij DEI, in nulla re gaudium voluptatemq; capit, nisi in ejus imitatione, hoc est in patientia, ignominia, laboribus, Cruce. Crux illi delictum est, Crux d. leedo, gaudium, omne bonum: gaudia verò Mundi, & quidquid ipse magnificat, per quod discedit à vita Christi, ejusq; doctrinâ; Crux illi est. Hinc D. Paulus, gloriabatur in laboribus, ignominia, infirmitatibus, in omni humilitate, & cruce IESV, ut sæpe in suis Epistolis meminit, præsertim cum dixit; se esse *crucifixum mundo, & sibi mundum*; quia quæ Mundus æstimabat, sibi Crux & pœna erant; iis verò gaudebat & gloriabatur, quæ Mundus molesta habet, & tanquam cruces putat, ac odit. Atq; in hoc S. Fundator noster voluit Apostolicos familiæ suæ viros, esse imitatores Apostoli, sicut & ipse fuit imitator Christi. Idcirco arduam & perfectissimam præscripsit Constitutionem, amandi propter Christum contemptus, & opprobria; Cujus quam multi fuerint diligentissimi observatores, hic paucis innuo.

IV. Fervens DEI Servus Cyprianus Zapata, Religiosus nostræ Societatis de omnium (quidem Regularum observantia erat sollicitus; hujus tamen Regulæ fuit studiosissimus; adeo, ut datâ ferè operâ, proferret aliqua inepta quo stultus reputaretur; ut hanc Regulam ita exerceat, convitiisq; gauderet onustus. Alphonsus Barretus Sanctâ quadâ cupidine humiliationis & contemptus incensus, nudis pedibus, & veste lugubri indutus, in publicum veniens forum, tanquam criminis reus, ad pilam marmoream quæ publico serviebat supplicio, alligari se fecit; ibiq; omnium dictis, ludibris, & publicæ ignominia expositus, egregium de se ipso, ipsoq; mundo triumphum obtinuit. Ejus Frater Melchior Nonnius Barretus, eo ipso die, quo Laureâ Doctoratûs à Conimbricensi Academiâ donatus fuit, pompâ & apparatu insolito, ad nostrum Collegium, à plenâ & illustri Academicorum catervâ deductus est; Meliorem Religionis Lauream assumpturus, Vix dum subsisterat in Domo Tyrocinii; cum, eo ipso die jubetur

jubeatur, ut pallio murato, in detritum futilēmq; amictum, & vervecem humeris sublatum, dono ferat per Urbem mediam, Marco Romæ Theologix Profefſori, cujus Patrocinio pro more uſus fuerat in ipſa Doctoratûs inauguratione; præſtò fuit imperio; doſumq; onerans, ac deferens injunctum onus, ſtupente populo perrexerit ad Romæ domum alacris, eiq; ſpectaculi inſolentiâ veluti attonito ac ſubita rei novitate, penitus ſtopeſacto, munus illud obtulit. Fidelis DEI paræ Virginis Cultor P. Martinus Gutierrez, & elevati Spiritûs, P. Balthazar Alvarez, aliq; è noſtris, licet gravium culparum innocentes, accuſari tacuerunt; nullatenus ſe exeulantes; quamvis ab aliis propterea contempti, magnam celebris nominis jactuſuram ad tempus fecerint. Ita multis, miriſq; modis Servi DEI, humilitatem Chriſti reverentes, omnem mundanum honorem, humanamq; gloriolam conculcârunt, ut vitam mundo contrariam agerent.

V. Advertendum tamen, iſta & conſimilia facta, regulariter, & ſecundùm communem legem, admiranda quidem eſſe, non tamen imitanda ſemper & agenda; cum Apoſtolus dicat: *ab omni ſpecie mali, abſtinete vos.* Itemq; *Quæ adificati-
onis ſunt, invicem cuſtodiamus.* Oportet igitur Servos DEI, contentos interim eſſe, ardentibus deſideriis, patiendi pro Chriſto opprobria, contumelias, falſaq; teſtimonia; ac illud votum devotiſſimi Thomæ à Kempis ſæpius repetendi: *Da
mibi Domine omnibus mori, quæ in mundo ſunt; & propter Te a-
mare contemni, ac nesciri in hoc ſeculo.* Atq; hoc eſt Dictamen Gratix ſequi; hoc ambulare Spiritu Chriſti, quem Mundus non poteſt accipere; quia ſemper contraria Chriſto, ejuſq; altiſſimis conſiliis gerit Principia & ſtudia.

VI. Ut verò hæc Sancta, patiendi pro Chriſto contemptus, excitare in te deſideria poſſis; hæc ſæpius profundiore animo revolve, ac moribus eventibuſq; Tuis applica. 1. Prudens architectus, dum altum molitur ædificium, conſq; terram eruit, donec ad firmum ac ſolidum perveniat fundum: ita qui perfectioni ſpirituale acquirendæ dant operam, ædificium vir-

tutum, *supra* nihilum Humilitatis, quo nihil solidius, construunt; se nihil æstimantes, & ut pro nihilo ab aliis habeantur, apprimè curantes. 2. DEVS, uti de nihilo Mundum aspectabilem condidit: ita, ut in anima hominis, mundum novum, Spiritualem creet; nihilum Humilitatis in illo requirit, quo seipsum pro nihilo reputet, & talis ab aliis haberi desideret. 3. si phiala OrySTALLINA radiis Solis illuminata, eam pulchritudinem, quam à radiorum collustratione recipit, sibi, suæq; industriæ tribueret, graviter insolesceret: quia quod suum non est, stultè sibi arrogaret. Quodsi non tantum lucem, sed etiam substantiam suam à sole accepisset, & tamen eam sibi attribueret; impudentia ipsius enormiter accresceret. Idem nobis accideret; si de aliquo tanquam nostro gloriaremur, qui omnia à DEO accepimus, & ex nobis sumus mera omnis boni privatio. Vade quemlibet nostrum inquam Apostolus. *Quid habes, quod non accepisti? si autem accepisti, unde gloriaris, quasi non acceperis?* Non tua sunt, sed DEI, quæ ad usum dedit; grande olim fœnus exacturus. En quo desinit gloriandi materia: in metum, in severa iudicia, ut cui plura data sunt, ab eo quoq; plura repetantur. En quàm humiles de nobis gerere sensus debemus? 4. Studiòse nobis *supra* cogitationes propriæ æstimationis vigilandum esse, monet S. Gregor: l. 26. mor: c. 1. si securè ambulare volumus; quia dum DEVS videt aliquid intus, quod mentem elevat, permittit foris invalescere, quod deprimat. Nunquam apud DEVM gratiam & magnam nostri æstimationem colligimus, nisi nos ipsos ex animo despiciamus. In profundum nostri nihili descendamus oportet; si ad culmen virtutum ascendere velimus. Cavendum, ut ait S. August: de Natur: & Grat: ne homo, dum, quod DEI est reputat suum, amittat, quod DEI est, & redeat ad suum. 5. Oculatus Virtutum arbiter S. Thomas Aquinas dicere solitus erat: Hominem, qui contemptum ferre non potest, etiam si miracula faciat, non esse pro Sancto, aut magnæ Virtutis Viro habendum. Vir quidam Solitarius, reputabatur inter Eremicolas non vulgariter Sanctus; Episcopus

pus loci, ut ejus virtutem exploraret, misit ad id probandum, aliquem prudentiâ & rerum cælestium cognitione probè instructum: hic tumultuariè, & militari quodam ausu ingressus cellam Solitarii, jubet ocreas ab eo sibi detrahi: qui arbitrarus, sese ab eo despici afficiq; probro; severo vultu interrogavit. *An nosset, quis esset?* Tum explorator. *Novi, ait, novi. O non es Sanctus, ut aliqui putant, quandoquidem oblatam humiliandi te occasionem non accipis.* Aliter se gessit citatus proximè Angelicus Theologus, similem humiliandi se occasionem nactus; qui à Fratre quodam simplici, potestatem à Superiore eundi ad Civitatem adepto, jussus, ut se eò prodeuntem comitaretur, libens paruit, socium illi se junxit, & nimium properantem Fratrem, anhelò passu secutus est: cunctis, qui tanti Viri dignitatem noverant, stupentibus. Eluxit heroicè tam heroicum sui Abnegandi studium, in Tertio Societatis Nostræ Generali, S. Francisco Borgia; cui claves Collegii tenenti, dum nomine Electro-synæ oblatus esset, mastratus jam Porcus; non neglexit Vir Sanctus, idoneam hanc deprimendi sui occasionem; sed impositum suis humeris onus, strenuè sustulit, ac in Officinam deportavit domesticam. Quid memorem illam generosissimam ejus sustinentiam; dum in divertorio, à Bustamantio prope decumbente, tota nocte sputis ac fædo rheumate coopertus, non solum tacuit; sed etiam, memoria consputi Christi erectus, de hac sui fortuita humiliati-one, hilaris exultavit. Suppari eum virtute æmulatus est P. Fabius de Fabiis, qui ex prima Romanæ Nobilitatis, eaq; Illustrissima stirpe oriundus, estò in Societate, summis quibusq; Generalatu dempto, Præfecturis perfunctus; ea tamen pollebat animi demissione, ut, (cum quidam ignotus Frater Coadjutor de via in Collegium Romanum venisset, & vestem luto infectam, purgare vellet, conspiciens prope Fabium, nec Viri dignitatem agnosceas, invitavit eum ad detergendas pallii calceorumq; sordes) non detraxerit Vir humilis, humile obsequium, sed prompta Fratrem alacritate juverit in abjecto opere: donec à domesticis detectus, quis esset, Fra-

tri præ pudore se deprecanti, sinceras egie gratias, quodd. sibi optatam humiliandi se præbuisse materiam.

MEDITATIO II.

De tribus Gradibus Humilitatis.

Prelud. I. Cogita, te stare coram Christo, cum ejus Discipulis, & audire ab illo exhortationem illam: *Discite à me quia mitis sum & humilis corde.*

Prelud. II. Pete à Christo, ut ab eo, tanquam Summo Professore discas, non solum intelligentia, sed etiam imitatione: quid sit illa humilitas, quam te vult docere.

PUNCEM I. Primus & infimus humilitatis gradus est, ut pone ita subdam voluntati ac legi DEI, ut malim potius mori, quàm DEVM offendere aliquo peccato mortali. Vbi expende. 1. Quàm sit rationi consentaneum, ut vile mancipium & creatura DEI, subdat se sanctissimæ voluntati sui Regis; à quâ, velit nolit, debet dependere, propter naturalem sibiq; essentialem subordinationem suam ad illam. Si enim Reges terreni, jure id exigunt, à suis subditis, ut sua mandata, etiam cum detrimento facultatum, & vitæ ipsius exequantur; quamvis ab illis nec facultates nec vitam habeant; multò majori jure DEVS id à nobis, suis Creaturis exigit, utpote qui & facultates, & ipsam vitam ab illo accepimus, tum per creationem, tum per conservationem. 2. id esse valde utile hominibus, sic enim sibi conciliant amicitiam DEI, & plurima dona, ac finaliter vitam æternam. Si vis ad vitam ingredi, serva mandata. 3. Ita se gessit Christus, ita Martyres, ita alii permulti, qui maluerunt opes, honores, ipsamq; vitam perdere, quàm voluntati, legiq; Divinæ contravenire. Si ergo & tu vis ad vitam æternam ingredi, resiste omnibus temptationibus, quæ te ad violandam DEI voluntatem sollicitant. Age gratias DEO, quod te à multis occasionibus violandi legem DEI.

DEI abstraxerit, vocando te ad Religionem & saeculo, tanquam
Letho educendo te de Sodoma; in locum securitatis. Non fi-
de ramen tibi; etiam hic Diabolus non dormit; sed circuit
tanquam leo rogiens, quarens, ut te devorer. Roga ergo
impensè auxilium DEI, ut tibi præstò sit semper, ubiq; ac
in omni occasione, quod te dirigat, protegat, defendat, eru-
at, &c.

II. Secundus & jam altior humilitatis gradus est, ut re-
ita subdas voluntati Legi; Divinæ, ut mori potius malis,
quàm ullum peccatum veniale deliberatè committere, ubi ex-
pende. 1. quàm hoc sit rectæ rationi consonum; siquidem
æquissimum est, ut Filius ita æstimet & appetier voluntatem
Patris sui amantissimi ac dignissimi, ut ipsius honori non so-
lùm postponat fortunas temporales; sed etiam vitam ipsam.
Atqui DEVS, est Pater tuus amantissimus, atq; dignissimus
omni honore; igitur tu velut Filius ingenuus, debes malle,
vitam potius amittere, quàm illum deliberatè; etiam leviter
offendere. 2. Quanta est illorum miseria, qui in istum gra-
dum non conantur ascendere: siquidem illi non habent con-
scientiam tranquillam; non sunt in fida cum DEO amicitia; ca-
rent Divinis consolationibûs, lumine spirituali, robore & for-
titudine ad resistendum tentationibus, sensim disponuntur ad
mortalia, vivunt cum mala ædificatione, Sancti verò cona-
bantur omnibus modis, in istum gradum ascendere. Porro
hi duabus proprietatibus sunt præditi: 1. quòd sint indiffe-
rentes ad habenda vel non habenda quælibet bona temporaria,
ita, ut estò istis creaturis habendis contrarii sint, quas vi-
dent esse vel leviter repugnantes legi Divinæ; tamen eas; in-
quibus habendis vel non habendis, est æqualis Gloria DEI,
indifferenter volunt. 2. quòd retineant voluntatem fruendi
commoditatibus corporis, facultatibus, & honoribus, mo-
dò id fiat sine levi etiam offensa DEI. Verùm hi non sunt
usq; adeo perfecti, neq; student multis Virtutibus acquiren-
dis. Examina te, utrum hunc saltem humilitatis gradum
conscenderis; an Cor tuum non adhæreat bono alicui creato;

ita ut propter illius respectum, sæpè committas peccata venialia; e. g. verba mendacia, Curiositates, garrulitates, sensualitates &c.

III. Tertius isq; Supremus humilitatis gradus est: Vt, si alicui proponantur duo ad eligendum, objecta, in quorum utroq; est æqualis gloria DEI; unum tamen illorum est magis abjectum, magis pænosum & afflictivum, magisq; egenum; & ille hoc potius eligit quàm illud; idq; ob respectum Christi Domini, propter nos valdè humilitati, abjecti, afflicti, & ad extremam Paupertatem redacti, imò exinaniti, ut illum quàm proximè imitetur; jam ille est in tertio Humilitatis gradu. E. g. proponuntur alicui Adolescenti, Paupertas & Divitiæ; item contemptus & honores, item afflictiones & voluptates; ille probabilis existimat, quòd si alterutrum elegerit, par sequeretur gloria DEI, salutq; animæ ipsius; interim venit ei reflexio. Christum potuisse esse divitem in Mundo, & tam benè potuisse promovere gloriam Patris æterni, per divitias, quibus abundasset plusquàm Salomon, atq; defacto eam promovit per Paupertatem; & tamen ille potius elegit Paupertatem. Et sic, de contemptu & honore, de afflictione & deliciis discurrendum. Igitur & ego propter amorem & imitationem illius, eligo potius Pauper, abjectus, & afflictus esse in domo DEI mei. Vt autem aliquis possit facilius gradum istum conscendere; valdè illum juvabit, si in quovis casu dubiæ Electionis, enixè petat à DEO, ut nobis illud extremum potius disponat & concedat, quòd est magis contrarium sensualitati nostræ, uti sunt: Paupertas, Ignominia, Dolores, aliæq; pænalitates; quibus magis assimilamur Christo Domino, ejus vestes & insignia induentes; siquidem ipse propter majorem protectum nostrum spirituale illa induit, nobisq; exemplum dedit, ut Eum, quantum fieri poterit, in omnibus imitemur: cum ille sit vera Via, quæ ducit homines ad Vitam.

Colloquium triplex fiat. 1. cum Beatissima Virgine, petendo ab illa, ut nobis impetret veram Filii sui imitationem.

2. cum

2. cum Filio, ut nos ad eam admittat. 3. cum Patre æterno, ut gratiam nobis uberem largiatur, illam perficiendi. Terminenturq; ordine suo, per Ave MARIA, Anima Christi, Pater noster.

REFLEXIO

Supra

PAUPERTATEM RELIGIOSAM.

Non animum turbet placidum penuria rerum;
 Fixior hæc humili sedeat sententia mente;
 Te nec iis dignum, quæ semper habere necessum;
 Esse DEO cordi, quidquid tua vita requirit.
 Oblatæ tibi res nimix, fastidia gignant.
 Ne afficiare rei nimium, quam postulat usus;
 Nec paveas, ne quando tibi quis subtrahat illam.
 Quæ pascunt oculos. & mulcent mollia corda;
 Nulla de causa foveas damnata latebris.
 Quæis frueris, poterasve frui, tua commoda, mente
 Non recolas; horum teneant oblivia sensus.
 Quo reliqui proprium circumdant corpus amictu,
 Convenit, ut simili tua cultu membra tegantur;
 Pulchra tibi curæ non sint, quæis dextra laboris,
 Plus dedit artificis; reliquos superante decore.
 Vilia ne temnas, vel quæ detriverit usus;
 Materiæ vel sint humilis; potiùsq; subintret
 Mentem; deberi tibi nil præstantiùs unquam.
 Pauperes quos sæva premit, sub pectore serva;
 Et si sunt, largas in eos effunde crumenas.
 Interdum vigilans oculus conclave pererret;
 Indagans, aliquid nimium si continet intus.

REFLE-

R E F L E X I O

Supra

RECREATIONEM RELIGIOSAM.

Nuper ab auditis ad mensam, occasio datur
 Dicendis: caveas alienam rodere famam.
 Sed neq; contendas adversa refellere dictas;
 Non nimis attollas vocem; nec iurgia crescant;
 Non vellas temerè sociorum salibus aures;
 Religiosa beet dulces concordia lingvas;
 Dilectum potius sapiant pia verba Tonantem;
 Non nimis in socios defigas lumina vultus;
 Contineas tactum; gestus moderare procaces,
 Non interrompas; nec solus multa loquaris;
 Det spatium dicendi aliis moderatio prudens.
 Abrumpas verbum, mandante silentia pulsu.

D O G M A P O M E R I D I A N V M.

*Ex Gratia Dictamine, spiritu facta Carnis
 mortificanda.*

I. **D**ictamen hoc, illis Apostoli verbis continetur: De-
 bitores sumus, non carni, ut secundum carnem vivamus; si
 anim secundum carnem vixeritū, moriemini: si autem spiritu, facta
 carnis mortificaveritis, vivetis. Rom. 8. Pulchrè S. Aug: serm: 17.
 de verb: Apost. Dicebat Epicurus; Mihi frui carnes bonum est. Di-
 cebat Stoicus; Mihi frui bonā mente, bonum est. Dicebat apostolus.
 Mihi autem adherere DEO, bonum est. Errat Epicurus, fallitur sto-
 icus. Tunc enim rectè anima vivit, si non secundum carnem, nec se-
 cundum se ipsam; sed secundum DEVM vivat. Et quam vitā vi-
 vet? humanāne, & caducat minimè. Vivet novissimè celesti
 & Divinā: quia Spiritum DEI habebit, & nonnisi celestia re-
 spirabit,

spirabit arcana; vita enim sine spiritu, & respiratione non est. *Quaris autem, inquit S. Bernardus, serm. 72. in cant: in quo sit ista respiratio? In eo, si incipiat spiritus vicissim concupiscere adversus carnem. Huius si repugnas, respiras; si spiritu facta carnis mortificas, respirasti; si hanc cum vitis, & concupiscentiis suis crucifigis, respirasti. Cessigo, inquit, corpus meum, & in servitutem redigo; ne forte, cum aliis predicaverim, ipse reprobus efficiar. 1^a Cor: 9. Vox est respirantis, imo qui jam respiraret. Vade & tu fac similiter, ut te respirasse probes. Hæc Bernardus. Quid igitur beatus, & quid vitalius, quàm spiritu Dei respirare, & vivere vitam Christi? Hoc est, quod idem Paulus dixit: Semper mortificationem IESU in corpore nostro circumferentes, ut & vita IESU manifestetur in corporibus nostris: Vnde monemur: mortificationem Viris verè spiritualibus, ut apprimè necessariam, ita semper esse gratissimam. Quantum enim distat cælum, à terra; tantum recedunt cogitationes Servorum DEI, à cogitationibus filiorum Adam; tantum distant illorum opera, ab operibus istorum, & ab affectibus, affectus. Quod hi timeant, illi desiderant; quod hi amant, illi oderunt; quod hi putant vitam, illi mortem; quod hi felicitatem, illi materiam; quod hi egstatem, illi divitias; Sicut enim contraria sunt illorum facta, & opera, sic opiniones ac iudicia, studiaq;.*

II. Neq; opus est multis ad hoc ostendendum. Quid magis concupiscunt mundani, quàm voluptates, & delicias; quid magis ægrè ferunt, quàm adversus cupiditates suas insurgere, conterere passiones, vanos præcidere affectus, naturam vincere, abstinere voluptatibus, reijcere affluentes opes, fugere honores; & ut semel dicam. *Mori huius sæculo, mori rebus omnibus, mori sibi.* Nihil profecto horribilius carnalibus hominibus. At Viri verè spirituales, nihil optatius, nihil carius habent, & expectant. Hanc avent, hanc concupiscunt mortem, in qua vita, & non qualis qualis, sed vita Christi abscondita est; hæc sunt vota illorum, hæc delicia, hæc opulentia; mori mundo, & sibi invenire sepulchrum, ut vivi tanquam sepulti sint; quod omnibus divitiis, & thesauris præponunt. Certè S.

Greg: M. isto servorum DEI Spiritu agebatur, fuitq; in eorum numero, nam, cum os loquatur ex abundantia cordis, de mortificationis desiderio interpretatus illa S. Iob verba: *Qui expectant mortem, & non venit; quasi effodientes thesaurum, gaudentq; vehementer, cum invenerint sepulchrum.* Iob 3 Sic ait. *Desiderant quippe se mortificare funditus atq; ab omni vita glorie temporalis exingueri; sed oculis saepe DEI iudicii, vel praeesse in regimine, vel occupari in juratis honoribus compelluntur, atq; inter hac mortificationem plenissimam indefinenter expectant.* Neq; hæc expectatio quancunq; est; sed vehemens, & æcis, ac simillima avidissimo omnium desiderio divitiarum, tanquam si quaererent thesaurum; neq; aliter exsultant cum maiore sui mortificatione, cum sepultura sui; quam si avarus invenisset amplas opes. *Habemus enim thesaurum istum in vasis fictilibus;* in his sunt cor-poribus debilibus, & contemptilibus; dum ea castigamus, & in servitutem redigimus; uti quidem ex mandato, & exemplo Christi, ex debito & officio nostro debemus.

III. Imprimis enim legem mortificandi affectus, tulit Filius DEI dicens: *Si quis venit post me, abneget semetipsum, & tollat crucem suam, & sequatur me.* Mat: 16. Iustissima est lex militæ Christianæ, à qua ipse Rex, & Legislatores noster Christus noluit esse solutus, eamq; ipso implevit facto. Quodsi igitur humanum exemplum tantas habet vires; quantas habebit Divinum? Exemplum humanum cogit, cur Divinum non suadet? quis videns Filium DEI, & Dominum Gloriæ innocenter verberatum, convitumq; onustum, non dissimulabit levem adversitatem, quam pro multis peccatis, merito patitur? Quis, videns altissimum cæli, & terræ Dominum exinanitum, & usq; ad ignominiam Crucis humilitatum, non si-lebit? cum aliquem honorem, locum, officium, gradum, ne-gatum sibi noverit. Quis, videns Christum Cruce onustum, & postea crucifixum; si aliquem pudorem habet; non dicet cum Apostolo: *Mihi autem absit gloriari, nisi in Cruce Domini nostri IESU Christi?* Quem non ligabit, & urgebit hæc poten-tissima exempli lex? Quem non trahet post se IESVS, hoc so-lo, quod

lo, quòd antecederet? Profectò non opus erat verbum aliquod dixisse, nec pronuntiasse iustam illam, & contentaneam sententiam: *Si quis venit post me, abneget semetipsum, & tollat crucem suam, & sequatur me.* Sufficiebat antecessisse IESVM, & hoc solo tenebamur, hoc solo constringendi ac post illum trahendi eramus; quemadmodum ipse Dominus ait: *Cùm exaltatus fuero à terra, omnia traham ad me ipsum.*

IV. Neq; verò ullum certius est amicitia nostræ cum Christo durantis argumentum, quàm ejus qui est Rex noster & caput nostrum, crucem ferre. Si enim Iobo supra sterquilinum sedente, testaq; radente saniem, amici eius ibidem confederunt. Si David nudis pedibus ex urbe Hierosolyma egrediente, nullius amicorum, ut suam erga Regem probaret amicitiam, voluit equum ascendere; sed omnes eum comitabantur pedibus: si Iobo & Arca Domini sub papilionibus manente, Vrius noluit in suam divertere domum; quomodo nos non pudebit, sub Cruce Christi militare, & tamen eam horrere ac fugere? quomodo non pudebit, sub spinoso Capite membra esse delicata. Nul- lum quoq; gloriosius contingere nobis potest exercitium, quàm Christum in ferenda Cruce imitari; qui estò fuisset in anima gloriosus, tamen eam gloriam, quæ connaturaliter redundasset in Corpus, virtute sua Divina còercuit, ut pro nobis, in passibili mortaliq; corpore, posset indignissima quæq; perpeti; prout de facto perpeffus est; Vtq; per hoc, tum sibi tum nobis, perennem gloriam compararet. Quidam & nos gloriosi abundi exclamemus cum Apostolo: *Mibi autem absit gloriari, nisi in Cruce D. N. IESV Christi.*

V. Idcirco multi Servi DEI, mortificatione IESV Christi in corpore suo circumferentes, æternū suis sensibus bellū indixerunt; multaq; inventa excogitarunt, ut assidue suos impugnando sensus, seipsos ab ipsis sensibus abstraherent. Devotissimus P. Ioannes Trexus nostræ Societatis, ne à continua mortificatione cessaret, totā buccam, linguam, & palatum abluebat felle, tanquam aquā rosacea, ipsumq; masticabat; ut interdiu amaror ille perdurarer. Taceo alios, quorum pleni sunt libri, qui aulteram hanc mortifica-

tionis legem, à mitissimo Domino, non magis verbo, quàm exemplo promulgatam amplexi sunt, ut viti spirituales evaderent.

VI. Si in eo naturæ integræ statu, in quo Adam primus degebat, constitui essemus, nullâ egeremus carnis & passionum mortificatione: nam ibi corpus subiacebat animæ; passionēs & appetitus sensitivi obtemperabant rationi; ratio tandem parebat DEO; ita ut homo contemplans voluntatem ejus, ultro liberè se illi conformaret. Sed quia per primævam Parentum nostrorum culpam, inversa sunt omnia, non minus fædè, quàm si membra sursum, deorsum essent locata; ideo si homo vivere velit secundùm rationem; id est, ut homo, quod est unicū ejus bonum, non ut bestia; & multò magis, si velit vivere Christianè, si Religiosè, neq; in sæcularia desideria relabi; mortificatione uti debet omnino, ut per eam primævæ restituatur felicitati, parendo prout oportet rationi legiq; Divinæ; atq; sic veterem hominem redigendo in servitutem, & cum actibus suis crucifigendo.

VII. *Non habemus hæc manentem Civitatem, sed futuram inquirimus*, per anihela scilicet vota, per ima suspiria, per ardentia desideria. Porro nullus Viatorum potest perfectio bonorum cælestium accendi desiderio, nisi fuerit diligens in carne coercenda, & pravis cupiditatibus refrenandis. Nam sicut Filii Israel in deserto manentes, non prius exierunt appetere terram Promissionis, donec fuissent obliti cepearum Ægypti & carniarum, ita ei qui cupit appetere æternam felicitatem, postponendæ sunt carnis illecebræ, corporisq; commoditates prius contemnendæ. *Vadam ad montem Myrrhæ, & ad collem thuris;* ait Sponsa. Quia ut anima instar Virgule thuris, desiderio accenso feratur sursum ad cælum; prius illi in monte myrrhæ ac mortificationis commorandum. Hinc judicio omnium Sapientum, tota hominis mortalem vitam agentis Philosophia consistit, in mortificanda carne, frenandisq; lenitibus ejus appetitibus. Nam homo immortificatus plenus est inquietudine, semper ut mare fervet, semper velut in cribro agitur. Mortificatus verò in summa degit pace, vita prope cælesti fruitor, humanis

manis rebus evadit Superior, neq; prosperis neq; adversis frangitur; prout ingenti bono suo experti sunt Sancti, qui licet exterius aspera duxerint vitæ; intus tamē celesti abundabant solario, quo incitati, ad bona anhelantes celestia, exclamabant: *Quam magna multitudo dulcedinis tua Domine, quam abscondisti timentibus te.*

VIII. Atq; hoc illorum ardens ac unicum mortificandi se fuit studium; ideoq; in illorum vitis illud observatum; Nullos panē Sanctos, miraculis & gestorum, rerumq; admirandaum gloria claruisse, nisi illos, qui jejuniis, corporis caugationibus, vitæq; austeritate excelluerunt; radio etiam & mærore affici solitos, si his carerent. Qualis erat M. Indiarum Apostolus ita de se lib. 1. ep. 1. scribens: *Equidem sic mihi persuadeo, crucis Christi Domini amatores vitam ejusmodi arumnis exercitiam, beatam ducere: crucis autem fugam, aut vacuitatem, mortis instar putare. Mihi credite, nulla crux est cum hac cruce comparanda. Rursus. Quam beatum est vivere, quotidie moriendo; nostrasq; frangendo cupiditates, ut queramus non qua nostra sunt, sed qua IESU Christi.*

IX. tam verò quali officio ac debito obliget mortificatio Religiosos, ad vivendum & ambulandum spiritu, consulamus S. Augustinum, & S. Gregorium Nazianz. Primus ille serm. 13. de verbis Domini, ait: *Hoc est opus nostrum in hac vita, actiones carnis spiritu mortificare quotidie, affligere, minuire, frenare, interimere. Hac est actio nostra, hac nostra militia. Nobiscum quoq; loquitur S. Petrus auctoris. In hoc vocati estis, quia & Christus passus est pro nobis, vobis relinquens exemplum, ut sequamini vestigia ejus. Nimirum, ut jequamur IESUM, abnegantes nosmetipsos, & tollentes crucem nostram. Hoc est non solum officium, sed status noster desideria sæculi opprimere, jugulare appetitum, trucidare omnem motum naturæ ad hoc vota emisimus, hac est nostra professio; nihil hac vocatione sublimius, nihil dignius, nihil honoratius, feliciusre. Si verò Gregog. Nazianz. in Apol. 1. idem Religiosi officium describens, ait. Nihil mihi fortunatius eo homine videbatur, qui clausus, compressisq; corporis sensibus, atq; extra carnem, mundumq; positus, in seq. collectus, nec nisi summa necessitate impellente, quidquam re-*

rum humanarum attingenti, atq; locum ipse & cum DEO colloquens; superiorem rebus in aspectum cadentibus vitam agit; Divinasq; species & imagines puras, semper, nec ullis terrenis, & errabundis formis permixtas in se ipso circumfert, ac DEI rerumq; Divinarum purum omnino speculum est, in diesq; efficitur; cum luci lucem, obscuriori videlicet clariorem adjungit, ac jam futuri avi bono fruitur, & cum Angelis versatur; & licet adhuc in terris agens terram deserit, atq; à spiritu in celo collocatur.

X. Quodsi comoda mortificationis quaeruntur? Hæc una est remedium omnium malorum: mala namq; aut sunt pænæ, aut culpæ; utrumq; malorum genus mortificati effugiunt, soli enim, ait S. Chrysost; in tranquillo portu, & securitate summa residentes, velut ex celo ipso, caterorum naufragia prospectant. Nam conversationem planè caelestem elegerunt, nihilq; deterius Angelis sunt effecti: & quidem tum propter innocentiam cordisq; puritatem, tum propter quandam impassibilitatem, sensuumq; & affectionum abstractionem, Angeli dici merentur. Unde enim tristitia, unde anxietates, unde affectuum tumultus, unde dolores cordis, nisi ex mortificationis defectu. Rectè S. Augustinus dixit: Iussisti Domine, & ita fit, ut animus inordinatus ipse sibi sit pæna. Quis factus est sibi met ipsi gravis? quis onerosus? quis molestus? quis importunus sibi, & aliis? nisi qui nescit affectibus suis imperare, qui suas cupiditates non edêrcet. Hoc satis novit S. Iacobus, cùm c. 4. dixit. Unde bella, unde lites, in vobis? nonne ex concupiscentiis vestris? Concupiscitis, & non habetis, occiditis. & zelatis; non potestis adipisci, & litigatis, belligeratis, & non habetis, propter quod non postulastis. Petitis, & non accipitis; eò quòd malè petatis, ut in concupiscentiis vestris insumatis. Imprudentia enim & impudentia inde edibilis, cupiditatum nostrarum sunt tormenta, cruciatuq; nostri: namq; multa concupiscimus; sed quia temerè & stultè; hinc fit, quòd frustratis nostris votis, aduramur, cruciemur, rumpamur, moriamurq; vivendos; imò vitam ipsam morte mortaliorem & miseriorem agamus! Quot timores! quot anxietates! quot mortes quotidie immortificatus! præcipuè in Communitate religiosa, ubi difficillimum est vivere

est, vivere secundum desideria secularia, patitur? At quam prosperè mortificatus, quam placidè, quam tranquillè procedit cum omnia videat suum juvare propolitus. *De malis culpe, non est opus dicere; cum luce clarius sit, omnes defectus omniaq; peccata ex defectu mortificationis oriri.* Caro enim nostra, nisi freno rectæ rationis gubernetur, est seminarium omnium vitiorum; cum sit perſimilis Puellæ illi à Petrarca depictæ; Quæ cum mulæ insidens, iter cum pedissequa faceret, & dentem offendisset sylvam, in qua dux se aperiebant viæ, una latronibus insens; altera non item; nullum suæ peritis exquirens consilium, frenum suæ mulæ in ejus colium abiecit, ut illa, quàm vellet, viam eligeret: quæ ipsam rectâ in manus latronum iniecit, miserè ab illis spoliandam, & omnibus afficiendam injuriis. Ita planè illi videntur agere, qui in sectanda vitæ ratione, dum carni consulare nimium volunt, ejusq; concupiscentiis frena laxant & commoditatibus per omnia indulgent, multis interim peccatorum occasionibus, & laqueis miserè sese induunt; atq; ita ruunt in exitiû.

XI. Sed sicut defectus mortificationis est fons omnium defectuum: ita usus illius, est Spongia, fædas peccatorum maculas abstergens. Audi S. Gregorium dicentem: *Cogitandum summeperere est, ut, qui se illicita meminist perpetrâsse, à quibusdam etiam licitis studeat abstinere, quatenus per hoc satisfaciat Conditori.* Intuere Davidem acriter jejuniis peccata sua castigantem, & sic DEO satisfacientem. Vide Magdalenam, Mariam Ægyptiacam, Gunthelmum, Theophilum, & innumera sanctorum Pœnitentium apmina, severis ac diuturnis pœnis in se animadvertentia, ut hanc veritatem agnoscas. Noverant enim hi Sancti, DEVM omnia nostra peccata, vel in præsentem vel in futuro punire, nisi nos ipsi ea in præsentem puniamus; unde malebant ea temporaneis hujus vitæ, quàm æternis, aut peculiaribus ignis purgatorii castigari supplicis.

XII Verùm carnis per spiritum mortificatio, non solum est remedium omnium malorum; sed insuper dici potest cunctorum cornucopia bonorum; non solum enim tollit omnia mala, sed

sed etiam largitur cuncta bona, estq; medium salutis prae-
 pium. Egregie Euseb: Nieremb. de ader: l. 2. c. 9. *Via sal-*
vationis rectè dicitur via perditionis: perde & signa sensus cum cru-
ce Christi, & salvi erunt: esto cecus, & erue oculos tuos; sic vide-
bis bene: esto sardus; sic audies bene: esto mutus; sic bene loqueris:
esto jejunsus, sic bene gustabis: esto sine manibus & negotiis, sic bene
operaberis, esto tibi odiosus, sic bene amabis: esto mortuus mundo, sic
bene vives: esto timidus, sic securus eris: esto tibi vilis, sic honoraberis;
esto laboriosus, sic eris in quiete: susepe omne malum, sic habebis o-
mne bonum, quod est in cruce. Neq; mirum; studio mortificati-
 onis tantam inesse vim, ad impetranda nobis apud DEVM
 cuncta bona; cum illi, sit sacrificii instar acceptissimum; ita
 ut gratus DEO accedat, unum florem, studio placendi sibi non
 odorari, vel unum craterem aquae in conspectu illius effunde-
 re, ac offerre, prout fecit Rex David; quàm mortuam susci-
 tare. Amorem namq; mortificationis, & Crucis, Christus no-
 bis, tanquam rem max mè sibi amabilem ultimo testamento
 legavit: *Autor pietatis, inquit S. Ambrosius Sero: de Passi-*
D. in Cruce pendens; Testamentum condidit, singulis Pietatis opera
distribuens; Apostolis persecutionem, Iudaeis Corpus, Patri spiritum,
Virgini paranympum, latroni paradysum, peccatori infernum, Christi-
anis verè penitentibus Crucem commendavit. Hinc audeo Apo-
 stolus dicere: *Qui Christi sunt, carnem suam crucifixerunt cum vi-*
tiis & concupiscentiis suis. Hæc autem quæ diximus, intelli-
 genda de mortificatione perfecta & integra. Nam sicut non
 dicitur mortuus, qui sensu aliquo privatur, aut actione, vel
 motu aliquo caret; sed qui prorsus omnibus membris mortu-
 us est, & omni sensatione, vitæq; motu spoliatur: ita pariter
 mortificatio non debet esse partialis; in hac duntaxat affectu,
 & non in alio; in hac tantum actione, & non in cæteris; in
 hac solum voluptate, & non in reliquis; sed in omnibus re-
 bus. Quod à nobis exigere videtur Regula 12. Sum-
 mam iubens, quærere in Domino maiorem nostræ ab-
 negationem, & continuam, in rebus omnibus,
 quoad poterit, mortificationem.

MEDITATIO III.

De Passione CHRISTI Domini, & Paupertate ejus.

Prelud. Imaginare, vel certè in aliqua imagine representatum statue ante oculos Christum in horto orantem, ad columnam flagellatum, spinis coronatum in Cruce clavis confixum pendentem, inter crudelissimos dolores & ignominias morientem, de Cruce depositum, sepultum &c.

Prelud. Pete ab eodem, ut suos dolores, ignominias & vulnera profundè imprimat cordi tuo, ut inspicias eum, cum amorosa compassione; & facias secundum exemplar.

P RINCIPUM I. Rex noster CHRISTUS, contra Primum salutis nostræ Hostem, nimirum contra Inordinatum appetitum divitiarum, pugnavit per extremam Paupertatem, & Defectum omnium rerum, vivendi commoditati deservientium. Hæc autem Paupertas toto quidem ipsius vitæ tempore, insignis in illo fuit: Nam imprimis in Nativitate, ad obscurum angulum pauperrimi stabuli declinat, Pauperem habet Matrem pauperrimis pannis involvitur, lectisternia ejus fænum & stramen, in quibus jumenta jacere solent; tota ejus commoditas à paupere fabro, & inope Matre exhibetur. Deinde in progressu ætatis, pauper fuit quo ad omnia, fugiendo in Ægyptum, pauper manendo in Ægypto, pauper redux ab Ægypto, pauper duodennis factus, ita ut deberet ostiarii eleemosynam petere, eiq; victitare, Pauper cum Ioseph, hoc artem fabrilem exercens, & labore manuum, victum sibi suæq; Matri elaborans. Perlustra deinde alia loca, in quibus, opus nostræ redemptionis peragens, degebat. Videbis illum pedibus iter conficere, nunc pernoctare in montibus, nunc in desertum secedere, destitutum temporalibus subsidijs, quo ad victum, vestitum, habitationem; nunc fatigatum sedere supra fontem; & ubiq; tanquam Pauperem & mendicum, vel omni hospitio excludi, vel

aliena domo recipi, ac oblati eleemosynis, suam, suorumque vitam sustentare; ita, ut meritò de se dixerit: *Vulpes foreas habent, & velucres. Cœli nidos, filius autem hominū, non habet ubi caput reclinet.* En quò se redigere voluit Cœli ac terræ Dominus, idque nostri causa, ut ait Apostolus. *cum esset dives propter nos egenus factus est.* Et adeo. *egenus, ut ne quidem haberet ubi caput reclinaret.*

II. Tanta fuit Paupertas, Filij DEI, tempore ipsius Passionis, ut major esse non potuerit. Cum enim summa paupertatis humanæ perfectio, in eo consistat, ut habendo dumtaxat alimenta, & quibus tegamur, his contenti simus: ille ulterius eam perfecit; neque id habendo, quo sitim ardentissimam levaret, in mortis agonia, præter acetum felle mixtum; neque id, quo suo sua nuditas tegetetur; neque vilem aliquem lectum, præter horridam & molestam trabem, in qua moreretur; nec denique angulum unum, in quo caput vulneratum & cruentatum reclinaret. Cum item ita sit, ut qui moritur jus habeat ad aliquod sui cadaveris operimentum & sepulchrum, in quo condatur, similiter ad disponendum proprio arbitrio de rebus, quas habet: vel his etiam Dominus noster caruit; si quidem fuit involutus Sindone, per modum eleemosynæ data. Sepultus in alieno sepulchro; nec de vestibus, quibus utebatur, & quas solas habebat disponere pro suo arbitrio potuit; sed eis spoliatus, vidit ipsas inter milites, pro eorum beneplacito dividi. O in omnibus & super omnes ditissime! O in omnibus & super omnes Pauperrime! quò processit tua Paupertas? Quis illam dignè non modò eloqui, sed etiam concipere posset? Quis rubor si detrectet imitari.

III. Hæc Filij DEI paupertas non fuit fortuita, aut ex necessitate, tum sua, tum Parentum suorum; sed ab æterno à Domino Deo præordinata & tempore determinato in data executioni. DEVS ita positivè voluit ut Filius ejus nasceretur pauperrimo loco, ex pauperrimis Parentibus, pauperibus factis involveretur; ut deinde tota vita sua pauperrimè viveret, ac vitam in paupertate summa concluderet, Ipse quoque

CHRISTUS Filius DEI, voluntariè ac liberrimè Paupertatem suscepit. hæc prima fuit ejus virtus, quam in primordiis vitæ Mundo manifestavit, & toto deinde vitæ suæ cursu, in ea sese exercuit. At quo fine? eo, ut immoderatam cupiditatem divitiarum restringeret in nobis; ut ostenderet excellentiam, Paupertatis, ad eamq; exemplo suo homines accenderet. Gaudete Pauperes in spiritu & re ipsa, en habetis exemplum Filium DEI. Gaudete afflicti homines, in vestris ærumnis, penurijs, in omnibus molestijs, ac difficultatibus vestris. Non primi vos estis, qui talia sustinetis. Respicite ad Authorem vitæ & salutis vestræ IESVM; nullus ex vobis, in tanta rerum affluentia fuit vel esse potuit, atq; ille. Nullus ex vobis, in tantam egestatem devenit atq; ille. Nihil in Orbe, fortuitò aut casu evenit; sed omnia ex decreto & arbitrio DEI. Reflectas te, quomodo tu in hac virtute Filium DEI imiteris? quomodo defectus rerum commoditati servientium toleras? an multa superflua, & quæ aliorum quoq; vñibus possent impendi, non habebas? an ipse ulro quæras occasiones exercendæ hujus virtutis! an sponte tibi, non solum utilia sed etiam necessaria ob amorem Christi pauperissimi subtrahis? Videndo autem te longè à Christi vestigijs distitum; erubescere, dolo, exardescere, propone in particulari emendationem.

Colloquium fiat cum Sanctis, qui in mundo viventes, Christum in Paupertate sunt imitati, & ita se ob amorem ipsius, omnibus rebus denudarunt, ut nihil proprium haberint; atq; ad nullam rem, corde & affectu nimium adhæserint. quatenus tibi apud DEVM impetrent, similem affectum Paupertatis, ut effectus ejus libenter experiaris, & in ea usq; ad mortem hilaris persevere. Accendere eorum exemplo, ad similia facinora; siquidem & illi, non fuerunt alterius naturæ à nostra; nec habuerunt alterum à nostro DEVM, qui semper est idem, in sua gratis conferenda liberalissimus.

Rec. ad exercitium. DIES



DIES NONA

Dedicanda SS. Conf. floribus, ut Alexio, Casiniro, Francisco Seraphico, Francisco Borgiz, Stanislao Kostka, &c. In gratiarum actionem pro omnibus doctrinis Evangelicis; pro Exemplis Christi, & Sanctorum Confessorum; insuper pro gratiis habitualibus, & actualibus. In satisfactionem pro inobedientia, inspirationibus, præceptisq; Divinis; Ad impetrandam veram Contritionem in usu Sacramentorum, & in auxilio mortis.

MEDITATIO I.

De Mortificatione CHRISTI & Castitate.

Præudia ut ante.

PUNCTUM I. Idem Rex noster Christus, contra secundum humanæ salutis hostem; nimirum contra Inordinatum Appetitum deliciarum & commoditatum, pugnavit continua Mortificatione & Patientia. Quæ imprimis eluxit ejus vitæ primordius; nam esset esset Infans, tamen quia fuit perfectæ ratione præditus, sensit in suo infantili corpore molestias à frigore, à duro stramine & feno, à fæore stabuli, in quo fuit natus, à circumcisione. Deinde in pueritia, sensit & pertulit molestias ab asperis itineribus, quæ suscipiebat tum in Ægyptum; tum ex Ægypto; singulariùs ad trigessimum annum in Ierusalem; à fame & siti, ab ardore solis, à frigida hyeme &c. Tum in progressu ætatis gravem sensit molestiam, à laboribus duris & gravibus, quos subibat exercendo opificium fabrilis. Nam propterea elegit tale opificium, quia fuit grave, molestum, laboriosum. hinc debuit, in illo multa sustinere dura & aspera; ut, humeris portare trabes, securi scindere ligna, dolare, terebrare, serà findere &c. Tandem in extremo ætatis virilis,

virilis. quot molestias pertulit, à longissimis & continuis itineribus quæ pedes conficiebat? ab ardore solis, à frigore, à fame & siti, à continuis concionibus & vociferacionibus, à sudore, ab iisdem vestimentis, à duritia terræ in qua jacere solebat, ab insomniis? &c. Verbo: Tota Christi vita fuit con iaua sensuum mortificatio, & Corporis afflictio. Quod quamvis connaturaliter debuerat esse impassibile; eò quòd fuisset unitum cum Anima, habente visionem beatificam: tan en ista impassibilitas fuit impedita, ne in ejus corpus redundaret; sed loco ipsius, adscita fuit Passibilitas: & hæc fuit in continuo exercitio, facto per sensus exteriores; ab objectis variis, molestis, & asperitatem continentibus, in eisdem sensus incurrentibus.

II. Contra eundem hostem, Christus pugnavit ulterius: Per dolores acerbissimos, quos tempore Passionis pertulit. Percurre locos, in quibus est passus, & expende, quid in singulis pertulerit. In horto, illas anxietates interiores, cum tædio, cum sudore sanguineo, cum pavore usq; ad agoniam. Illam comprehensionem, & in ea tot percussiones pugnis, calcibus, fustibus, ludibus. Illas manuum post terga revincti-ones, colli per catenam onerationes. &c. In via ad Annam & Caipham, illas violentas tractiones! pedum ad saxa allisio-nes! percussiones. In domo Pontificum, illas alapas! cola-phos! tunsiones! fætores. Apud Pilatum illam horrendam flagellationem, spinarum coronationem, arundine percussio-nem. In via ad Calvariam, illam atrocem bajulationem. Crucis prægrandis! illam humerorum vulnerationem, tractio-nes! stimulationes! percussiones! arduum ascensum. In ipsa Calvaria, illam atrocem Coronæ depositionem & impositio-nem, illam clavus crucifixionem, illam pendentiam corporis, amaritudinem fælis, illos conflictus cum doloribus durantes tribus horis &c. Percurre deinde omnia corporis Christi membra, & invenies merito à Propheta esse dictum: Quid: à plan-ta pedis usq; ad verticem capitis non erat in eo sanitas Et, quòd visus sit plagatus totus, quasi leprosus & percussus à DEO, ita, ut speciem

ut speciem, decorem, affectumq; amiserit, nec fuisset omnino agnitus. Nam Caput erat spinis undiq; perforatum & cruentatum; Capilli Capitis & barbæ evulsi; Genæ colaphis denigratæ; Os sitibundum lingua à contactu fellis amara; Humeri à pondere crucis contusi, & durè lento vulnere sauciati; Pectoris ossa loco sejuncta præ nimia distensione, tum in ipsa actuali crucifixione, tum in pendentia molis corporæ ex illa trabe. Scapula & reliquæ corporis partes flagellis ita laceratæ, ut, sex millia plagarum cruentatum possent in eis numerari. Brachia & crura, adeo distenta, ut membra omnia corporis possent dinumerari. Venæ omnes exangves, & omni vitali destitutæ vigore. Manus & pedes clavis terebrati, è quibus pendens totum corpus, per suamet vulnera, continuò illa magis & magis aperiebat pondere suo. Cor etiam totum lanceâ transverberatum. Totus deniq; Christus ita erat doloribus & afflictionibus repletus, ut præ vulneribus lentis, animam violentissimè efflaverit. O DEVS necessariò impassibilis! o homo voluntariè passibilis, quam longè à tua imitatione currit, qui post suas delectationes, atq; delicias currit, & quamvis illas defereret, atq; molestias nescio quas pateretur, quàm longè adhuc à te distans esset.

III. Non eguit Christus hujus virtutis subsidio; tum ad satisfaciendum pro suis delictis; quia illa nulla prorsus habuit: utpote sanctissimus ac innocentissimus, imò ipsa substantialis Sanctitas ac innocentia, tum ad illa in seipso præcavenda ac evitanda; siquidem omnes animæ suæ facultates, omnes corporis sensus, & motus habuit optimè compositos, ac rationi voluntatiq; Divinæ, perfectissimè subjectos. Solùm ergo nostri causâ virtutem istam affectari voluit. Partim ut nobis merita, satisfactionesq; suas copiosius applicaret, in ordine ad promovendas gratias actuales liberaliores. Partim ut nos exemplo suo ad praxim hujus virtutis, adeo nobis necessariæ provocaret; & doceret, illam esse medium unicè conducens, ad castitatem, humilitatem, obedientiam, mansuetudinem &c. Expende, quoniam in hujus virtutis exercitio, magis tenetur

imitari

imitari Christum; quàm is, qui ratione suæ vocationis debet corpus suam exhibere: *hostiam viventem, sanctam & DEO placentem*; & adimplere in carne sua, ea, quæ defunt passionibus Christi. Vide igitur, an talem hæcenus te exhibueris aut saltem exhibere velis? an ex illo sacro calice, quem Christus tui causâ, sub tempus suæ Passionis haurit, tibi; propinavit, exiguum aliquam guttulam libenter degulles. Heu quæcumq; assumpseris mortificationem; nusquam vel minimam partem perferentis, aculeorum & dolorum illorum, quos tui causâ Christus in vita & morte sua pertulit. Ergo saltem quando ex una parte ageretur, de vitando aliquo peccato, seu levi, seu gravi; aut certè de aliquo bono opere exequendo, quod acceptum DEO esse credatur; ex altera verò parte, de amittenda aliqua commoditate, oblectatione, utilitate &c. tu resolvas te, ad hoc sentiendum, ut potiùs, non solum perferas libenter & gaudenter, quæcumq; molestiam ac tedium; sed etiam ultro te ingeras in huiusmodi occasiones. tum ut saltem, ex parte satisfacias iustitiæ Divinæ, pro tuis & aliorum peccatis: tum ut tibi à DEO impetres opportuna gratiarum auxilia, ad evitanda peccata, & conservandum te in servitio DEI; tum ut Christo, Domino tuo efficiaris magis similis, & inter Discipulos ejus, qui carnem suam crucifixerunt, cum virtutis & concupiscentiis suis, dignus sis recenseris.

Colloquium fiat cum Sanctis, qui hac virtute subnixi, imprimis ad fastigium perfectionis, deinde ad culmen gloriæ conscenderunt: quales fuerunt non solum viri fortes, sed etiam mulieres infirmæ, teneræq; Virgines, quæ elegerunt potiùs, cum Salvatore suo affligi, & mortificationem ejus in suo corpore circumferre, quàm mortiferam sæculi huius degustare iuounditatem. Si igitur potuerunt hi & hæ, cur tu non poteris, modò velis. Erubescet, dole de tua ignavia; resolve te ad aspera quæq; Auxilium DEI implora, per Sanctorum istorum merita & intercessionem.

Anima Christi sanctifica me. &c.

Exaculo.

Ejacularia per diem usurpanda.

- I. Eamus & nos, & moriamur cum illo.
- II. Christo confixus sum Cruci. Mihi absit gloriari, nisi in Cruce Domini Nostri IESV Christi.
- III. IESVS Amor meus Crucifixus est.

DOGMA MATVTINVM.

Gratiæ Ductu, Veris & solidis virtutibus insistendum.

I. **N**otissimum est: Virtutes alias esse Veras, alias Falsas, Rursus Virtutes Veras, alias esse Non Solidas & imperfectas; alias verò Solidas, & Perfectas. Infans est verus homo, non pictus; nondum tamen perfectus est homo; crescere illi opus est, ut perfectus & solidus evadat. Agnus quoq; verum animal est, non simulachrum animalis, ejusdem quidem naturæ cum ariete; nondum tamen perfectus aries. Ita etiam, sunt aliquæ virtutes pictæ, & apparentes; aliæ sunt veræ; nondum tamen perfectæ, sed pueriles, & teneræ. Sunt deniq; aliæ perfectæ, solidæ, & adultæ. Nos si inanes & fictas excludamus, non satis est: oportet, ut postquam nostræ virtutes veræ fuerint, sint insuper solidæ, consummatæ, cum debito incremento, & perfectione.

II, Ut distinctius procedamus, præmittendum est: Quæ sint Virtutes Apparentes quæ autem re ipsa Veræ, ac tandem quæ Solidæ? Illud primum scire magnopere convenit; ne, dum aliqua lucratos nos esse putamus merita, nonnisi vera vitia commissa reperiamus. Et magnâ quidem ignorantia in discernendis Vitiis à Virtutibus, etiam ii, qui spirituales sunt, laborare solent, ita ut S. Laurentius Iustin: de casto conub: c. 17. dicat: Nullus autem invenitur, qui hac caret ignorantia, Hinc est, quod Propheta ait Delicta quis intelligit? ab occultis meis munda me. O quàm sepe! virtus putatur vitium! & vitium, virtus. Nam ira, zelus; præsumptio, autoritas; libidinosa voluptas, fraternus

fraternus amor; gula; discretio; remissio; humilitas; accidia, compunctio; rancor; iustitia; avaritia; prudentia; insensibilitas; fortitudo; reverentia; crudelitas; malitia; sapientia; mansuetudo; timiditas; audacia; libertas; liberalitas; prodigalitas; inepta lætitia; iucunditas; vanitas; charitas; pusillanimitas, mititas nuncupatur. Sunt millia huiusmodi, quorum ignorantia plenum est humanum genus. Ipsi etiam iusti, qui per gratiam adoptionis, Filii DEI nuncupantur, sunt hac multifariam involuti ignorantia, non damnabili, & perniciofa, sed tolerabili, ac laboriosa. Hæc ille.

III. Non paucis id exemplis confirmatum videmus in S. Pagina. Absalonis omnes laudabant charitatem, humanitatem, & zelum iustitiæ erga Israelitas, cum adirent Tribunal Patris sui David: at non virtutes illæ erant, sed vitia; non zelus iustitiæ, sed tyrannis; non charitas, sed ambitio; non humanitas, sed palliata erga optimum Patrem, cuius regno inhæbat, impietas; ita, ut, quantumvis cæteri actiones Absalonis putarent virtutes; ipse tamen nosset intentionem suam, suaq; ipsius conscientia, dictaret sibi, non esse illas virtutes, sed vitia simulata.

IV. Sunt autem aliæ actiones, quæ contrarium prorsus habent; quas ipse qui eas operatur, virtutes existimat; aliis tamen peccata videntur: quale fuit sacrificium Saulis; quod ipse Saul iudicabat esse virtutem Religionis; Samuel autem, & qui benedicebant, non nisi Superstitionem; ad minus, Inobedientiam censebant. Aliæ porro actiones deteriores sunt, quæ scilicet operanti, virtutes videntur; & id ipsum aliis hominibus ut plurimum apparet; re tamen ipsa, & coram DEO, vitia sunt. Huius generis fuit, illa clementia, & importuna Regis Achab benignitas, dum victo Rege Syriæ Bennadad, vitam donans, prostratum, ac humilem, poscentemq; veniam, benignè accepit. Ipse Achab videbatur sibi magnanimiter, & planè Regi fecisse; id ipsum iudicarent cæteri; nisi Divino oraculo, & supplicio constaret; in ea clementia, perversam, larvile iniquitatem. Narrant Collationes Patrum de Ioanne Abbate, viro alioquin solidæ virtutis, quod biduò arcè ieiunaverit.

naverit. Cum verò tertiā tandem die ad refectiōem accēderet, dæmon ei in specie Æthiopis apparens, ad ejus genua provolutus, dixit: *Ignosce, quæso, quia ego tibi hunc laborem, induxi.* Intellexit ergo vir ille tantus, sub colore continentię incongruenter exercitæ, se fuisse calliditate diaboli circumventum, taliq; distentum jejuniō, quod majori bono ponebat obicem; quia corpori fatigato, debilitatem inducendo, Spiritum quoq; languidum, & ad munia sua ritē obeunda ineptum readdebat. Videbatur sibi hic S. Abbas ita rectē egisse, ut qui primā fronte rem inspexisset, suspexisset tantam viri abstinentiam: cum interim abunde constitit, spiritum discretiōnis ac rectitudinis ibi defuisse,

V. Verū jam videamus, unde hoc proveniat: Quidam Virtutes esse Fictas; Quidam Veras? Ex duplici capite hoc contingere solet; aut ex defectu intentionis, aut discretiōnis. Bona quidem primū intentiō est, quæ coronat virtutes, & gratas DEO facit, nihilq; sine illa acceptum possumus offerre Domino; qui per Malachiam Prop̃: quærit, & queritur. *Quis est, ex vobis, qui claudat ostia, & incendat altare meum gratuito: non est mihi voluntas in vobis, dicit Dominus exercituum; & munus non suscipiam de manu vestra.* De intentione in virtutum actibus S. Augustinus l. 4. contra Julianū ait: *Noveris non officium, sed finibus, à vitiis discerni virtutes: officium est autem, quod faciendum est; finis verò propter quod faciendum.* Cum itaq; facit homo aliquid, ubi peccare non videtur; si non propter hoc facit, propter quod facere debet peccare convincitur. Altera causa est, defectus discretiōnis, qui reddit virtutes falsas. Ideo S. Greg: l. 1. Mor: c. 24. ait: *Nisi virtutes reliquæ, sapiētiæ epulis repleta, ea quæ appetunt, prudenter agant; virtutes esse nequaquam possunt.* Nam quemadmodum prudens virtutibus modum imponit, ne fiant vitia: ita è contrario, imprudenti si adstet timor, transit in desperationem; si dolor, in amaritudinem; si amor, in adulationem; si spes, in presumptionem; si læticia, in dissolutionem; si zelus, in furorē. Quare à Sancto antonio, Cassiano, aliisq; Patribus, præfata Discretiōnis, seu Prudentiæ virtus, vocatur Fons, Radix, Cultus, Moderatrixq; omnium virtutum; cujus li-

neam,

neam, tenere, quamvis valde arduum sit, & nisi de cælo doceamur, optineamq; id mereamur vita, difficilè observabitur: Media tamen quæ S. Greg: l. i. moral: tradit, ad discernendas veras, à falsis virtutibus, adhibenda; uti sunt Oratio & mortificatio. Maximè quoq; juvabit, non fidere proprio iudicio, ubi ipse rituales, & viri verè Sancti, consuli possunt; nam facilè nos proprius amor, abscare, & à recto virtutis tramite abductos, in transversum agere ac pervertere potest.

VI. Verùm non satis est, virtutes legitimas, & veras consequi; oportet quæ, ut solidæ & perfectæ sint, viriles & robustæ, constantesq; in bono. Etenim, multi sunt præditi, veris virtutibus, rectam intentionem habentes, & prudentem in usu earum discretionem; nihilominus, in bono firmi non sunt, aut deficiunt prius, ubi difficile aliquid occurrit; aut ordinaria, & facilia solum executi opera, ea quæ maioris momenti sunt, dum arduum aliquid vident, non audent aggredi. Nimirum, quia, licet virtus eorum legitima, & vera sit, parvula tamen est; & exiguarum virium; ac, donec adolescat, perficiaturq; non habet constantiæ robur, & solidam suam perfectionem, ad quam debet pervenire. Habent siquidem virtutes, suos gradus, & incrementa; non aliter, quàm infans, usq; ad ætatem virilem perficiendus, & plantæ, usq; ad maturitatem fructuum incrementum. Vnde S. Greg: hom: 15. in Ezech: ait: Cum desideria bona concipimus, herba sumus: cumq; in ejusdem operationis perfectione solidamur, jam plenum frumentum in spica proferimus. Herba enim Petrus fuerat, qui passionis tempore, per amorem, Dominum sequens, hunc confiteri ante ancilla vocem timebat. Erat enim jam viriditas in mente, quia credebatur omnium Redemptorem; sed valde adhuc flexibilis, pede conculebatur timoris, iam in spicam surrexerat, quando eum, quem moriturum confiteri timebat, nuntiante Angelo, in Galilea viventem videbat. Sed ad plenum granum in spica pervenerat, quando veniente desuper spiritu & suam mentem, in illius amore roborante; ita solidatus est, ut vires persequentium, casus despicere, & Redemptorem suum libere inter flagella predicaret.

VII. Ad hoc autem virtutis robur, solidamq; perfectionem

onem ut perveniatur; necesse primum est, omnibus prædictum esse virtutibus. Hoc enim pertinere ad soliditatem, & perfectionem virtutum, idem Greg: l. 22. moral: c. 1. sic docuit: *Vna itaq; virtus, aut omnino nulla est, aut imperfecta. Ut enim sicut quibusdam visum est, de primis 4. virtutibus loquar: prudentia, temperantia, fortitudo, atq; iustitia, tantò perfecta sunt singula, quanto vicissim sibi met conjuncta. Disiuncta autem, perfecta esse nequaquam possunt: quia, nec prudentia vera est, quæ iusta, temperans, & fortis non est. nec perfecta temperantia, quæ fortis, iusta, & prudens, non est; nec fortitudo integra, quæ prudens, temperans, & iusta non est; nec vera iustitia, quæ prudens, fortis, & temperans non est.* Tunc igitur solidas, & perfectas robustasq; habebimus virtutes; cum non unam, vel alteram solum, non aliquas duntaxat, sed omnes possidebimus. Tunc quippe virtutes constantes sunt, & solidæ, ac viriles. Ratio est; quia cùm occurrit alicujus virtutis exercitium, cujus materia impedita, aut ardua sit; quia conjungitur, cum alterius virtutis materia: nisi hanc virtutem habeamus, quæ tali dominatur materiæ, alteram, quæ ab hac dependet, facile exercere nequibimus. Quare nulla est satis perfecta, solida, & robusta virtus, nisi cum reliquis omnibus: unus quippe alterve digitus non sufficit ad sustinendam molem, nisi omnium adminiculum digitorum concurrat. Deinde, sicut solidum aurum, aut argentum dici nequit, rudis, quæ è minis extrahitur gleba, ubi metallum cum terra mixtum est; sic, solidæ virtutis nomen non meretur, ubi vitia aliqua admiscentur. Obstetrices Hæbreorum misericordiam exercentes, dum mendacium admiscuerant, sicut soliditate virtutis, se ostenderunt caruisse; sic & plenâ virtuosî operis remuneratione caruerunt; ut de illis dicat S. Greg: l. 18. moral: *Benignitatis obstetricum merces, quæ eis posuit in æterna vita retribui, pro admixta culpa mendacii, in terrenam recompensationem declinata est.* Adeo refert, non miscere defectus Sanctis operibus; & omnium virtutum satellitio stipari, atq; ob stare culpis, ne bonorum operum gloriam evacuent; & ne mulæ involantes, pretiosi fragrantiam olei corrumpant.

VIII. Ex his omnibus concludendum est: tum, ut Veras virtutes habeamus; tum ut Solidas comparemus; humilitati, & mortificationi, præcipuam dari operam, expedire. Nam, ut rectam intentionem habeamus, cujus defectu omnis virtus, falsa, & inanis redditur; quid opportunius, quam humilitas esse potest, per quam nunquam nos, nunquam honorem nostrum, sed Divinum curabimus. Deinde, cum humilitati adjungitur mortificatio; unde poterit patere aditus, sinistræ, & impuræ intentioni? nec enim verè mortificatus, querit comoda sua, nec aliquam prændit voluptatem. Insuper discretionem, mediumq; virtutum attingent, ac servabunt, humilitas, & mortificatio, ut cæteras virtutes, in sua puritate ac veritate retineant. Cum enim excedere medium virtutis, & sanctum, ac rationabilem ejus modum non servare, inde fiat; quod aut judicium proprium, aut proprius amor, nos decipiant; sed, adversus judicium proprium, quod semper aliquâ superbix labe corrumpitur, humilitas pugnat; amoris autem, proprii antidotum est mortificatio. Neq; solum ad Veritatem virtutum, sed etiam ad Soliditatem, earumq; perfectionem, istæ duæ sorores, humilitas, & mortificatio, maximam ferent operam. Nam si virtutum Soliditas, & Perfectio, tunc est, cum non unam, vel aliquas, sed omnes simul possidemus virtutes; quid magis ad hoc juvare potest, quam humilitas; quæ propterea dicitur, omnium virtutum fundamentum, radix, & nexus.

IX, Deinde Mortificatio, quæ sibi iustus vim infert; quia propriam contundit voluntatem, & omnes devios proterit appetitus, ordinatosq; cōdecet affectus, hanc maximè complanabit viam, ad omnium virtutum exercitium? Nam cum virtutum materia, aliquam difficultatem habeat, quæ debet superari; ille, earum exercitium, agere feret, & sæpe relinquet, qui nescit sibi vim incutere, & dominari. Cum autem mortificati officium sit, hæc victoria sui: promptus per illam & expeditus readitur, ad cæteras comparandas, exercendasq; virtutes.

X. Insue-

X. Insuper ad hæc omnia plurimum conducet, non remissa & torpens, sed intentia & accurata, circa functiones nostras agendas consideratio, sedulaq; attentio. Nam juxta Aristotelem, duo ad bonam actionem, tanquam fundamenta, requiruntur. 1. Ut fiat à Cognoscente. 2. Ut ad bonum, finem dirigatur; cæteriq; debitis vestiatur circumstantiis, quod facile non obtinebit, qui in Agendo præcipitat, & neq; considerationi, neq; attentioni locum præbet. Imitandi proinde illi, qui ad scopum faciunt sagittas; hi enim prius hærent, tum metam aspiciunt, tum collimant, tandem emittunt ac expediunt jaculum ad metam. Quam multæ actiones, ob neglectum doliis hujus conditionis, exigui apud Deum pretii, ac in se debiles evadunt, miserisq; illi adunt mortalibus? Cum tamen, sicut una aliqua gemma, pluribus obolis longè præstat, & sicut unus robustus ac strenuus miles, multis infirmis ac timidis est præferendus; ita una excellens actio, multis imperfectis meritò sit anteponenda. Quod egregè S. P. Ignatius advertit, qui in Epistola, quâ nostros ad perfectionem hortatur, eos ad maximam in operibus etiam bonis excitat attentionem: tum quia, non sufficit opera per se bona facere, sed oportet ea benefacere: tum quia, rarum aliquod & eximium facinus, sexcentis vulgaribus minutisq; antecellit: & exiguo tempore eum virtutis gradum, homo strenuus & fervens assequitur, quod piger multis annis non potest adrepere. Sed & R. P. Claudius Aquaviva, rem valde deffendam esse ait, si in iis, qui studium Virtutis profitentur, è centum actionibus, quibus per diem occupantur, nonaginta novem, defectu attentionis & fervoris, ea perfectione careant, quam alioquin, si diligentia & solertiaq; adesset, possent adipisci, maximo suo fructu. Narrat Casarius lib. 11, c. 11. Gosbertum quendam è Cisterciensi Familia Conversum, ab Angelis ad B. Virginem, quam devotè coluerat deductum, & ad pedes ejus residentem, cum illic mirâ jucunditate frueretur, jussum esse remeare ad Corpus: post tres dies ad eadem gaudia rediturum; uti evenit. Interea temporis adstantes ita est allocutus: *Vos Domini, numeratis annos Conversionis vestre, alius quadraginta, alius triginta, alius decem, ego verò vobis* dico,

dicō, beatum illum esse, qui bene uno anno, vel mense, vel quod minus est, unā hebdomadā, juxta suā Professionis regulam, exactē est conversatus. En, quanti coram DEO momenti est, ductu ejus Gratiæ veris ac solidis insistere studereq; virtutibus | quæ in Statu DEI appensæ, quamvis alioquin paucæ, & quod ad externam speciem informes, præponderant innumeris splendidisq; actionibus; solæq; ab æquili no rerum æstimatore ac remuneratore DEO præmium accipiunt.

MEDITATIO II.

De Humillima Obedientia Christi.

Praludia ut ante.

PINCIPUM I. Christus Rex noster, contra tertium salutis nostræ Hostem, nimirum, contra Inordinatum Honorum, propriæq; Æstimationis & Excellentie Appetitum, pugnavit humilli Obedientia. Hanc ille virtutem coluit à primo Conceptionis instanti, usq; ad mortem; ut loquitur Apostolus. *Humiliavit semetipsum, factus obediens usq; ad mortem, mortem autem Crucis.* Tripliciter autem illam exercuit. 1. Erga DEVM Patrem, quem cum tanta demissione ac reverentia alloquebatur, ut pro ipsa sua reverentia exaudiri meruerit. Plerumq; enim prostratus in faciem orabat, aut cum tanta corporis compositione, & interiori humiliatione, ut major cogitari non possit. 2. Erga suos Parentes, jussa illorum reverenter & hilariter exequendo; idq; non uno alterove anno, sed 30. integris annis; non in levibus tantum, sed etiam in gravibus ac duris laboribus. ut domestica munia obundo, artem fabrilem exercendo; quod expressit paucis Evangelista inquit: *Et erat subditus illis.* 3. Erga quoscunq; alios, ut erga Apostolos, in omni occasione, se, tanq; amicum ministrum eis exhibendo. *Eccē ego in medio vestri sum, sicut qui ministrat;* quod maxime præstitit in ultima cæna, eorum pedes lavando. Unde illos ad proximū hujus virtutis invitavit: *Discite à me, quia mitis sum, & humilis.*

milis corde. Et: Nisi efficiamini sicut parvuli, non intrabitis in Regnum Cælorum. Tum erga populum, honores ab illo oblatos averfando, aut fugiendo. Tandem erga publicanos & peccatores, illos non solum non dedignando; sed etiam cum illis familiariter conversando, manducando, & bibendo; ita, ut contra eum adversarii murmuraverint. *Quare cum publicanis & peccatoribus manducat Magister vester. Hic peccatores recipit. &c.* Vide igitur quo animo, hæc documenta & Exempla Christi, de aurea humilitatis virtute exceperis, aut saltem nunc excipere velis. An, Christo humilitatem docente & exequente, tu superbiam, elationem, & vanitatem adhuc ambire audeas? Imò expende, quousq; & ipsum demittere debeas, ut humilitatem ipsius DEI, ut eunq; imitari possis.

II. Pugnando Christus contra eundem hostem, sub tempus Passionis sustinuit summam, dishonorationem, ignominiam, contemptum; depressionem, humiliationem. Crevit hæc imprimis ex parte Personæ Divinæ, quæ erat veri DEI. In quantum autem homo, eò magis omnes injurias sentiebat, quò generosioris erat, cordis. Deinde crevit ex parte altæ æstimationis, ad quam per doctrinam & miracula ita ascenderat, ut communiter vir Sanctus, Propheta Magnus, Prædicator à sæculis non auditus haberetur; ideoq; post se ingentem populi turbam traheret. Ecce verò totum de repente mutatum est: nam Populus, qui eum tanti faciebat, tamq; avidè sequebatur, videns illum à Principibus & Magistratibus adeò contumeliosè captum, mox uti solet accidere, reputavit se deceptum in illo honorando. Hinc omnes veluti infatuati quoddam tantum honorem homini fraudulento, detulerint, novis injuriarum inventis, errorem emendare volebant. Crevit quoq; ex parte Personarum à quibus fuerat inhonoratus, cujusmodi erant. 1. Discipuli quorum unus, vendidit eum pro vili pretio; alter autem ter negavit, tum alii rursus fugientes, eum deseruerunt. 2. Erant Pontifices, Legis Doctores, Sacerdotes, Religiosi; in quibus ob summam & eminentem auctoritatem in doctrina & pietate, minus poterat præsumi error aut

aut iniustitia: hi enim post multam consultationem ac deliberationem, post causam in Concilio examinatam, pronuntiarunt illum esse mortis reum. Quod totus Populus instanter petiit à Præsidente, & violenter extorsit. 3. Erant milites gentiles, gens absq; DEO, abjecta & vilis; hi in eum manus iniecerunt, in comprehensione, flagellatione, coronatione, crucifixione, hi absq; ullo respectu & pudore linguas suas in eum exacerunt, ludibrijs, sannis, scommatis, blasphemijs &c. 4. Erant latrones cum eo pendentes, qui ei improperabant, eumq; convitijs laceffabant. Crevit quoq; Inhonoriatio & Ignominia Christi, ex parte delictorum, de quibus accusabatur quæ multa erant & gravia; ut, quòd esset blasphemus in DEVM, cujus Filium eiq; æqualem se jactabat: quòd esset proditor in Reges quorum titulum & dignitatem sibi usurpabat, verabaturq; ne illis tributa solverentur. Quòd esset Impostor, seductor, ac perturbator Populi, trahens post se illum inquietum, congregans scholam, & spargens doctrinam perniciosam, discurrendo de loco in locum, absq; fixo domicilio. Quòd esset insignis magus ac incantator, qui falsis miraculis, arte Demonis factis, illudebat populo, eumq; deceptum tenebat. Crimina cuncta enormia & odiosa; & quæ alia supponebant; Deniq; Inhonoriatio Christi crevit ex parte rerum, quas in Ipsum hostes præstiterunt. Dum illum comprehenderunt noctu, cum tumultu, armati milites. Traxerunt per Civitatem ligatum cum dedecore; & sic stiterunt consilio. Vbi eius causa examinata cum testimonijs; ubi servus Pontificis, & lingua probrum; & manu alapam ei inflixit publicè, ubi eum conspuebant, colaphis percuciebant, faciem velabant, illudebant, totamq; noctem in eo vexando ac inhonorando expendebant. Manè autem facto damnatum ad mortem, à tribunali ad tribunal ignominiosè duxerunt. Apud Herodem ludiera veste indutus, ludibrio habitus est tanquam fatuus; Apud Pilatum propria veste spoliatus, in oculis tot hominum alligatus, & dirè flagellatus est tanquam maleficus. A cohorte Gentilium spinis coronatus; & tanquam fictitius Rex adoratus,

à populo Iudaico reprobatus, Barabbæ homicidæ postpositus, & ad mortem atrocissimam postulat. A Pilato ad mortem Crucis damnatus. Extra Civitatem cum Cruce & comitatu latronum ejectus. In monte Calvariz infamius nudus, inter latrones medius, coram innumera hominum multitudine, die Patchæ, in Crucem actus & elevatus, ibiq; moribundus multiformiter blasphematus, & confectis delictis ac opprobrijs divexatus, usq; ad divisionem animæ. O honorator & honor hominum, quis te propter eos sic inhonoravit? O cæcitas Christianorum, qui cum sese jactant de fide, tori sunt in æstimandis & procurandis honoribus!

III. Modus saluberrimus & efficacissimus ad virtutem humilitatis acquirendam & conservandam, est: Recordatio peccatorum à te commissorum: Cogita igitur, vel minimum ex omnibus gravioribus peccatis à te perpetratis, quod tamen coram Deo gravissimum est, te reddidisse indignum quocunq; bono, quocunq; honore, quacunq; famâ aut existimatione, quacunq; amicitia, quocunq; solatio, & quod gravius est, quacunq; gratiâ & misericordiâ Divinâ. Et è contra, dignum quocunq; malo temporali, quacunq; ignominia, contusione, angustia, calamitate, derelictione; & quod magis horrendum est, dignum æternâ privatione Dei, dignum æternis gehennæ flammis & suppliciis. Quia quodcunq; etiam minimum peccatum mortale, fecit te inimicum DEI; Filium iræ Divinæ; ac proinde dignum omnibus illis pœnis. Cum ergo certissime te talem agnoscas, & cum nescias modò, *utrum odio an amore dignus sis*; poterisne in te reperire aliquam gloriandi occasionem? Imò verò, nonne maximam in te debes agnoscere rationem, cujuscunq; etiam abjectissimæ demissionis confectandæ? Si *in viridi ligno hæc facta sunt, quid deberet fieri in arido?* Si in Vade, tanta ultio ac innonoratio propter peccata aliena, spontaneè suscepta, fuit consecrata! quid ipse debitor reus propter propria, non merebitur?

Colloquium fiat cum Christo; rogando ipsum; ut siquidem ille mei causa factus est humilis in cogitationibus, verbis,

bis, operibus, tum in tota vita sua, tum maxime in Passione morteq; sua, ut etiam mihi largiatur gratiam, imitandi seipsum in hac virtute, ut humiliter vivendo, humilitate concludam vitam meam.

Anima Christi sanctifica me.

REFLEXIO

Supra

CASTITATEM RELIGIOSAM.

Famincum vitato genus; male vipera præsto est.
 Quarum multa genus ornat Cythareia, quasq;
 Divite luxurians pretio commendat amictus,
 His te non tenerum fatalia fœdera jungant.
 Misceat his socias non garrula lingua loquelas,
 Nec satiet sese tali vaga palpebra vultus;
 Qui cieat turpes accenso in corpore motus.
 Cautior effugas metuenda pericula lapsus,
 Non perblanda rogos animent sub pectore verba;
 Casta verecundo quin sanctius ore loquare;
 Materies nec sit sermonis fluxa venustas,
 Privatusq; illâ tecum gravitate moreris,
 Quâ, si præstò esset gravium pupilla Virorum,

REFLEXIO

Supra

EXAMEN CONSCIENTIÆ.

Prome DEO meritas memori de pectore grates
 Sidereâ petito repleti luce, latebras
 Cordis, in exactum iudex inquireito tempus:
 Quid contra Numen, socios quoq; quidve te ipsum,
 Patrâsti? quidnam torpens omissio pressit?

Gg 2

Admissos

Admissos coram toto Confessio Cœlo
 Eluit errores: noxas dolor expier altus;
 Ac tristis patrata luat malè crimina luctus.
 Proposito sese firmo correctio stringat;
 Quid ratio dicet facientium? quidve cavendum
 Non in communi; sed particularia curans.
 Expediit, admisso lumas de crimine pœnam;
 Cœntus apta noi quò postnac gratia detur.

DOGMA POMERIDIANVM.

*Gratie Spiritu: Omnes Potentias Animæ, esse
 animandas; ac imprimis Memoriam.*

I. **Q**uemadmodum spiritus hominis seu Anima Rationalis. quamvis sit incorporea, & indivisibilis, non habeatq; partes correspondentes partibus corporis, quas informat; est tamen tota in toto corpore, & tota in quavis ejus parte: ita etiam Spiritus Gratiæ, quo vivete & ambulare debemus, ejusmodi sit necesse, ut totus totum hominem intimè occupet, sibiq; vendicet, omnes inquam potentias, sensus, habitus, actiones, verbo; Omnes interioris iuxta, ac exterioris hominis partes animet, ac veluti informet. Quod quâ ratione fieri possit ac debeat nunc videndum. Ordiamur à potentia Cogitativa seu Memorativa; quæ ut sit pure spiritalis, alia quidem, quæ ipsam inquinant aut perturbant, amputanda ac removenda; alia quæ ornant & beant, amplectenda sunt.

Monebat quempiam Ethnicus Antonius l. 3. de vita sua, num. 5. Assuefacere te ipsum debes, ut de his tantùm rebus cogites, de qui us, si quis te subito interroget: Quid nunc meditaris? consequi possis respondere; Hoc aut hoc: nimirum ut statim constet, cogitationes tuas esse simplices placidas, consentaneas animali sociato alijs, ac negligenti earum, quæ ad voluntariam oblectationemq; faciant cogitationem; vacuo contentationis, invidia, suspitionis, aliorumve, quæ si lassas esses, pudore te suffundi oportuisset. Hac Ethnicus Ethnicus.

Quid

Quid ergo Christianis? quid sacerdotibus! quid Religiosis curandum? Quod si enim, ut loquitur Ilias C. 32. *Princeps ea quæ digna sunt Principe, cogitabit*: neq; unquam ad ea, quæ Subulci, aut Agazonis sunt, mentem demittit; certè & nos, quos tum naturæ Divinæ consortium, & participatio è luto gentilizio, erectos ultra naturam seraphinorum conditionem, constituit, tum Religiosa vocatio, supra communem vulgi statum & ordinem, veluti quosdam Principes, (servire enim Deo regnare est) exexit; quos obsecro alios, nisi dignos DEO, dignos cælo, dignos vocatione nostra, par est fovere Spiritus & cogitatus; ita, ut è pluribus Mysticæ Theologiæ Dogmatibus, illud quoq; sit; anima & in statu gratiæ, constituta, adeoq; viri spiritualis, præcipuum debere esse studium; optimè se occupare, & præsertim sese bonis sanctisq; cogitationibus commanire.

II. Primum, quod à nobis sibi dedicari vult DEVS, est Cor; è quo tanquam è fonte, exeunt cogitationes, & cum ille nihil amet nisi bonum; has quoq; bonas existeret; his autem contrarias procul facessere merito desiderat. Porro, cum non possimus, non semper aliquid cogitare; memoria nostrâ, molam perpetuò veratilem imitante; an non æquum est, ut ea volutemus animo, quæ semper bona proficuaq; sint? Ad quod Divus Bernardus, non minus efficaciter, quam suaviter suos exhortatus, quantumq; puritati animæ obliunt, & quantâ curâ ac indignatione illis adhuc longè absentibus occurrendum sit, cum ostendisset; ad extremum luto eas comparat; triplexq; illatum genus assignat, inquit: *Et quidem cogitationum trifidum genus, scilicet ad rem non pertinentium, lutum est; sed lutum simplex non inharrens, nec ferens, nisi fortè diutius immoretur in nobis, & per incuriam & negligentiam nostram, in turpius cogitationum genus convertatur*: Secundum verò cogitationum genus, quod ad necessitates naturæ, cibum, potum, velutim pertinet, non lutum simplex sed viscosum ac limosum est, ut vix eradicari queat de cordibus nostris. Tertium vero cogitationum immundarum, ac sordidarum, quæ ad luxuriam, & cetera vitia detestanda pertinent, genus, non tan-

quam lutum aut limus lavendum est; sed tanquam immundissimum ac fatidissimum canum. Hæc ille ser: de tript: gen: cogit: Quorum, ut alias, missas faciamus, solarum otiosarum lues, miram dictu est, quantum mentem ips obnoxiam inficiat, ac labefactet, ne ad sectanda caelestia assurgat. Et tamen pluri mi mortalium, vanis, frivolis, & ineptis cogitationibus ita sese occupant, ac immergunt: ut mens illis non ab similibus sit via publicæ, vel foro, per quod omnia, promiscuè Viri, Fæminæ, varij generis animalia rhedæ, currus, & quidquid aliud est, commicant. Hoc genus hominum, castella sibi molitur in ære, effingit simulacra rerum nunquam futurarum, Magnates se, Principes, Purpuratos Patres, sibi persuadent; imaginantur sese exercitiis impentare, vrbes obsidione cin ere, expugnare; similibusq; ineptiis non raro duas tresve horas infumunt, non sine fatigatione capitis, & subinde etiam somni, quietisq; jacturâ. Reperit aliquando Carolus V. humanam inter deambulandum Calvariam, quam dum pede protegit; advertit, mures in ea nidificare; & adiecit, credere se, hunc hominem in vivis nidos murium in cerebro aluisse, qui etiam à morte eum non deferunt. O si Calvarias sæcularium hominum introspicere daretur; quàm inquieti illie mores, dies noctesq; cerebrum rodentes apparerent! de quibus illud Iobi 17, dici posset: *Cogitationes mea dissipata sunt, torquentes cor meum. Excerebrantur & emedullantur miseri homunciones; dumq; nihil nisi terrena sapiunt, nihil ferme etiam, præter terram & vanitatem cogitare sciunt, meditariq; inania, ac veluti ventos venari; de quibus vulgò illud: Quidquid pudet dicere, pudeat & cogitare.*

III. Quanquam hæc cogitatorum vanitas, etiam mentes eorum invadit, tum orationis tempore, tum aliàs, dum otio indulgent; qui populum suum & Domum Patris sui, adeoq; omnia qua in mundo sunt, oblivisci jussi, conversationem suam in cælis habere jubentur. Miser ille cogitat, se de superiore loco, ad multitudinem verba facere, motus animorû excitare prorsus Apostolicos, se unicum ab omnibus vrbibus expecti; magno se in pretio

pretio esse apud alios, honorem sibi ab omnibus deberi & deferri; se unum præ alijs æstimari ab hominibus, se in summo pretio & honore à viris Principibus haberi. Quid plura alia ludicra, & prope insana imaginationis simulacra referam? quæ dum Divino officio, sacrificio, orationi, alijsq; pietatis exercitijs non attenditur, sese oggerunt, & ceu mulsæ, suavitatem unguenti perdunt, aut veluti volucres immundæ, sacrificio Abrahami frequentissimo agmine involant: Si verò palam referrentur, exponeremur procul dubio audientium ludibrijs, meritorq; ijs insanire, atq; mentis inopia laborare videremur. Ita pleriq; mortalium, præstantissimâ memorandi facultate abutuntur: an verò non satius est eandem in res bonas, in DEVM, & DEIq; obsequia convertere? Cui enim usui tot cogitationes inutiles, nisi ut materiam adjiciant particularibus nostri purgatorii flammis? Vt enim DEVS omnes nostrarum piarum cogitationum minutias adnumerat, nullamq; irremuneratam relinquit: hoc namq; est, quod per mysticos capitis vestri capillos, teste S. Cyrillo lib. 8. intelligit dicens: *Omnes capilli capitis vestri numerati sunt. Et Capillus de capite vestro non peribit.* Matt; 10: ita nullam vanam & inutilem sine supplicio dimittit. Ante DEI oculos, ait magnus Gregorius lib. 20. Mor. *vacue non transvolant cogitationes nostra, & nulla momenta temporis, per annum transeunt sine flatu retributionis.* Quò ergo abeunt tot vanæ cogitationes? nisi ut tempus prodigatur, cuius aliquando severissimam rationem, exiget is, qui eadem libellâ vanas cogitationes, quâ otiosa verba expendit, damnatq;? Quidni meminimus dicti illius Sapientissimi? *Quocumq; tempore non cogitaveris DEVM, puta te tempus illud amisisse?* Qui deniq; bono tot cogitationes otiosæ, vanæ & ineptæ? Emolliunt illæ cor, bonis aditum præcludunt, mentem fatigant, & viam sternunt ad peiores: cum tamen è contrario, si Cassianum audimus, ad pravæ expellendas, nullum sit præsentius remedium, quàm bonas admittere: Incipiamus (inquit ille Mon: 2. C. 3.) *bonas cogitationes diligere, & statim ab illis, quæ mala sunt, dignabitur DEVS nos liberare.*

IV. Verùm; videamus iam, quibus nos doceat S. Scriptura, cogitationibus Memoriam ornare; scilicet contrariis prorsus iis, in quibus frequenter illa peccat. Quia verò peccat, oblivione DEI distractione mentis, & vagâ libertate inutilia cogitanda; ideo occupanda est piis & Sanctis cogitationibus, & de virtutibus, de bonis desideriis, de destinatione vitæ transactæ, de spe gloriæ celestis, de Eternitate, de Morte, de Iudicio, de inferorum cruciatibus, de admiranda universi Oeconomia, de rerum creaturarum contemptu, & sexcenta eius generis alia. Verùm præcipuè ornanda est, per præsentiam DEI, & attentionem orandi, Præsentiam DEI, & recollectionem animi, omnia ad DEVM referentis, nihilq; nisi quod ad DEVM spectat cogitantis, satis nobis commendat Sponsus dicens: *Vulnerasti cor meum, soror mea, sponsa in vno oculorum tuorum, & in vno crine colli tui.* Scilicet, cùm tua mens una est, cùm tua cogitatio una est, & de me uno: tunc certe, cùm nihil, nisi me intendis, cùm solum me respicis; cùm solius mei recordaris; unus est tuæ mentis, oculus, unus est crinis tuus; hoc est, cogitatio tua, quæ mihi est gratissima. Quid enim gratus DEO? quàm cùm anima semper DEVM habet præsentem, semper orat, semper desiderat, semper amat, nihil nisi DEVM, aut de DEO, aut pro DEO cogitare vult. Adcò placuit sponso hæc cogitationum unitas, ut eam iterum laudaverit dicens: *Sicut vitta cocconea, labia tua sponsa, & eloquium tuum dulce.* Quæ verba S. Gregorius sic interpretatur L. 2. Mor. C. 26. *Vitta quippe crines capitis adstringit. La in ergo sponsa, sicut vitta sunt, quis exhortatione S. Ecclesiæ, cuncta in auditorum mentibus diffusa cogitationes ligantur, ne remissa dissipant, ne sese per illicita spargant, ne sparsa, cordis oculos deprimant, sed quasi ad unam sese intentionem colligant, dum eas vitta sanctæ predicationis ligat. Hæc collectio cogitationum, maximè in Oratione est necessaria; neq; satis oratio erit sublimis, sine illa. Indicat hoc Ezechielis visio: *Emisso similitudo manûs apprehendit me in cinctu capitis mei, & elevavit me spiritus inter terram & celum, & adduxit me in Hierusalem in visione DEI: Quod explicans M. Gregorius,**


gorius lib. 31. C. 7. ait. *Quid est cincinnus capitis nisi collectæ cogitationes mentis, ut non sparsa diffuant, sed per disciplinam restricta subsistant? Manus ergo desuper mittitur, & Propheta per cincinnum capitis elevatur, quia cùm nostra mens sese per custodiam colz ligit, vis superna sursum nos ab infimis trahit. illa nimirum mens verè ascendit ad Deum, id est, bene orat, duciturq; in cœlestem Hierusalem, in visionem DEI; & Sanctam tranquillitatem, quæ mundanas curas, & cogitationes resecat: quod etiam nos monuit factum S. Iob, cùm detonso capite corruens in terram adoravit. Habemus enim ad ressecandas inutiles imaginationes, & phantasias, quas cor terrenum parturit, novaculam illam, de qua S. Ephrem ait: *Continuâ Dei recordatione, turpes animi passiones recedunt instar maleficorum, Prætoris accedente. Si igitur perfecti esse contendimus, hoc studiose nobis curandum, ne rebus inutilibus distrahamur in Oratione, sed omnes pravas suggestiones, quas S. Macarius hom. 6. furta cogitationum appellat, acturum pellamus, ac rescissa penitus rerum aliarum memoriâ, Deum adoremus, totâq; mente oremus. Hinc fiet, ut intra diem, præsentem circumferamus Deum, sanctisq; cogitatis mentem pascamus; prout dicit Psalm. 76. Quoniam cogitatio hominis constabitur tibi. Et Reliquiæ cogitationis diem festum agent tibi.* Id est, ex reliquis bonæ Orationis, totum diem transigemus Sanctè, & consecrabimus præsentiam memoriâq; DEI, quâ nihil magis opportunum, & necessarium est, ad conservandum gratiæ Spiritum. Ex ejus verò negligentia, quod multa peccata, imperfectiones, ac tota animæ dissolutio nascatur, testis est Psal. 27. *Non est DEVS in conspectu ejus: ideo inquinatae sunt via illius in omni tempore, loco, occasione, opere.* E contra: solenne est illud S. Tobiae senis datum filio, ultimæ voluntatis monitum: *Omnibus diebus vita tua in mente habeto DEVM.* Tob. 2. Et veluti fructum hujus memoriæ subdit: *Et cave, ne aliquando peccato consentias, & pratermittas præcepta Domini DEI nostri.* Præstat hoc DEI memoria: dum per eam cum Deo ambulamus, sicut Enoch; vel coram DEO, sicut Abraham; imò DEUM advocamus ad cor, immensumq; illum.*

H h

Spiri.

Spiritum, nobis intimè assistentem, veluti in fundò animæ collocamus; atq; intimum nostrarum actionum Gubernatorem, ac Rectorem constituimus.

V. Porro exercitium hoc; continuâ D E I recordatione occupandæ Memoriz, faciunt nobis inexcusabile tot virorum Sanctissimorum exempla. Taceo alias domestica innuò. Atq; ut relinquam Principes ordinis nostri, quorum in oratione & familiaritate DEI, mirandum fuit studium: S. Franciscus Borghia ita liberaliter cum DEO agebat, ut etiam inter gravia negotia sui Regiminis, hominumq; colloquia, ipse ad secretum cordis cum DEO suo sese colligeret. B. Aloysius, M. dicis & Superioribus consulens, aliquantùm distrahi ab amatorio DEI respectu, ac caput affigeret; respondebat: *Oportet sibi esse paululum à consideratione Divina mentem avertere*; vnde inclamare illud solebat, ut salvam faceret obedientiam: *Recede à me Domine*. P. Ludovicus de Ponte, ut ex curiosis seu devotis intus observabatur, qualibet noctis hora orare in Ecclesia semper deprehensus; ita semper & ubiq; cogitationibus Sanctis mentem reficiebat, ut meritò, medulla sui cerebri (teste Neremb:) incorrupta, videatur Divinitus servata. P. Didacus Martinez, licet inter indos occupatissimus ageret, ita se tamen assuescebat iterandis interdum amoris DEI actibus, ut quotidie ad tria aut quatuor illorum milia compleverit. P. Nicolaus Lancicius, Alcericus nostri seculi Doctor, eximia vitæ Religiosæ norma, Aquila prægrandis in sublimè sanctitatis evolans, tantam sibi facilitatem, in contemplando & amando Iustitiæ sole comparaverat, ut quot passus eundo, pedibus conficeret, quot literas efformaret, scribendo, quot motus lumendo cibum, seu manibus seu ore ederet; tot actus Amoris DEI videretur elicere. Aculemur & nos Charismata hæc meliora,





MEDITATIO III.

De Electione bona, circa rem aliquam indifferentem facienda.

Prelud. I. Imaginare DEVM tibi loquentem: *Pesui ante te ignem & aquam, extende manum, ad quod vis, simulq; expende.* Quidnam apud te sit iste ignis, quid aqua? e. g. an facienda Generalis Confessio, vel non? Perstandumne in hoc officia vel non? &c.

Prelud. II. Pete à DEO gratiam & lumen, ut agnoscas Sanctissimam eius voluntatem, quidnam sit tibi faciendum hic & nunc, & quid omittendum?

PUNCTUM I. Dum aliqua res est apertè bona, vel apertè mala, non cadit sub electionem; quia jam est determinatè amanda vel odio habenda: sed quando sum dubius circa aliquam rem vel occupationem, siue habenda, facienda, aut omittenda, vel non habenda, vel contrarium illi habendum, vel faciendum; debeo illam considerare præcisè, in ordine ad finem ultimum, ad quem sum creatus; Et videre, quidnam ex illis extremis, scilicet habendi, non habendi, faciendi, vel contrarium faciendi aut habendi, magis mihi conducit ad eundem finem obtinendum? Item, quodnam ex illis extremis, maiora mihi adfert impedimenta ad eundem finem? Nam illud extremum omnino mihi prudenter est eligendum, quod mihi magis est utile ad ultimum finem; illud verò reprobandum, quod minus me vel magis impedit ad illum. Ratio nimirum est: Quia amor, seu intentio alicujus determinati finis, determinare nos debet ad amorem & electionem mediorum, ita, ut eatenus duntaxat amemus & eligamus nonnulla, quatenus illa videmus conducere ad finem, quem amamus, & nobis præfigimus ad assequendum; eatenus verò aversemur & repudiemus, quatenus illa iudicamus magis obesse, vel

minùs prodesse ad finem, quem diligimus, & assequi conamur. Et ita infirmus, quia amat sanitatem, ejusq; recuperationem, intendit; quidquid ad id servit, amat: & quod magis servit, illud magis amat & potius eligit. quod autem magis obest, vel minùs prodest, hoc averfatur, rejicit ac detestatur. Neque verò ille in medicamentis attendit, an sint delectabilia, an molesta; sed solùm an sint utilia ad obrinendam valetudinem. Idem de viatore, qui non attendit in via an sit plana, an saebrosa; sed solùm an ad terminum perducatur, & quæ commodius ducat: nam si non perduceret, vel obesset, vel incommode duceret; non eligeret illam, nec illa incederet. Similiter discutrendum de artifice, qui volendo efficere opus aliquod eximium, eà duntaxat instrumenta. assumit, quæ videt conducere ad suum finem; nec in illis attendit an sint gravia an levia, an aurea an ferrea; sed si magis conducant gravia vel ferrea, hæc potius ille eligit & assumit, in ordine ad suum finem præstandum, quàm illis opposita. Cum ergò ultimus finis noster, sit DEVS noster gloriosus, si illum sincerè & unicè, prout debemus amemus; iste amor debet nos determinare in dubijs, ad illud extremum volendum & assumendum, quod viderimus magis conducere ad finem nostrum: ad illud autem rejiciendum, quod minùs conducit, & multò magis, quod magis obest. Non attendendo interim, an magis conducunt sensualitati Oculorum, Aurium; Gustùs, Tactùs, vel propriæ existimationis, vanæq; gloriæ, & laudis temporalis affectationi.

II. Si aliquis bonus meus amicus, in tali dubio esset constitutus, atque ego modò; & si haberet talem præ manibus materiam ad eligendum, sicut ego, & si à me peteret consilium, quidnam illi opus esset factò? Expendam, inquam, quid; nam ego illi responderem, vel respondere deberem, ita, ut expensis omnibus circumstantijs, judicaret hoc potius fore, ad maiorem ejus perfectionem & gloriam. D E I, quàm oppositum. Idem ergo mihi faciendum existimabo, remoto omni affectu sensuali, aut perturbante passione; hac enim

nim obæcatus homo, non potest esse bonus in sua causa
Iudex.

III. Si essem in articulo mortis, quodnam ex duobus
extremis tunc eligerem, aut elegisse velle n: id enim est, quod
nunc eligere mihi conveniens est. Similiter si in hora iudi-
cij mei particularis, ante Tribunal Christi, redditurus essem,
rationem de omnibus meis electionibus in hac vita factis,
quamnam tunc me fecisse vellem? Eam igitur modò me in-
stituere, congruum est. Tandem si consulerem super hoc
meo dubio, aliquem è Sanctis, ad quem habeo specialem fida-
ciam, & cujus opem aliquando sum expertus in meis necessi-
tatibus; quidnam mihi ille responderet? quidnam consili-
daret? Id ergo secundum rectam rationem nunc mihi faci-
endum est.

In Colloquio: conversus ad Christum crucifixum, deter-
minabo me ad unam partem, & istam determinationem ac
Electionem ei offeram; petendo ab eius bonitate, ut illam
acceptet, ratam habeat, & conf met. Et ut mihi largiatur au-
xilium ac vires, ad illam re ipsa præstandam, juxta beneple-
citum & gustum Divinæ suæ Majestatis.

Pater noster,

Anima Christi sanctifica me;





DIES DECIMA

Dedicanda SS. Virginibus & Matronis, ut Annæ, Magdalenz,
Catharinæ, Agneti, Barbaræ, Cunegundæ, Tereziæ, He-
dvigi, &c. In gratiarum actionem pro dono Conti-
nentiæ illis & quibuscunq; hominibus dato;
In satisfactionem pro delictis, contra hanc
Virtutem admissis; Ad impetrandam
justis finalem in gratia DEI
perseverantiam.

MEDITATIO I.

De Amore DEI.

Prelud. I. Statue te coram DEO, erga te benevolo ac munifico; & coram Beatis pro te apud DEVM interpellantibus.

Prelud. II. Pete à DEO claram cognitionem, tum magnitudinis beneficiorum ab illo tibi præstitorum, tum infinitæ Bonitatis Divinæ tibi beneficientis, ut propter ipsa, & propter ipsum, tantum eum ames, quantum ipse est amabilis.

PUNCTUM I. Amor Verus consistit non in verbis, sed in operibus juxta illud S. Ioannis Epist: *Filioli mei non diligamus verbo, neq; lingua, sed opere & veritate.* Huc spectat illud Christi in Evangelio: *Si diligitis me, mandata mea servate.* Et illud: *Qui habet mandata mea, & servat ea, ille est qui diligit me.* Porro ista opera in quibus amor consistit, nihil aliud sunt, nisi communicationes bonorum, quæ amans communicat amato ex iis quæ habet. Vt si habeat scientiam, honores, divitias, aut alia bona, illa suo amato communicet, quantum potest. Quid verò amans præstat in amato, per istam communicationem bonorum suorum?

rum? Excitat illum ad hoc, ut ille viciffim fit amans aman-
tem ſe, adeoq; ut illi viciffim communicet bona ſua, & amo-
rem rependat amore, juxta illud Proverb. 22. *Qui dat mune-
re, animam aufert accipientium.* Et illud vulgare: *Munera con-
ſtrugunt etiam ſaxa.* Amor eſt magnes Amoris. Amor nullo
alio pretio ſolvitur, quam amore. Vnde innatus pudor eſt,
ſi quis beneficia accipiat, & non habeat, quo illa viciffim re-
gratificetur: non homo ſed bellua eſt; immo bellus ipſa deterio-
r, qui poſt accepta beneficia ingratum ſe exhibet: talis enim
indignus eſt anima rationali, immo & vita ipſa qualicunq;
Quia non ſatisfacit fini intrinſeco vitæ; unde eſt eſſentialiter
frustraſneus, adeoq; e rerum natura exterminandus.

II. Revoca in memoriam beneficia à DEO tibi facta,
ut Beneficium Creationis; ad quod pertinet, totum eſſe animæ
ac corporis, cum omnibus ſuis partibus, potentiis ac ſenſibus.
Item beneficium Conſervationis; ad quod pertinet influxus
continuatus Omnipotentix Divinx, & cætera cuncta bona
Naturæ intrinſeca & extrinſeca, ad meam conſervationem or-
dinata. Beneficium Redemptionis; ad quod pertinet Adven-
tus Filii DEI in Mundum, & omnia quæ pro hominibus fe-
cit, & paſſus eſt in carne mortali. Sacramenta quæ pro no-
bis inſtituit. Auxilia Gratiæ quæ nobis comparavit, & aliæ
dona ſupernaturalia, quæ nobis intuitu Chriſti Redemptoris
ſunt data. Revoca etiam in memoriam beneficia omnia par-
ticularia, quæ tibi in ſingulari contulit DEVS; quæ ſi bene
conſideras, innumera eſſe reperiſ. Huc accedunt plurima
mala, tum Naturæ, ut morbi calamitates, infortunia; tum
culpx; ut peccata eorumq; pænæ, in quæ alii, illo permitten-
te, ſunt prolapſi; tu autem illa evaſiſti; non alio te protegente,
nili benigniſſimæ DEI manu. Vnde etiam hæc, in quantum
te DEVS ab illis præſervavit, ſunt ejus beneficia. Super ſt de-
ſiderium infinitum, quod DEVS habet, dandi ſeipſum tibi in
gloria, cum aliis ineffabilibus bonis, per integram æternitatem.

III. Pondera inſuper excellentiâ datoris; Multitudinē atq;
magnitudinē beneficiorū; Intenſionē infinitam Amoris, à quo il-
la mana-

la manarunt. Modum quoq; eximium, quo hæc tibi datâ sunt; quia liberaliter; nam sine ullo interesse proprio; quia gratuito, nam sine ullo merito tuo, movente sola bonitate DEI, communicativa sui infinitè. His igitur omnibus expensis, tandem ex Principiis suppositis concludere. Si verus amor consistit in operibus, & in communicatione bonorum, Amantis erga Amatam? Quantus est Amor, quo me DEVS amat! siquidem tanta pro me operatus est operatur & adhuc desiderat operari per totam æternitatem. Tantaq; mihi communicavit, communicat, & vult communicare tamdiu, quamdiu ipse durabit. Et si pretium amoris non est aliud, nisi Amor. Quo amore debeo illi correspondere, communicando ipsi & tradendo totum quod habeo, quodcum & quod possum; maximè cum illi nihil dare possim, quod iam suum non sit. Et si munera rapiunt corda, saxaq; confringunt. O rebelle cor meum! quomodo te rapi non sinis tot DEI muneribus? O durus adamant! quomodo tot ictus beneficiorum Divinorum non sentis? Quomodo tanto amoris igne, durities tua non mollescit?

In Colloquio. Fateri coram DEO, te ei hætenus malè correspondisse, & pro bono malum, pro amore odium rependisse. Ergo convertis ad illam, prompto ac ferventi affectu, te totum, tuaq; omnia ipsi offer, dicens: Accipe Domine totam libertatem meam, accipe memoriam, intellectum, voluntatem, & universum quicquid sum, habeo, & possideo. Omnia mihi à Te tradita sunt, omnia tibi reddo, ut de omnibus omnino disponas, secundum Tuam sanctissimam voluntatem, à qua ego ne latum quidem ungvem recedere volo; sed me ipsi in omnibus accommodare. Da mihi Tui amorem & gratiam; quia mihi hoc sufficit.

Anima Christi sanctifica me &c.

Ejacula.

Ejaculatoria per diem usurpanda.

I. Diligam Te Domine fortitudo mea, Dominus fir-
mentum meum, & refugium meum, & liberator meus.

II. Domine, tu scis, quia amo Te.

III. Ignem venisti mittere in terram, & vis ut accenda-
datur. Vre ergo me illo Domine, ut liquecam amore Tuo.

DOGMA MATVTINVM.

Gratia Spiritu intellectus informandus.

I. **A** vera hæc est eaq; nobilissima animæ Facultas, quæ
homines, facit pares Angelicis mentibus, similesq;
DEO; ac res omnes, per cognitionem præsentis nobis red-
dit. Vt verò & hæc potentia sit ex toto spiritualis, circa tria
rectè, & ut par est, versari debet: nimirum circa DEVM;
circa seipsum; circa proximum. Ac imprimis, præcipuum
Intellectus humani objectum, bonumq; ac perfectionem es-
se Deum; illi ipsi antiqui Sapientes, licet à fidei lumine alieni,
solo rationis ductu concludere. Quorum Primas Aristoteles
rectè philosophatus est. *Ultimam hominis perfectionem esse vitam
optimam; id est optimas operationes vitales, perfectissimas autem, & emi-
nentissimas operationes eas esse, quæ sunt secundum sapientiam; eam verò
firmam esse, in contemplatione Dñi, mentiumq; separatarum, & in acti-
onibus virtutum.* Vnde, ait, eos qui sapienter & sanctè vi-
vunt; DEO esse similes, & ab eo diligi tanquam amicos,
curæq; illi esse, ob sui similitudinem, quam illæ ipsæ operati-
ones efficiunt. Atq; hæc omnia, ita bene ab Aristotele sunt
dicta, ut solo rationis lumine, quò ulterius progredetur,
non haberet.

II. Verùm audiamus in schola Christiana Sanctos me-
lius adhuc philosophantes: è quibus D. Thomas intellectum
& voluntatem duo animæ brachia appellat, quibus Divinum
illud Verum Bonumq; vitaliter amplectitur, ac sibi cōagmen-
tat. Et quamvis hæc præstans intelligendi facultas, ex eo
quod

quod immersa est corpori, eam ex huiusmodi vinculo contagionem trahit, ut, velit nolit, nonnisi mediante sensuum usu, & phantasmate, DEVM attingere, ac nonnisi ex proportionem ad sensibilia, conceipere illum, & apprehendere queat: unde fit, ut DEVS ab illo non possit prout in se est, purè intelligi: quod nonnisi in futuram vitam servatum est, in qua non per speculum, nec in ænigmate, ut modò: sed facie ad faciem, videbimus eum sicuti est, & idcirco, verè perfectèq; similes ei erimus, æterno illo infinitoq; bono, per operationes perfectissimas nobis unito, & Divina quadam similitudine, mentes nostras informante. Cæterum & in hac vita, tum lumen fidei, tum dona sapientiæ, & intellectus ethiciunt, ut quæ DEO, rebusq; Divinis inlita sunt, firmitus idem intellectus credat, & licet inevidenter, certò tamen cognoscat, hacq; cognitione beatissimus efficiatur. *Hac est enim vita æterna, ait Christus Dominus, ut cognoscat Te DEVM verum, & quem misisti IESVM Christum.* Et per Ieremiam C. 9. DEVS loquitur: *Non gloriatur sapiens, in sapientiâ suâ, & non gloriatur fortis in fortitudine suâ, & non gloriatur dives, in divitijs suis: sed in hoc gloriatur, qui gloriatur, scire & nosse me.* Nam ut bene dicit Abbas Chæremon apud Cassianum Col. 11, C. 13. *Divitiæ salutis nostræ, in vera sapientiâ & scientiâ DEI consistunt.*

III. Verùm ut hæc proficua sit, non merè duntaxat speculativam, sed Practicam, operiq; accinctam esse oportet. *Notitia vnius DEI, inquit S. Hieronymus L. 5. in Ierem. C. 22. Omnium virtutum possessio est, scilicet causaliter, ut scholæ loquuntur: nimirum cognitione DEI, ejusq; perfectionum, & attributorum sedula consideratione, proportionatos in nobis sensus, & voluntatis affectus, effectusq; operationis excitante.* In quem sensum S. Clemens Alexandr: L. 7. Strom: C. 4. & 6. loquitur: *Vi mors est separatio animæ à corpore; ita cognitio DEI est mors rationalis, abducens & separans animam à moribus, & perturbationibus inordinatis, deducens verò illam, ad vitam beneficentiæ, & bonarum operationum, ut tunc DEO libere dicat: Vivo sicut vis.* Et addit: *Ille qui cognitione DEI præditus est, solus est pius, ac religiosus,*

ligiosus qui pulchre, & citra ullam reprehensionem, in rebus humanis DEO servit.

Et certe si rationes illas formales, titulosq; ac nomina, ea præferim, quæ desumuntur ex ijs operationibus, quibus bonitas Divina extra se effusa, nos & alias creaturas attingit, sub quibus intellectus noster, DEVM ejusq; perfectiones, & attributa cognoscit, perpendamus: equidem illis, ad servitium DEI, timorem, amorem, reverentiam, mirum in modum stimulamur & cogimur. Porro his DEI titulis & respectibus, correspondent totidem veluti officia, quibus homo ad DEVM accedit, eiq; quantum potest, ex parte sua conatur colligari, eumq; sibi unire, ut de illo vivat & crescat, atq; perficiatur. Hi verò respectus & nomina, sunt præcipue quatuor; ad quæ tum omnes DEI perfectiones concurrunt, tum alij omnes respectus; qui excogitari possunt, reducuntur. Est enim Author & Creator noster, atq; primum Principium. Est supremus Rex & Dominus. Est finis ultimus. Est deniq; Pater amantissimus, sive amicus benevolentissimus. Cum ergo fides doceat; nos à nobis non esse sed à DEO, tanquam primo Principio, qui etiam nos in singula momenta, & sua in nobis dona perpetuò conservat: non potest voluntas tantam summi illius Principij excellentiam non magni æstimare, & ei se, suaq; subicere omnia ac in eum penitus, prout potest, referre, à quo se & cuncta sua pendere agnoscit. Qui actus interni sunt Religionis; ex quibus deinde oriuntur, externi, subjectionis illius internæ, testes & indices.

IV. Nec dissimili modo supremi Regis ac Domini Excellentia, Sapientia, Bonitas & Potentia augetur in anima, quando voluntariâ se ei subiectione penitus submittit, per virtutem Religionis, vel Obedientiæ: aut quando per virtutem Spci, abductam ab omnibus vitæ hujus bonis voluntatem, & fiduciam transfert in solum DEVM, eiq; ut fini suo ultimo, ac veræ beatitudini illam jungit, ut de illo etiam in hac vita vivat, gaudeatq;. Sed mirum in modum, omnes hæc primi Principij, supremi Domini, & Finis ultimi perfectiones cre-

sciunt per Charitatem; quā sit, ut non quomodocunq; per actus Religionis, Obedientiæ & Spei, nos nostraq; omnia Deo reddamus; sed etiam id ex vero ejus amore, sincerāq; benevolentia faciamus. Aded, ut quibuscunq; possumus obsequijs cum colamus & honoremus: non tantum ideo, quia illi omnia debemus, sed ex vero, sinceroq; erga illum affectu; ita, ut quamvis abesset ratio primi Principij, Domini, & finis ultimi, quā DEO tam strictē obstringimur, tamen ob infinitam ejus amabilitatem, quam habet in se, ultrō & spontē vellemus, tum præstare illi quavis obsequia, tum quantalibet bona etiam infinita communicare, & quasi ipsum ipsi reddere; idq; ex vera amicitia.

5. Alterum, circa quod intellectus noster versari debet, est cognitio nostri, ducens nos ad cognitionem DEI. *Hoc, ait S. Gregor: Hom. 17. in Ezech: Significat illa Ezechielis visio: quod in Templo DEI, ostium esset contra ostium, & regione scilicet alterius; ita ut unum præberet transitum ad alterum.* Dux enim sunt portæ, quibus pater aditus ad perfectionem, & ad intimam unionis Divinæ, conclave: altera est; Cognitio sui ipsius, tū quoad excellentias, donaq; naturalia, accepta à Creatore, tum quo ad imperfectiones proprias: altera, Cognitio DEI, & infinitorum ejus magnalium. Prima porta est contra alteram, seu è Regione alterius: quia Cognitio sui ipsius præbet aditum ad Cognitionem DEI, ita, ut eū ingressus fueris perfectē primam portam, statim tibi præluceat, quod est intra secundam: ut idem contempleris in DEO, cum infinito excessu, quod in te ipso cognoveris. Simul verò (opposita enim juxta se posita magis elucescunt) quò exactius tuam vilitatem cognovis eò perfectius, magnitudinem DEI assequaris. Atq; hoc, S. Bonav. Progressu 5. Relig: dicit, demonstrari mysteriò illo Evangelicò, quod Salvator noster, in caco nato operatus est. cui, luto oculis ejus imposito, & corporalem visum dedit, quò se videret, & Spiritualem, quò DEVM cognosceret adoraretq;. Sic DEVS nos cacos natos per ignorantiam DEI, & nostri, illuminat; lutum unde nati sumus liniendo super

per oculos nostros, ut primùm incipiamus, nos ipsos agnosce-
re, deinde Illuminatorem nostrum credendo, prout adorare.
Ita ut videre se & nosse; atq; considerare lutum seu abjecti-
onem suam, medium sit homini, perveniendi ad Cognitionem
amoremq; DEI. Hinc apud Sanctos, tam frequens fuit, hoc
sui Cognitionis exercitium, ut ad maiorem DEI Cognitionem
ejusq; Majestatis amorem venirent. Hoc exercitium usitatum
erat D. Augustino: *DEVS nescis noverim me, noverim Te.* In hac
Oratione S. Franciscus Seraphicus, noctes diesq; transigebat:
Quis Tu, quis ego?

VI. Deinde hæc eadem Cognitio sui, est compendiosa
ad Humilitatem via. Multi, ait S. Hier: ep. 27. *Humilitatis
umbram, veritatem pauci sciantur.* Facile est caput inclinare,
oculos demittere, humili voce loqui, sæpius suspirare, & ad
unumquodq; verbum, miserum se & peccatorem nominare;
si tamen hos, vel uno verbo quamvis levissimò læseris, aut
tetigeris; statim videre erit, quantum à verâ humilitate ab-
stiat. In promptu causa est; quia nesciunt, in quo sita sit
hæc virtus, ejusq; definitionem ignorant quam ponit D. Bern:
Tr: de Grad: Hum: *Humilitas est virtus, quâ homo, verissimâ sui
agnitione, sibi ipsi vilescit, seq. ipsum contemnit.* Superbus è contra,
ait S. Isid: in Etymolg: *dicitur est, qui semper vult videri plus quam
est.* Qui ergo veram Humilitatem assequi desiderat; habeat
se pro eo, qui est, nec se pluris faciat.

VII. Tertium, circa quod Intellectus noster, ut sit Spi-
ritualis, rectè versari debet, est mite atq; benignum de alijs
judicium. Quod nobis significat illud Christi capillitium,
cum quo S. Ioanni Evangelistæ, apparuit initio suæ Apocalyp:
*Caput autem ejus & capilli erant candidi, tanquam lana alba, & tan-
quam nix:* Vbi Prudentia, atq; Innocentia iudiciorum nostror-
um commendatur: album enim capillamentum, seu cani ca-
pilli, sunt nota prudentiæ, maturitatis, simplicitatis, sancti-
tatis: Ita nostræ cogitationes candidæ, & iudicia cana esse
debent, id est matura, & benigna, ac innocentia; ne facilè de
alijs suspicemur, sinistrèq; judicemus, imitemur potius DE-

VM, ita de se gloriantem. *Ego cogito cogitationes pacis.* Iudicia quoq; & cogitationes nostræ, sint pacificæ, & benignæ. Præcipuum relaxati animi signum est, cum quis faciliè alios iudicat; talis enim non introspicit seipsum, non ambulat intra se, non se dijudicat, non habet rationem suæ conscientiæ, non occupatur secum: unde in dijudicandis alienis actibus retus est. Deinde, signum est exiguæ Charitatis; nam *charitas pateriens est, & benigna, non amulatur, non querit quæ sua sunt &c.* Colligamus ergo nos, intra nos; iudicemus defectus nostros; & sic non intendemus in alienos & projiciamus trabes de oculis nostris, ne festucam in alienis, trabem putemus.

VIII. Sed sicut de alijs mite ac benignum formandum nobis iudicium; ita Critica & austera de nobis iudicia aliorum, vel toleremus necesse est, vel contemnamus; dum agitur de cavendo defectu aliquo, aut exercendo virtutis actu; Qua in re mirum in modum prævit nobis Redemptor noster Christus: Qui cum sit sapientia æterna, satis advertit, quantum iudicia hominum & linguæ, ad timidos mortales, à virtutis prosecutione avocandos aut retardandos haberent momentum: ideoq; suo etiam exemplo, hunc disturbare obicem, suisq; sectatoribus, ad illum contempnu superandum, animos voluit addere. Ac imprimis iudicia humana de vili & plebeio suo ortu, nihil fecit: quia obscuro loco natus, Fabri filius, & à Nazareth, unde nihil esse boni arbitrabantur, oriundus haberi voluit. Deinde literarum rudis omnisq; scientiæ expers, dum publicè ab aliquo diceretur, tacuit. *Vnde hic literasceit, cum non didicerit?* Præterea, cum illum contumeliosè Samaritanum, imò & à Dæmone obsessum proclamarent, cum vini potatorem & seductorem dicerent, imò & infamis cum peccatoribus societatis accusarent; nihil commoveri visus est. Deniq; cum furiis actum, vel furore correptum, & vinculis eonstringendum propinqui arbitrarentur, ille quasi auribus careret, ne verbulum quidem opposuit. Postremò cum ut malefactor & seditiosus, ac læsæ Cæsareæ Majestatis reus, apud Pilatum & Harodem, nec non frequentes hominum confessus, petere-

peteretur ad supplicium; nihil pro iusta sui defensione adferre voluit, stupente Præsidente, nonnullisq; aliis, ut arbitror, ex prope adstantibus, quos invidia non obcæverat. Hoc Christi exemplum, quantum in viris gravissimis pondus habuerit, & quantum in nobis, ad iudicia, vocesq; humanas contemnendas habere debeat, videamus. Legimus Apostolos lætitiâ periculosos, quòd digni habiti essent pro Nomine IESU contumeliam pati. Audimus Paulum in contumelijs gloriantem, & ab humano die profecta iudicia æstimantem nihili, Gregorium Nazianzenum, dum in Christum oculos convertit, voces, atq; convitia intemperantium linguarum, habentem pro stillantibus pluviz guttis. Iuniperum ad excipienda probra, tanquam gemmas Cælo cadentes, sinum vestis apertientem. Elzearium ad falsas famulorum delationes & sinistra inde in propinquis enata iudicia, obmutescentem legimus. Unde quæso in istis tam fortis, tam taciturna, tam læta patientia? non aliunde, quàm ab attenta Christi, inter similes injurias tacentis, contemplatione & exemplo? Quàm atrocitas contra Christianos, in primis Ecclesiæ incunabilis, iactata sint iudicia & probra; apud Tertullianum sigillatim expressa habemus: ut de nocturnis cæribus, & post nescio quas ceremonias, ad extincta luminaria, impuris congressibus; de adoratione ad poplites Antistitis fœdissima; de infante, cæcis occultisq; vulneribus inter illa sacra occiso; ejusq; sanguine, ad arctius conjurationis vinculum, in commune propinato; de altaribus, homini pro facinoribus punito, erectis; de ferali Crucis ligno adorato, & similibus; quæ, quomodo tulerint Christiani; novimus; dum imitati Christum, tacuerunt, aut modeste responderunt.

IX. Verum quidem est, quod Sapiens ait: *Calumnia conturbat etiam sapientem.* Sed primâ duntaxat commotione, quæ ad primum Christi patientis conspectum conquiescit. Id aliquando indicavit Apollo inter solitarios ob studium virtutis percelebris, qui cum sanguinem spereret, causam hujus alterationis querenti, respondit: *Se quidem acri alterius convitio fuisse*

commo-

commotum: sed dum illud, ob amorem Christi inter ludibria & opprobria tacens, silentio promit, & concoquere ac digerere conatur, in sanguinem esse conversum; quem postquam expuit, animus quoque ipse pristina sanitati restitutus est. Sicut enim rana quamdiu in palustri & turbida aqua degit, non cessat à clamoribus & coactione: sed ubi in fontanam & limpidam aquam transfertur, amplius non coaxat sed silet; ita homo dum naturæ corruptæ czno inhæret, continuò austeris aliorum iudiciis acris, sua quoque iudicia, & convitiis, convitia, atque clamores clamoribus reponit; sed ubi admirandam Christi, in ferendis hominum iudiciis & convitiis taciturnitatem, velut in limpido fonte, & patientiæ speculo intueretur, atque in ista contemplatione constanter hæret, quantumcunquē provocetur injuriis, iudiciisquē aliorum sinistris imperatur ac obruatur, facillè silentium servat.

MEDITATIO II.

De aliis Motivis Amoris DEI.

PUNCTUM I. DEVS habitat in omnibus Creaturis. In Elementis, dando illis esse; in arboribus, dando illis esse & vivere: in animalibus dando eis esse, vivere & sentire. In hominibus autem dando eis aliquid amplius; nempe Esse, vivere, sentire, & insuper intelligere. Atque hoc dat DEVS homini in puræ Naturæ constituto: cæterum eidem ut elevato per gratuitum suum favorem, ad finem supernaturalem Beatitudinis æternæ, dat Dominus DEVS esse adhuc Nobilius; nimirum esse Filium DEI adoptivum, per gratiam sanctificantem infusam; vi cuius homo fit Templum vivum Sanctissimæ Trinitatis, ornatum donis supernaturalibus virtutum infusarum, Fidei, Spei, Charitatis, Religionis, quibus ille creditur, amatur, colitur; adoratur. At quomodo DEVS dat mihi sua ista dona? Non mittendo illa ad me per tertiam Personam, sicut faciunt Reges terreni, dum suis subditis mittunt munera; sed

ra; sed veluti adferendo illa in domum meam per seipsum. qualiter etiam se gerit cum illis donis, quæ cæteris Creaturis confert ad meum servitium. Quæ ipsius dignatio excedit omnem admirationem. Inferam autem hinc me quoque; debere pari modo correspondere DEO meo, reddendo & impendendo in ejus obsequium, cum magno amoris affectu, id totum, quod sum, quod possum, & habeo: non utcumque, sed cum jugi præsentis suæ memoria; atque ita serviendo ipsi in præsentia sua. Porro iste amoris gradus altior est, æstimabilior, atque promptior ad voluntatem DEI implendam: sicut altius, & æstimabilius est servitium, quod Regi terreno præstatur in ejus præsentia, atque aptius ad cognoscendam & implendam voluntatem ejus; quam, quod præstatur in absentia.

II. Laborat DEVS, hoc est, ita se gerit, ac si laboraret, in omnibus Creaturis. In Cælis, Elementis, Arboribus, Animalibus, & in meipso. Scilicet conservando cuncta; & immediate concurrente cum omnibus, ad omnes eorum motus & actiones vivendi, sentiendi, intelligendi, & cæteras. In ipso enim vivimus, movemur, & sumus, ut ait Apostolus. O ineffabilis dignatio DEI, qui non solum conservat me, & adjuvat immediate me per se; ad omnes meas operationes concurrente; sed etiam ad meum servitium conservat cæteras creaturas; & quod plus ac mirabilius est, illas per se immediate adjuvat ad mihi serviendum. Si Rex aliquis ex ferventi amore erga suam sponsam, non solum procuraret & aleret omne servorum genus pro servitio sponsæ; sed etiam ipsemet per se, cum omnibus illis servis cooperaretur in omnibus servitiis, pertinentibus ad obsequium Regina: quantus ille amor esset? O quam ineffabilis est amor DEI erga me, qui cum ad multo plura & majora facienda in mei gratiam, obstringit. Igitur & ego curabo respondere tanto Amori, cuncta operando in ejus amore; conjungendo exactam, omnium quæ ei placent, executionem; ita, ut in me labor externus non impediatur alicuius præsentiam, & amorem, internamque quietem, & pacem animi.

III. Omnia Bona creata descendunt ab Increatis. Sicut enim à sole profluunt radii lucis, à fonte rivi aquarum &c. Ita quoq; ab intellectu Divino infinito, à Sapientia, Omnipotentia, Aeternitate, Bonitate, Iustitia &c. descendunt similes maxime limitatæ virtutes & perfectiones. Hæ enim in illis continentur eminenter, & cum præstantia infinitè excessiva. Unde ex perfectionibus creatis, ascendam ad Divinas, & considerato Essentiæ DEI Magnitudinem, ejus Independentiam, Aeternitatem, & cætera Attributa, ut Sapientiam, Omnipotentiam, Immensitatem, Bonitatem, Misericordiam, Liberalitatem, Iusticiam &c. Ponderabo in unoquoq; seorsim ejus conditiones & proprietates. Hinc autem progrediar ad quartum gradum Amoris, Amando DEVM propter seipsum, ut summum bonum, continens in se omnia bona. Hic amandi modus est altissimus; ita, ut qui tali modo DEVM amat, nihil jam inveniat quod amet propter DEVM; vel si quid aliud amat, propter illum solum & unice amat.

In Colloquio. Ardente cordis affectu, pete à DEO, ut claram tibi infundat lucem, ad cognoscendam infinitam ejus Bonitatem, præbeatq; efficacem gratiam, ad illam semper & unice atq; perfectissimè amandam; adimplendo semper & in omnibus, suam Sanctissimam voluntatem.

Pater noster. Ave Maria. Anima Christi.

REFLEXIO

Supra

OBEDIENTIAM RELIGIOSAM.

SI promptus parere velis, non murmure duro Lingva strepat; solvas humilis mandata jubentum. Iussa tibi facilis, quamvis natura repugnet. Noscere discas DEVM, quem fert persona jubentis, Huic parere stude, ceu Christo. Promptus obedi Mandatis, quæ nulla subit, quæ nulla patescit

Noxa.

Noxæ: Iubentis ama iustum, licet ille scelestus
 Perfida fœdaret manifestis pectora culpis.
 Rectorum manibus proprium committere cura
 Pectus, res ad te spectantes, sponte capesse
 Ceu Superum dextrâ quidquid iussere regentes.
 Ad nutus minimos, cura parere iubenti.
 Ardua non segnis demissaq; munia solve,
 Subjice iudicium, nullâ ratione petita;
 Fac placidus tua iussa ferens, propè cæcus obedi.

R E F L E X I O

Supra
 S O M N U M.

Discussis animi latebris, Venerabile supplex
 Convēnas; jungens elapsæ facta diei
 Cum Christi meritis; præsentis illa Tonanti.
 Exue, strata petens mox, artus veste pudicos;
 Cujus in amplexu postquam se basia pascunt,
 Indiga tum somni placido composito lecto
 Membra: Crucisq; instar connectito palmas;
 At simul, in requiem labentia lumina, somno
 Eterno credat claudi, mens provida; mollem
 Non thalamum reputet, rigidum sed scandere bustum.
 Nec lecto sese, verum committere lero.

D O G M A P O M E R I D I A N U M.

Gratia Spiritu, Voluntas animanda.

IV T Voluntas sit purè spiritualis, tria potissimum in illa
 reparanda & procuranda sunt; scilicet Mortificatio inte-
 rior, Rectitudo intentionis, & Bona servidaq; desideria, DEO
 serviendi, ac magis in dies proficiendi. De singulis non ni-

hil dicendum. Mortificatio interior, primū exercenda est in moderatione Appetitus Concupiscibilis, seu aboracatione secularium desideriorum; nihil commune cum secularibus habendo, sensuales opprimendo cupiditates, omnem sæculi pompam, non tantū rejiciendo, sed etiam conipiendo, & pessum dando. Inde, namq; sequetur vera Paupertas spiritus; quæ est professio nostra, imò omnium votorum religiosorum observantia perfecta. Qui enim, nihil de mundo desiderat; cum mundi bona sint, divitiæ, voluptates, & honores; per contemptum divitiarum erit pauper; per horrorem voluptatum, castus; per odium dignitatum, & honorum, in humilitate sua erit obediens. Et hoc est, ad quod Apostolus hortatur Tit: c. 2. dicens: *Apparuit gratia Dei Salvatoris nostri omnibus hominibus, erudiens nos, ut abnegantes impietatem, & secularia desideria, sobriè, & justè, & piè vivamus in hoc sæculo, expectantes beatam spem, & adventum gloriæ magni Dei, & Salvatoris nostri.* Vbi satis docet; ex renuntiatione mundanorum desideriorum, sobriè nos victuros, per castitatem; justè, per paupertatem; piè per obedientiam: Reverentia siquidem majorum, dicitur Pietas. Hinc etiam sequetur pax & tranquillitas animæ; nam, qui nullo desiderio seculari distrahitur, possidebit cor. Iudatum, tranquillum, devotum, & ad orationem, ceteraq; exercitia spiritualia, dispositum; erimusq; *populus acceptabilis, sectator bonorum operum*: Causa enim, cur opera nostra non sint bona, vel non bene acta, est immortificatio desideriorum.

II. Post moderationem Appetitus Concupiscibilis, oportet cōducere irascibilem; ferendo patienter, quæ nostræ voluntati repugnant; ut; defectus Fratrum nostrorum, injurias quas nobis contingit irrogari, incommoditates, quæ occurrunt; iussa superiorum quæ sæpe non opportuna aut ardua, videntur nobis imponi; quarum rerum impatientia, multū nocet fervori spiritus. Id-o S. Iacobus dixit: *Patientia opus perfectum habet, ut simus perfecti, & integri, in nullo deficientes.* Idem conlulit Sapiens: *Fili, in mansuetudine opera tua perface.* Nisi enim appetitum irascibilem perfectè mortificaverimus, perfectionem consequi

consequi non valebimus; quam utiq; solidi patientia operatur;
& sine qua, nulla perfecta virtus consistit. Quare tolerantia
necessaria est dupliciter; tum ne violemus charitatem, quæ est
vinculum perfectionis; tum ut omnes virtutes perfecte exequa-
mur; nam in unaquaq; est quod toleremus, & tumina difficultas
per patientiam solum superanda. Tota doctrina internæ mor-
tificationis continetur duobus illis Epicteti verbis: *Sustine, &*
abstine. Verumq; autem complectitur Regula nostra, quæ ju-
bemur: *Quærere in Domino maiorem nostri abnegationem, & conti-*
nuam in rebus omnibus mortificationem.

III. Alterum ex hac interna mortificatione; pronius fiet;
ut nimirum puram ad DEVM Intentionem dirigamus. Qui e-
nim de mundo nihil desiderat, facile ad DEVM sua desideria
convertit: Et qui nihil nisi DEVM concupiscit, nihil in omni-
bus rebus, nisi DEVM quærit: in quo puritas bonæ inten-
tionis consistit; scilicet, ut in omnibus eum quærentes, omnia
pro DEO faciamus. Si autem hoc non agimus, nos præti-
pue, qui DEO dicari sumus, id Apostatam quandam censere
debemus. Nam graves DEVS per Isaiam querelas de hoc de-
dit: *Va Filii desertores, dicit Dominus, ut faceretis consilium, & non*
ex me. Sanctus Chrysost: legit: *fecistis voluntatem meam, &*
non pro me. Quibus verbis nihil poterat significantius nobis
adferri; quàm, agrè ferre DEVM; Non omnia nos propter se
agerè; siquidem eos ipsos, qui suam voluntatem faciebant,
Apostatas, & desertores vocat, quoniam non pro ipso face-
rent. Usq; ad eò pura intentio, est necessaria, & grata DEO,
ut non sufficiat, quò illi placeamus: facere quod ipse vult;
nisi id pro ipso faciamus? Multi enim sunt, qui eisdem
opus faciant; diuersè tamen à DEO illud accipitur. Zachæ-
us, & Herodes pariter desiderarunt videre Christum. Bonum
profecto opus; at Zachæi votum sic placuit Christo, ut in
suamet domo manducare voluerit, & privatim eum alloqui,
instruereq;. Herodis autem desiderium sic displicuit, ut nec ver-
bum illi loqueretur. Saul dixit, Peccauit David quaq; sed
quam dissimili fructu? Abraham nisi promisso fide, hinc ri-

fit & Saraj sed illius risus laudatus. hujus increpatus est. Sed neq; sufficit ad puram intentionem, offerre DEO quacunq; facimus; ad ipsumq; cuncta opera nostra dirigere; opus etiam est. ut faciamus voluntatem ejus: Nam si quis, quod sibi placeat, non quod DEO, facit, etiamsi illud ad DEVM dirigat, non placebit DEO. Quare duo hæc jungenda sunt: *Facere omnia pro DEO, & facere omnia quæ DEVS vult;* inquirendo in omnibus rebus, quæ sit voluntas DEI bona, beneplacens, & perfecta. Ultra hæc, ad sinceritatem, puritatemq; intentionis requiritur, non solum facere, quæ DEVS vult, & illa ipsa facere, quia vult; hoc est propter illum: sed etiam hoc solo intuitu illa facere; non permiscendo alium finem.

IV. Atq; hoc videtur velle Apostolus, dum monet, ut *omnia nostra in Charitate fiant.* Hoc se maximi facere, S. Gertrudi significavit Christus, minimasq; actiones Charitatis sigillo & Charactere insignitas, magni pretii esse apud æternum tribunal, asseruit. Cujus rei causa, ex natura Charitatis videtur petenda. Nam Fides & Spes, prout notat S. Thomas in 1. Coriinth; etsi ad DEVM tendant, semper tamen ad nos ipsos, bonumq; nostrum reflectuntur. Nam ex Fide, veritatem æternarum Cognitio ad nos redit: ex Spe, boni alicujus expectatio, animum delectat & sustinet; charitate autem totus homo in DEVM abit, in illo figitur, & tanquam in centro suo conquiescit. Vnde fit, ut actio à sola erga DEVM charitate profecta, prout notat Nazianzenus, Divinum quidpiam hauriat, & quodammodo Deificetur. Proinde S. Chrysostomus orat, ut ad omnes omnino nostras actiones, hoc DEO placendi desiderium adferamus, & potissimam nostræ in hac vita beatitudinis partem, in hoc puncto consistere, atq; hanc debere esse omnium actionum nostrarum amissam & regulam arbitrat. S. verò Bernardus puro ac simplici intentionis nostræ oculo, in omni actione, veritatem & charitatem, velut perpetuas comites assignat, illam, ut eligat, quod DEO gratus; hanc, ut in actione nihil aliud, quàm DEO placere desideret; & quò desiderium fuerit intensius, eò melior futura

futura est illi, DEO acceptior. Hoc observasse videtur, ille Societatis nostræ Religiosus, Ioannis Soto, officio sartor, qui morti proximus, acum quæ unus fuerat in consuendis nostrorum vestibus, tradi sibi postulavit, rogando, ut cum ea de vita decedens tumulo clauderetur; dicebatq; sperare se, hac veluti clave calum sibi aperiendum, eamq; se Christo offerre velle, quod quidquid vestium illa contingeret, eâ fecisset intentione, quali ipsimet Christo vestem apparasset, oculis mentis continuo illam sententiam obversans: *Quod uni ex minimis fecistis, mihi fecistis.* Quam etiam sententiam memoria re, etens, piissimus frater Alphonsus Rodriquez, dum officio laicioris fungereur, Portamq; Collegii adventantibus aperuisset, & hac actione, uni Christo studeret gratificari, id promeruit obtinere, quod intendebat: nam ipse Christus, non senel ad Portam adveniens, solam pulsavit, ut Alphonso occasionem daret, januam aperiendi. Narrat Cantipratanus l. 3. Apum c. 4. Cantores, Musicos inter quos unus erat raucus, in quadam solemnitate, decerrasse, quis illorum in canendo, vocis modulatione, aliis paucam præriperet? interim vox è cælo ad omnium aures delapsa: ex omnibus solum raucum à DEO exauditum esse; eo quod ille solus incondito suo cantu DEO placere studuisset, cæteris sibi duntaxat plaudentibus, & ad aures DEI minimè attendentibus. Tanti pretii est, studium placendi DEO; ut viles etiam in æstimatione hominum actiones, valde sublimibus, atq; cæteris speciosis & spectabilibus præferat operibus.

V. Tertium, quod in voluntate curandum est: nempe fervida desideria serviendi DEO, per quæ nos inflammare, & novo semper igne recreare, ut corda nostra perpetuò ardeant, debemus. Ad hoc enim venit Filius DEI de cælo: *Igitur (inquit,) veni mis. ere in te. ram. & quid vult, nisi ut Divino ardeamus amore, & sanctis desideriis cælestia concupiscamus.* Ad hæc desideria in nobis excitanda, pronuntiavit Beator, qui esuriunt, & sit. uni iustitiam, atq; ut nos suo ad hoc provocaret exemplo, dixit: *Desideria desiderari, hoc Pascha manducare vobiscum.*

Et hæc.

Et iterum: *Baptismo habeo baptisari, & quomodo coarctor, donec perficiatur!* Si tam avidè & ardentè Filius Dei desideravit pati pro nobis; cur nos non desiderabimus aliquid facere, & laborare pro illo? cur non desiderabimus pro nobis bonum nostrum? Pudor noster est, quàm strenuè gesserunt se milites David, quàm animosè ejus desiderium adimplerant: nos autem desideria Divina torpore nostro contemnimus, & rideamus. Desideravit David, & dixit: *O si quis daret mihi aquam de cisterna Bethleem!* ardua protectò res, & præterea pauci momentis nihilominus tres milites per media castra Philistinorum, perrexerunt cum ingenti conatu, & vitæ periculo, præstantes, desudantes, morientes ut sic dicam, & hauserunt inde aquam, attuleruntq; ad David: DEVS autem non sibi voluptatem aliquam, non rem futilem desiderat, sed nostram salutem, nostrum profectum, nostram perfectionem, honorem, utilitatem, gaudium, & nihilominus torpemus?

VI. Pudor deinde noster est, Quàm fervidis Isaias & David flagrabant desideriis: estò exemplum Redemptoris non viderint, nec illos tot beneficiis DEVS obstrinxerat, ac nos, qui cruorem Filii sui pro nobis effusum videmus. Sanctus Propheta Isaias, præ ardore desiderii de se fatetur; neq; noctu se quiescere posse, sed ex totis præcordiis, & toto spiritu, ad DEVM anhelare. *Nomen Tuum (inquit Isaiæ 26.) & memoriale Tuum, in desiderio anima mea. Anima mea desideravit te in nocte; sed & spiritu meo, de mane vigilabo ad Te.* Sic ardebat sancta Dei cupiditate; ut, quamvis noctu non dormiret; proponeret tamen de mane, perseverare in suspiriis, & desideriis suis. David quoq; præ desiderio Dei, deliquia patiebatur suavissima: *Quid mihi est in calo, ait Psal: 72. & à Te quid volui super terram? defecit caro mea & cor meum, DEVS cordis mei, & pars mea DEVS in æternum.* Et quid fervidius, quàm eùm dixit: *Quemadmodum desiderat cervus ad fontes aquarum, ita desiderat anima mea ad Te DEVS.* *Sititit anima mea, ad DEVM fonte vivum.* Et iterum: *Concupivit anima mea, desiderare justificationes Tuas in omni tempore, Ideo autem: Ista desideris, & in nobis accedunt.*

sunt. Primum; quia gratissima sunt DEO: propterea Angelus non invenit tulum, quo magis significaret, Daniëlem DEO fuisse gratum, quam vocando illum *Virum desideriorum*. Opera namq. ait S. Laurentius Iustin; eo sunt *superno iudici gratiora* quò ardentiori fuerint facta charitate nam non qui plus operatur, sed qui plus diligit, magis commendatur à Christo. Amor enim desiderii nutritor; desideria autem, ab amore, tanquam calor ab igne procedunt.

VII. Deinde; quia nihil est, quod magis difficultatem virtutis emolliat, & facilius laborem disciplinæ religiosæ. Nam cum acris præceat cupiditas alicujus rei; sopit molestias omnes, quæ in illius consecutione occurrunt: Vincit enim incredibilia, quemadmodum apparet in hominibus avaris, & gloria cupidis; quos videmus, diu nocteq. sub fascibus laborum desudare, contemnere pericula, corporis quietem nihili pendere, pacem mentis amittere, ipsamq. mortem ultimum terribilem, non formidare; ait S. Laurentius Iustinian; c. 6. de perfectione. Si tantum posset hic amor in cordibus peccatorum: quantum valebit in cordibus iustorum, si pro calorum gloria, pro Paradisi gaudiis, pro perenni Felicitate decetare nescantur.

VIII. Tandem, sine magno desiderio, non est cur expectemus magnum profectum: quare ardentia vota, non solum sunt opportuna, ut proficiamus, sed etiam necessaria: Hinc Plutarchus, lib: de perf. mori hoc primum signum dedit alicujus profectus. *Primum argumentum* (inquit) quo te sentias in virtutis studio profecisse, est amoris immensitas. Erubescamus ad sententiam hujus Ethnici. non qualemcumq. cupiditatem, & amorem virtutis, sed immensum requirentis. Et cur non? Nam si istud Nihil fucatum, & vanitatem mundi, immensè desiderant avaris Bonum illud, quod revera immensum est, cur miserè & limitatè desiderandum? Optimè S. Bernardus serm: 2. de omnibus SS. ait; Quis ergo esurit, esuriat amplius; & qui desiderat, abundantius adhuc desideret; quoniam quantumcumq. desiderare potuerit, tantum est accepturus: imò non secundum imperfectiorem, modum desiderii: quoniam donec perfectò desideret, sed mensu-

ram accepturus est bonam & consortiā, & coëgitatam, & superfluentem.

IX. Non sis ergo contentus simplicibus desideriis, sed ad amorem DEI obtinendum, offerq; illi quantacunq; potes vota. Imitare laudatissimum illum S. Francisci Socium Massicum, qui ut virtutem aliquam, quam in Seraphico Patre advertebat, à DEO impetraret, precibus ardentem insistens, ab Angelo rogatus, quid ad eam obtinendam dare veller; duos obtulit oculos. quo ardore, id affectus est, ut ei Angelus diceret: *Habebis, quod petis; & nullum oculorum amittes.* Imitare Seraphicum Bonaventuram, cujus hæ sunt ad DEVM aspirationes, in stimulis Amor. Divi par. 2. c. 3. *Tu te mihi dedisti, o DEVS, & à me cor meum petisti: sed quantum est hoc Domine mi, qui tam excellens es? Si haberem cor. v. ai. omniū simul hominum cordibus, quod cunctorum affectus Angelorum complecteretur, quod v. ai. plura corporalia & spiritualia contineret, quam celum empyreum; hoc ipsum totum tibi tribuere deberem, & adhuc tanto Domino, minus. hoc parvum, es quasi nihil esset: quanto magis illam parvam scintillam cordis, quam habes, tibi dabo, & rosabit in te ponam: hoc enim permaximum est mihi, quod cor meum habere dignaris. Nonne stultus essem, si de cætero applicarem illud alicui Creaturæ; cum DEVS meus velit illud habere? Et jam nolo, ut in me ipso remaneat; sed volo, totaliter requiescat in te, qui creasti illud ad laudandum te, Melius est ut cor meum maneat in Tua Divina Majestate, & immensa bonitate; quam in mea fragilitate & iniquitate. Si hoc habere, o anima mea contemplative cupis; opus est, ut multum corde desideres, & multum ore postules; atq; sic desiderium tuum tribues tibi DEVS, & voluntate tua non fraudaberis, sed mentem tuam elevans in se, benedictionis dulcedinis eam præveniet; & tanquam coronā lapidis pretiosi, semetipso te circumdabit.* Precabatur in ultima cæna Patrem æternum Christus pro Apostolis, immo & pro nobis omnibus, dicens: *Non pro his tantum rogo, sed & pro eis, qui credituri sunt per verbum eorum in me: ut omnes unum sint, sicut & tu Pater in me & ego in te, ut & ipsi in nobis unum sint.* Ut hæc Christi precatio etiam in nobis operatur effectum, ut unum simus cum DEO; supplici voto desideremus à Patre: *Posside*

memoriam meam, & tua illam presentia reple; ut sim tecum unum contemplativè. Desideremus à Filio. Posside intellectum meum, & eleva illum sanctis cogitationibus; ut sim unum tecum cognoscitivè. Tandem desideremus à Spiritu S. Posside voluntatem meam, & sanctis illam affectionibus inflamma, ut sim unum tecum affectivè.

MEDITATIO III.

De conformitate voluntatis nostræ cum Divinæ

Pralud. I. Statue ante oculos mentis Christum Dominum; coram toto mundo meritò gloriantem; In capite libri scriptum est de me, ut faciam voluntatem tuam: DEVS meus volui. & legem tuam in medio cordis mei. Et: tota unum, aut apex non prateribit, donec omnia fiant. Et: Ego qua placita sunt Patri meo facio semper. Et in horro ait: Non mea sed Tua voluntas fiat Pater. Et univèrsaliter, nos omnes orare sic docet: Fiat voluntas tua, sicut in Cælo & in terra.

Pralud. II. Tete gratiam à Christo, quatenus eum imiteris; ita tuam voluntatem Divinæ conformando, ut quid, quid ille vult, tu velis: quidquid non vult, tu etiam nolis non solum speculativè sed etiam practicè, hic & nunc, in omni occasione.

PUNCTUM I. Nullum est argumentum evidentius, nostræ erga DEVM Amoris, quàm conformitas voluntatis nostræ cum Divina. Ut scilicet idem velimus aut nolumus, quod vult aut non vult DEVS, ut de manu DEI æquali affectu suscipiamus, prospera & adversa, iucunda & molesta; ut nulli rei creatæ nimium adherescamus; sed simus parati, ad illam habendam, vel non habendam; prout DEVS ordinaverit. Ratio hujus asserti est. Quia verus Amor consistit in communicatione bonorum; ita, ut quò chariora illi fuerint bona, & tamen illa communicat Amans Amato, eò quodq; majorem charitatem Amans ostendat Amato. *Maiorem charitatem, ait*
Christus,

Christus, nemo habet, quam ut animam suam penat quis pro amicis suis, quia nihil habet pretiosius & carius suā animā. Cum ergo etiam homo nihil carius, nihil pretiosius habeat voluntate libertateq; sua; hæc enim est inseparabilis ab anima humana, vel identificatur cum illa, unde homo illam præponit omni thesauro & quibusvis possessionibus; hinc dum illam per conformitatem donat, per hoc maximè declarat amorem suum erga Deum. Et certè; qui alicui dat arborem, donat ei fructus ejus. Voluntas in homine est arbor, omnium potentiarum veluti frondium, & actuum ab eis provenientium. Inspice igitur cogitationes verba & facta tua, an concordent cum voluntate DEI? Si concordant; habes in te evidens argumentum, quòd ames Deum. Si non concordant; non est in te Amor; & quamvis ore proferas, quòd ames Deum; si tamen ejus voluntatem non imples, mendax es, & veritas non est in re.

II. Licet omnis Creatura, titulo Creationis debeat esse subjecta DEO; eò, quòd sit essentialiter serva DEI, ut pote ab illo essentialiter dependens, in esse, produci, conservari, posse, & operari. Vnde nihil fit in mundo, absq; nutu & arbitrio DEI positivè volentis, excepto solo peccato, ad quòd solum permissivè se habet. Hinc omnia prorsus, ut sanitas & infirmitas, Divitiæ & Paupertas, Honores & infamia, huiusmodi eventus humani, proveniunt à manu DEI. Omnia quæcunq; voluit, fecit in celo & in terra. Non solum bona seu prospera; sed etiam mala seu adversa. Quod est malum in Civitate quæ non fecerit Dominus? ait Scriptura: Hinc etiam creatura libera, adeoq; voluntas mea, velit nolit, tamen debet esse subiecta DEO, quo ad omnia generali titulo Creationis. Nihilominus à Creatura libera, potente moraliter operari, plus exigat Dominus DEVS; nimirum ut se ultro spontaneè conformet Voluntati Divinæ; tum liberè acceptando quocunq; eventus sive prosperos, sive adversos, aliunde obvenientes; tum etiam suos omnes actus internos & externos conformando Sanctissimæ ipsius voluntati, tanquam primæ Regnæ omnium morum. Ex hac autem spontanea conformatione, sequitur in ho-


mino internum solatium. Gaudium, & Pax animi, quam prædi-
cāunt Angeli in Nativitate Christi canentes. *Gloria in excel-
sis DEO. & in terra pax hominibus bonæ voluntatis.* Qui autem
sunt hi homines bonæ voluntatis, nisi qui voluntatem suam
conjungunt cum Divina. Prædicant hoc in seipſis SS. Angeli
& hoc est quod Iob ait: *Concorda cum DEO & habebis pacem, &
erit. Omnipotens contrarius inimicis tuis. & tu cum Omnipotente
delictis fruieris.* Tales sunt profectò felices, & latam vitam
ducentes, tanquam Reges: Cujusmodi erat ille Mendicus, qui
interrogatus quis esset: Respondit; se Regem esse, Meum au-
tem Regnum est anima mea, in qua semper dominatur Volun-
tas DEI. E contra vero *non est pax impiis, sed perpetua tri-
bulatio, afflictio, anxietas &c.* O DEVS amator Pacis! uti-
nam anima mea sit tale Regnum, in quo tua Sanctissima Vo-
luntas regnet, imperet, dominetur.


III. Hinc sancti DEI, studioſè curarunt istam confor-
mitatem sui cum Voluntate DEI, Atque imprimis in veteri
Testamento, Abraham senex, ad vocem & nutum DEI, me-
dià nocte conſurgit, filium unicum Isaac, secum tollit, Igit,
mactare vult & immolare. Isaac Verò, esto posset manus a-
tris evadere, & fugere mortem; erat enim Iuvenis annorum
25. quia tamen à Patre audivit, hanc esse Voluntatem DEI, ut
ocideretur, conſenſit, ultro manus ligandas præbuit, flexit,
cervicem sub iſtum inclinavit, Iob omnibus fortunis, &
prole ſpoliatus, nudus, in ſterquilinio ſedens, totus ulceribus
oblitus, ſanctam teſta radens, ad DEI tamen voluntatem reci-
piens, clamat: *Dominus dedit, Dominus abſtulit, ſit nomen Domi-
ni benedictum.* Sicut Domino placuit, ita factum eſt. David Rex
de ſe ait: *Ut jumentum factus ſum apud Te, & ego ſemper iſ-
tum.* Sicut enim jumentum ad omnia obſequitur ei, qui il-
lud gubernat, ita & David, ſubjectus erat Voluntati DEI, ma-
ximè in rebus adverſis; ut in perſecutionibus à Sane, Abſo-
lone, Sen ei, & hinc mernò eſt appellatus *Vir ſecundùm cor DEI.*
Iam verò in novo Testamento, Sancti Viri, quæ viſ, impi-
mis ad magnam perfectionem in terra; deinceps ad magnam

gloriam, in Cælo pervenerunt? Non aliâ profectò, nisi, con-
firmate suæ voluntatis cum Divina. Talis fuit inter alios
ille Religiosus, qui dicebat. *Malo ex voluntate DEI, sicut vermis
per terram repere, quàm ex mea voluntate collocari inter Sera-
phinos.* S. Catharina Genuensis dicebat: *Si esset in meo cor-
pore, vel in mea anima, vel una particula, qua contrariaretur vo-
luntati DEI, vellem eam statim in pulverem redigi, aut annihilari.*
Talis fuit & ille de quo scribit Cæsarius, qui de se dicebat:
*Si me DEVS ad infernum damnare vellet, & ego me inde possem, uno
Pater noster liberare; tamen ex amore Voluntatis Divinae, non con-
traherem ullam cogitationem Voluntati Divina contrariam.* Unde ve-
rò isti, tantam virtutem didicerunt? A Magistro & exemplari
omnium virtutum Christo Domino, qui postquam se in pri-
mo instanti Conceptionis suæ, in materno utero, obtulit DEO
Patri, ad labores & ærumas ex beneplacito ejus tolerandas
pro salute Mundi, & gloria sui æterni Patris; ita hæc ad a-
muñim totis 30. & aliquot annis perfecit, ut tota unum, aut
unus apex, non præterierit à lege, donec omnia fierent.

Colloquium fiat, dicendo ad D. DEVM cum Davide:
*Paratum cor meum DEVS; paratum cor meum si vis me esse in
luc. honore, splendore, sicut voluntas tua, sicut in Cælo & in terra.*
*Si autem me vis esse in tenebris, in ignominia, vilipendio, abje-
ctione. Fiat voluntas tua &c. Paratum cor meum. Si vis me
esse sanum, diuturnum, incolumem, fiat voluntas Tua. Si etiam
vis me esse infirmum, brevis vitæ; paratum cor meum. Da
igitur mihi auxilium gratiæ tuæ, ne unquam à tua voluntate
recedam ad unguem. Impetra id mihi obsequiumissima Ancil-
la Domini; impetrate Sancti DEI, qui nunc ita pendentis à
DEO vestro, sicut digiti à manu, radij à sole; torren-
tes à fonte. &c. &c.*

Pater noster, Ave Maria, Credo in Deum &c.





INDEX LOCORVM

ex quibus Conciones vel Meditationes
peti possunt, pro singulis Dominicis.

Dominica I. Adventus.

ERunt signa in Sole & Luna & Stellis, & in terris pressura¹ Gentium: Dum planetæ Cæli, Sol, Luna, Stellæ alterantur, ante iudicium DEI; sequitur in Terris pressura Gentium: ut doceamur, quòd, si Sancti & Iusti Viri, qui per Solem, Lunam, & Stellæ designantur, metuunt Iudicium DEI; quantò magis illud timere formidareq; debent, homines perversi & discoli; juxta illud S. Petri: *Si iustus vix salvabitur, Impius & peccator ubi parebunt.* pag: 132.

His autem fieri incipientibus, respicite & levate capita vestra, quoniam appropinquat Redemptio vestra. Quamvis mors, dum jam imminet, ex natura sua sit omnibus terribilis; tamen Iustis, magnam parit fiduciam, imò læticiam: Nam illis, cum signa mortis appropinquantis jam apparent à Christo dicitur: *Respicite, & cum fiducia levate capita vestra, ecce appropinquat Redemptio vestra.* pag: 108.

Dominica II. Adventus.

Tu es, qui venturus es, an alium expectamus? Quamvis Christus idem veniet ad Iudicium universale, qui ad nos venerat à Cælo in Mundum, & qui de Mundo ascendit in Cælum; sicut prædixerunt Angeli in ejus Ascensione: longè tamen alius ac diversus à seipso: Nam ibi venerat clemens, peccata hominum dissimulans, parcens, hic autem veniet, admodum severus, stricte peccata discutiens, & horrendè puniens, pag: 132.

Quid exisitis in desertum videre? Arundinem vento agitatam, Hominem mollibus vestitum? Duplex in Ioanne hic tacitè innuitur laudaturq; à Christo virtus: Constantia in bono, & Motivificatio sui, Quia Spiritu Gratia, constanter insistendum vi-

INDEX LOCORVM.

ex. mundo per omnia contrariæ. pag: 196. & 197. & 129. & 216. 208. & 220.

Mittens duos ex Discipulis ait. Tu es qui venturus es. Sicut Christus binos ante faciem suam mittebat Discipulos, quod erat. ipse venturus; ita nunc Ioannes duos è suis Discipulis ad capiendam de Christo Informationem mittit; ut discamus, ad colendum honorandumq; DEVM, duos prodromos conducere maximè; Cognitionem sui, & Cognitionem DEI, pag: 249.

Dominica III. Adventûs.

Tu quis es? Legati Hierosolimitani strictè examinant Ioannem, quis esset; an Christus, an Propheta, an Elias? Ita nos strictè in hac vita scrutari percontariq; debemus, *Tu quis es?* Vt strictissimum de nobis scrutinium & Examen in iudicio DEI. particulari evadamus. pag: 120

Non sum Ego Christus. Elias es Tu? Non sum; Propheta es Tu? Non. Per istos tres negandi modos, maximam Ioannes ostendit Humilitatem, & ad culmen perfectionis ascendit. Quia & nobis tres Humilitatis gradus sunt superandi, si perfectionis Christianæ fastigium conscendere volumus. pag. 204.

Cujus non sum dignus solvere corrigiam calceamenti. Etiam si Ioannes erat Præcursor & Mareschaleus Christi; licet ad sublimitia quæq; munera à DEO destinatus; tamen indignum se arbitrat, ut solvat corrigiam calceamenti Christi; Nam qui de se parum sentit, suisq; viribus nihil fidei, ad magna quæq; patranda confortatur à DEO. pag: 85. & 86.

Dominica IV. Adventûs.

Omnis vallis implebitur, & omnis mons, & collis humiliabitur. Primo suo in mundum adventu effecit Christus, ut vallis impleveretur; id est, Apostoli, humilis conditionis viri, ad sublimem Apostolatûs dignitatem elevarentur; eorumq; sequaces humilitatis sectatores, eveherentur ad Gloriam caelestem; & ut montes ac colles humiliarentur; mundum Principes mundi, abiecta quæq; ob atrocem Christi sectarentur; Ita secundo iudiciali in mundum adventu efficiet, ut vallis impleantur, & montes collesq; humili-

INDEX LOCORVM.

lesq; humiliantur: Nam per vallem bene intelligitur Infernus; per montes & colles, designantur peccatores, qui veluti Gigantes, pugnabant cum DEO: his ergo montibus, his Enceladis post diem iudicii, implebitur vallis inferni pag: 145. & 159.

Parate viam Domini rectas facite semitas ejus. Recta Dei via est mundo contraria. pag: 196. & 197.

Et aspera in vias planas. Mortificatio aspera, planam viam præparat DEO ad nos. pag: 216. & 229. & 129.

Dominica infra Octavam Nativitatis.

Ecce posuit hic in ruinam, & in resurrectionem multorum. Quod Simeon senex de Christo asseruit; idem dicere possumus de omnibus Creaturis homini ad usum datis; illas nimirum bene utentibus, servire ad colendum & laudandum DEVM salutemq; æternam. Malè verò utentibus, ad ruinam & interitum. pag: 24.

Et in signum, cui contradicetur à multis. Duo Signa, seu vexilla erecta sunt in mundot Vnum à Christo, alterum à Lucifero: Quam multi sunt, qui sequuntur signum Luciferi, & contradicunt signo seu vexillo Christi. pag: 192.

Et Gratia DEI erat in illo. Vnde verò Evangelista agnovit, quòd gratia DEI esset in Christo: quia nimirum habitavit in Civitate Nazareth, quia crescebat, & confortabatur: quia plenus erat Sapientià: Recta hæc sunt argumenta gratiæ Divinæ in Christo habitantis. Sed ex quibus etiam signis possumus agnoscere, quòd aliquis nostrum, vivat per gratiam DEI pag: 31.

Dominica I. post Epiph:

Descendit cum eis & venit Nazareth: Sicut Christus ab Hierusalem Civitate gloriosa descendit in Nazareth, Civitatem humilem: ita nobis à sublimi nostræ Elationis ac superbiæ statu, descendendum per gradus Humilitatis ad ima: per quos nam gradus? pag: 204.

Et erat subditus illis. Non solum Parentibus, sed etiam multis aliis longè se inferioribus, totà vitâ, humillimam Christum

INDEX LOCORVM.

ſus præſtitit obedientiam; nobis ad exemplum, pag: 97.

Proſcribit IESVS Sapientiã & aſate, & gratiã apud DEVM & Homines: Nobis danto exemplum, ut etiam nos creſcamus in Gratiã DEI. pag: 98.

Dominica II. poſt Epiphaniam.

Vocatus eſt autem IESVS ad Nuptias: Gratulandum quidem Chriſto, quod vocatus fuerit ad Nuptias terrenas, breves deſect oſas: ſed nobis magis gratulandum, quia nos viciniſſim. Chriſtus invitat ad nuptias cæleſtes, æternas, omnibus bonis affluentibus. pag: 17.

Deſiciente vino dicit Mater IESV ad eum Vinum non habent. Sicut Beatiſſima Virgo in magna neceſſitate Neosponſorum, non aliò recurrit, niſi ad IESVM; tacite illum rogando, ut illorum ſubveniret indigentia: Ita nobis in conſectis neceſſitatibus cum fiducia recurrendum ad DEVM, ut nobis ſuccurrat, pag: 36. & 87. &c.

Implete Hydrias aquã. Et impleverunt eas uſq; ad ſummum. Licet Chriſtus vellet conficere vinum ex aqua, ad ſubveniendum pauperibus Neosponſis; tamen voluit, ut etiam Miniſtri, ad hoc miraculum concurrerent: quia etiamſi DEVS velit operari ſalutem noſtram; ſimul tamen vult, ut ejus gratia cooperemur, pag: 91.

Dominica III. poſt Epiphaniam.

Eccc Leproſus veniens, adorabat eum, dicens: Domine, ſi vis, potes me mundare. Verba hæc ſunt Lepreſi, ad Chriſtum: ſed è converſo Chriſtus, Leprà peccatorum venialium infecto dicit: Si vis potes te mundare, deliberatè non committendo peccata venialia. pag: 56. & pag: 78.

Domine, ſi vis, potes Multum quidem leproſus hic, voluntatem Chriſti extollit; dum illi ſoli adſcribit potentiam ſui à lepra mundandiz Sed etiam voluntas noſtra eſt valde potens: Nam illà ſolà opus eſt, ad nos meritis & gratia Divina Cumulandos: pag: 180, & 181.

Et extendens IESVS manum, tetigit eum, dicens: Volo, mundare, Quia

INDEX LOCORVM.

Quia hic leprosus, petit à Christo. emundationem à lepra cum resignatione sui in voluntatem ipsius; itatim expertus est Christum sibi obsequentem; dum extensa ad illum benedicta manu, contulit illi sanitatem. Nam qui se voluntati Divinæ conformat, DEVM suæ voluntati obsequentem habet pag: 267.

Domine pater meus facit in domo paralyticus, & male torquetur. Si tantam diligentiam adhibet centurio circa corporalem pueri vitam conservandam: Quanta est adhibenda, ut spiritualis vita animæ nostræ conservetur. pag: 44.

Dominica IV. post Epiphaniam.

Ascendente LESV in Naviculam. secuti sunt eam Discipuli ejus: & ecce motus magnus. Non solum ad Nuptias Christum Discipuli sequuntur, ubi cum eis prosperè, & commodè agebatur; sed etiam ad mare; ubi gravis orta tempestas, & horrida sæviebant pericula: Ita & nobis non solum in prosperis, sed etiam in adversis, Christus est sequendus. pag: 188. & 192. & 198.

Domine, salva nos perimus. In omnibus molestiis & periculis confidenter nobis recurrendum ad DEVM. pag: 148. & 144. & 87.

Imperavit ventis, & mari; & facta est tranquillitas magna. Sicut Christus sub imperio suo tenuit ventos, fluctusq; maris, ac tempestates; ita Spiritui nostro, subdenda est caro, ejusq; appetitus, seu concupiscentiæ. pag: 208.

Dominica V. post Epiphaniam.

Domine nonne bonum semen seminasti in agro tuo? Unde ergo habet Zizania? Dum aliquis diu abstinet à gravi peccato, & bonis operibus vacat; signum est, illum esse in gratia DEI. pagina 86, & 37.

Vis, imus & colligimus ea. Magnam erga suum Patremfamilias ostenderunt hi servi fidelitatem, ac propensionem: quia videntes in ejus agro zizania, voluerunt illa protinus eradicare. Nam fidelis famulus Domini est, qui videns aliena peccata, supra ea docet, conaturq; illa tollere. pag: 38. & 39.

INDEX LOCORVM.

Alligate ea in fasciculos ad comburendum; Triticum autem congregate in horreum meum. Quod factum est cum zizanias & tritico; hoc fiet cum peccatoribus finaliter impenitentibus; & cum iustis in gratia Dei usq; ad finem perseverantibus: Quia ammirum illis decreto Divino, detrudentur ad penas inferni, pagina 145.

Austi autem congregabuntur ad gloriam caelestem. p. 174.

Dominica VI. post Epiphaniam.

Simile est Regnum caelorum grano sinapis. Sicut ex grano sinapis nascitur procera arbor, in qua etiam volucres caeli nidificare solent; prout testatur Dominus; ita ex minimis bonis operibus, dum illa saepe exercemus, crescit in immensum gratia Dei & gloria, pag: 31. & 125. & 116.

Simile est regnum caelorum grano sinapis. Nulla quidem videtur esse proportio grani sinapis ad regnum caeleste. Nam hoc est immensum, & omni dulcedine plenum; illud autem est exiguum, & amarum: Sed latet hic mysterium. Per regnum caelorum recte intelligitur. Rex caelorum Christus, tanquam principalis pars, per totum: Per granum sinapis designatur amara ejus Passio. Christus ergo tota quidem vita sua fuit pauperimus & exinanitus, verbo Granum Sinapis, maxime tamen sub tempus Passionis. pag: 217.

Simile est Regnum caelorum grano sinapis, quod minimum est ex omnibus oleribus &c. DEVS sicut dat incrementum oleribus, ita & hominibus, pag: 255.

Cum autem creverit majus est omnibus oleribus; & fit arbor. Sicut ex grano Sinapis exili & amaro, nascitur procera arbor, in qua etiam volucres caeli nidificare & habitare solent, ita ex mortificatione nostri, oritur sublimis intentio, placendi DEO, per quam opera nostra meritoria fiunt, pag: 260. insuper nascuntur multa luera spiritualia. pag: 119. 214. 222.

Dominica Septuagesimae.

Quid hic statis tota die otiosi. Improbat Dominus, otium hominum tota die in foro itantium; quantopere improbit, mul-

INDEX LOCORVM

multas cogitationes otiosas, & opera nostra, quæ nobis sine fructu quotidie abeunt, pag: 237. & 240.

*Hi novissimi unâ horâ fecerunt; & pares nobis illos fecisti qui por-
tavimus pondus &c.* Quamvis aliqui operarii, horâ novissimâ
ad vineam venerunt; quia tamen fervidè, ac diligenter opera-
ti sunt, æqualem cum illis mercedem acceperunt, qui à primo
quidem manè, sed tamen remissè ac frigidè laborarunt. Nam
etiamsi aliquis tardè, & sub finem vitæ convertatur ad DEVM;
tamen potest tuo fervore assequi alios; imò eos præcedere, qui
diu quidem sed remissè, ac tepidè DEO servierunt. pag: 125.
& 127.

Pervimus pondus dei & astus. Gratia DEI, dum onera ser-
viti Divini diminuit, se ipsam auget. Nam jugum Christi,
patienter & sine murmure tolerandam est; nisi velimus portare
jugum Diaboli. pag: 152. & 153. & 154.

Dominica Sexagesima.

Exiit, qui seminat seminare semen suum. Eo sine Pater, fami-
lias jacit in terram semen suum, ut crescat, & fructum affer-
rat; alioquin damnum pateretur, ac pæniteret eum laboris.
Etiam DEVS eo sine gratiam justificantem in baptismo nobis
infundit, ut crescat & multiplicetur. Ergo nobis in ea cre-
scendum. pagina 93.

Quod autem in terram bonam. Hi sunt qui fructum afferunt in-
patientia. Sicut granum frumenti cadens in terram bonam,
multum fructum affert; prout alibi loquitur Dominus: Ita be-
neficium DEI, granum est; quod in nobis debet ferre copiosum
gratitudinis & gratiæ fructum. pag: 139. & 140.

Hæc dicens clamabat. Qui habet aures audiendi audiat. Qui
cum clamore inculcat aliquid, pròdit suam anxietatem & soli-
citudinem, ne monitum illud vanum sit. Quia ergo Christus
cum clamore doctrinam suam de semine inculcat, vult nos ad-
monere, cum quanta sollicitudine gratia Dei in cordibus nostris
sit conservanda & augenda, quæ designatur per semen jactum
in terram bonam.

pag: 44.

Dom.

INDEX LOCORVM.

Dominica Quinquagesima.

Ecce ascendimus Hierosolimam. Quamvis durissima quæq;
Discipulos Christi manerent in Hierusalem; quia tamen præci-
vit illis Christus; & ipsi eo ascenderunt; nam & nobis ad mor-
tificationem & carnis afflictionem contendendum; quia ad il-
lam nobis Christus exemplo prævit. pag: 168. & 189. & 190.
& 210. & 196.

Iussit eum adduci ad se; Felix fuit iste mendicus, quia habu-
it, qui illum ad IESVM adduceret: esto nobis non constet quis
nam fuerit an puer illius? an catellus? an aliqui Consangvi-
nei? vel certè an ipsi Apostoli? vel aliquis de turba? Non
minùs felicior omnis homo; quia habet omnes circa se Crea-
turas, quæ illum ducant ad DEVM, ut illum videat, & amet,
læteturq; in æternùm de ipsius conspectu. pag: 23. 24. 20.
vel certè duo nos ad Christum adducunt: Cognitio nostri &
Cognitio DEI. pag: 251.

Quid vis ut faciam tibi. Voluit quidem Christus cæcum
illuminare; non fecit tamen hoc, nisi cum ejus consensu: quam-
vis enim nemini DEVS denegat gratiam, cum qua possit sal-
vari; requirit tamen consensum nostræ voluntatis. pag: 91.

Domine ut videam. Prudens omnino mendici hujus fuit po-
stulatum: Non petiit à Christo nummos, non vestitum, aut
victum; sed tantùm oculos, quibus Christum videret eoq; de-
lectaretur; nam unicum pii hominis desiderium esse debet;
Videte DEVM, pag: 263.

Dominica I. Quadragesima.

Ductus est IESVS in desertum à spiritu, ut tentaretur. Non qua-
liscunq; Spiritus duxit IESVM in desertum; ubi nullam habu-
it commoditatem quo ad victum, habitationem, lectum; sed
omnia dura, & aspera; imò & tentationem Diaboli perpeffus.
post acre diuturnumq; jejunium; quia & nos non nisi bonus
spiritus ducat ad vitam asperam & mundo contrariam. pag: 196.
& 197.

Hæc omnia tibi dabo, si cadens adoraveris me. Sicut semel in
deserto

INDEX LOCORVM.

deserto Christus despexit omnia regna mundi, quæ illi ex monte excelso Demon ostendebat, & offerebat pro sui adoratione: ita per totam vitam suam despexit omnem mundi pompam, per voluntariam Paupertatem, suiq; contemptum. pag: 217, & pagina 213. *Dei. 109.*

Dominum DEVM adorabis, & illi soli seruias. Soli DEO est seruiendum. Tum quia eo fine ab illo sumus creati. pag: 12. Tum quia plurima nobis ad hoc media conuulsi. pag: 23. Tum quia, ille solus nos adiuuat in nostris necessitatibus, pagina 156, & 157.

Dominica II. Quadragesima.

Duxit eos in montem excelsum, seorsum, & transfiguratus est. Mons excelsus est Gloria cælestis: in hac nos transfigurabimur, & mutabimur in alios, sicut & ipse Christi. pag: 174.

Transfiguratus est ante eos. Semel in monte Thabor Christus fuit transfiguratus, de obscuro & humiliato, in splendidum, & gloriosum: Sed semper tota vita, & potissimum sub tempore Passionis, transfiguratus erat de splendido & glorioso, in mortificatum & humiliatum. pag: 220, & pag: 221.

Ceciderunt in faciem suam, & timuerunt valde. Tota Sanctissima Trinitas manifestavit in monte Thabor Apostolis Gloriam suam. Manifestavit se Filius in facie radiante ut Sol, & in vestibus fulgentibus ut candor nivis. Manifestavit Spiritus S. in nube lucida obumbrante eos; huic enim, esto sit ipse splendor, & lux beatissima, proprium est obumbrare; juxta illud Gabrielis Archangeli ad Deiparam Virginem: *Spiritus S. superueniet in te, & virtus Altissimi obumbrabit tibi.* Manifestavit Pater æternus in voce ad eos de nube delapsa: *Hic est Filius meus dilectus, in quo mihi bene complacuit* ipsum audite. Quia ergo tota Divinitas magno honore Apostolos affecit, ac singulare eis præstitit beneficium: ideo illi *ceciderunt in faciem suam*; adorantes Divinam Majestatem, eiq; gratias agentes; & *timuerunt valde.* Nam iste est finis Beneficiorum DEI, ut pro illis agamus illi Gracias, cumq; timeamus. pag: 128. 139.

B *Domini-*

INDEX LOCORVM.

Dominica III. Quadragesima.

Omne regnum in se ipsum divisum desolabitur. Si regnum, quod mutua civium concordia caret, desolationi & ruinæ est obnoxium: etiam ille homo qui mutuam cum aliis pacem non servat, nec defectus illorum æquo animo tolerare novit, est obnoxius periculo salutis, nec ullum in virtute progressum facit. pagina 171.

Si in agro DEI ejicio Dæmonia, pervenit ad vos regnum DEI. Assumit alios Spiritus septem nequam. Sicut Christus elegit Apostolos tanquam digitos DEI, ad debellandum, ac de mundo ejiciendum Dæmonem: ita Lucifer colligit alios nequam Spiritus tanquam sua instrumenta, ad debellandum Regnum Christi. pag. 192. & 193.

Qui non est mecum, contra me est. Eo ipso quia Christo non adheremus; Diabolo militamus. pag: 154. & 155. & 198. & 188.

Dominica IV. Quadragesima.

Colligite fragmenta que superaverunt, ne pereant; & collegerunt 12. Cophinos. Per exercitium minimorum bonorum operum, fit magna auctio gratiæ Divinæ. pag: 101. & 125.

Ut autem impleti sunt. Etiam si turba illa, quæ Christum in deserto secuta erat, non haberet proprium alimentum, quo reficeretur; alieno tamen pane, quem obtrulerunt Apostoli, est impleta: ut discamus, posse nos alienis etiam meritis discere. pag: 182. & 185.

IESVS ergo, cum cognovisset, quia venturi essent, ut raperent eum & facerent eum Regem, fugit iterum in montem ipse solus. Quanto Reges terreni ad Sceptra & Coronas, studio contendunt: tanto Christus contra fastum mundi, per fugam honorum pugnavit. pagina 211.

Dominica Passionis.

Quis ex vobis arguet me de peccato? Non habuit Dominus IESVS, qui illum de peccato argueret; nam etiam nullum habuit peccatum; cum fuerit sanctissimus, imò ipsa Sanctitas, Nus habemus Conscientiam propriam; sumus obnoxii multis deli-

INDEX LOCORVM.

delictis; Si ergo hæc nos non arguat, iusti & grati DEO sumus. pag: 35.

Samaritanus es tu, & demonium habes. Quamvis Christus fuerit innocentissimus; tamen Iudaica nequitia invenit, de quo illum argueret. Quantopere nobis curandum, ut mite & benignum de aliis formemus seramulq; iudicium. pag: 253.

Abraham Pater vester exultavit ut videret diem meum. Vidit & gavisus est. Quamvis Abraham longè distaret à Christo; nam hic post plures sæculorum decadas natus est: quia tamen illum d fideravit videre; vidit & gavisus est. Quia & nos, quamvis longè distemus à perfectione; si tamen eam desideremus, multum in ea possumus proficere. pag: 185. & 263.

IESVS autem abscondit se ab eis, & exiit de templo. Poterat quidem D. IESVS acrem sumere vindictam de Iudæis, blasphemias, calumnias, & convitia in se jacentibus: poterat eis lapides parantibus, durissima quæq; reponere; non tamen id fecit; sed modestè abscondit se, & subduxit ex oculis eorum: ut nos doceret, patienter & æquo animo ferendos esse aliorum defectus & aspera ingenia. pag: 170. & 171. & 254.

Dominica Palmarum.

Ecce Rex tuus, venit tibi mansuetus, sedens super asinam. Non multum videtur auxisse triumphum Christi: hæc asina; imò videtur illum depretiasse, tanquam animal ignavum & ignobile: quia tamen simul est humile ac obediens, adhibuit illud Christus ad suum triumphum. Quia hoc est insigne Christi ingenium, per humilem obedientiam debellare superbiam mundi, ex illaq; triumphare. pag: 231.

Solvite & adducite mihi. Noverat Christus quale animal esset pro suo triumpho eligendum & adhibendum; ut impleret Propheticum oraculum; Et nobis noscendum, Quidnam sit eligendum ad vitam æternam obtinendam: hæc autem noticia comparatur per bonam rei indifferentis Electionem. pag: 343.

Sedens super asinam. Sicut Christus in suo triumpho subjugavit asinam: ita nobis Caro nostra subjuganda, & spiritus, facta carnis mortificanda. pag: 208. & 260.

INDEX LOCORVM.

Dominica Resurrectionis.

Et valde mane. Non qualicunq; sanctæ mulieres flagrabant desiderio ungendi corpus Christi, sed ardenti & efficaci; unde non parcebant sumptibus, dum emerent aromata; non distulerunt in tempus longius, suam viam; nec somnum protraxerunt; sed valde mane surrexerunt. Quia & nobis, ut ad veram virtutis perfectionem veniamus, opus est desiderijs ferventibus, efficacibus, ad ardua quæq; se resolventibus. pag: 140. 185. 263.

Quis revolvat nobis lapidem ab ostio monumenti? Graves ad airtu sepulchri Christi difficultates deterrebant piæ matronas; cuiusmodi sunt, terror militum ad ejus cultoniam excubantium, gravitas lapidis ostium sepulchri obstruentis, carentia ejus qui illum amoveret; cum illarum vires non essent huic muneri pares; & tamen pergunt ad Sepulchrum, cum viva fiducia de auxilio DEI. In rebus arduis recurrendum nobis est cum fiducia ad DEVM. pag: 86. & 87.

Surrexit non est hic. Licet ista particula Hic, ponatur hoc loco adverbialiter; nihil tamen prohibet, quominus etiam sumatur nominaliter. Nam Christus resurgens non est hic, quante erat; siquidem ex passibili, mortali, abiecto, humiliato, factus est per Resurrectionem impassibilis, immortalis, splendidus, gloriosus. Idem nobiscum post Resurrectionem fiet in Gloria Cælesti. pag: 185.

Dominica in Albis.

Nisi videro in manibus ejus fixuram clavorum & mittam &c. non credam. Arbitrabatur Thomas prudenter se agere, dum prius velleret videre fixuram clavorum, quam credere Resurrectionem Christi; & tamen Christus arguit eum imprudentiæ & incredulitatis; quia multæ virtutes videntur esse virtutes; cum tamen coram DEO iudice non sint tales. pag: 214.

Nisi videro in manibus ejus &c. non credam. Non ea dontaxat ferenda sunt nobis, quæ sensibus arident; sed potius ea quæ dictat recta ratio. Nam Spiritu gratiæ, Intellectus noster est informandus. pag: 243.

INDEX LOCORVM.

Beati qui non viderunt, & crediderunt. Magna ille fruiat beatitudine, qui ex fide vivit pag: 59.

Dominica II. post Pascha.

Bonus Pastor animam suam dat pro ovibus suis. Quia Christus ita nos dilexit, ut animam suam pro nobis daret: & nos debemus ei vicem pro vice reddere. pag: 190. & 191.

Mercenarius autem fugit quia mercenarius est. Sicut mercenarius videtur esse pastor ovium, sed non est; ita multæ virtutes, videntur esse virtutes, sed non sunt tales. pag: 224.

Cogno,co oves meas & cognoscunt me mea. Ad quem finem tendit Pastoris cognitio erga suas oves? Ad hunc, ut etiam oves agnoscant suum pastorem ejusq; voluntatem exequantur. Voluntas enim nostra debet esse conformis voluntati Divinæ. pag: 267.

Dominica III. post Pascha.

Modicum & non videbitis me; & iterum modicum, & videbitis me. Sicut modicæ culpæ arcent nos à conspectu DEI. Ita modica bona opera comparant nobis visionem ejus. pag: 78. & 79. & 125.

Vado ad Patrem. Christus vadit ad DEVM Patrem sibi consubstantialem atq; cœternum, nobis quoq; cum fiducia recurrendum ad DEVM tanquam Patrem totius consolationis. pag: 87. 140. 144.

Plorabitis & flebitis vos, mundus autem gaudebit. Sicut Apostoli egerunt vitam mundo contrariam; nam illi erant in continua afflictione; mundus autem in deliciis: ita nobis Gratia ductu, insistendum est vitæ mundo per omnia contrariæ. pag: 196.

Tristitia vestra vertetur in gaudium. Iustus viris eorum tribulationes convertuntur in gaudium; quia secum adferunt magnas spirituales consolationes. pag: 157.

Dominica IV. post Pascha.

Vado ad eum qui misit me. Sicut DEVS est primum Principium à quo exivimus: ita est ultimus Finis ac terminus, ad quem tendere debemus. pag: 12. 13. 14.

INDEX LOCORVM.

Nemo ex vobis interrogat me, quò vatis. Et nos Viatores sumus; sed duplicem viam ante nos habemus, qua incere idem est ad vitam eternam & penam eternam. Quisnam à nobis interrogandus, an bona via ea nusi? Electio bona. pag: 243.

arguet mundum de Peccato, & de iustitia. Quare Spiritus S. arguens mundum de peccato, simul eum arguit de iustitia. Quia iustissima causa est arguendi nos de peccato, eo quòd multas in se contineat gravitates. pag 40 & 53.

Dominica V. post Pascha.

Petite & accipietis. Vt Oratio nostra sit efficax, debet habere Præsentiam DEI & attentionem in orando. pag: 240.

Ipse enim Pater amat vos, quia vos me amastis. DEVS amanti se, reddit mutuum amorem. Ergo à nobis amandus pag: 256.

Veni in mundum, & iterum relinquo mundum. Etiam si in mundo vivamus, tamen non secundum mundum vivendum est nobis. Nam gratiæ ductu, insistendum est vitæ mundo per omnia contrariæ, pag: 196.

Dominica IV. post Pascha.

Cum venerit Paracletus, quem ego mitiam vobis à Patre, ille testimonium prohibebit de me. Vt nobis Spiritus S. sit Paracletus, seu Consolator, feratq; nobis multa solatia, opus est seria ad illum præparatione, morumq; mutatione. pag: 1. 2. 3.

Vt omnis, qui interficit vos, arbitretur obsequium se præstare DEO. Multi falsis virtutibus decipiuntur & abducuntur a DEO. pagina 245.

Hæc locutus sum vobis, ut cum venerit hora eorū reminiscamini. Mortis hora revocat in memoriam omnia vitæ antea acta gesta. pagina 81. 93. 105.

Dominica Pentecostes,

Si quis diligit me, sermonem meum servabit. Probatio dilectionis est exhibitio operis. pag: 246.

Ad eum veniemus, & mansionem apud eum faciemus. Ratione Gratiae iustificantis Spiritum S. habitatorem possidemus, ejusq; templum efficimur. pagina 8. 9. 10.

INDEX LOCORVM.

Non turbetur cor vestrum, neq; formidet. Tota nostra fiducia in DEO est reponenda, pag: 144.

Dominica SS. TRINITATIS.

Baptizantes eos in Nomine Patris & Filij & Spiritus S. Sicut vita naturalis Corporis nostri, acquiritur generatione naturali: ita vita spiritualis animæ nostræ comparatur generatione spiritali: Hæc autem est Baptismus, pagina 7. & 8. Qualem vero vitam & formam homo acquirit hæc generatione: pagina 7. 8. 9. 11.

Qui crediderit & baptizatus fuerit, saluus erit. Fides viva conservat in suo vigore vitam gratiæ, salutemq; æternam confert, pagina 39.

Signa autem eos, qui crediderint, hæc sequentur. Signa, ex quibus aliquis agnoscitur, habere veram Fidem, sunt miracula; ut ejectionis dæmonum, linguæ novæ, sublatio serpentum, innoxia veneni potatio, ægrorum curatio &c. Nobis variæ Præses sunt argumentum existentis intra nos veræ Fidei. pag: 62.

Dominica II. post Pentecostem.

Homo quidam fecit cenam magnam. Sacramentum Eucharistiæ est cæna magna; quia magna continet mysteria, magnos fructus parit, & magna indiget præparatione. pag: 111.

Homo quidam facit cenam magnam. Sicut cæna est ultima post labores diurnos refectionis: ita Gloria cælestis, post tolerantias hujus vitæ ærumnas, pagina 174.

Nemo vinorum illorum gustabit Cenam meam. Non magna videtur irrogari pena neglectoribus istis: Non gustare Cenam Regiam; hoc enim ipsi volebant, dum ad illam venire neglexerunt: Sed omnino gravissima est. Quia designat privationem visionis DEI, quæ afficiuntur damnati: hæc autem privatio est gravissimum in inferno supplicium, pagina 146.

Dominica III. post Pentecostem.

Relictis 99. ovibus querit unam. Unam petij à Domino, hanc requiram; scilicet gratiam DEI. Quidnam debet nos movere ad illam unice querendam, pagina 43. & 46. & 47.

Gaudium

INDEX LOCORVM.

Gaudium est Angelis Dei super uno peccatore penitentiam agente. Tanti est pretii gratia iustificans, ut Angeli Sancti, super eum, qui illam per penitentiam recuperat, speciali exultent lætitiâ. pagina 49.

Si amiserit unam drachmam evertit totam domum. Sicut hæc mulier, ut drachmam perditam recuperet, totam domum à sordibus emundat: ita anima nostra mundanda est à peccatis venialibus, ut gratiam Dei in integro conservet. Nam cura vitandi peccata venialia, est conservatrix Gratiæ pagina 71.

Dominica IV. post Pent:

Per totam noctem laborantes nihil cepimus. Etiam si multa, & quidem quoad speciem bona operemur: si tamen DEVM præsentem non habemus, nihil lucramur; imò multa incurrimus damna. pagina 59. & 60.

Vesum tamen in verbo tuo laxabo rete. Quia Petrus multum fidebat verbo Christi; ideo dum in eo laxaret rete, cepit copiosam piscium multitudinem: nam fidere verbo Christi, est præludium ad magnas virtutes acquirendas: pag: 89. & 90.

In verbo tuo laxabo rete. Multa præclara audet, qui se cum voluntate Dei conformat. pagina 267. Vel certè. Qui se ad ardua & difficilia opera resolvit, multum proficit in virtute. pagina 130.

Dominica V. post Pent:

Nisi abundaverit iustitia vestra Abundantia iustitiæ Christianæ, consistit in moderatione appetitus concupiscibilis & irascibilis: pagina 260.

Nisi abundaverit iustitia vestra. Ut monito Christi pareamus, in acquirenda iustitiæ abundantia, Gratiæ ductu, veris ac solidis virtutibus est insistendum. pag: 224.

Si offers munus tuum ad altare, & ibi recordatus fueris, quia frater tuus &c. Radix multorum peccatorum venialium est averſio à fratre, vel inordinata ad eum conversio, pag: 67. & 68.

Dominica VI. post Pent:

Triduo sustinemi me. Non triduo, sed tota vitâ sustinendus est

INDEX LOCORVM.

est DEVS, ut ejus gratia acquiratur & augeatur pag: 152 & 166.

Manducaverunt & saturati sunt Saturata est illa turba alienis panibus, nimirum Apostolicis: quia & nos possumus alienis meritis nimirum ditari in anima. pag: 185.

Colligite fragmenta ne pereant; Et collegerunt 7. Sportas. Per exercitium parvorum bonorum operum, fit auctio donorum DEI maximorum. pag: 101.

Dominica VII. post Pent:

Attendite à falsis Prophetis. P. suasio longè distantis vel iterandæ mortis, est falsus Propheta; multumq; ab eo cavendum. pagina 93. & 94.

Attendite à falsis Prophetis. Virtutes apparentes & non solidae sunt falsi prophetae, à quibus cavendum. pag: 227.

Omnis arbor quæ non facit fructum bonum, excindetur, & in ignem mittetur. Is est fructus peccati, ut hominem reddat dignum igne vel inferni; si fuerit mortales vel purgatorii, si fuerit veniale. pag: 145. & 163.

Et ardet. Per hoc exprimuntur pænæ inferni, quæ sunt æterna & continua: nam semper de damnato verificatur, *Et ardet.* pagina 159.

Dominica VIII. post Pent:

Dissimatus est quasi dissipasset bona illius. Malus creaturarum usus, accusat hominem coram DEO, de dissipatis ejus bonis pagina 23. 24. 25.

Redde rationem villicationis tue: jam enim non poteris villicare. Vita præsens est villicatio; nam duas nobis villas DEVS cum suis prædiis concedidit; dum nobis animam cum ejus potentis, & corpus cum suis sensibus, ad gubernandum tribuit. Hujus ergo villicationis reddenda nobis est ratio, in judicio particulari. pag: 120.

Laudavit Dominus villicum iniquitatis. Si prudentia villici iniquitatis laudanda, quia voluit conservare & ampliare bona temporalia sibi utilia; licet iniquis modis; quanto magis laudanda est justi viri Prudentia; dum vult conservare & ampliare bona

INDEX LOCORVM.

Bona sua æterna, industriis debitis. pag: 125.

*Quid faciam? quia Dominus meus aufert à me villicatio-
nem. Tempestivè deliberandum nobis est, de ulteriori vitæ sta-
tu eligendo.* 243.

Dominica IX. post Pent:

Videns Civitatem flevit super illam. Dominus IESVS, quia vi-
dit mutationem illius Civitatis Ierusalem, quòd ex florentissima,
opulentissima, liberrima, futura esset miserrima, egenissima,
serva; deslevit statum illius: quantò magis descendus status a-
nimæ, dum per peccatum grave ex filia gratiæ & amica DEI,
fit filia iræ ac DEI inimica. pag: 17. 18. 19. 20.

Coangustabunt te undiq; & ad terram prosterment te. Quod actum
fuit cum Ierusalem; idem fiet cum homine moribundo. pag: 105.

*Domus mea Domus Orationis vocabitur; vos autem illam fecistis
speluncam latronum.* Licet nihil ageretur in illo Salomonicis Tem-
plo, nisi venditio, & emptio, Ovium, boum, columbarum; idq;
in ordine ad Sacrificium DEO exhibendum: tamen Christus ita
hoc indignè tulit, ut non tantùm Emptores venditoresq; illos
ejecerit è templo cum suis mercibus; sed etiam probroso ac in-
famæ eos titulo affecerit; appellando latrones; & propter illos,
Templum vocando speluncam latronum. Si Christus adeo in-
dignatur, in Templo mortuo, semel sibi dicato, impertinentia
fieri: quomodo non indignabitur, in Templo vivo, toties sibi con-
secrato cuiusmodi est Anima nostra, multas cogitationes vanas
& otiosas; multaq; noxia desideria, agitari. pag: 236.

Dominica X. post Pent:

Publicanus autem à longè stans. Ad quid publicanus à longè
stat? Ut ostendat longam esse distantiam inter peccatorem &
DEVM, inter hominem gratiæ DEI præditum, eaq; destitutum.
pag: 17. 18. 19. 20.

Percutiens pectus dicebat. DEVS propitius &c. Signum gratiæ
DEI in anima residentis est actus contritionis perfectus? Quo-
modo is eliciendus? pag: 33. & 34.

Publicanus autem à longè stans orabat. Contemnenda sunt va-
na de

INDEX LOCORVM.

na de nobis aliorum iudicia: Sicut illa contempsit publicanus, qui esto audiret Pharisei convitia, quod esset inultus, raptor, adulter &c. tamen ille hæc non curabat; sed à longe stans orabat. pag: 250.

Non sum sicut ceteri, raptores, adulteri &c. Sicut & hic publicanus.
Mite nobis formandum de aliis iudicium. pag: 254.

Dominica XI. post Pent:

adducunt ei surdum & mutum & deprecabantur illum. Sicut laudanda est illorum hominum pietas, qui ad IESVM, adduxerunt surdum & mutum, illumq; rogabant, ut ei manus imponeret, & sic ei integros restitueret sensus; ita ille laudandus, qui habet iustam super aliena peccata compassionem, & zelum ea tollendi. pag: 30. & 39.

Suspiciens in calum, ingemuit. Ad quid D. IESVS tantum adhibet conatum, ad sanandum hunc surdum & mutum? Vtq; ille sine ulla difficultate longè maiora præstiterit, dum calum & terram uno alterove verbo condidit; dum sola voluntate aquam in vinum convertit, puerum centurionis paralyticum curavit, leprosos mundavit &c. Ergo & hunc defectuosum solo verbo, aut voluntate curare potuit. Poruit, sed ideo adhibet etiam tales curandi modos, ut doceat: Posse nos bona opera simplicia per pias sublimare industrias, iisq; coram DEO multum lucrari. pag: 125.

Bene omnia fecit, & surdos fecit audire, & mutos loqui. Ex eo, quia Christus muto dedit loquelam, & surdo auditum, arguitur bene omnia fecisse. Quia tunc Christus maximum præstitit mundo beneficium, cum Apostolis dedit, genera linguarum ad prædicandum Evangelium; & Gentibus aperuit aures ad illud audiendum. pag: 192.

Dominica XII. post Pent:

Beati oculi qui vident quæ vos videtis. Si daretur talis facultas agendi penitentiam, animæ in inferno vel purgatorio existerent, qualis nobis datur: quid illa non ageret? pag: 7.

Incidit in latrones, qui etiam despoliaverunt eum &c. Magnus latro &c.

INDEX LOCORVM.

Non est peccatum mortale: quanta damna & vulnera infert animae? pag: 52. & 53.

Infundens oleum & vinum, alligavit vulnera ejus. Dum peccatis alienis compatimur, & pro illis oramus, infundimus oleum & vinum; alligamusq; vulnera peccantis. pag: 38, 39.

Dominica XII. post Pentecostea.

Occurrerunt ei decem viri leprosi & steterunt à longè. Sicut lepra faciem reddit faciem in oculis hominum: ita peccatum veniale abominabilem reddit animam in oculis DEI. pag: 70.

Ite. ostendite vos sacerdotibus. Quamvis DEVS non denegat nobis suam gratiam in ordine ad vitam æternam obtinendam; tamen opus est, nostra ad illam cooperatione. pag: 91.

Cecidit in faciem suam ante pedes ejus. Si leprosus tantam Christo exhibet gratitudinem pro restaurata sui corporis sanitate: quoniam nam homo gratitudinem DEO debebit, pro sui ad imaginem DEI productione. pag: 12. & 13. & pag: 4. & 44.

Cecidit in faciem ante pedes ejus, gratias agens. Multum Christo placuit leprosus mundatus; quia ei pro sui emundatione gratias egit: & in nobis multum augetur gratia DEI, per gratiarum actionem DEO factam pro eius beneficiis. pag: 138.

Nonne decem mundati sunt & 9. ubi sunt? Multa quidem egerant malicia in peccati: sed præcipue ingratitudo erga DEVM Benefactorem pag: 41. & 42.

Dum autem irent, mundati sunt. Non tunc mundati sunt, dum starent, vel orarent tantum; sed cum irent. Quia & nobis perpetuo progrediendum est in virtute, si gratiam DEI augere volumus. pag: 98. & 99.

Unus autem ut vidit quia mundatus est, regressus est cum magna voce, magnificans DEVM. Etiam si novem leprosi mundati non redierunt ad Christum, nec ei gratias egerunt; tamen unus ex illis non est secutus illorum exemplum, sed rediens, & in faciem suam procidens, gratias egit: quia & nobis, dum agitur de exercendo virtutis actu, non sunt curandi respectus humani. pag: 154.

Dominica

INDEX LOCORVM.

Dominica XIV. post Pent:

Nemo potest duobus Dominis servire. Alterutrum nobis iugum sustinendum est. aut DEI aut diaboli. pagina 152. Vel certe de duobus Vexillis. pagina 192. Vel certe de Regno Christi. pagina 188.

Vnum sustinebis & alterum contemnet; Propter quæ motiva servitium Christi sustinendum, & iugum diaboli contemnendum ac rejiciendum, pag: 192. & 193.

Pater celestis passus illa. DEVS in omnibus creaturis est, & in eis pro me laborat; quam impense pro hoc à me amandus? pagina 256.

Dominica XV. post Pent:

Ecce defunctus efferebatur Filius unicus Matris sue. Adolescens ille defunctus, multum differebat à se ipso vivente: antea enim erat formosus, vivax; promptè seipsum movens, vegetè ambulans: modò autem est fædum cadaver, frigidum, immobile, fœtus, alienis manibus effertur: ita homo gratia DEI defunctus, multum differt à seipso, eadem gratia prædico. pag: 16. 17. 18.

Defunctus efferebatur. Quilibet homo non tunc primum, cum iam penitus est mortuus, sed statim à primo Nativitatis suæ die incipit efferi ad sepulchrum. pag: 83. & 93.

Misericordiâ motus super eam, dicit: Noli flere. Dum Christus miseretur viduæ orbatæ filio, & super illum flentis, nobis exemplum dedit, quomodo deslenda sint, peccata aliena. pag: 38. 39.

Accepit omnes timor & magnificabant DEVM. Gratis quidem, DEVS exhibet nobis sua beneficia; non tamen frustra; nam pro illis debitam exigit à nobis gratitudinem. pag: 138. & 139.

Dominica XVI. post Pent:

Et ipsi observabant eum. Etiam si Christum observarent Pharisei, tamen ille nihil curavit eorum iudicia; sed in eorum oculis, sanavit Hydropicum; ut discamus, contemnendos esse humanos respectus, dum agitur, de exercendo virtutis alicujus actu. pag: 254.

INDEX LOCORVM.

Recumbe in novissimo loco. Ad novissimum locum tribus humilitatis gradibus perveniendum; ut in illo simus securi. pag: 104. *Vel certè.* Novissimus locus est centrum terræ, in quo est infernus, in hoc ergo viventes recumbamus ne eò morientes descendamus; juxta illud Psalmi, *Descendant in infernum viventes.* Sicut descendit Iob dicens, Infernus domus mea est. Et S. Franciscus Borgia locum sibi designans, sub pedibus tuarum, & ipsius Luciferi. pag: 145.

Amice ascende superius. Quis modus efficacissimus ad acquirendam virtutem humilitatis. pagina 234. vel certè. si ei gloria est coram simul discubantibus, qui sedens in loco infimo, postea à Patre familias ad altius subsellium promovetur, dum audit: *Amice ascende superius.* quanta erit Gloria ei, coram Angelis & Sanctis, qui novit suas actiones alioquin viles & abiectas, sublimare Actionibus Sanctorum, præsertim Christi & Beatissimæ. pag: 182. & 183.

Amice ascende superius. Semper nobis Christus hoc inculcat Ascende superius. Noli esse contentus qualicumq; virtute, & abiectâ perfectione; sed ascende superius; & ad altiorem sanctitatis gradum contende, pag: 98. 99. & 263.

Dominica XVII. post Pent:

Diliges Dominum DEVM tuum ex toto corde tuo. Proponuntur motiva, ob quæ DEVS est super omnia diligendus. pag: 144. 256. & 257.

Diliges Dominum DEVM tuum ex toto corde tuo &c. Gratia Spiritu omnes potentias animæ esse animandas; ac imprimis memoriam, totumq; cor dicandum DEO. pag. 236.

Et proximum tuum sicut teipsum. Sicut dilectio nostri, operit multitudinem peccatorum nostrorum, ne illa videamus: vel ut saltem ea dissimulemus; ita dilectio proximi, debet operire peccata proximi, ut ea dissimulantes & æquanimiter toleremus. pagina 170.

Quid vobis videtur de Christo, cujus Filius est? Etiam nobis talem de Christo proponamus quæstionem. Sed simul respondemus. Est Filius paupertatis extremæ. pag: 217. Est Filius Humilitatis obedientiæ. pag: 235.

DOMIO

INDEX LOCORVM.

Dominica XVIII. post Pent:

Confide Fili; remittuntur tibi peccata tua. Fiducia in DEUM, est fidus ad eū Præcorfor, remissionis peccatorū, & gratiæ Divinæ. pag: 90.

Vs quid cogitatis mala in cordibus vestris. Præcipuum spiritualis viri studium est, bonis & piis cogitationibus cor occupare. pag: 106.

Surge, tolle lectum tuum, & vade in domum tuam. Libenter monito Christi paruit sanatus hic paralyticus, tulit lectum suum, & in domum suam portavit; quia facilius longè illi fuerat, portare hoc onus à Christo impositum, quàm tolerare paralytum. nam onus Christi est levius, quàm onus Diaboli. pag: 156.

Dominica XIX. post Pent:

Simile est Regnum calorum homini Regi, qui facit nuptias Filio suo. Tunc Rex sæculorum DEVS facit nuptias filio suo, cum hominem justum inserit gloriæ cælesti. pag: 174.

At illi neglexerunt. Propter unam negligentiam, hospites invitati prolapsi sunt in graviores defectus; atq; sic reprobatī à mensa Regia, ac demum perditī. Quod probat unus ex convivis, qui ob neglectum vestis nuptialis, ejectus est, & ligatis manibus ac pedibus, projectus in tenebras exteriores. Quia DEVS non unum, propter peccatum mortale unicum, reprobat & condemnat. pag: 27. 28. 29.

Missi exercitibus suis, perdidit homicidas illos. Quosnam exertit Rex & Iudex Christus, venturus ad ultimum iudicium, ante se præmitter. pag: 142.

Ligatis manibus & pedibus, projicite eum in tenebras exteriores. Hic describitur status damnatorum. Ligantur eis manus & pedes, & projiciuntur in tenebras; quia damnati duplicem patiuntur pœnam, damni & sensus; illa consistit in privatione visionis DEI, & significatur per tenebras: Hæc autem consistit in gravi tortura, ab igne æterno, & significatur per ligationem manuum pedumq; pagina 145. & 146.

Dominica XX. post Pent:

Descende prius, quàm moriatur Filius meus. Antequam moriamur,

INDEX LOCORVM.

riamur, prius in domum cordis nostri descendamus, ad considerandum mortem nostram, pag: 32.

Incipiebat enim mori. Sicut moribus disponebat hunc adolescentem ad mortem, ita ut inciperet mori: ita peccata venialia disponunt nos ad mortalia. pag: 29. *Vel certè.* Non tunc primum incipimus mori, dum animæ jam jam egrediendum est de corpore: Sed à die Nativitatis functionem hanc incipimus. pagina 83.

Vade Filius tuus vivit. Duplicem vitam Christus filio Principis contulit: corporalem, dum eum hora 7ma reliquit febris. Et Spiritualem, dum credidit Pater & domus ejus tota adeoq; filius. Quam opere, hæc vita præcellet priori. pag: 3. 4. & 5. *Vel certè.* Ex quibus signis consiendum, quod anima nostra vivat gratiâ DEI. pag: 31.

Credidit homo sermoni & ibat. Fides Principis vitam corporalem filii conservavit: Fides nostra, Spiritualem animæ nostræ vitam conservat. pag: 59. *Vel certè.* Qui sermoni DEI fidit, securus in virtute progreditur. pag: 60. & 87. *Vel certè.* Sicut exemplo hujus Principis tota ejus domus ad Fidem est inducta: ita nos exempla Majorum incitare debent ad heroica opera. pag: 130. *Vel certè.* Qualis est Paterfamilias; talis est tota domus. Intellectus in homine paterfamilias est; nam omnes ejus potentias gubernat: qualis ergo ille est, tales & reliquæ omnes hominis potentia. pag: 249.

Dominica XXI. post Pent:

Oblatus est ei unus qui debebat decem millia talenta. Gravissima contrahit debita, qui committit peccatum mortale, pagina 52. 53. *Vel certè.* Ita & nos multorum debitorum rei, offerremur DEO in judicio particulari. pagina 120.

Tradidit eum tortoribus. Unus propter unam crudelitatem in servum suum exercitum, traditus est à Rege tortoribus: non unus, propter unum peccatum grave, damnatus est ad penas inferni, pagina 28. 29.

Patientiam habe in me, & omnia reddam tibi. Si debitor servus, talem

INDEX LOCORVM.

ralem exercuisset patientiam, in suum conseruum, qualem à Domino suo postulabat, utiq; potuisset illi debita exsoluere: nam gratia DEI delens peccata, notabiliter augeatur quotidiana Patientia: exercitio, pag: 166.

Serve nequam omne debitum dimisi tibi; nonne & te oportuit &c. Ab omnibus quidem attributis diuinis peccatum mortale gravem desumit malitiam: potissimum tamen à misericordia & beneficentia DEI, pag: 41.

Dominica XXII. post Pent:

Cujus est imago hac & superscriptio. Non quaecunq; esse DEVS nobis dedit; sicut aliis creaturis: sed esse ad imaginem & similitudinem suam, pagina 12. 13. 14. O quam elegans est hoc Esse? pag: 3.

Non respuit personam hominum. Magna iusti viri laus; non respicere personas hominum, nec abduci ab exercendo virtutis actu, respectibus humanis, pag: 254.

Cujus est imago hac & superscriptio? Sicut moneta aurea vel argentea insignitur imagine Principis; ita Anima nostra debet esse insignita imaginis DEI; non Viri iracundi, non canis impudici, non vulpis fraudulentæ, &c. Atq; de hoc fiet diligens inquisitio in iudicio particulari. Cuius est imago hæc, pag: 120. Insuper debent omnes nostræ actiones inscribi studio placendi DEO. pagina 261.

Dominica XXIII. post Pent.

Ecce Princeps unus accessit, & adorabat eum. Magno studio quaerit hic Princeps vitam iux Filie: nam licet fuerit Princeps, tamen accessit ad IESVM, tamen adorabat, tamen demittebat se & humiliabat: quod quasi miraculum reputans Evangelista dicit: *Ecce Princeps unus, accessit, & adorabat.* Deinde rogat IESVM, ut veniat in ejus domum, ut labori non parcat, ut manum defunctæ imponat: quamvis caro emator, quod precibus emittitur; tamen ille etio Princeps rogare non erubescit: & quidem in præsentia magnæ populi frequentia; nam *Loquente IESV ad turbas.* Si tanto studio quaeritur vita corporis; quanto debet

INDEX LOCORVM.

bet quæri vita animæ, seu gratia DEI; quanti enim illa est præ-
 III. pag: 4. 5. 6. & 10. 11. & 44.

Filia mea modò defuncta est: sed veni impone ei manum & vivet.
 Sicut hic Princeps orabat IESVM pro filia sua defuncta, ut illi
 manum imponeret, & sic ei restitueret vitam; ita nobis oran-
 dum est pro existentibus in peccato, ut illis DEVS porrigat
 manum sui auxilii, vitæq; spirituali eos restituat. pag: 38 & 39.

Non est mortua puella; sed dormit. De puella alii homines
 ferebant iudicium, quòd esset mortua: Christus autem dicit, il-
 lam dormire; adeoq; vivere. Vnde nobis cognoscendum, quòd
 per gratiam vivamus DEO. pag. 31. & 32. 33.

Si tetigero tantùm fimbriam vestimenti ejus, salva ero. Fim-
 bria vestimenti Christi, est sanctissima Eucharistia; nam in extre-
 mo sine vitæ Christi, est instituta: si ergo mulier inermis sperat
 sanitatem corporalem ex tactu ilius fimbriæ; etiam fidelis anima
 sperare debet salutem spiritualem, ex Eucharistia sumpta. pag: 113.


O Mulier, magna est fides tua! Si Dominus laudat fidem
 Chananæ, quia per illam recepit sanitatem corporis; quantò ma-
 gis laudanda illa fides, quæ confert sanitatem sanctitatemq; a-
 nimæ. pagina 59.

Dominica XXIV. post Pent:

Cum videritis abominationem desolationis. Quantam in anima
 desolationem facit peccatum mortale. pag: 53.

Tunc parebit signum filij hominis. Sicut Crux, in qua pependit
 Salvator, est signum Filij hominis; quia illum prodit esse Cru-
 cifixum: ita opera nostra seu bona seu mala, sunt signa cujusvis
 hominis; nam cum prodent qualis sit: & hæc patebunt in die
 iudicii. pag: 135.

Tunc videbunt filium hominis venientem in nubibus. Tempesti-
 vè nunc venturo ad iudicium Christo, occurramus; ejusq; iam
 placeamus. pag: 132. & 133.



INDEX

INDEX LOCORVM.

ex quibus Conciones vel Meditationes
peti possunt, pro singulis Festis.

Circumciso Domini Nostri IESV Christi.

Postquam consummati sunt dies 8. Esto in hac mortali vita, non solum dies, sed etiam menses, imò & anni nostri consummantur; juxta illud Psalmi 38. *Mensurabiles posuisti dies meos;* prout etiam consummati sunt dies 8. ante Circumcisionem. DEI Hominis Salvatoris nostri: tamen in altera, quam post mortem inchoabimus, vita, nec dies, nec menses, nec anni nostri unquam consummabuntur; seu degemus in Cælesti gloria, ô quali? pag: 178. seu in inferno. ô quali? pag: 159.

Ut circumcideretur Puer. Siquidem militia est *vita hominis super terram;* ut testatur Iob, ideo Rex noster Christus, viz mortalem ingressus vitam, descendit hodie in bellicam aciem, & pro tessera pugnae nomen suum IESVS assignans, ipsemet generose dimicat contra Capitalem salutis nostræ hostem; nimirum contra inordinatum appetitum commoditatum ac deliciarum. At quo gladio? mortificatione seu circumcisione suæ innocentissimæ carnis. Spectemus hanc pugnam, ejusq; exemplo ad similem accendamus. pag: 220. & 210. & 211. 212.

Vocatum est Nomen ejus IESVS. Assimilat Christus Regnum cælorum grano sinapis, quod esto sit modicum, tamen ex eo nascitur arbor, ita procreta, ut volucres cæli habitent super ramis ejus. Liceat & mihi dulcissimum IESV Nomen assimilare eidem grano; quia esto sit parvula vox, s. literis, & duabus syllabis constans, tamen illud proferenti parit Regnum cæleste, ac vitam æternam. Vnde vorò Nomen hoc tantam acquirit vim & energiam? Ex Gratia justificante, inhaerente illud proferenti, ô quanti hæc est pretii? pag: 45.

INDEX LOCORVM.

Epiphania Domini nostri IESV Christi.

Vbi est qui natus est Rex Iudaeorum? Ad Regem, recens natum veniunt Reges, non solum adoraturi, sed etiam ad Sacrum bellum, quod ille geret contra Daemonem, Carnem, & Mundum, illum secuturi, atq; belli Duces apud eundem futuri. pag: 138.

Et ecce stella, quam viderant in Oriente, antecedeat eos. Dum illi tres Reges versarentur Hierosolymis apud Herodem Christi adversarium, non lucebat illis stella: sed postquam exiverunt ab Herode, & iter susceperunt ad Christum, praecebat illis, antecedeat & ducebat eos ad Christum. Quia & nobis Ductu Gratiae veluti stella, insistendum est vitae, mundo contrariae pag: 196. *Vel certe.* Vna stella 3. Reges duxit ad IESVM, omnes Creaturae ducunt nos ad cognitionem & Amorem DEI. pagina 24.

Vsq; dum veniens staret supra, ubi erat puer. Latentem in Crypta subterranea thesaurum, prodit lucens de super flamma, reconditum in ara Venerabile Eucharistiae Sacramentum indicat lampas de super appensa. Christum in Cunis Betleemiticis jacentem, demonstrat Magis, pendula super stabulum stella. Et in nobis, quae signa prodent, Christum vivere per Gratiā? pagina 31.

S. AGNES Virgo & Mart:

Dormitaverunt omnes & dormiunt. Tanto amore erga suum Sponsum IESVM S. Agnes flagrabat, ut atrocia tormenta, quae propter illum patiebatur, viderentur ei dulcis dormitatio; ipsa vero acerbissima mors inter flammās obita, iucundus videretur somnus, juxta illud Psalmi. *Cum dederit dilectis suis somnum; ecce hereditas Domini.* Nam mors, licet sit ex natura sua omnibus terribilis; iustis tamen est instar iucundi somni. pag: 108.

Et quae parata erant, interpretantur eum eo ad Nuptias. Quam pretioso splendidoq; apparatu ornata fuerit S. Agnes, ut intraret ad Nuptias Agni, ipsamet expressit, dum Amatori impuro procanti se respondit: *Discede à me pabulum mortis. iam ab alio amore preventa sum, qui me induit Cyclade auro texta.* id est Gra-

INDEX LOCORVM.

tiâ sanctificante habituali *In nouis mensuris ornauit*, id est, tribus virtutibus Theologicis. Fide, Spe, Charitate. *Circumdedit me vernantibus acq̃ coruscantibus gemmis*, id est, reliquis virtutibus moralibus infusis. *Tradidit auribus meis inestimabiles margaritas*, id est, doctrinas Evangelicas & salutare inspirationes. *Sanguis ejus ornauit genas meas*, id est, tribuit mihi usum Eucharistix, aliorumq; sacramentorum, in quibus pretium sui sanguinis inclûit. *Tanquam Sponsam decorauit me Coronâ*, id est contulit mihi finalem in gratia sua perseverantiam. Si ergo placuit hæc pulcherrima Sanctæ Agnetis species, oculis Sponsi celestis etiam quævis Anima in Gratia DEI existens, multum placeat. DEO, Beatissimæ, SS. Angelis, & reliquis Sanctis. pag: 45.

Prudentes Virgines acceperunt oleum in vasis suis cum lampadibus. Prudens omnino Virago erat S. Agnes; quia ut Christo ad celestes nuptias se invitanti, obuiam prodiret, duplici arsit flamma, exteriori quoad Corpus, & interiori, quoad Cor ardentissimis desideriiis inflammatum; prout testatur Ecclesia. Beata Agnes in medio flammarum, expansis manibus orabat: *Te deprecor, Omnipotens, adorande, colende, Pater metuende, quia per Sanctum Filium tuum, evasi minas sacrilegi Tyranni, & carnis spurcicias immaculato calle transivi: & ecce venio ad te, quem amavi, quem quæsi, quem semper optavi*. Si nobis non continget hæc felicitas, ut ardeamus pro DEO in corpore; ergo saltem piis desideriiis ardeamus in mente. pag: 185. & 263.

Purificatio B. V. M.

Tulerunt IESVM, ut sisterent eum Domino, & ut darent hostiam. Hæc salutaris hostia, quam hodie Beatissima in suis manibus obtulit, gratissima fuit DEO; in prius ex parte rei oblata, quæ fuit pretiosissima & valoris infiniti, ac Desperatæ Carissimæ; nam is fuit IESVS Christus, deinde ex parte B. Virginis offerentis, Gratia DEI alitq; donis ornatissimæ, ac insuper devotissimis affectibus flagrantis. Nostra verò bona opera, quæ DEO quotidie offerimus, quamvis ex se fuerint modica, & exilia, si tamen ferventi affectu DEO reddantur, possunt illi esse ad nos dum gratâ. pag: 115. &c.

INDEX LOCORVM.

Et venit in Spiritu in templum, & accepit eum in ulnas suas, & benedixit DEVM. Quò nam hic Venerandus Senex Simeon, accenso vultu, inflammato affectu, passu anhelò properat? in Templum. Quo fine? Vt de manibus Beatissimæ accipiat Dominum IESVM. Postquam ergo accepit, quàm dulciter osculatus est? quàm suavibus perfudit lacrymis? quanto amoris æstu intus ardebat? quàm sollicitè, vitam præsentem fastidians, exclamaret: *Nunc dimittis &c.* Si tunc præsens fuisses, quo Spiritu sensuq; animi Christum accepisses? Cur ergo illum modò, non tali affectu in Eucharistia suscipis? Nempe, quia non ita præparatus accedis; prout Simeon. Præpara ergo te quàm optimè? pag. 112.

Venit in Spiritu in Templum Simeon, quia in Spiritu, & ardente affectu venit in templum, positus est voto suo, accepit IESVM in ulnas & benedixit. Nam & nobis opus est ardentibus desideriis ut vero DEI amore potiamur. pagina 263. & pagina 185.

S. MATHIAS Apostolus.

Confiteor tibi Pater, quia abscondisti hac à sapientibus & Prudentibus. Hoc idem paulò aliis verbis Doctor Gentium expressit, dicens: *O altitudo divitiarum Sapientia & Scientia DEI, quam incomprehensibilia sunt iudicia ejus & investigabiles via ejus! Quis cognovit sensum Domini, aut quis consiliarius ejus fuit?* Inter hæc admiranda Sapientiæ Divinæ arcana, non postremum tenet locum, illud decretum DEI, quo vocavit Iudæ ad Apostolatū postea eiecit, ac tandem reprobavit. Et tu vide, ac time, ne qui stas, similiter cadas. Diffide tuis viribus, & confide Gratia DEI. pagina 85.

Abscondisti hac à sapientibus & prudentibus: & revelasti ea parvulis. Diversa sunt DEI & hominum iudicia. Duo concurrunt ad Electionem in Apostolatū. Ioseph, qui in opinione hominum sublimi erat; unde cognominabatur Iustus: & Mathias, qui non habuit tantam apud homines opinionem & æstimationem. Ecce verò ille relictus, hic in Apostolatū assumptus.

Geci-

INDEX LOCORVM.

Cecidit fors super Mathiam. Quàm non fideadum iudiciis hominum? pagina 234.

Tollite jugum meum super vos. Mira DEI providentia circa Ecclesiam suam. Iusserat illam Christus fundari portariq; ab Apostolis 12, quod præfigurabant 12. boves mare æneum portantes: defecit ex illis unus Iudas; ecce verò in ejus locum, Mathiam Christus substituit, dicens: *Tolle jugum meum super te.* Porta cum aliis hoc mare æneum; Paruit Mathias, utpote mitis & humilis corde, tulit constanter hoc jugum Christi; nam nisi tulisset, debuisset ferre jugum diaboli: Sicut & Iudas, dum abiret in locum suum. Et cuius homini alterutrum onus, aut Christi aut diaboli sustinendum est. pagina 134.

S. CASIMIRVS.

Sint lumbi vestri præcincti; & lucerna ardent in manibus vestris. Duo hic jubentur, ait S. Gregor: & lumbos restringere, & lucernas tenere: ut & munditia sit castitatis in corpore, & lumen veritatis in operatione. Vtrumq; hoc S. Casimirus ad amussim implevit; nam & munditiam Castitatis tantam servavit, ut maluerit mori, quàm fœdari; in cuius rei signum, præfert lilium, fragrans; & lucernam ardentem in manu tenet; nempe Christum Crucifixum; de quo Psal: 118. *Lucerna pedibus meis verbum tuum.* Et Simeon Senex, *Lumen ad revelationem gentium.* Luc: 2. Nam sicut Hercules face accensa Hydram, ita Casimirus hac lucerna omnem lasciviam debellavit. Siquidem a Christo Crucifixo didicit modum illam debellandi. pagina 220.

Sint lumbi vestri præcincti. Assimulat Spiritus S. animam suam, *Lilio inter spinas.* Imago hæc est S. Casimiri, qui Castitatem suam Virgineam, per lumbos præcinctos designatam, non alibi conservavit, nisi inter spinas mortificationis. Spinam has ita describit Ecclesia, *Juveniles artus aspero dumabat cilio, durâ cubabat humo, intempestâ nocte præ foribus templo um, pronus in terra Divinam exorabat clementiam.* Tales quoq; spinas & nos oportet adhibere. pagina 129. & 209.

Et vos similes hominibus. Similis tantum hominibus, re ipsâ autem Angelus incarnatus est S. Casimirus, ob Angelicam su-

INDEX LOCORVM.

am, quam ab incuabulis seruauit illam, & sub finem uitæ fortiter asseruit, Castitatem: mori potius eligens, quàm ejus jacturam, ex Medicorum consilio subire. Veneremur intamina- tum eius Corpus, deprædicemus oculos pudicissimos, linguam innocentem laudemus, adoremus caput ab impuris cogitationibus liberum, manus ab omni labe purissimas deosculemur, appeticiamus eor ab omnibus inordinatis affectibus alienum: sed simul ejus exemplo ad heroica facta accendamus. pag: 130. *vel certe.* Dum nobis duo obiecta eligenda proponuntur: quodnam potius, sicut S. Casimirus elegit, nobis est eligendum, pagina 342.

S. IOSEPH Sponsus B. M. V.

Ioseph autem cum esset vir iustus, & nollet eam tradere, voluit occultè dimittere eam. Quamuis Ioseph haberet aliquod fundamentum iudicandi si suam Sponsam de incontinentia: quia tamen erat Vir Iustus, noluit eam tradere; sed modum illam excusandi, famamq; ejus defendendi quærebat, per occultum ab ea discessum. Quia & nobis; si iusti esse volumus, non facile sunt iudicandi de delicto proximi; sed mite ac benignum de aliis formandum iudicium. pag: 252.

Ioseph Fili David, noli timere, accipere MARIAM Conjugem tuam. Ad quid Angelus Iosepho suadendo, ut acciperet MARIAM Conjugem suam, commemorat Davidem, illumq; Filium Davidis appellat? Ut illum exemplo sui Patris exciter, ad præstanda, tum Deiparæ Virgini, tum Filio ipsius ardua quæq; & operosa obsequia. Quanto igitur ille affectu reuerentiæ & amoris se viebat tum Sponsæ suæ, tum putatio Filio; & in infantia, cum illo in Ægyptum fugiendo, illum gestando in ulnis, incedentem manu ducendo; & in Adolescentia, victum illi & amictum, labore manuum suarum procurando. Etiam nos exemplis maiorum ad heroica opera accendamus. pag. 130.

Noli timere accipere MARIAM Conjugem tuam. Quo tandem sine iubetur Ioseph accipere MARIAM Conjugem? Non procreandæ gratia prolis. Sed ut esset existimatus Pater DEI Honinis, ejusq; Nutritius, qui sicut cetera omnia pascit, ita seipsum

INDEX LOCORVM.

seipsum pascere poterat ab q; ulla ope alterius, deinde ut esset Tutor ac fidelissimus Custos Virginitatis *MAR.Æ*: nam esto h;c fuerit Gratiã plena, esto *DEVM* Hominem in utero gereret, esto in illam Spiritus S. supervenisset, esto in obumbrasset virtus Altissimi; tamen Iosephum adhibuit Castitatem suã pudicitia. Non est nostris virginitas videndam, quantumcumq; iusti fuerimus pag: 85. 86.

Annuntiatio B. M. V.

Ave gratiã plena. Pretiosi natiuitis Piranympus Virgini affert ctenodium, dum illi Gratiã plenitudinem deponit. c. Quanti v. o. *MARIA*, hanc, quã plena erat, faciebat æstimabat q; Gratiã expendamus; ut nos quoq; eam ætimare sciamus. pag: 48.

Ne timeas MARIA; invenisti enim gratiam apud DEVM. Evangelicus ille increator, qui absconditum in agro thesaurum invenit, tantã letitia exultat, ut p; gaudio vendat universa quæ habet, & emat agrum illum. Idem perit vadet *MAR.Æ* Angelus Gabriel his verbis. Ne timeas *MARIA*, immo gaude & exulta, quia grandem reperisti thesaurum, dum Gratiã apud *DEVM* invenisti. Quanti apud ipsum *DEVM* est pretii hic thesaurus. pag: 45.

Ece concipies in utero, & paries Filium. Mensura Amoris est donum amato ab amante communicatum, ita, ut quod fuerit hoc pretiosius, eò etiam Amor maior ac intensior sit futurus. Quia ergo *DEVS* Beatissimæ Virgini communicat hodie, donum, maximum, id est Filium suum, illam Matrem ipsius constituet; sequitur, immentum amorem Virgini Deiparæ à *DEO* exhiberi. Mensuremus & nos Amorem *DEI* erga nos, ejusdem beneficiis, ut illi vicem pro vice, & amorem pro amore reddamus. pag: 246.

Spiritus S. superveniet in te, & virtus Altissimi obumbrabit tibi. Vivum hodie Templum totius Sanctissimæ Trinitatis tacta est Virgo Divinissima. Habitavit in ea corporaliter Filius, per assumptam hypostatice naturam humanam. Habitavit speciali titulo Pater, per virtutem quandam sibi obumbrantem. Habitavit Spiritus S. per multiplicia dona sibi communicata. O quam

INDEX LOCORVM.

quàm grata fuit in ea mansio Filio DEI! quàm ornata habitatio DEO Patri! quam pacata & jucunda commoratio Spiritui Sancto! O quibus obsequiis, quibus affectibus Virgo DEI Filium, 9. mentibus in utero fovit! Similis felicitas & nobis contingit; dum ratione Gratiae Spiritum S. habitatorem possidemus. pag: 8. dum Christum in Eucharistia laucipimus. p. 112.

Dies Parasceve.

Ego Vir videns Paupertatem meam. Christus Rex noster, contra inordinatum divitiarum appetitum, totâ quidem vita pugnavit; sed maximè sub tempus suae Passionis, extrema Paupertate. pag: 217.

O vos omnes, qui transitis per viam, attendite, & videte, si est dolor, sicut dolor meus. Tota quidem vita Christus fuit athletissimus; maximè tamen sub tempus suae Passionis. quo fine? pag: 220.

Christus factus est obediens usq; ad mortem; mortem autem Crucis. Contra inordinatum Honorum appetitum, tota vitâ sua Christus pugnavit, maximâ demissione sui; præcipuè tamen tempore Passionis. pag: 221.

S. ADALBERTVS Episc: & Mart:

Bonus Pastor animam suam dat pro ovibus suis. Evidenter probavit S. Adalbertus se esse bonum Pastorem: dum pro Evangelio, quod variis Nationibus, sed præcipuè Polonis, prædicabat, multa viarum incommoda, multos labores ac ærumnos sustinuit; tandemq; à Prussis crudeliter trucidatus, mortem acerbam, confossus lanceis, pertulit. Unde S. Pastor hanc generositatem, nisi à summo Pastore Christo didicit? Nos verò quid hactenus posuimus, quid fecimus, quidve passi sumus, pro Gloria DEI, pro salute animæ tum nostræ, tum proximorum? Utinam à Christo discamus saltem mortificationem nostri. pag: 129. & 109.

Mercenarius autem fugit, quia mercenarius est. Videtur quidem S. Adalbertus fuisse mercenarius; quia fugit Praga, Romam, à suis ovibus. Nam Mercenarii ingenium est, fugere ab ovibus, dum à lupo instat periculum. Sed absit hoc de Sancto.

INDEX LOCORVM.

Non cogitare. Non ab ovibus ille fugit; sed ab hædiis non lupos timuit; sed oves conversas in lupos, ne cum eis, & ab eis periret. Ostendit ille, se non Mercenarium, sed Pastorem esse; cum ultro adens Hungariam, Poloniam, & Prusiam, regiones has ab inferis defendit lupis, & plurimas oves adduxit ad Ovile Christi, ac tandem pro illis animam posuit. Quia & nobis regendi sunt Appetitus concupiscibiles & irascibiles, tanquam à veris Pastoribus Oves. pag: 209. & 260.

Et illas oportet me adducere, & vocem meam audient. Tanta est DEI nostri bonitas, ut quamvis nullius rei egeat; tamen bonitate tanquam necessitate quadam impulsus, plurimos adducit ad Ovile suum. O quantum amanda hæc ejus Bonitas! quàm adoranda Providentia, quæ Polonis adhuc in regione umbræ mortis degentibus, providit Sanctum Adalbertum, Magistrum Fidei & morum, Ductoremq; ad Cælum. tanquam alterum Moysen & Iosue. Et nostrum unusquisq; ubinam fuit ante annos 200, vel 100, In statu meræ possibilitatis. Et tamen nos Omnipotentia DEI produxit ad statum realis existentia; sola bonitate illam impellente. pag: 12.

SS. PHILIPPVS & IACOBVS Apostoli.

Non turbetur cor vestrum, neq; formidet. Merito Christus jubet non turbari Cor nostrum, quia illud sibi dari postulat, *Fili, præbe mihi cor tuum.* ut in illo, tanquam in Regia sua habitet, juxta illud: *Lex DEI ejus in corde ipsius.* Quia ergo DEVS libenter in Pace habitat, prout testatur Propheta: *Facilius est in pace locus ejus* ideo vult à corde nostro omnem abesse turbationem. Tale cor proculdubio gerebant SS. Apostoli Philippus & Iacobus: quod nullæ ærumnæ, nullæ adversitates & persecutiones turbare poterant; nam erant Viri secundum cor DEI; optimeq; noverant; Primum, quod sibi vult dedicari DEVS, esse Cor nostrum. pag: 137.

Creditis in DEVM, & in me credite. Postquam D. IESVS admonuit Apostolos, ne cor illorum turbetur, hortatur illos ad Fidem in DEVM, Quia efficax contra turbationem cordis re-

INDEX LOCORVM.

medium est, viva Fides in DEVM; hæc enim Gratiâ DEI conseruari pag: 19, prout eam in SS. Apostolis conseruauit.

In Domo Patris mei mansiones multe. Domus Patris cælestis est Lumen Gloriæ infusum Beatis, in quod hi intrant, ut in illo habitent in æternum; *Beati qui habitant in domo tua Domine.* Et *Rege serue bone & fidelis, intra in gaudium Domini tui.* Et, in lumine tuo videbimus lumen. In hac ergo Domo tot sunt mansiones, quot modi videndi DEVM. Et quia hi dantur ob varia merita, quæ sunt multiplicia, ideo & modi videndi DEVM multiplices sunt; adeoq; meritò Christus dicit: *In Domo Patris mei mansiones multe.* Saltem a longè liceat contemplari pulchritudinem harum mansionum, quas iam a mille & aliquot centenis annis incolunt SS. Apostoli pag: 174.

Inuentio S. CRVCIS.

Scimus quia a DEO venisti Magister. Non ab hominibus, sed à DEO, non è terra, sed è cælo venit talis Magister, qui non tantum verbis sed multò magis exemplo, demonstrat Crucis viam, Qualis fuit Christus. pag: 234. 201. 231.

Ite exaltari oportet Filium hominis. Nemo in hac vita præsertim ex Electis, ex quibus tanquam ex probatis lapidibus, Architectura DEI in altum confurgit, potest esse absq; Cruce. pag: 152.

Ut omnis, qui credit in illum, non pereat, sed habeat vitam æternam. Tota quidem vita Christus mortificatione sui & patientia Audu, in nodis fundamentum vitæ æternæ condere, maxi ne tamen tempore suæ Passionis, Crucem ejusq; tormenta ferendo. pag: 220.

Sanctus STANISLAUS Episcopus & Martir.

Ego sum Pastor bonus. Quod Princeps Pastorum Christus, hoc idem S. Stanislaus Præsul, de se affirmat. Pastor dicitur à Pascendo. Patebat ille oves sibi concreditas verbo salutaris doctrinæ, & Sancto Virtutum exemplo; ut de illo dici possit, illud Psal: 77. *Pasce eos in innocentia cordis tui, & intellectu tuo manuum suarum deduxit eos.* Exercuit & alia pastoris officia Ezech: 34 descripat: Nam *Quod perierat, requiebat; quod erat abiectum, reducebat; quod conuersum, alligabat; quod infirmum, consolidabat; quod pingue*

INDEX LOCORVM.

pinque & forte, custodiebat. Utinam & nos à S. Pastore discamus, mores nostros tanquam oves regere, & Spiritu facta carnis mortificara, pag: 210, & 260.

Mercenarius autem videt lupum venientem, & fugit. Non fuit mercenaria D. Stanisłai Præstulis virtus; nam videns lupum rabidum, Boleslaum Regem, scandalosis moribus oves perimentem, non fugit, sed contra eum intrepidus sterit, & minas atroces intentantem, Pastoralis virgâ percussit. Non enim propria spectabat commoda, non honores, vel Principis gratiam venabatur, sed solam gloriam DEI, & salutem animarum attendebat. Sancta hæc Divi Pastoris generositas, quàm fuit DEO grata, quàm Stanisłao meritoria, quàm nobis proficua ad studium placendi DEO acquirendum. pag: 161.

Ascensio Domini Nostri IESU Christi.

Assumptus est in celum, & sedet à dextris DEI. Mons Olivetæ campus fuit, in quo certatum est inter Hea illimam Virginem, Sanctos Apostolos, & quingentos Discipulos, ex una parte, de Christo in terris retinendo; ex altera verò parte, inter 9. choros Angelorum & innumeras Patriarcharum phalanges, de illo in Cælum assumendo. Vtrinq; acerrimis pugnatum rationibus; sed prævaluit pars Æmpyræa, a qua *assumptus est in celum.* Itaq; sicut olim Iacob vidit scalam pertingentem ad Cælum, & per eam Angelos descendentes & ascendentes; luminatari verò ejus innixum Dominum; ita nunc Christo confroderunt scalam, 9. chori Angeli per suos veluti gradus dispositi, & Patriarcharum Ordines; per quam Christus in Cælum ad dexteram Patris ascendit. Nos quoq; constituamus nobis ad cælum scalam, ex intentionibus gradibus gratiæ & sanctificantis, in qua nobis continuò est crescendo. pag: 98.

Festum SS. CORPORIS Christi.

Caro mea vere est cibus, & sanguis meus verè est potus. Alii cibi & potus non sunt veri, tum quia, non conservant veram vitam, neque spirituales & æternas; tum quia etiam hanc temporalem ulu suo sensim corrumpunt, dum calorem naturalem

INDEX LOCORVM.

in dies debilitant. At Caro Christi est verè cibus, & Sanguis ejus est verè potus: quia conservat in nobis veram Animæ vitam, nempe Gratiâ sanctificantem, camq; auget, conferendo ex opere operato, auxilia supernaturalia ad sanctè vivendum, & in sanctitate proficiendum. Vegetam quoq; & robustam facit animam, ad procedendum in via DEI, ad laborandum pro DEO, ad pugnandum cum hoste. Replet deniq; animam, sicut adipe & pinguedine, delectatione gustuq; justitiæ. Cum quanta igitur fame ad hunc cibum, cum quanta siti ad hunc potum, nobis est accedendum? pag: 116:

B. ALOYSII Soc: IESV.

Et vos similes hominibus. Ideam sanctitatis, cui similes esse jubemur, proponit nobis Providentia Divina B. Aloysum, ut ex eo lineamenta virtutum desumamus. Quia verò ille, maximam inde Gloriam in calo habet, quod intus operaretur; teste S. Magdalena Pazzi; ideo spectemus ejus memoriam Præsentia DEI continuò occupatam; Intellectum tot luminibus Divinis illustratum; Voluntatem rerum, terrenarum contemptricem, & caelestium æst. matricem; atq; nos, in his Animæ potentiis, similes ei reddamus. pag: 236. 249. 259.

Et vos similes hominibus. Externa Corporis Compositio prodit interiorem animæ statum, totumq; hominem, qualisnam sit, indicat. Vt ergo sciamus B. Aloyshi sanctimoniam, cui nos conformari oportet; intueamur ejus oculos modestissimos, linguam taciturnam, nec nisi cum DEO, de DEO, pro DEO disertam, manus maturè compositas, incessum devotè gravem, pectus omni terreno affectu vacuum, DEIq; amore ardens; totum deniq; Corpus Angelicum; sed ferreis catenis & flagellis lacertatum atq; cruentatum. Hinc igitur ad mortificationem carnis nostræ stimulemur, ut ei similes evadamus. pag: 129. 210. 211.

S. IOANNES Baptista.

Ioannes est Nomen ejus. Magna adhibetur sollicitudo circa Nomen Infanti recens nato imponendum; cognati negant, Parentes contendunt; Nomen Ioannes imponendum esse; atq; hi præ-

INDEX LOCORVM.

prævalent, & generose pronuntiant: *Ioannes est Nomen ejus. Ioannes significat Gratia*, ergo & nobis magna est adhibenda sollicitudo, ut in nobis conservemus Gratiam DEI. pag: 44.

Ioannes est Nomen ejus, Quia DEVS Filio suo in carne venturo, Ioannem destinavit Præcursores; coniicimus, magna illi opus fuisse Gratiâ, ad præparandam viam Domini; ad monstrandum orbi Messiam, ad parandam Domino plebem perfectam &c. Simili gratiâ polleere deoent Viri Apostolici, qui per orbem; fidem S. disseminant. pag: 63.

Praebis ante faciem Domini, parare vias ejus. Qualisnam futurus esset iste Præcuror, prædixit DEVS per Prophetam Malachiam c. 3. *Hoc ego mitto Angelum meum, & præparabit viam ante faciem meam.* Verè Ioannes fuit Angelus, ob Angelicam puritatem, & immunitatem à peccatis non solum gravibus, utpote in Matris utero sanctificatus & confirmatus in gratia; sed etiam à venialibus; quæ ut evitaret, adhuc puer fugit in desertum, ibiq; egit vitam asperrimam. Et nobis ductu Gratiæ insistendum est vitæ mundo Contrariæ. pag: 196.

Praebis ante faciem Domini. Hoc idem, alius Evangelista exprimit his verbis: *ipse præbit ante illum in spiritu & virtute Eliæ.* Eluxit in Ioanne hic spiritus Eliæ, per zelum glorificandi DEVM, etiam cum sui depressione; per studium convertendi peccatores; per magnanimitatem contemnendi respectus humanos; etiam Herodis Regis. Et nobis aspera aliorum iudicia æquo animo sunt toleranda. pag: 245.

S. PETRVS Apostolus.

Tu es Petrus, & super hanc Petram edificabo Ecclesiam meam. Non quemcunq. Christus, in quo, tanquam fundamento secundario, Ecclesiam suam fundaret elegit; sed Petrum, sed solidam Petram, quoad Fidem & Amorem erga se. Et nobis, si vera Ecclesiæ membra esse volumus, veris ac solidis virtutibus est insistendum pag: 284.

Tibi dabo claves Regni Cælorum. Non frustra Christus Petro commisit supremi in Ecclesia sua Pastoris officium, non frustra

Aia

INDEX LOCORVM.

Ira ei claves Regni Calorum concedidit, & sanitorum cali contuitu: promeruit hoc ille, viva Fide, & Concessione Divinitatis Christi, quam protulatus est dicendo: Tu es Christus Filius Dei vivi intus pro ea laborando, & patiendo: promeruit magno erga Christum amore, dum interrogatus, an se anaret, respondit: Domine tu scis, quia amo te. Ut dicamus, etiam nobis ex Fide esse vivendum, pag: 19, & impense amandum DEVM, pag: 246.

Visitatio B. M. V.

Exultavit infans in utero. Canente olim Davidis Cythara, fugiebat malignus, qui Saulern corripiebat, Gens, & a nati- or, qui eum exhilarabat, redibat spiritus. Ioannes in utero Materno clausus, tenebatur à Spiritu maligno, contractus peccato originali: sed postquam dulcissima vocis MARIANÆ Cythara intonuit, fugit peccatum originale, collata est ioanni Gratia iustificans; & in ea confirmatio. Quia ergo Ioannes noverat æstimare hoc donum; ideo præ gaudio illius sibi collata, exultavit in utero Matris. Quanti etiam illud æstimarunt sancti DEI, pag: 49.

Exultavit infans in utero. Vox turturis audita est, Flores apparuerunt in terra nostra: ideo exultat Ioannes in utero, præ gaudio fervore desiderans, ad Christum proflire, adorare, & omnibus colere obsequiis: sic ad stellam polarem acus magnetica subsultat, sic ad conspectum surgentis auroræ, volucres tripudiant: nobis ad exemplum, ut fervida serviendi DEO desideria, sapius in nobis excitemus, pag: 263.

S. MARGARITA Virg: & Mart:

Simile est Regnum Calorum homini negotiatori querenti bonas Margaritas. Hic negotiator est Christus, qui ut S. Margaritam, in mo & animam cupulvis hominis emeret, vendit omnia quæ habuit, & semetipsum exinanivit, per paupertatem extremam, pag: 217.

Homini Negotiatori querenti bonas Margaritas. Margarita nostra est Gratia sanctificans, per quam reddimur Filii DEI adoptivi,

INDEX LOCORVM.

doptivi, & hæredes Regni celestis. Christus ergo vult omnes nos esse negotiatores, ut illam unicam, venditis ac spretis aliis omnibus, Margaritam emamus; prout eam emit S. Margarita, relictis diuitiis, honoribus, ac vitâ ipsa. Vnde verò hanc negotiandi artem didicit hæc Sancta? nisi à Christo, summè illam æstimante. pag: 43.

S. MARIA MAGDALENA.

Stans retro secus pedes ejus, lacrymis caput rigare &c. Quidam Magdalenam ad tantam adduxit Humilitatem, ut aliis mens, unâ cum Christo accumbentibus, illa non audeat si noli accumbere, esto esset multarum heres Possessionum; sed eligit infimum ad pedes IESV locum, & illorum se facit scabellum? Nisi recordatio Peccatorum à se commissorum. Nam efficacissimus acquirendæ Humilitatis modus est recordatio Peccatorum à nobis patratorum. pag: 234. Si eorum gravitatem pro merito expendamus, pag: 53.

Lacrimis caput rigare pedes ejus. Quot argumenta contritionis Magdalena exhibet? dum instrumenta iniquitatis vertit in arma pietatis; dum ex oculis lacrymas; uberes profundit, iisq; plantas Domini irrigat; dum ore venerabundo crebra sacris pedibus figit oscula, dum capillis suis tergit; pretiosoq; perfundit oleo. Quanta ejus demissio, quanta confusio ac depressio? quam expendens S. Augustinus ait: *Irruens importuna convivio, opportuna beneficio, quasivit pia impudentiâ sanitatem.* Nam depressio & mortificatio sui, est Spongia, scdas peccatorum maculas abstergens. pag: 235. *Vel certe.* Non sunt curanda hominum critica de nobis judicia, dum agitur de exercendo Virtutis actu. pag. 254.

Osculabatur pedes ejus, capillis suis texsit, & unguento ungebat. Ad quid Magdalena tam impensis pietatis officiis colit pedes Christi? Prævidet illa in Spiritu, quia sit futurum cum Sanctis illis pedibus, quodd propter sua peccata essent clavis horrendis transfodiendi, & cruci configendi; unde in illis legit & ex illis colligit gravitatem suorum peccatorum. Nam multa
quidem

INDEX LOCORVM.

quidem ostendunt malitiam peccati mortalis, vel maximè tam
men Iustitia Divina horrendè puniens in Filio suo peccata ali-
ena. pag: 42.

*Sciret utiq; quæ & qualis est mulier, quæ tangit eum quia pecca-
trix est.* Criticum Pharisei iudicium duos hic temerè iudicat;
& Christum, quasi non esset Propheta; & Magdalenam, quasi
adhuc esset Peccatrix: quod utrumq; fuit falsissimum. Quam
mitè ac benignum nobis tormandam de aliis iudicium. pag: 2, 2.

S. IACOBUS Apostolus.

Nescitis quid petatis. Petentibus Iacobo, Ioanne, & Matre
illorum, honorem ac dignitatem temporalem, ut unus sederet
à dextris, & alter à sinistris in Regno Christi, quod terrenum
fore sperabant, respondit Christus: *Nescitis, quid petatis.* Quasi
diceret. Dum hoc petitis, nihil petitis. Verè temporalis di-
gnitas, honor, fama, comparatione bonorum æternorum, & Gra-
tiæ DEI, est nihil. Quia consistit in æstimatione hominum,
aut ejus testificatione, vel notitia: quæ omnia sunt incerta, fal-
libilia, mutabilia, brevi peritura; *Vapor ad modicum parens, & de-
inceps exterminabitur.* Iacobi 4. Planè nihil: sicut punctum com-
parativè ad Sphæram. *Gaudium hypocrita instar puncti.* Iob: 20.
Quanto ergo studio quærenda nobis & conservanda Gratia DEI
& jus ad bona æterna. pag: 49.

Potestisne bibere calicem, quem ego bibiturus sum. Hæc nimi-
rum est ad æternas Gloriæ cælestis delicias optima dispositio;
bibere hic amarum Passionis Christi calicem. *Dulcia non me-
ruit, qui non gustavit amara.* Hinc ipse Dominus Gloriæ, *de tor-
rente in via bibis, præterea exaltabit Caput* Psal: 109. *Oportuitq; ipsum
pati, & ita intrare in gloriam suam.* Lucæ 24. Sed Profecto ca-
lix hic omnem amisit amaritudinem, postquam ex illo pro no-
bis Rex noster mortem gustavit. pag: 188. 194. 210.

Pesumus. Ad quod se verbis resolverunt Sancti Iacobus &
Ioannes Apostoli; hoc postea reipsa impleverunt. O quo gultu,
quo affectu biberunt ex hoc Christi calice, exilia, probra, car-
ceres, vincula, compedes, rogos, gladius, deniq; acerbam necem;
Quia nimirum eis Christus ex illo præbabit. pag: 254. S. 4N.

INDEX LOCORVM.

S. ANNA Mater Deiparæ Virginis.

Simile est Regnum Calorum thesauro abscondito in agro. Immutetur hic Dignitas & sanctitas S. Annæ, quæ meruit esse Mater, Dei Genitricis; & Avia Christi. O quam æstimabilis debuit esse hic ager qui tantum intra se fovit, ac in lucem protulit thesaurum. Quis unquam speraret, ex rudi, terræ massa, erui posse tam pretiosum aurum & adamantem immensi valoris? Ita nos ex vilibus nostris & modicis operibus, sublimatis Gratiâ, quam Anna significat, possumus inæstimabilem meritorum thesaurum eruere. pag: 51. & 125.

Pro gaudio illius vadit, vendit universa, quæ habet, & emit. Mira quidem istius negotiatoris erga thesaurum inventum propensio; quia illum sollicitè abscondit, de illo vehementer gaudet, omnia sua vendit, & pro illo emendo libenter impendit. Sed hæc est umbra, respectu affectûs S. Annæ tum erga suam filiam, quo illam genitam educabat, nutrebat, vestiebat. tum erga suum Nepotem. quo illum in ulnis gerebat, dulciter admovebat pectori, reverenter basibat, manu ducebat. Vitam & nos, similes exerceamus affectus, erga Christum in Eucharistia sumptum. pag: 136.

S. P. IGNATIUS.

Designavit Dominus & alios 72. & misit illos &c. Pridem Christus varios in Ecclesia sua militante Duces, ad bellum Sanctum, contra mundum, carnem, ac dæmonem expedit; & jam præclare varia gesserunt bella. Novissimè in Societatem armorum vocat Ignatium; eumq; Ducem militiæ suæ creans, dicit: *Ignem veni mittere in terram, & quid volo, nisi ut accendatur.* Gerit ergo bella Domini Ignatius, in Europa, ut Moyses; in Asia, ut Iolues; in Africa ut Gedeon, in America ut David. pag: 188

Ita, ecce ego mitto vos, sicut Agnos inter lupos. Grave olim erat bellum inter Sabinos & Romanos: illi erexerant munitiones & propugnacula, quæ vocaverunt, lupos, leones, urios &c. hi autem contra illos, cum suo exercitu expederunt machinas bellicas, quas appellaverunt, Arietes, Agnos, Oves: & factum

INDEX LOCORVM.

est, ut his cederet illa. Simile bellum geritur inter Lucipetrum & Christum, duoq; contraria erecta sunt vexilla. Praeficit Christus vexillo suo Signiferum Ignatium, dicens: *Ite, omnia accedite, inflammate &c.* Quis ergo eventus belli? pag: 192.

Appropinquavit in vos Regnum DEI. Siquidem Regnum DEI, primario consistit in visione DEI, ejusq; amore, & orto inde gaudio; secundario vero in visione objectorum aiorum extra DEVM, sed in DEO tanquam in speculo voluntario visarum; ideo S. Ignatius, quoniam in illum appropinquavit jam Regnum DEI, praeter hoc, quia illum intuitivè videt, videt insuper in illis tanquam Fundator Societatis, quidquid in ea agitur, quoad observantiam Regularum, quoad studium Orationis, mortificationis & victoriz nostri, quoad labores circa salutem animarum. Et hinc ei semper crescit gloria accidentalis. Vtiam & nos illam, per puram intentionem placendi DEO, augeamus. pagina 261.

S. LAURENTII Mart:

Si granum frumenti cadens in terram mortuum fuerit, multum fructum affert. Hoc primario dixit de se Christus: Nam sicut granum frumenti, dum in terram projicitur, & saevas tempestates, imbres, ventos, hyememq; passum, emoritur, videtur perire; at per hoc aptatur ad ferendum fructum; aliter illum, non allaturum, si inter continuos caeli aerisq; favores degeret: ita Christus licet per Passionem & mortem suam videbatur perisse; tamen per hoc attulit fructum maximum; sibi quidem Gloriz sui corporis, ac nominis exaltationem; nobis vero Gratiae & Gloriz. Similem fructum attulit S. Laurentius Martyr. Et nos, ut fructum spiritualem DEO & nobis feramus, debemus exerceri adversis, & per mortificationem, nostrae sensualitati mori. pag: 119. & 168.

Qui amat animam suam, perdet eam; & qui perdiderit &c. Mira Sententia, sed vera; nam, ut ait S. Augustinus: *Si malè amaveris, tunc odisti; si bene oderis, tunc amasti.* Bene animam suam oderet Laurentius; maluit namq; pari tormentum ignis, & acerbissi-

INDEX LOCORVM.

nam mortem, quam perdere fidem & amorem Christi; quæ sunt
 maiora animæ bona, quàm integritas vitæq; corporis; & ideo
 triumphat coronatus in cælis. Vt etiam nos vitam merea-
 mur æternam, pluris æstimare debemus Gratiam DEI, quàm
 bona quæcunq; terrena, frenareq; appetitus nostros, pagina
 44. & 101.

*Qui mihi ministrat, me sequatur; & ubi sum ego, illic & minister
 meus erit.* Hæc est obligatio Ministrorum Christi, ut suum
 Dominum sequantur per ignominias & dolores; postea verò cum
 illo sint in Gloria cælesti, deliciisq; æternis. Hac viâ iuere
 Sancti; & cum illis Laurentius. Et nobis eadem viâ pergen-
 dum, pag: 197.

Assumptio B. M. V.

Domine non est tibi cura, quod soror mea &c. Videbatur Mar-
 tha plus æquo æstimare suum laborem; unde & Christum ar-
 guit cuiusdam incuriæ, & Magdalene ad pedes Christi verba
 salutaria auscultanti se præfert: sed corrigit Christus ejus ju-
 diciū. Virgo Beatissima utrumq; erga Christum præstiterit.
 Et Martha exercuit ministerium, dum ille temporales necessita-
 tes sollicitè provideret ac suppeditaret; & officium Magdalene
 gessit, dum doctrinas omnes à Filio suo auditas, diligenter
 conservaret in corde suo. unde meruit à Christo laudari & co-
 piose in cælis præmiari. Et nobis mite ac benignum de aliis
 formandum iudiciū. pag: 252.

Vnum est necessarium. Dicebat Sponsus in Canticis. ad su-
 am Sponsam: *Vulnerasti cor meum in uno oculorum tuorum, in uno
 crine colli tui.* Idem dicebat DEVS Sanctissimæ Virgini MA-
 RIÆ: quid enim per oculum, nisi intentio, quid per crinem
 colli, nisi cogitatio intelligitur. Quia ergo MARIA unicè su-
 is actionibus ad DEVM collimabat, quia unicè de illo semper
 cogitabat, ideo dicitur vulnerasse cor DEI, illudq; unicè devin-
 xisse. Nam & nobis unicè quærempa est Gratia DEI, pagina
 44. & unice cogitandum de DEO. pag: 236.

Optimam partem elegit sibi MARIA. Beatissima Virgo ideo
 F3 censetur

INDEX LOCORVM.

Conferetur optimam, elegerit partem; quia ex amore erga DEVM
excessivo, nimieq; desiderio illum videntem, excessit è vivis. Nam
perpetuò cum Davide ingemmatat: *Non mihi, quia inuolatus me-
us prolongatus est.* Et Quam admodum desiderat Cervus ad fontes aqua-
rum, ita desiderat anima mea ad te DEVS: Et eum Paulo: *Cupio
dissolvi, & esse cum Christo.* Et nobis excitanda sunt servida de-
sideria serviendi Christo. pag: 263.

S. BARTHOLOMÆVS Apost:

Elegit & Bartholomæum. Magna quidem S. Bartholomæi
felicitas, quia electus est à Christo Apostolus, ceteriq; discipu-
lorum selecto aggregatus: Sed maior eius inde gloria, quia hu-
ic Electioni correspondens, constanter Christum secutus est, ad
ignominias, ad ærumas, ad acerbissimam mortem. Nam &
Iudas electus fuerat à Christo; quia tamen huic Electioni non
correspondit in finem; ideo miserimè perit. Et nos electi su-
mus, de mundo, de tot infidelibus, de tot periculis peccandi,
conpleamus ergo Electionem nostram, sequela Christi. pag: 192.

Elegit & Bartholomæum. Antequam Christus elegit Bartho-
lomæum, prius pernoctavit in Oratione DEI; ut nos doceret,
quomodo à nobis facienda sit Electio rerum ad salutem æter-
nam spectantium. pag: 343.

Omnis turba querebat eum tangere: Cur non apprehendere, strin-
gere, tenere, possidere? Cur non ut aliquando Discipuli cõ-
gerunt eum, dicentes: *Mane nobiscum Domine?* Quia turba dun-
taxat erat, quæ tangebatur eum. De plebe, de turba sumus; si
Christum tangimus tantum, & palparamus, nec seriò iustitiam
ejus apprehendimus. pag: 224.

Nativitas B. V. MARIÆ,

De qua Natus est IESVS. Quamvis Beatissimâ Virgo ho-
die primùm est nata, quamvis modò primùm futura est Mater
Christi; tamen de illa dicitur natus jam esse Christus. Quia
Nativitas Beatissimæ est certitudo Redemptionis Gratiaq; no-
stræ. Nam Beatissima dedit nobis Redemptorem Christum;
Christus autem dat nobis Gratiam; Gratia verò vivimus; im-
mo sumus, quidquid sumus. pag: 31.

De qua

INDEX LOCORVM:

De qua Natus est IESVS. Data quidem est B. Virgini maternitas Christi, data prima in mundo post DEVM dignitas, data plenitudo Gratiae: Sed haec omnia in Christum, tanquam in primum fontem debent refundi. Quia quaecunq; à DEO habemus, in ipsum, ejusq; Gloriam sunt refundenda. pag: 23.

Exaltatio S. CRVCIS.

Sicut Moyses exultavit serpentem in deserto, ita exaltari oportet Filium hominis. Serpens æneus à Moysè in deserto exaltatus typus fuit Christi in Cruce affixi: sicut enim ille omnes ab ignitis serpentibus vulneratos cumq; intruentes, sanabat: ita Christus Crucifixus omnes à dæmone saucios, si credant in eum, restituit salutem. Et nobis exemplum majorum typus esse debent ad heroica facta. pag: 230.

Exaltari oportet Filium hominis. A Cruce exaltatio Christi; à Cruce gloria. Postquam enim illa fuit 14. annis in potestate Perlarum; tandem armis Heracclii Imperatoris crepta, ac exaltata, & Christum reddidit gloriosum, & seipsam. Etiam in nobis detinetur Crux Christi, ab indomitis passionibus, tanquam ab inimicis Crucis Christi, ne in nobis exaltetur, ne Christus Crucifixus operetur in nobis salutem. Vt ergo exaltetur, domandi sunt hi inimici, refranandæ passionibus nostræ. pag: 260.

Exaltari oportet Filium hominis. Quomodo verò exaltatus est Filius hominis? Per Crucem; imprimis dum ei affixus, in sublime elatus est, deinde dum illam in proprios humeros Heracclius Imperator sublatam, in montem Sanctum detulit, ibiq; collocavit. Et nos Crucem Christi eodem modo exaltemus, collocando illam in superiori animæ nostræ parte, hoc est in memoria; recordando saepe Christi Crucifixi. pag: 236.

S. MATTHÆVS Apost: & Evang:

Vidit IESVS hominem Matthæum nomine. Vidit quidem peccatorem, injustum, avarum, lucris temporalibus per fas & nefas inhiantem; sed videndo fecit Sanctum, Evangelistam, Apostolum. Tanta est vis oculorum Christi. Tanta distantia Matthæi olim peccatoris, à seipso iusto, pag: 16.

Religiosis

INDEX LOCORVM.

Reliſtis omnibus ſecutus eſt eum. Hac mutatio dextera Exceſſi. Hoc gr̃tia Divinæ prodiſium; camelus auro onuſtus intrat per foramen acus; dives per anguſtam portam ingreditur ad vitam. Matthæus locuples, publicanus, honoratus telonarius; ſequitur Chriſtum Pauperem, contemptum, abiectum, qui de ſe dicit. *Ego ſum via. Ego ſum oſtum.* Etiam nobis eſt imitandus Matthæus, & Chriſtus ſequendus, pag: 196. 210.

Diſcumbente eo in domo. Matthæus enim fecit Chriſto convivium in domo ſua. At quibus eum tractavit epulis, quali vino potavit? niſi corde contrito & lacrymis pœnitentiæ. Vtinam illi ad nos in Euchariſtia venienti tale convivium faciamus, pagina III.

S. MICHAEL Archangelus.

Parvulum ſtatuit in medio eorum. Ad quid mentio parvuli, dum celebratur memoria Magni Principis Angelorum S. Michaelis? Quia Michael, ut evaderet Magnus Angelorum Princeps, DEI Signifer, Protector Eccleſiæ, eſt factus in oculis ſuis Parvulus. Agnovit ſe nihil eſſe ex ſe, nihilq; habere à ſe; ſed omnia a DEO; ideoq; Lucifero ſe extollenti reſoluit. *Quis ut DEVS?* Parvulus ergo erat Michael, non naturâ & dignitate; ſed virtute & humilitate de ſe opinione. Etiam nos, ſi magni eſſe in Regno cœlorum volumus, minimè fidamus noſtris viribus. pag: 85.

Angeli eorum ſemper vident faciem Patris mei. Quia SS. Angeli ſemper intuentur faciem DEI; neceſſario illum amant, & voluntatem ſuam cum illius voluntate conformant; illanq; promptè exequuntur: hinc etiam ab Apoſtolo vocantur *Adminiſtratorii Spiritus miſſi in obſequium eorum, qui hereditatem capiunt ſalutis.* Ad hæc obſequia mittit eos S. Michael, dum unicuiq; ſtatim à Nativitate deſtinat ſpecialem Angelum Cuſtodem. O quantum illi, pro hoc beneficio, ſicut & ipſi Angelo noſtro Cuſtodi, debemus. Ut oſtendamus noſtrum erga DEVM amorem, opus eſt, ut noſtram cum eius voluntate conformemus. pag: 267.

Angeli eorum ſemper vident faciem Patris mei. Facies DEI eſt limpidiſſimum ſpeculum, in quo S. Michæl videt, quemodo ſe gerere

INDEX LOCORVM:

gerere debeat in administrando suo munere, quod est. Suscipere animas delinquentium, iuxta illud: *Constituit Principem super omnes animas solus p[ro]p[ri]us*. Ille ergo illis animas morientium a se Christi-
fimo iudicem, iustitiam & demerita eorum proponendo ac ponde-
rando. Ille animas ad Purgatorium destinans, dum per suos
Angelos in quatuor uicibus soluit. Denique dignas celo, et locis
ex Purgatorio, & pariter collocat in celo. Quotidum op-
bis monito plicandis, ut hic nobis propitius in testimo participari
& Purgatorio. pag: 16. & 167.

S. FRANCISCVS BORGAS.

Ecce nos reliquimus omnia. Merito id usurpare potest S. Bor-
gas; nam propter Christum reliquit Ducalem mitram, hono-
res & administratos, amplissimas opes, thesauros aruitos, commo-
ditates vivendi & quod maius est, reliquit seipsum, per abnega-
tionem sui & continuam mortificationem; ex qua dicebat, Re-
ligiosi non debere 24. vicibus per diem mori atque sic relinquen-
do omnis, nihil sibi reliquit. omnia arbitratu ut stercore,
ut Cunctum lucrifaceret. Ut etiam nos illum quoad hoc imi-
temur, funderet gratitudo pro beneficiis à DEO acceptis. paginæ
140. deinde exempla Sanctorum. pag: 130. tandem desiderii-
um perfectionis. pag: 185. 264.

Et secutus sumus re. Quod S. Franciscus verè fuerit Christum
secutus, per imitationem virtutum, præsertim humilitatis, testa-
tur Ecclesia, in hodierna Oratione de Sancto. testantur tot a-
ctus illius; cum se Peccatorem scriberet, cum vilissima culinæ
obiret munia, dum se sub pedibus ludæ & Luciperi collocaret,
dum ex qualibet re lumeret occasionem suæ humiliationis &
confusionis. Et nos si similes evademus, si insistemus vitæ mun-
do per omnia contraria. pag: 126.

Selebitis & vos super sedes. Per sex olim gradus Salomon
conscendebat suum solium. Borgias tribus humilitatis gradi-
bus conscendit sublimem perfectionis in hac vita, & in altera
Glorie thronum. Quinque sunt hi gradus. pag: 204.

G

SS. Sime-

INDEX LOCORVM.

SS. SIMONIS & IVDÆ Apost:

Hæc mando vobis, ut diligatis invicem, Novo mandato Christus obstringit Apostolos, ad mutuam sui dilectionem. Nam, viventi inter alios, magna est opus constantia dilectionis, ad perferendos alienos defectus. pag: 178. 252.

Si mundus vos odit; scitote quia me priorem vobis odio habuit. En prima & efficax causa, qua Christus movet Apostolos, & nos eorum sequaces, ad toleranda mundi odia, & persecutiones, Exemplum Domini. Nam servus non est major Domino suo. Quid enim æquius, quàm ut servus Dominum suum sequatur, ejusq; induatur insignibus. Ergo & nos illi, jungamus Comites. pagina 188. 193. 210.

Ego elegi vos de mundo; ideo vos odit mundus. Motivum efficax, quod nos debet movere ad perferendas injurias, & persecutiones, est status seu Professio nostra Christiana; multo magis Religiosa. pagina 197.

Festum SANCTORVM Omnium.

Gaudere & exultate, quoniam merces vestra copiosa est in celis. In quonam consistit hæc merces copiosa, pagina 174.

Dies Fidelium Defunctorum.

Pater dedit potestatem Filio, iudicium facere. Quale vero iudicium exerceat Christus, Iudex vivorum & mortuorum à Patre constitutus, cum iustis reatu pænæ affectis, qualem in eos fert sententiam, qualem supra eos facit executionem? pag: 163.

S: MARTINVS Episc: & Conf:

Nemo accendit lucernam, & ponit eam sub medio, sed super candelabrum. Lucerna hæc denotat Fidem veram; juxta illud Apostoli 2. Petri. Cui attendentes tanquam lucernam lucenti in caliginoso loco. Ad hoc enim DEVS Fidem Sanctam cordibus nostris infudit, ut nos gubernet in omnibus actionibus nostris. Talis lucerna prælucebat S. Martino in omnibus piis operibus, quæ juxta ejus lucem exercebat. Fides vera conseruat in nobis gratiam. pag: 59.

Si oculus

INDEX LOCORVM.

Si oculus tuus fueris simplex, totum Corpus lucidum erit. Hic oculus simplex est pura intentio placendi DEO, ejusq; voluntatem explendi; non respiciendo propria commoda, nec aliorum laudem spectando. hæc igitur intentio pura, si semper tota vitæ nostræ adsit, omnes actiones nostræ erunt lucidæ, id est, gratæ DEO. Talis intentio fuit S. Martini, qui sicut in morte, ita & in vita, intentis in celum oculis, invidum ab oratione spiritum non relaxabat; hinc dæmoni adstanti generosè dixit: Quid hîs adhas cruenta bestia; nihil in me fuesti reperies. Talis quoq; nostra esse debet intentio. pag: 261.

B. STANISLAUS KOSTKA.

Cum venerit, & pulsaverit, confestim aperiant ei. Ad amissum hoc B. Stanislaus præstitit. Nam DEO cor suum fortiori instinctu pulsanti, & se ad Societatem IESV vocanti, protinus paruit; quantis ille lacrymis ad eam admitti petiit quanta in mundo bona, pro ea reliquit; quanta & quàm ardua emensus est itineras; quæ incommoda in illis pertulit; quàm generosè iras fraternas, Paternasq; minas contempsit? Mira Spiritus S. vis, quæ talem vitæ perfectioris amorem, in corde hujus Angelici Juvenis accendit. Mira erga Societatem dignatio, quæ eam tam nobili gemmâ ornavit. Nobis autem in eo reliquit exemplum, quanta solitudine conservanda sit Gratia DEI. pag: 44.

Prætinget se, & faciet illos discumbere, & transiens ministrabit illis. Magnos quidem hic Dominus præstat favores expectantibus se, & suæ bonitati fidentibus servis; sed non minores DEVS nostro huic Beato exhibet; dum illum ab omni peccato graviore personali præservat; dum unâ cum Beatissima Matre ægro- tantem invisit, dum voce Deiparæ ad Societatem vocat; dum Sacra Eucharistiâ per Angelos, in assistentia S. Barbaræ Virg: & Mariæ reficit, dum die Assumptionis, in cælum transfere. Multa & nobis fiducia habenda in DEO, ut ejus donis potiamur: pagina 87. & 144.

Et si in secunda, & si intertia vigilia venerit, & ita invenerit, beati sunt servi illi. Primam duntaxat Religiosæ vitæ Vigiliam B.

INDEX LOCORVM.

Stanislaus absolvit; & tamen Consummatus in brevi, explevis tempo-
ra multa. Nam illam, Adolescentem ætatis annorum 18, de-
cem mensium novitium, ad tantam DEVS exevit sanctitatem,
& gloriam, ut multos Professione Veteranos superaverit. Quibus
verò mediis illam consecutus est? nisi ordinariis in Religione
actionibus, sed non ordinario, at ferventi Spiritu, peractis.
Nam parvis etiam operibus, sed fervidè factis, multum Gratiæ
Divinæ lucrari possumus. pag: 129. & 127.

S. CATHARINA Virg: & Mart:

Prudentes acceperunt oleum. Per oleum rectè intelligitur sa-
pientia; sicut enim illud penetrat porosa subiecta, & superemi-
net aliis liquoribus; ita sapientia, verum abdita rimatur, & cun-
ctis antecellit thesauris: hinc eam Salomon præposuit auro, ar-
gento, & lapidibus pretiosis: immo omnia terrena nihil esse duxit
in comparatione illius. Habuit oleum hoc S. Catharina; nam
fidem in Christum, & Gratiæ DEI, prætulit omnibus bonis,
quæ illi promittebat Imperator Maximinus; imo eam prætulit
vitæ suæ, quam pro Christo profudit. Ut nos quoq; Gratiæ
DEI æstimare sciamus. pag: 44. & peccatum mortale, quod
illam tollit, horrere noverimus. pag: 27, & 40.

Prudentes acceperunt oleum in vasis suis, cum lampadibus. Qui
media apta eligit ad consecutionem honestissimi finis, ille pru-
dens est, oleumq; habet in Capite, ac dignus censetur honore,
Finis noster est salus æterna, seu Gloria cælestis: medium verò
ad id aptum est asperitas vitæ; nam ipsemet Christus talem vi-
am elegit ad possidendam Gloriam tuam. Elepit quoq; S. Ca-
tharina talem: nam non contenta, exire obviam sponso, cum
lampade fidei, & cum oleo spei; adiecit insulser ignem Amoris
erga DEVM; non qualiscunq; sed qui vinceret atrociora tormen-
ta, qui mortem ipsam subiret. Verè Lampades ejus, lampades ignis
atq; flammæ. Verè Fortis est ut mors dilectio ejus. Et nobis insi-
stendum vitæ mundo contrariæ, si ad metam salutis æternæ per-
venire velimus. pag: 196.

INDEX LOCORVM.

S. ANDREAS Apost.

Venite post me. Non solum oculis Christi, sed etiam lingue & voci, insat quædam vis Magnetica, qua corda Apostolorum ad se traxit. Vix prolocutus est ad Petrum & Andream; *Venite post me*; statim relictis omnibus; secuti sunt eum. Adumbrata est veritas hæc in Rege terreno, suos subditos ad bellum invitante. 188. & in Imperatore milites ad suum vexillum vocante. pag: 192.

Faciam vos fieri Piscatores hominum. Magna quidem est dignitas, cooperari DEO circa salutem animarum, & tam pretiosas gemmas puerari magnique apud DEVM res meriti. Sed non minor est virtus, quam quærere, pasta tucti: hinc & nobis magna adhibenda sollicitudo in conservanda vita animæ, quæ est Gratia DEI. pag: 44.

Cont. nro relictis veribus secuti sunt eum. Hæc S. Andreas obedientia erga vocem Christi, non solum fuit prompta & alacris; quia *Continuus*, sed etiam liberalis, & generosa; quia *relictis omnibus secuti sunt eum.* Quem? Pauperem Christum & contemptum; nihil ex eo inquirentes, quodnam habituri essent ab eo stipendium; nihilve sperantes; sed intuitu illius solius eum sequentes. Magnum quidem à S. Andrea, hoc relictum nobis est exemplum obedientiæ; sed majus à Christo. pag: 231.

S. FRANCISCO'S XAVERIUS Ind. Apost.

Euntes in mundum universum, ut adicatis Evangelium. Quod de Paulo, hoc de Francisco Xaverio dicit Christus: *Vas Electionis est mihi iste, ut pariet nomen meum coram Gentibus.* Verè Xaverius fuit vas crystallinum, ob eximiam Corporis & animæ puritatem; fuit vas aureum ob insignem DEI & proximi Amorem, ex quo habuit sincerum odium & zelum, extirpandorum in aliis peccatorum. pag: 38.

Prædicate Evangelium omni Creatura. Quod de sole Ecclesiasticus c. 43. hoc de Xaverio Ecclesiæ dicere potest: *Vas admirabile, opus excolsi.* Nam in eo refulcent mirabiles DEI perfectiones, ut, Omnia

INDEX LOCORVM.

ut, Omnipotentia patrans tot miracula, Sapientia illustrans tot barbaras nationes, Bonitas & Sanctitas, tot populos & regna per eum sanctificatis. Quot Insulas, quot regiones quot terras sol iste lustravit, illuminando eas luce veræ fidei, & ad ad morem cultumq; DEI inflammando; ita ut de illo DEVS per Prophetam prædixisse videatur: *Dedi te in lucem Gentium, ut sis salus mea usq; ad extremum terre.* Optemus Ecclesiæ similes quàm plurimos operarios; & Praxes Fidei sanctæ in nobis observemus, pagina 62.

Et si mortiferum quid biberint, non eis nocebit. Quamvis Christus amarum Passionis calicem, pro honore sui Patris exhausit, quamvis felle & aceto in extrema siti fuerit potatus; tamen hoc ei minimè nocuit; sed profuit ad obtinendam immensam celestis gloriæ dulcedinem. Oportebat Christum pati, & ita intrare in gloriam suam. Prius de torrente turbido & amaro in via bibit; tum propterea exaltavit Caput, ut torrente voluptatis potaretur. Tali calice tractavit dilectos discipulos, Iacobum & Ioannem, Tali quoq; S. Xaverium. O quot ille venena mortifera pro nomine IESU innoxius exhausit! quæ incommoda viarum, quas inedia, vigiliæ, ardores solis, frigora, pertulit quos contemptus, irisiones, persecutiones sustinuit? quæ pericula in mari & in terra subiit? Et his non contentus; ipse ultro seipsum tot mortificationibus cruciabat, dicebatq; *Amplius, Domine, amplius.* Ecce verò, tantà illum DEVS dulcedine celestium consolationum, ex propagata gloria sua, & conversione Gentium proveniente replebat, ut diceret: *Satis est Domine, satis est.* O quanto cum gustu continuat in calo eandem suavitatem! Nam & nobis, Facta carnis spiritu sunt mortificanda; ut ad gloriam celestem veniamus. pag. 208.

S. NICOLAUS Episc:

Euge serve bone & fidelis; quia super pauca fuisi fidelis &c. Felix negotiatio, impendere parum auri, honoris, famæ, voluptatis, commodi, & pro hoc lucrari Gratiam DEI & Gloriam; id est, divitias æternas, honores, & voluptates infinitas. Tales impensas

INDEX LOCORVM.

impensas fecit S. Nicolaus; dum aurum periclitantibus puellis in dotem tribuit; dum patrimonium in Pauperum usus erogavit; dum jejunia, vigiliis, mortificationes exercuit; dum omnia arbitraretur ut stercora, ut Christum, ejusq; majorem Gratiâ lucrifaceret. Et nos quibus industriis Gratiâ DEI lucrari auge-
reque possumus? pag. 125. 180.

Conceptio B. V. MARIE.

MARIE, De qua Natus est IESVS. Dum hic in obliquo reco-
litor Immaculata B. V. Conceptio, in recto nominatur IE-
SVS: ut ostendatur, IESVM fuisse fontem, ex quo profluxit hæc
intemerata MARIE Conceptio. Nam in quo instanti DEVS
creavit animam Beatissimæ ex nihilo, in eodem instanti statim,
ob prævisa IESV Filii sui merita, ornavit eam Gratiâ sanctifi-
cante pene infinitâ; quia omnem collectivè Angelorum & ho-
minum Gratiâ superante; eodem instanti, illam sic adorna-
tam, in utero S. ANNÆ, benedicto suo univit Corpori. Atq;
sic à Filio suo IESV fuit præservativè Redempta; & ita IESVS
fuit illi Fons salutis. O quantum sibi complacuit Pater æternus
in sua Filia sic adornata! quantum Filius in Matre dignissima!
quantum Spiritus S. in Sponsa sua Carissima! Ut nos quoq;
magis ac magis oculis Sanctissimæ Trinitatis placeamus; studea-
mus in eadem Gratiâ sanctificante, amplius & amplius cre-
scere. pagina 98.

MARIE de qua natus est IESVS qui vocatur Christus. Non sa-
tis est, in Conceptione B. V. nominare IESVM, oportet propè
apponere Christum, qui denotat Vnctionem. Nam illa propter
merita Filii sui prævisa, Vncta Dei exitit in primo instanti suæ
Conceptionis; per Confirmationem in Gratiâ, per moralem
Impeccabilitatem, per concessum usum rationis & liberi arbi-
trii, per exercitium actuum meritoriorum, ut, Fidei; Spei, Cha-
ritatis, Religionis, Obedientiæ &c. quos totâ vitâ suâ conti-
nuavit; deniq; per extinctionem fomitis peccati; ita, ut in ea, sen-
suales appetitus non prævenerint rectam rationem, nec ei con-
travenerint, sed ei plenè fuerint subiecti. Incumbamus & nos
exercitio

INDEX LOCORVM.

exercitio aduū v. m. m. m. pag: 111. & 180. Mortificemus sensus,
les affectus, pag: 111. dñi iohannis ex re. ta. rationi, pagina 159.

S. THOMAS. *apost.*

Non credam, nisi videro. Quamvis antea Thomas tantā er-
Christu n polueret Fide & dilectione, ut diceret: *Sanus & mori-*
emur quin illi: tamen postmodum in tantam prolapsus est incredu-
litatem, & obstinationem, ut toties ingemuit: *Non credam,*
non credam, nisi videro &c. Per nūc in eum Os V's hunc lapsus,
ut ex illo attingeret ad profundiorē humilitatem, ferventemq;
fioem & a more n erga Dominum, pro quo deinde tanta egit, pai-
sinq est, vultus efficacissimū acquirendi Humilitatem est,
Recordatio peccatorum a se commissorum. pag: 234.

Affer manum tuam huc. & noli esse incredulus, sed fidelis. Magnā
Christus ulus est erga Thomam incredulum lenitate; dum illum,
tanquam Ove n perditu n bonus Pastor querit sollicitē, bis per
ianuas claudas cœnaculum miraculosē ingrediens; dum ob-
stinatē non increpat acriter, prout merebatur, sed invitat ad se,
cordiq; apprimat, dicens: *Affer manum tuam.* Vt etiā nos pati-
enti lenitate, erga proximos nostros utamur. pag: 252.

Dominus meus, & DEVS meus. Accensus Thomas ab arden-
tissima interis Christi fornace, in has pauculas erupit voces, qui-
bus magnos erga Christum comprehendit affectus Fidei, Religio-
nis, Amoris, Veritatis & nos, dum communicamus, lateriq; Chri-
sti apprimimur, in similes affectus erumpamus. pag: 111.

Natiuitas D. N. IESV Christi.

Facta est cum Angelo multitudo militia celestis exercitus, Laudanti-
um DEVM. Sicut, juxta paræmiam Salvatoris nostri, ubi suc-
rit Corpus, illuc congregabuntur & aquila; ita ubi Rex Angelorum
& Imperator celestis, illuc Legiones Angelicæ conuolare debent.
Quia ergo hodie, iste Rex, indutus loriam Corporis humani,
descendit in aciem, pugnaturus contra superbiam mundi, li-
centiam Carnis, & malitiam diaboli; ideo aduolat militia cœ-
lestis, saluat suum Principem, canit triumphantibus tubis: *Gloria*
in excelsis

INDEX LOCORVM.

In excelsis DEO. & jungit se illi in Societatem hujus belli. Et nos illi jungamur; sed prius eum nos invitantes aulcultemus. *pagina 188.*

Vidimus Gloriam ejus, gloriam quasi unigeniti à Patre plenum Gratia & veritatis. In multis quidem Christus hodie natus deficit; nam deficit in diversorio; utpote in stabulo natus: deficit in Cunis & lecto; utpote reclinatus in præsepio; deficit in famulis & satellitiis; utpote in medio duorum animalium, à Pastoribus adoratus: deficit in commoditate; utpote media hyeme, ac nocte ortus. Vnde nudus præ frigore tremat, & plorat. Non deficit tamen in Gratia, & Glória; nam ipse est plenus omnis Gratiæ Fons. *de cuius plenitudine omnes accepimus;* ipsi hodie canunt *An- geli: Gloria in excelsis DEO.* Nos non deficimus in temporalibus; non desunt nobis commoditates vivendi: Sed fortè deficimus in Gratia DEI. Ergo in illa nobis crescendo. *pag: 98.*

S. STEPHANVS Proto-Mart:

Relinquetur vobis Domus vestra deserta. Quivis homo debet esse vivum Templum DEI; sed qui caret Gratia & charitate, est Templum desertum; qui autem illam habet est Templum ornatum. S. Stephanus erat templum DEI ornatissimum; siquidem teste scripturâ, erat plenus Gratia & fortitudine. Quantis donis hoc suum Templum ornaverant Spiritus Sanctus & illa Gratia non solum gratiam faciente DEO, sed etiam hominibus, ob Angelicam modestiam, qui videbant vultum Stephani, tanquam vultum Angeli. Illa scientia & eloquentia; ita ut, non potuerint Adversarii resistere spiritui, qui loquebatur per ipsam. Illa fortitudine invictâ, quâ arguebat incredulos, mori non timens pro Christo. Quantum interest inter hominem Gratiâ præditum, & ab illâ desertum. *pag: 16.*

Lapidat eos qui ad te missi sunt. Eadem fortuna obvenit S. Stephanus; nam Lapidabant Stephanum invocantem & dicentem: *Domine ne statuas illis hoc peccatum.* Grande omnino spectaculum. Videri ex una parte furorem Iudeorum savientium, & grandinem lapidum in Sanctum Christi præconem iacentium. Ex altera verò parte spectare invictam patientiam Proto-Martyris pro suis

INDEX LOCORVM.

fuis hostibus orantis, ita; ut lapides torrentis illi dulces fuerint. Sint etiam nobis isti lapides ad ædificationem, ut discamus conitantes in perferendis alienis defectibus patientiam. pagina 170. 254.

Lapidas eoi, qui ad te missi sunt. Iacob Patriarcha obdormiens in lapide, vidit in somnis cælum apertum, & Dominum innixum scalæ. Eadem felicitas obvenit S. Stephano; nam ille inter lapides obdormiens in Domino, exclamat: *Eccce video calos apertos, & IESVM stantem à dextris virtutis DEI, Domine IESV accipe spiritum meum.* Felicem talem mortem, videre IESVM se expectantem, parantemq; amplexus animæ, ac Spiritum in manus Christi reponere. pag: 108.

S. IOANNES Evang:

Vidit Discipulum, quem diligebat IESVS. Amor verus consistit non in verbis, sed in operibus, bona amantis amato communis cantibus. Quia ergo IESVS communicavit Ioanni, quod habuit Charissimum; dum illi sub Cruce stanti, Matrem suam commendavit; sequitur, hanc dilectionem fuisse maximam. Mensuremus & nos Amorem DEI erga nos, ejusdem beneficiis. pagina 246. 255.

Vidit discipulum, quem diligebat IESVS. Magnū DEVS amorem Davidi exhibuit, dum illum appellavit Virum secundum Cor suum. Ioannes non affectivè ac denominativè, sed effectivè ac realiter fuit Vir secundum cor DEI, dum in ultima cæna supra pectus Domini recubuit: tunc enim illum Christus ita cordi suo Divino tanquam Fonti omnium bonorum coniunxit, ut ex illo fluentia secretorum cælestium copiosè hauserit: illam nimirum de Divinitate Christi scientiam, illa ardentia de Amore DEI & proximi dogmata; illa recondita mysteria, Apocalypsis in Insula Pathmos revelatæ. His ejus doctrinis illuminata Ecclesia, profligavit hæreses, & innumeris viam ad cælum aperuit. Evademus & nos Viri secundum cor DEI, si voluntatem nostram cum Divina conformemus. pag: 267.

Domine, hic autem quid? Quid ad te, tu me sequere? Posset aliquis ambigere, an ex amore erga Ioannem, hanc quæstionem Petrus proposuerit Christo, an verò ex curiositate? Si ex amo-

10 fuisse

INDEX LOCORVM.

se fuisset proposita; laudanda fuisset; nam multa in honorem Ioannis potuissent responderi, quod ille futurus esset supremus Secretarius, Cancellarius, Thesaurarius in Regno Christi. Sed apparet propositam fuisse ex humana Curiositate. hinc tam acutius repulit Christus: *Quid ad tei in me sequere.* Vt nos doceret: Elite ac benignum de aliis formandum nobis sit. iudicium, & nobis ipsis attendendum. pag: 253.

SS. INNOCENTES.

Surge, accipe puerum & Matrem ejus, & fuge in Egyptum. Vt DEVS Christum recens natum eriperet à gladio Herodis, & conservaret integrè ad ætatem longiorem; providit ad hoc media ordinaria, ut Iosephum, Matrem, admonitionem in somnis, fugam in remotam Egypti regionem, ibiq; mansionem &c. Ita cuivis homini, ut illum eriperet à damnatione æterna. & perduceret ad gloriam cælestem, providit DEUS media opportuna. pag: 23. & vult, ut illis coöperemur. pag: 91.

Herodes iratus valde, occidit omnes pueros in Bethleem. Quanta sit vis affectûs inordinati ac indomiti, patuit in Herode; quem nimia cupiditas retinendi Regni, ita excecavit, stultumq; reddidit, ut actus in furias, complura Innocentiæ millia occiderit, quatenus Infantem Christum, à solio Regio excluderet, ac seipsum in eo conservaret. Frenandæ sunt rebelles nostræ Passiones & affectus inordinati subjugandi, nè nos in multa mala præcipitent. pagina 229. 260.

Occidit omnes pueros in Bethleem, à bimatu & infra. O crudele & funestum spectaculum! Quantus hic Regis impii furor, quanta rabie, militum crudeliter sævientiæ, quantus parvulorum morientium ejulatus? quanta Parentum lamenta, quis clamor, quis ploratus, quis gemitus? quàm intensus in infante Christo omnis hæc per scientiam infusam vidente dolor? Ex his tamen malis temporalibus, elicit DEVS multa bona spiritualia; nimirum salutem æternam ipsorum infantium aliàs fortè non salvandorum; gloriam Nominis Christi, famâ cædis propagatam; magna merita Parentum, voluntatem suam cum voluntate DEI conformantium. Etiam ex mortificatione carnis nostræ & sensuum, multa sequuntur cum nota. pag: 210. 215. 261.

ERRATA

ERRATA SIC CORRIGE.

Pag: 4. ver: 11. Sol, <i>Lege</i> , Soli	Pag: 130. v. 12. <i>suxere</i> L. <i>luxere</i>
Pag: 4. v. 12. <i>vermen</i> , <i>Lege</i> , <i>vermem</i>	Pag: 131. v. 10. <i>inture</i> L. <i>intuere</i>
Pag: 7. ver: 7. & <i>Lege</i> , <i>ex</i>	Pag: 131. v. 13. <i>atterenda</i> L. <i>asserenda</i>
Pag: 12. ver: 27. <i>agit</i> <i>Lege</i> , <i>ait</i>	Pag: 131. v. 17. <i>fatam</i> <i>Lege</i> , <i>laram</i>
Pag: 19. v. 5. <i>indocto</i> <i>Lege</i> , <i>inducto</i>	Pag: 131. v. 29. <i>omissum</i> <i>est</i> <i>ardentem</i>
Pag: 20. v. 28. <i>Genitii</i> <i>Lege</i> , <i>Genit</i>	Pag: 132. v. 5. <i>magnanimis</i> L. <i>magnanim</i>
Pag: 38. v. 1. <i>positum</i> <i>Lege</i> , <i>Positum</i>	Pag: 132. v. 30. <i>tonitruis</i> L. <i>tonitruis</i>
Pag: 38. v. 16. <i>prævarientes</i> <i>Lege</i> , <i>prævaricantes</i>	Pag: 133. v. 9. <i>punc</i> <i>Lege</i> <i>tunc</i>
Pag: 38. v. 25. <i>peccetis</i> <i>Lege</i> , <i>peccatis</i>	Pag: 135. v. 7. <i>percütabor</i> L. <i>percütabor</i>
Pag: 46. v. 27. <i>oportet</i> <i>Lege</i> , <i>oportet</i>	Pag: 135. v. 14. <i>Apostolis</i> L. <i>Apostolicis</i>
Pag: 49. v. 31. <i>spectandol</i> , <i>spectaculo</i>	Pag: 135. v. penult. <i>præposuerunt</i> , <i>Lege</i> , <i>postposuerunt</i>
Pag: 54. v. 38. <i>effectivâ</i> <i>Lege</i> , <i>affectivâ</i>	Pag: 136. v. 7. <i>vias</i> <i>Lege</i> , <i>viam</i>
Pag: 54. v. 19. <i>afficit</i> <i>Lege</i> , <i>affici</i>	Pag: 136. v. 18. <i>quâm</i> <i>Lege</i> , <i>quam</i>
Pag: 58. v. 15. <i>mâjut</i> <i>Lege</i> , <i>minus</i>	Pag: 137. v. 10. <i>memento</i> L. <i>momento</i>
Pag: 67. v. 6. <i>Abfalon</i> <i>Lege</i> , <i>Abfalon</i>	Pag: 143. v. 25. <i>conferâ</i> L. <i>conferam</i>
Pag: 66. v. 30. <i>Missionarium</i> <i>Lege</i> , <i>Missionariorum</i>	Pag: 144. v. 12. <i>reperiat</i> L. <i>reperiat</i>
Pag: 67. v. 1. <i>dilatatum</i> <i>Lege</i> , <i>dilatatu</i>	Pag: 144. v. 21. <i>Tuum</i> <i>lege</i> , <i>suum</i>
Pag: 69. v. 2. <i>Pronone</i> <i>Lege</i> , <i>Propone</i>	Pag: 154. v. 18. <i>noviter</i> <i>lege</i> , <i>nofter</i>
Pag: 69. v. 21. <i>Imitare</i> <i>illa</i> , <i>omiste</i>	Pag: 156. v. 18. <i>alteratru</i> L. <i>alterutrum</i>
Pag: 72. v. 3. <i>Forma</i> <i>Lege</i> , <i>Firma</i>	Pag: 156. v. 21. <i>suare</i> <i>lege</i> , <i>suave</i>
Pag: 74. v. 36. <i>dicaret</i> , L. <i>dicarent</i>	Pag: 157. v. 15. <i>una</i> <i>lege</i> , <i>unam</i>
Pag: 78. v. 21. <i>aliorumque</i> L. <i>aliorûve</i>	Pag: 158. v. 21. <i>securura</i> L. <i>secutura</i>
Pag: 80. v. 6. <i>sensum</i> <i>Lege</i> <i>sensum</i>	Pag: 158. v. 27. <i>precario</i> L. <i>precariò</i>
Pag: 80. v. 20. <i>contrarias</i> L. <i>contrarias</i>	Pag: 161. v. 8. <i>diutius</i> <i>Lege</i> <i>diutius</i>
Pag: 80. v. 21. <i>ram</i> <i>Lege</i> , <i>iam</i>	Pag: 161. v. 17. <i>vestra</i> <i>lege</i> , <i>velpa</i>
Pag: 80. v. 26. <i>resorbeat</i> L. <i>nõ</i> <i>reiorbeat</i>	Pag: 161. v. 17. <i>sedetis</i> <i>Lege</i> <i>sedens</i>
Pag: 84. v. 4. <i>pabulum</i> L. <i>patibulum</i>	Pag: 161. v. 28. <i>incolas</i> <i>lege</i> <i>incolas</i>
Pag: 84. v. 8. <i>desituris</i> L. <i>desituris</i>	Pag: 161. v. 30. <i>amicis</i> <i>lege</i> <i>amicos</i>
Pag: 86. v. 6. <i>maixmus</i> L. <i>maximus</i>	Pag: 161. v. 30. <i>conciliate</i> L. <i>conciliare</i>
Pag: 87. v. 7. <i>stetus</i> <i>Lege</i> , <i>status</i>	Pag: 162. v. 3. <i>si</i> <i>lege</i> <i>fit</i>
Pag: 88. v. 7. <i>veniet</i> <i>Lege</i> , <i>veniat</i>	Pag: 162. v. 9. <i>in</i> <i>numera</i> L. <i>inaumera</i>
Pag: 95. v. 1. <i>rogandu</i> L. <i>rogandus</i>	Pag: 166. v. 30. <i>futur</i> L. <i>futuro</i>
Pag: 95. v. 18. <i>tali</i> <i>Lege</i> <i>talis</i>	Pag: 173. v. 9. <i>ira</i> <i>Lege</i> , <i>lra</i>
Pag: 109. v. 24. <i>in</i> <i>solitâ</i> L. <i>insolitâ</i>	Pag: 184. v. 20. <i>dilatione</i> L. <i>dilatatione</i>
Pag: 119. v. 5. <i>ulli</i> <i>Lege</i> , <i>illi</i>	Pag: 188. v. 29. <i>tales</i> <i>lege</i> , <i>talis</i>
Pag: 119. v. 21. <i>Mentiu</i> L. <i>Mentium</i>	Pag: 219. v. 30. <i>persevere</i> L. <i>perseverem</i>
Pag: 120. v. 26. <i>execrabiur</i> L. <i>execrabitur</i>	Pag: 220. v. 17. <i>imprimis</i> L. <i>in</i> <i>primis</i>
Pag: 121. v. 7. <i>DEI</i> <i>Lege</i> , <i>cæli</i>	Pag: 222. v. 31. <i>promovendas</i> L. <i>promerêdas</i>
Pag: 122. v. 22. <i>transit</i> <i>Lege</i> , <i>transit</i>	Pag: 340. v. 6. <i>de</i> <i>statione</i> L. <i>detectione</i>
Pag: 130. v. 3. <i>vendisse</i> L. <i>vendidisse</i>	



BIBLIOTHECA
VNI^{VERSITATIS} REGIÆ
BRAGOVENSIS

ce
e
nda
m
cem
m?
uis
oor
icis
nt.

to
am
it
nt
m
ter
um

io
is

s
s
ret


ra

ne


ren
tio
las
ne

or
m
p
m

o
y
k
S
y
k
d
ch
n



Biblioteka Jagiellońska



stdr0019106

